

Boerwei
Excitationes
de
Generatione
Animalium

1666







D x x

27834/B 17/12

Reynolds 40

+++ii

2



53850



GUILLIELMI
HARVEI
EXERCITATIONES
de
Generatione Animalium
PATAVII

Ex Officina Heredum Pauli Frambotti
An. salutis Reparatae. 1666
de lic. superiori

J. Baphorus f.

2001

De Regi Longgandi



EX

GE

A

De l

n

GVI

Ang

n

P A

Typis

EXERCITATIONES
De
GENERATIONE
ANIMALIVM.

Quibus accedunt quædam

De Partu: de Membranis ac hu-
moribus Vteri: & de Con-
ceptione.

A V T O R E
GVILIELMO HARVEO

*Anglo, in Collegio Medicorum Londi-
nensium Anatomæ & Chirurgiæ
Professore.*

Cum Elencho Exercitationum.



P A T A V I I, M.DC.LXVI.

Typis Heredum Pauli Frambotti, Bibliop.
Superiorum Permissu.

Modi

CHICAGO
PUBLIC LIBRARY

55350



Rev. Antonio
Ord.

Per
D
ME
Petr
or



tiss.
tas m
fia, f
tanti
oprimo
opuscu
tura m
alque
fuit: T
te at
geno

Perillustri ac Excellentiss. D.

D. PETRO ANGELO
DIAMANTI

MEDICO, ET PHILOSOPHO
præstantissimo.

Petrus Maria Frambottus
observantissimus cultor.
S. D.



*Agnorum virorum ope-
ra non nisi magnis viris
dicanda esse nemo est,
qui neget Vir Excellen-
tiss.: & de arcanis Naturæ tracta-
tus nulli iustius, quàm Naturæ my-
stæ, feliciter uniuersi arcana scru-
tanti nuncupari debent. Iure igitur
optimo præclarissimi huius auctoris
opusculum tibi eiusdem matris Na-
turæ mysteria felici manu tractanti,
atque aperienti dicandum omninò
fuit: Tibi inquam, qui vel ab ineun-
te ætate vitæ probitatem cum omni-
geno virtutum & doctrinarum ge-
nere*

DEDICATIO.

nere ita coniunxisti; ut Christiana pietate vnde quaque tuis in moribus effulgente, in Apollinea medendi facultate eximiam tibi famam iam pridem comparaueris: & quidem ita, ut fulgidum tui nominis iubar nobiliorum ac principum virorum oculos, ac liberalissimam ad se munificentiam conuertat. Nec id mirum, cum ipse quasi terrenum Numen pæonia ac salutari manu æquæ scias, & à languentum corporibus morborum monstra fugare; & iam conclamatorum animas ex orci tenebris ad uitæ lumina, Parcis obstupescitibus, retrahere. Hinc tantarum rerum fama non solum regiones hasce nostras, finitimasque vrbes tuo nomine impleuit; sed etiam remotiores prætergressa limites, ipsa iam Italia tota peruagatur.

Nec verò Petrum Antonium filium tuarum virtutum heredem, inferiorem vlla in re futurum diuinamus, ac præuidemus; qui paterna vestigia presso iam pede terens, doctoralem lauream affecutus, mitioribusque

DEDICATIO.

ribusque literis optime excultus,
tanto parente se dignum filium strenue præstat.

Rogo igitur te Vir præclarissime,
ut hilari fronte, libentique animo
suscipias, non quidem HARVEI
hoc opusculum; quod propter eximias
eius doctrinas gratissimum tibi
fore satis superque exploratum habeo;
sed studium in te meum, atque
hoc quaecunque est addictissimi animi
argumentum, maiora fortasse, si
Deus annuerit, aliquando daturi;
quod quidem pro tua in omnes humanitate,
non gravate facturum persuasissimum habeo. Vale.

Patauij xiii. Kal. Ian. M. DC. LXVI.



ratio
anato
enim
five
dita
erem
stud
exp
ex n
cont
illu
vel
min
do
esse
sup
pro



PRÆFATIO.



Vod multi à me petierunt, aliqui etiam efflagitarunt; non ingratum fore spero. (Lector candidè!) si, quæ de *Gene-*

ratione animalium ex dissectionibus anatomicis observare licuit, (aliter enim multò, quam ab auctoribus, siue Philosophicis, siue Medicis tradita est, rem omnem deprehendi) exercitationibus hisce, in veritatis studiosorum gratiam, & utilitatem, exposuero.

Medici omnes, *Galenum* sequuti, ex maris & foeminae seminibus in coitu mixtis, secundum huius vel illius prædominium, foetum huic, vel illi similem; marem item, vel foeminam procreari docent. Et aliquando maris semen efficiëntem causam esse, foeminae autem materiae vicem supplere; nonnunquam, contrarium profitentur.

P R Æ F A T I O.

Aristoteles autem (naturæ dili-
gentissimus investigator) affirmat ,
principia generationis esse marem ,
& foeminam: hanc, materiam; illū ,
formam tribuere : & à coitu protin-
us ex menstruo sanguine in utero
efformari principium vitale , pri-
mamque futuri foetus particulam,
(cor nempe in sanguineis) asserit.

Verum hæc falsa, & temere dicta
esse, facile constabit; & veluti tene-
brarum phantasmata (adhibita luce
anatomica) subito evanescent, nec
redargutionem operosam requirēt,
ubi per autopsiam contraria, eaque
rationi consentanea, ipsimet (Le-
ctor!) propriis oculis certior factus,
deprehenderis; simulque intellexe-
ris, quam firmitutum, imò verò tur-
pe, citra rerum ipsarum examen, ex
aliorum commentariis institui; præ-
sertim, cum tam apertus facilisque
Naturæ liber sit.

Quæ igitur, in his meis *Exerci-*
tationibus, de animalium generatio-
ne traditurus sum, ea publici juris
esse volui; non modò ut certam in-
dè perspicuamque veritatem Po-
steri discernant; sed etiam, & qui-
dem

P R E F A T I O.

dem præcipuè, ut (exposita, qua
ego usus fuerim, indagandi metho-
do) novam studiosis, & (nisi me
fallit animus) certiore semitam
ad scientias adipiscendas propone-
rem.

Quamvis enim iter novum & ar-
duum sit, naturam scrutandò, po-
rius ex rebus ipsis, quàm libros evol-
vendo, ex Philosophorum placitis
erudiri: illud tamen ad naturalis
Philosophiæ arcana apertius, minus-
que in fraudem ducens agnoscen-
dum est.

Nec est, cur iure quempiam la-
bor deterreat; si modò secum animo
reputaverit, hoc ipsum, quod vivi-
mus, ab indefatigabili cordis nostri
agitatione proficisci. Neque profe-
ctò tam desertum & solitarium hoc
iter foret, nisi more (aut vitio po-
tius) sæculi in quo degimus, pluri-
mi ad ignaviam proclives, mallent
cum turba errare, quàm cum labo-
ris ærisque impendio privatim fa-
pere: cum tamen veteres Philoso-
phi (quorum nos etiam laudamus
industriam) contrarium prorsus iter
institerint; atque indefessis labo-
ribus

P R Æ F A T I O.

bus varia rerum experimenta inquir-
rentes, haud dubiam lucem studiis
nostris prætulerint. Adeò ut, quic-
quid ferè hætenus in Philosophia
eximii compertique habemus, id
ipsum ad nos ab antiquæ Græciæ se-
dulitate profluxerit. Eorum tamen
inventis dum acquiescimus, credi-
musque (quæ nostra est locordia)
nihil ulterius reperiri posse; vivida
ingenii acies languescit, & lampada
quam nobis tradiderunt, extingui-
mus. Non omnem certè veritatem
à Veteribus occupatum esse, quili-
bet fatebitur; nisi qui multa nuper
in Anatomicis (ut alias nunc artes
taceam) scitu digna inventa esse
ignoraverit. Idque ab iis potissi-
mum factum est, qui vel sedulò in
rem aliquam intenti, in aliam for-
tuitò inciderunt; vel (quod magis
laudabile) propriis oculis Naturæ
ductum sequuti, per anfractuosa
quidem, sed certissima vestigia, ad
veritatis tandem apicem pertinge-
runt. In tali profectò, opere, non
fatigari solum, sed etiam fatiscere
suave est: ubi indagandi fastidium,
ipsa intuendi voluptate abunde cõ-

pen-

P R Æ F A T I O.

pensatur. Solemus, rerum novarum cupidi, procul in ignotas terras excurrere, ut audita ab aliis ipsimet propriis oculis intueamur: ubi tamen plerunque

--- Minuit presentia famam.

Pudeat itaque, in hoc Naturæ campo tam spaciofo, tam admirabili, promissisque maiora semper persolvente, aliorum scriptis credere; & incerta indè problemata cudere; & spinosas, captiosasque disputationunculas necere. Natura ipsa adeunda est; & semita, quam nobis monstrat, insistendum: ità enim dum oculos nostros consulimus, & à minimis exorfi ad maiora promovemus pedem, ad intima tandem ipsius arcana penetrabimus.

De modo, & ordine acquirenda cognitionis.

QUamvis ad scientiam quamlibet via unica pateat, quæ nempe à notioribus ad minùs nota, & à manifestis ad obscuriorum notitiam progredimur; atque universalia nobis præcipuè nota sint (ab uni-

P R Æ F A T I O.

universalibus enim ad particularia
ratiocinando, oritur scientia;) ipsa
tamen universalium in intellectu
comprehensio, à singularium in sen-
sibus nostris perceptione exsurgit.
Ut verissimum sit utrumque *Aristo-*

1. *telis* pronuntiatum; tum illud in
c. 3. *Physicis*; Naturaliter constituta est
via ab iis quæ sunt nobis notiora &
clariora, ad ea quæ sunt clariora &
notiora natura. Non enim eadem
sunt & nobis nota, & simpliciter:
quate necesse est hoc modo progredi;
nimirum, ex iis quæ natura quidem
sunt obscuriora, nobis tamen sunt
clariora; ad ea quæ sunt notiora &
clariora natura. Ea verò sunt nobis
primùm perspicua & manifesta, quæ
sunt magis confusa. Idcirco ab uni-
versalibus ad singularia progredi
oportet: totum enim secundùm sen-
sum notius est; universale autem est
totum quiddam. Tum etiam illud in
Post. Analyticis: Singularia nobis notio-
ra, & secundùm sensum priora exi-
stunt: siquidem nihil est in intellectu,
quod non prius fuerit in sensu. Et li-
cet ratiocinatio naturaliter prior &
notior sit, quæ per syllogismum insti-
tuitur,

P R Æ F A T I O.

intuitur; nobis tamen illa perspectior est, quæ fit per inductionem: ideoque facilius definimus singularia, quam universalia; latet enim magis equivacatio in universalibus; quapropter à singularibus ad universalia transferendum est.

Conveniunt illa, quæ jam diximus; licet primo intuitu inter se pugnant videntur: quoniam universalia primò per sensum à singularibus hauriuntur; & eatenus duntaxat nobis notiora sunt, quatenus universale est totum & indistinctum quid; totumque nobis notius est, secundum sensum. Licet enim in omni cognitione à sensu ordiamur, quia (ut ibidem Philosophus) sensibilia singularia sensu notiora sunt; ipsa tamen sensatio est universalis. Nam (si bene animum adverteris) etsi in sensorio externo, dum sentimus, inest singulare; puta, color citrinus, in oculo: quod indè tamen abstractum à sensorio interno iudicatur & intelligitur, universale est. Unde fit, ut plures eodem tempore, ab eodem obiecto, varias species abstrahant, & notiones diversas con-

P R Æ F A T I O.

cipient. Quemadmodum in picto-
 ribus, & poetis videre est: qui licet
 eodem tempore, & loco, cæterisq;
 omnibus circumstantiis conveniē-
 tibus, unum aliquod, idemque ob-
 jectum intuiti fuerint; id ipsum ta-
 men singuli diversimodè referunt,
 & describunt: prout nempe quisque
 species differentes in phantasia ef-
 formaverit. Ità pictor quilibet, ali-
 cuius vultum delineaturus, etiamsi
 millies id agat, varias semper depin-
 git facies, easque non modò discre-
 pantes à se invicem, sed etiam à pri-
 mo exemplari: tam exiguo tamen
 discrimine, ut si singulas seorsum
 intuearis, easdem putes; collatæ ve-
 rò, plurimùm discrepent. Huius
 autem rei hæc causa est: Quod in
 ipsa visione, sive actu videndi sin-
 gulare, clarum, & distinctum erat;
 id ipsum mox, remoto visibili (clau-
 sis nimirum oculis) in phantasia ab-
 stractum, vel in memoria reserva-
 tum, obscurum & indistinctum ap-
 pareret; neque amplius ut singulare,
 sed ut commune quiddam, & uni-
 versale apprehenditur.

Subtilitatem hanc Seneca, ad mē-
tem

P R A E F A T I O.

tem Platonis, verbis disertissimis explicuit. *Idea*, inquit, est eorum, ^{Ep.} qua natura fiunt, exemplar aeternū. ⁵⁸ Adiciam definitioni interpretationem, quò tibi res apertior fiat. Volo imaginem tuam facere: exemplar picturae te habeo, ex quo capit aliquè habitum mens, quem operi suo imponat. Ita illa quae me docet & instruit facies, à qua petitur imitatio, *Idea* est. Paucisque interpositis ait: Paulò antè pictoris imagine utebar: ille, cum reddere Virgilium coloribus vellet, ipsum intuebatur; *Idea* erat Virgilii facies, futuri operis exemplar: ex hac quod artifex trahit, & operi suo imposuit, id est. Quid inter sit, quæris? Alterum exemplar est, alterum forma ab exemplari sumpta, & operi imposita: alteram artifex imitatur, alteram facit. Habet aliquam faciem statua, hæc est *Idos*: Habet aliquam faciem exemplar ipsum, quod intuens opifex, statuam figuravit; hæc *Idea* est. Etiamnum aliam desideras distinctionem? *Idos* in opere est; *Idea* extra opus: nec tantum extra opus est, sed ante opus. Quæ enim prius animadver-

P R A E F A T I O.

sa sunt, atque usu, sive consuetudine firmiter impressa manent in animo artificis, ea artem ipsam, habitumque effectivum constituunt: siquidem ars est ratio operis, in animo Artificis. Quo pacto igitur ars nobis advenit; eodem omnino cognitio omnis & scientia acquiritur: nam ut ars circa facienda, ita scientia circa cognoscenda, est habitus: ut illa ab imitatione exemplarium; ita hæc, à rerum naturalium cognitione procedit. Vtriusque origo est sensus, & experientia; cum fieri nequeat, ut alterutri (nisi spectatis exemplaribus) rectè insit vel ars, vel scientia. In utrisque differt id, quod in rebus sensibilibus speculamur; à spectro ipso, quod in phantasia, vel memoria retinetur. Illud exemplar, Idea, forma informans, hoc, imitandum, Idos, species abstracta. Illud res naturalis, ens reale; hoc representatio, sive similitudo, & ens rationis. Illud, circa rem singularem versatur, ipsumque est singulare, & individuum: hoc, universale quid, & commune. Illud, in omni artifice & sciente, est sensibile, clarius, &

per-

P R Æ F A T I O.

perfectius: hoc, intelligibile & obscurius. Quippe certiora nobis, & manifestiora, quæ à sensu percipiuntur, quàm quæ ab intellectu; siquidem hæc ab iis proveniunt, & illustrantur. Denique, sensibilia sunt per se, & priora: intelligibilia autem, posteriora, & ab illis orta; cum nobis ne inesse quidem possint, citra illorum opem.

Quare, absque recto sensus adminiculo, crebris observationibus, certaque experientia adhibito; de phantasmatis & apparentiis mente nostra comprehensis, perperam judicabimus. In omni nempe disciplina, diligens observatio requiritur, & sensus ipse sæpe consulendus est. Propria, inquam, experientia nitendum est, non aliena, qua sine, nemo idoneus ullius naturalis disciplinæ auditor; aut de iis, quæ de generatione dicturus sum, æquus Iudex fuerit; siquidem ista citra experientiâ, & Anatomicam peritiâ, haud melius intellexerit, quàm cæcus natus, de colorum natura, & discrimine; aut surdus, de sonis judicaverit. Quapropter (cordate Lector!) no-

P R Æ F A T I O.

lo mihi, de *Generatione animalium* scribenti, quicquam credas: ipsos oculos tuos mihi testes, & iudices appello. Quoniam enim scientia omnis perfecta, iis principiis innitur, quæ ex sensu compertis originem ducunt; singulari cura enitendum, ut per frequentes animalium dissectiones, eadem perspecta & explorata habeas. Secus si feceris, opinionem quidem tumidam, & fluctuantem acquires; solidam autem, certamque scientiam non assequeris. Quemadmodum iis usû venit, qui in sculptis pictisve tabulis, longinquas terras, atque urbes, vel corporis humani partes interiores, sub falsa imagine intuentur. Atque hinc factum, ut luxuriante hoc ævo, plurimi sint scriptores, & sophistæ; pauci admodum sapientes, & Philosophi.

Atque hæc, velut in promulgandem, prælibare placuit; ut intelligas, quibus auxiliis fretus, & quo consilio ductus, observationes has meas, & experimenta publici juris fecerim. utque ipsemet, iisdem vestigiis insistens, non modò inter *Aristotelem*

Aristotelem

P R Æ F A T I O

Aristotelem, & Galenum æquum iudicium feras; sed relictis argutiis, & verisimilibus coniecturis, ipsamque autopsiam amplectendo, plurima adhuc aliis incognita, & quidem præstantiora, reperias.

De iisdem, ad mentem Aristotelis.

N Vlla cognitio nobis innata est, ex sententia *Aristotelis*. Neque enim opinio, nec ars, nec intellectus, nec loquela, nec ratio ipsa, à natura, & ortu primo nobis insunt: sed omnia hæc in eorum censu habenda, quæ extrinsecus nobis secundum naturam adveniunt: Ut etiam qualitates, & habitus illi, qui spontanei existimantur, & in potestate nostra siti sunt; ut virtutes, & vitia, ob quæ homines vel laudantur, vel vituperantur, & puniuntur. Acquirenda igitur est cuiuslibet rei notitia. Quænam verò sint prima huius cognitionis principia, non est huius loci determinare.

Vnde autem, & quomodo, ipsa notitia nobis adveniat, hic præmittere, non inutile fore arbitror; tum

ad

B R E V I A T I O.

ad perfectiorem de generatione animalium intelligentiam, tum etiā ad tollendum dubium, quod ex Aristotelis sententia quis deduxerit. Hic enim doctrinam omnem, & disciplinam dianoeticam, ex antecedente cognitione fieri, asserit: Unde videatur sequi, aut nullam esse notitiam primam, aut illam nobiscum nasci; quod prædictis est dissentaneum.

16. l. Dubium hoc postea ab ipso met
2. c. Aristotele solvitur; ubi modum,
ult. quomodo cognitio acquiratur, docet. Nam postquam cognitionem omnem certam, per syllogismum, & demonstrationem haberi docuerat; atque omnem syllogismum demonstrativum, ex primis principiis, veris, & necessariis constare, manifestum fecerat; tandem, quomodo principia nota fiant, & quis sit notificans habitus, inquit; simul etiam, utrum habitus, cum non insint, ingenerentur an, cum inessent, laterent? Non habemus (inquit) eos habitus; accidit enim ut eos qui habent cognitiones demonstratione, lateant. Si verò eos accipimus, cum antea non habere-

P R Æ F A T I O.

beremus, quomodo notū faceremus;
 & disceremus ex non antecedente
 cognitione? Perspicuum igitur est,
 neque haberi, nec in ignorantibus, ac
 nullo habitu præditis gigni posse. Qua
 re necesse est, facultatemque andam
 haberi non tamē talem, quæ his præ-
 stantior sit, tanquam exquisitior. Vi-
 detur autem hoc inesse omnibus ani-
 malibus: habent enim vim congeni-
 tam iudicativam, quam appellant
 sensum. Cum autem sensus insit; in
 aliis animalibus, res sensu percepta
 manet, in aliis, non manet. In quibus
 igitur non manet; hæc aut omnino,
 aut eorum quæ non manent, cognitio-
 nem non habent, extra τὸ sentire:
 alia verò cū sentiunt, unum quid
 in anima retinent. Cū autem mul-
 ta animalia huiusmodi sint, iam est
 descrimen quoddam; adeò ut in aliis
 ratio fiat ex huiusmodi rerum me-
 moria; in aliis, non fiat. Ex sensu igi-
 tur fit memoria, quemadmodum di-
 cimus: ex memoria verò sape eius-
 dem rei facta, fit experientia. (mul-
 ta enim numero memoria, sunt una
 experientia.) At verò ex experien-
 tia, sive ex omni & universali quie-
 scente

P R Æ F A T I O

sciente in anima (nimirum, uno præter multa, quod in omnibus illis inest unum & idem) fit principium artis, & scientiæ artis, si pertineat ad generationem; (viz. agenda, vel efficienda;) scientiæ, si pertineat ad id quod est (viz. cognitionem entis.) Itaque nec insunt definiti habitus; nec fiunt ex aliis habitibus notioribus, sed ex sensu.

Quibus Aristotelis verbis clarè constat; quo ordine cuiuslibet artis, aut scientiæ cognitio acquiratur. Nempe, ex sensu permanet sensatum: ex permanentia sensati, fit memoria: ex multiplici memoria, experientia: ab experientia, ratio universalis, definitiones, & maxima, sive axiomata communia, cognitionis certissima principia. ex.gr. Idem, eidem, secundum idem, esse, & non esse, impossibile. Omnis affirmatio, vel negatio, aut vera est, aut falsa; & huiusmodi alia.

Quare, aut suprà diximus, nulla perfecta cognitio, quæ nostra appellanda sit, nobis inest; nisi ab experientia à nobis facta, & sensu nostro, aliquo modo proficiscatur; vel
tal-

P R Æ F A T I O.

saltem ab his examinetur, comprobetur, & super cognitionem aliquā in nobis præexistentem firmissimè extracta appareat. Quippe sine memoria, nulla fit experientia; quæ nihil aliud est, quàm multiplicata memoria: similiter, memoria esse nequit, sine permansione sensati: & sensatum permanere non potest, in quo nunquam fuerit.

Elegantissimè iterum, ad eundem sensum, summus Philosophiæ Dilector: *Omnes homines natura scire desiderant.* ^{Meta} *Signum autem est, sensum dilectio: inter quos, præ ceteris, visum eligimus; quia hic vel maximè nos cognoscere quicquam facit, multasque differentias manifestat.* ^{ph. 1, 1. c. 1.} *Natura itaque animalia sensum habentia fiunt: à sensu verò quibusdam eorum non innascitur memoria, quibusdam autem innascitur. Et ob hoc, alia prudentia, alia disciplinarum capaciora sunt, quàm illa quæ memorare non possunt. Prudentia quidem, absque eo quod discant; quæcunque scilicet audire sonos non possunt, ut apes, & si quod animalium genus simile est. Discunt autem quæ-*

†† cum-

P R A E F A T I O.

cunq̃ue nūc cum memoria hunc quo-
que sensum habent . Cetera igitur
phantasiis ac memoriis vivunt ; ex-
perientia verò parū participat .
Humanum autem genus arte etiam
ac ratiocinationibus . Fit autem ex
memoria , experientia hominibus ,
multa etenim eiusdem rei memoriae
unius experientiae vim efficiunt . Qua
re experientia penē simile quid scien-
tia ac arti esse videtur . Per experien-
tiam autem ars & scientia homini-
bus efficitur . Experientia enim (ut
rectē ait Polus) artem efficit , impe-
ritia verò casum .

Apud
Plat.
in
Gor-
gia .

Quibus manifestē docet , non
posse quempiam prudentem , aut
scientem verē dici , qui non propria
experientia (ex multiplici memoria ,
frequenti sentatione , atque obser-
vatione diligenti acquisita) rem itā
prorsus sese habere intellexerit . Si-
ne illa enim , opinamur duntaxat ,
aut credimus : scientia autem talis ,
aliorum potius , quā nostra censen-
da est . Quare inepta prorsus , & er-
ronea est , usitata hodie veritatis in-
dagandæ methodus : dum plurimi
sedulō inquirunt , non quid res sint ,
sed

P R Æ F A T I O.

sed quid ab aliis dicantur: deducta-
que ex singularibus præmissis uni-
versali conclusione, factoque inde
sæpe perperam analogismo, verifi-
milis plerunque ad nos, pro veris,
transmittunt? Hinc factum, ut scio-
li multi, & Sophistæ, aliorum invē-
ta expilantes, eadem passim (ordine
solummodo, verbisque immutatis,
paucisque nullius momenti adje-
ctis) pro suis audacter venditent;
Philosophiamque, (quam certam,
& perspicuam esse oportuit) obscu-
ram, intricatam, & confusam red-
dant. Qui enim Autorum verba le-
gentes, rerum ipsarum imagines (eo-
rum verbis comprehensas) sensibus
propriis non abstrahunt, hi non ve-
ras Ideas, sed falsa Idola, & phan-
tasmata inania mente concipiunt;
unde umbras quasdam & Chimeras
sibi fingunt; totaque ipsorum theo-
ria, siue contemplatio, (quam tamē
scientiam arbitrantur) vigilantium
insomnia, aut ægrotantis animi de-
liria representat.

Insusulto itaque in aurem tibi,
(amice Lector!) ut, quæcunque à
nobis in hisce de *Generatione Ani-*

P R Æ F A T I O.

malium exercitationibus tractabuntur, ad exactam experientiae trutinam pensites; fidemque iis non aliter adhibeas, nisi quatenus eadem indubitato sensuum testimonio firmissimè stabiliri deprehenderis. Idem quoque suavit Aristoteles; qui, cum de apibus plucula egisset, tandem ait: *Generatio apum ita se habere videtur, tum ratione, tum etiam* *iis quæ in earum genere evenire videntur.* Non tamen satis adhuc explorata, quæ eveniant, habemus. Quod si quando satis cognita habebuntur, tunc sensui magis erit, quam rationi credendum. Rationi etiam fides adhibenda est; si, quæ demonstratur, cum iis rebus conveniunt, quæ sensu percipiuntur.

De
gene.
an. l.
3.c.10

De Methodo in cognitione Generationis adhibenda.

Quoniam igitur in Generatione animalium (ut etiam in cæteris rebus omnibus, de quibus aliquid scire cupimus) inquisitio omnis à causis petenda est, præsertim

P R A E F A T I O.

tim à materiali, & efficiente; visum est mihi, ad animalia perfecta retrospectiendo, (quibus nempe gradibus orta, & adulta fuerint) tanquam à meta ad carceres, vestigia recolligere: ut tandem, cum ulterius non detur regressus, nos ad ipsa principia pervenisse constet: simulque appareat, ex qua materia prima, à quo efficiente principali, & quomodo ex iisdem procedat vis plastica: tum etiam, quos processus in hoc opere natura faciat. Materia enim prior, & remotior, auferendo, vel negando, (tanquam vestitu exuta) magis inclarescit; & quicquid in generatione prius sit, id quasi materiale principium quoddam est posterioris. Ità, ex. gr. antequam homo vir evaderet, erat puer, quippe ex puero in virum crevit: antequam puer esset, fuit infans; antequam infans, embryo. Quarendum autem porro, quidnam in utero materno fuerit, antequam embryo, sive fœtus esset. Num tres bullæ? sive rudis, indigestaque moles? seminumve permistorum conceptus, vel coagulum? sive aliud quippiam? prout ab

P R Æ F A T I O.

Autoribus statutum est.

Similiter, antequam gallus, vel gallina perficitur, (perfectum auté animal dicitur, quod sui simile generare potest) pullus erat; ante qué pariter, in ovo, embryo sive fœtus cernitur: atque ante hunc, *Hieronymus Fabricius ab Aquapendente*, capitis, oculorum, & spinæ rudimenta observavit. Sed cum asserit, ossa prius facta esse, quàm musculos, cor, jecur, pulmones, omniaque præcordia; & interiora omnia, prius exterioribus debere existere, contendit; rationibus potius nititur probabilibus, quàm autopsia; & posthabito per dissectiones, sensuum iudicio; ad ratiunculas è mechanicis petitas confugit: quod Anatomici egregium minimè decuit. Hujus enim erat, oculorum bona fide enarrare, quid in ovo quotidie mutatum deprehenderit, antequam fœtus in eodem perficeretur. Prætertim cum ipsemet ex professo de *Generatione pulli ex ovo* historiam scripserit; &, quid singulis diebus ageretur, picturis adumbraverit. Erat, inquam, tantæ diligentia con-

sen-

P R Æ F A T I O.

sentaneum, quid in ovo prius, simul, aut posterius fieret, ipso sensuum testimonio nos certiores facere: non autem, ad exemplum domus, aut navis, de ordine partium, & formationis modo, opinionem, sive coniecturam umbratilem proponere.

Nos igitur (secundum methodum à nobis propositam) primum in ovo, deinde in aliis quoque diversorum animalium conceptibus, quid prius, & quid posterius à summo naturæ numine, cum providentia, & intellectu inimitabili, ordineque admirabili constituatur, exponemus; simulque tandem, de materia prima ex qua, & efficiente primo à quo, deque generationis ordine, & œconomia, quæ observata à nobis fuerint, enarrabimus: ut inde, de quacunque formatricis, & vegetantis animæ facultate, ex operibus ipsius; de animæ natura, ex membris, sive organis, eorumque functionibus, aliquid certi intelligamus.

Non potuit quidem hoc fieri in omnibus animalibus; tum, quod aliquorum copia non suppeteret;

tum

P R Æ F A T I O.

tum etiam, quòd quorundam subtilitas visus nostri aciem effugeret. Sufficiet igitur, quòd in quibusdam generibus, nobis notioribus, id præstiterimus; ad quorum normam, reliquorum etiam animalium primordia reducantur.

Ea itaque elegimus, quæ fidem nobis in experiendo magis indubitatam redderent: animalia nempe majora, perfectiora, & quæ in potestate nostra sita essent. In maioribus enim, magis conspicua; in perfectioribus, distincta magis; & in iis, quæ in potestate nostra sunt, & nobiscum versantur, maximè obvia sunt omnia: ut fas sit, (quoties libuerit) eadem introspicendo, observationes nostras ab incertis hæsitationibus expedire. Atque hujusmodi sunt, in oviparorum quidem genere, gallina, anser, columba, anas, pisces, crustata, testacea, mollia, ranæ, serpentes; insecta, ut apes, vespæ, papilioes, bombyces: in viviparorum autem censu, oves, capræ, canes, feles, jumenta bisulca; & præ cæteris, animalium omnium perfectissimus, homo ipse.

His

P R Æ F A T I O.

His perspectis, & cognitis, naturā animæ vegetativæ abstrusā contemplari; & in omnibus animalibus, generationis modum, ordinem, atq; causas intelligere licebit: quia cætera animalia omnia, cum jam dictis, aut eorum nonnullis, in eadem specie, aut genere conveniunt; & eodem generationis modo procreantur, vel saltem ad illa per analogiam referri possunt. Natura enim divina, & perfecta, in iisdem rebus semper sibi consona est. Et sicut opera ejus vel conveniunt, vel discrepant (nempe aut genere, aut specie, aut proportionem aliqua) ita & operatio ejusdem, (generatio scilicet sive fabricatio) in iis, vel eadem, vel diversa est. Qui novum, hoc atque inusitatum iter ingreditur, & ex ingenti naturæ volumine, per dissectiones anatomicas, ac experimenta, veritatem inquirat; ei tanta observatorum copia, tamque peregrina facie sese offert; ut à se inventa, & observata explicare aliis ac describere difficilius possit, quàm ipsi met eadē invenire laboriosum fuerat: adeò multa occurrunt, quæ nominata


P R Æ F A T I O.

mina desiderant; tantaque est rerū
 fœcunditas, & verborum egestas.
 Quod si per metaphoras ea explica-
 re, & antiquis atque usitatis voca-
 bulis, conceptus suos de nuper-
 pertis exprimeret; ea lector haud
 meliùs, quàm ænigmata, intelligen-
 ret; remque ipsam, haud visam, neu-
 tiquam assequeretur. Nouis autem,
 fictisque appellationibus usus, sen-
 tentiæ suæ non tam faciem adhibe-
 re, quàm nubem offundere videretur.
 Scilicet, ignotum, per ignotius
 exponeret: maioremque operam le-
 ctor verborū interpretationi, quàm
 rerum ipsarum intellectui impenderet.
 Ideoque rerum inexpertis,
Aristoteles multis in locis obscurus
 creditur: & fortassis ob hanc causam,
Fabricius ab Aquapendente fabricam
 pulli in ovo picturis potius
 ostendere, quàm verbis explicare
 maluit.


Quare, Lector benevole, nè ægrè
 feras, si in exornanda ovi historia,
 & generationis pulli descriptione,
 nova methodo, & verbis aliquando
 insolitis usus fuerim: neve existi-
 mes, me Vanæ gloriolæ studio po-
 riùs

P R Æ F A T I O.

tiùs innotescere, quàm veris, & ex
rerum natura depromptis observa-
tionibus, prodesse, maluisse. Id ne
fieret, aliorum, qui in hoc negotio
mihi facem patulerunt, insisto ve-
stigijs; eorumque (quoad licuit)
utor verbis. Præ cæteris autem,
Aristotelem ex antiquis; ex recen-
tioribus verò Hieronymum *Fabri-*
cium ab Aquapendente, sequor; il-
lum, tanquam *Ducem*; hunc, ut *Præ-*
monstratorem. Quemadmodum
enim qui novas terras, & peregrina
litora primi reperiunt, nova illis
nomina imponunt, quæ apud poste-
ros manere solent; ità quoque invē-
toribus rerum, primisque scriptori-
bus, rebus ab iis repertis impositio
nominum bono iure debetur. Au-
dioque hic Galenum monentem,
modo de rebus constet, de verbis non
esse litigandum.



AB



Handwritten text, likely a list or index, visible on the right edge of the page. The text is faint and difficult to read, but it appears to be organized in a structured manner, possibly as a table of contents or a list of entries.

DE
GENERATIONE.

AB OVO GALLINACEO
cur ducatur exordium.

EXERCITATIO I.



Ieronymus Fabricius ab Aqua-
pendente (quem mihi, ut dixi,
præmonstratorem constitui)
initio libri sui de Formatione
ovi & pulli, hæc habet: Inten-

tio nostra est, de omni formatione fœtus age-
re; initio ab ea, qua ab ovo procedit, desumpto.
Hæc enim omnem aliam tractationem præ-
cedere debet: tum quia ex hac Aristotelis
opinionis intelligentia non difficulter elicitur,
& habetur; tum quia tractatio formatio-
nis fœtus ex ovo amplissima est; & altera
longè latior, & difficilior.

Nos autem ab ovi historia exordiendum
duximus, tum ob prædictas causas; tum
etiam, quia inde certiora dogmata mucua-
mur, quæ (utpote notiora nobis) quorum-
libet animalium generationis contempla-
tioni lucem afferant. Ova enim cum par-
vo consent, omni que tempore, & loco in
promptu sint, facile ex ijs observatum est,

A

qua

2. *Ab ovo gallinaceo cur ducatur exord.*
quænam sint clara & distincta generationis
primordia; quos in formatione progressus
natura faciat; & quam admirabili providen-
tia omnia in hoc opere gubernet.

Pergit Fabricius: *Amplissimam autem*
esse formationis fœtus ex ovis contemplatio-
nem, ex eo patet, quod maxima animalium
pars ex ovis gignitur. Nam ut insecta ferme
omnia, & imperfectiora omittam animalia,
quæ ex ovo fieri, sensui apparet; ex perfectio-
ribus quoque maxima pars ex ovis gignitur.
Ad hunc censum refert pennata omnia; pi-
sces quoque (præter sola cotacea) omnes item
crustacea, testacea, & mollia omnia, ex ter-
restribus, reptilia, multipedia, & serpentina
omnia; atque, inter quadrupedia, omne la-
certorum genus.

Nos autem asserimus, (ut ex dicendis
constabit) omnia omnino animalia, etiam
vivipara, atque hominem aded ipsam ex
ovo progigni, primosque eorum conceptus,
è quibus fœtus fiant, ova quædam esse; ut
& semina plantarum omnium. Ideoque
Arist. non ineptè ab Empedocle dicitur. *Ovipa-*
rum genus arboreum. Habet itaque historia
gen. ovi fusio rem contemplationem; quod ex
an. 1. ea generationis cujuscumque modus elucescat.
1. c. Quare de eo primum dicemus, ubi, un-
29. de, & quomodo oriatur. Deinde, quo pa-
cto, & ordine, quibusque gradibus, fœtus,
sive pullus in ovo, & ex illo formetur, &
perficiatur, dispiciemus.

Iterum Fabricius: *Animalium fœtus, alius*

Ab ovo gallinaceo cur ducatur exord. 3
ex ovo, alius ex semine, alius ex putri gigni-
tur; undè alia ovipara, alia vivipara, alia
ex putri, seu sponte natura nascentia, aut o-
mata Græcè dicuntur.

Mihi vero hæc divisio min' s placet; cum
omnia animalia dici possint quodam modo
ex ovo; & quodam modo ex semine oriri;
& à *partu* potius, quàm à prima origine,
ovipara, vivipara, sive vermipara dicantur;
quoniam vel ovum, vel vermem, vel vivum
animal pariunt. Item *sponte nascentia* di-
cuntur; non quod ex *putredine* oriunda sint;
sed quod casu, naturæ sponte, & æquivoca
(ut aiunt) generatione, à parentibus sui
dissimilibus proveniant. Quippe alia etiam
animalia, ovum, aut vermem, tanquàm
conceptum suum & *semen* pariunt; ex quo
postea, foris expectito, fœtum produciunt:
unde *ovipara*, aut *vermipara* appellantur.
Vivipara autem dicuntur, quia conceptum,
sive semen tandiu intra se retinent, & fo-
vent, donec fœtus indè vivus, & formatus
in lucem prodeat.

DE GENERATIONIS

loco.

EXERCITATIO II.

Natura (inquit Fabricius) imprimis
de loco fuit sollicita; quærit aut in ani-
mali, aut extra animal constituit: atque in

A 2 ani-

4 De Generationis loco.

animali, uterum esse voluit; extra verò, ovum: in utero quidem, ex semine, & sanguine; in ovo verò, ex ijs, quæ in ipso consistunt, foetus generationem molitur est.

Quæcunque enim ex semine verè dicto procreantur, ea vel in eodem loco & oriuntur, & perficiuntur, vel in diversis. *Vivipara* omnia, in ipso utero incubanula sua, habent, & complementum: *Ovipara* autem, ut intra parentem prima ducunt exordia, & ovum fiunt; ita extra eam, in foetum perficiuntur. Et in horum numero, alia ovum eousque intra se servant, donec maturum & perfectum fuerit; ut genus pennatorum, & quadrupedum oviparorum, ac serpentum. Alia verò semen adhuc imperfectum & immaturum excludunt; incrementum & perfectionem, sive maturitatem, foris acquiriturum: ut plurima genera priscium, ranæ, item mollia, crustacea, testacea, & coloz: quorum ova primùm exposita, sunt veluti origines duntaxat, inceptions, & vitelli; qui postea albumina sibi ipsis circummica induunt, tandemque alimentum sibi attrahentes, concoquentes, & apponentes, in perfectum semen, atque ovum evadunt. Talia quoque sunt insectorum semina (vermes ab Aristotele dicta) quæ initio imperfectè edita, sibi victum quarunt, indeque nutriuntur, & augentur, de cruce in aureliam; de ovo imperfecto, in perfectum ovum, & semen. Gallina autem, & reliqua omnia ovipara; perfectum ovum

De Generationis loco.

excludunt; unde, extra uterum, foetum generant. Ideoque *Aquapendens* duo generationis loca constituit; unum internum, nempe uterum; alterum externum, quem ovum dicit. Sed meliore jure, (mea quidem sententia) nidum, sive repositorium, externum locum appellasset: in quo scilicet exclusum semen fovetur, maturatur, & in foetum perficitur. Ab hujus enim loci differentia, *oviparorum* generatio potissimum discriminatur. Et profeſſo res admiratione digna est, animalcula illa locum hunc tanta providentia eligere; eundemque arte, & ingenio haud imitabili fingere, fabricare, munire, & abscondere; adeo, ut inesse ijs divinae artis particulam, (quod *Poeta* de apibus asseruit.) confiteri necesse sit; & indoctam eorum artem, atque sapientiam, mirari nobis potius, quam assequi concedatur.

DE VTERI GALLINÆ
parte superiore, sive ovario.

EXERCITATIO III.

Vterus gallinæ à *Fabricio* dividitur in
superiorem & inferiorem: Superiorem,
Ovarium nominat.

Locus ovarij positus est statim infra je-
cur ad spinam, supra arteriam magnam
descendentem. Quo enim loco, in majori;

6 De Vteri Gallina parte sup. sive Ovario.

bus animalibus sanguineis, arteria cœliaca Mesenterium ingreditur, ad exortum nempe venarum emulgentium, vel paulò inferius; & quo loco cæteris animalibus sanguineis & viviparis vasorum præparantiũ, ad testiculos tendentium, exortus est; & ubi gallus suos testiculos gerit, ibi etiam gallinæ ovarium reperitur. Quædam enim animalia testiculos foris, alia intus ad lumbos gerunt; media quasi ab origine præparantium intercapedine. Gallus vero ad ipsum eorundem exortũ, suos habet: quasi ipsius genitura præparatione nulla indigeret.

Aristoteles dicit, ad septum transversum

Hist. ovum inchoari. Nes autem, inquit Fabricius, an. 1. in respirationis tractatu, negavimus penna-

6. c. ta septum obtinere. Solvitur dubium, pen-

2. nata septo prorsus non destitui; quia mem-

branam habent tenem loco septi positam,

quam Aristot. cinctum, & septum appella-

vit: sed non habent septum, quod musculus sit,

& ad respirationem conferat; ut alia anima-

lia. Aristoteles autẽ musculum non agnovit.

Ita eodem halitu, culpam, quam summo

Philosopho afflaverat, diffat, ipsemet verò

erroris haud immunis. Quippe certum est,

& Aristotelem musculos agnovisse; (ut ali-

bi à nobis observatum, & demonstratum

est) & membranas in avibus, (non modò

transversum positas ad cinctum corporis, sed

& secundum ventris longitudinem proten-

sas) vicem diaphragmatis subire, & ad re-

spirationem conferte; ut alibi in exercita-

tio.

De Vteri Gallina parte sup. five Ovario. 7

tionibus de respiratione animalium luculenter probavimus. Et, ut alia nunc taceam, *avis*, præ cæteris animalibus, non modò facillimè respirat, sed vocem etiam in cantu diversimodè modulator: cùm tamen eius *pulmones* lateribus & costis adeò affixi sint, ut parùm admodum dilatarì, assurgere, & contrahi possint.

Quin etiam (quod tamen a nemine hactenus observatum memini) earum *bronchia*, five asperæ arteriæ fines in abdomen perforantur, aeremque inspiratum intra cavitates illarum membranarum recondūt. Quemadmodum pisces, & serpentes intra amplas vesicas in abdomine positas, eundem attrahunt, & reservant; eòque faciliùs natare existimantur: & ut *rana*, ac *busones*, cùm æstate vehementius respirât, aeris plus solito in vesiculas numerosissimas absorbent, (unde earum tam ingens tumor) quò eundem postea in coarctatione liberaliter expirent: Ita in *pennatis*, *pulmones* potiùs *transitus*, & via ad respirationem videntur, quàm hujus adæquatum organum. Quod si à *Fabricio* observatum esset, non negasset, membranas illas (saltem cum musculorum vètris adminiculo) respirationi inservire, & diaphragmatis officium præstare: cum hoc non sine musculorù ventris adminiculo, instrumentũ respiratorium sit; aliudq; ei manus incubat in ijs, quibus carnosum live musculosum contingit. Nimirum, ut ventriculum cibo turgidũ, & intestina fecibus flatuq; di-

8 De uteri Gallina parte sup. sive Ovario.
stenta deprimat; nè cor, & pulmões ab eorum ingressu patiantur angustias, vitæque penetrália opprimantur. Cujus periculi cum in avibus nullus sit metus, septum membraneum ijs donatum est, respirationis usibus valdè accommodum: ideoque *diaphragma* habere merito dicuntur. Quinetiam licet aves diaphragmate penitus destituerentur; non propterea tamen reprehendendus foret *Aristoteles*, dum ova ad septum transversum inchoari scribit: quippe hoc nomine locum duntaxat designat, ubi *diaphragma* in alijs animalibus reperiri solet. Quemadmodum nos etiam dicimus, ovarium esse ad exortum vasorum spermaticorum præparantium; licet gallina vasis his præparantibus careat.

Perforatio pulmonum, à me inventa (cujus modo memini) haud obscura, & cæca est; sed in pennatis præsertim, patula admodum; adeo ut in *Syrthiocamelo* meatus plurimos repererim, qui digitorum meorum apices faciliè exciperent. In gallo *Indico* & gallinaco ipso, omnibusque ferè pennatis, immisso in *thrachæam* stylo, transitus è pulmonibus in cavitates abdominis apertos & patentes invenias. Aer in eorum pulmones follium opera inspiratus, non sine impetu ad inferiora pertransit.

Imò verò dubitare liceat, an non in homine etiam, dum vivit, aer per dictos meatus, in thoracis cavitatem penetrat. Quomodo enim aliter, *empyicorū* pus, & pleu-

De uteri Gallinae parte ^{sup.} sive Ovario. ⁵
ricorum extravenatus sanguis, illac effluant in vulneribus pectoris (illæsis etiam pulmonibus) aer per vulnus foras erumpat? aut liquores in cavitatem pectoris injecti, eum sputo reddantur? Verum hac de re, alibi, in *Exercitationibus* nostris, de respirationis causis, organis, & usu, planè, plenèque dictum est.

Redeo ad Ovarium, & superiorem uteri gallinae partem; in qua ovorum rudimenta inchoantur; quæ initio (secundùm *Arist.* ^{an. 1.} ^{6. c. 2.}) minuta sunt, & candida; adaucta postea, lutea, & flavâ conspiciuntur.

Uterus *Fabricii* superior, revera nullus est, nisi postquam gallina concepit, & ovorum primordia in se habet; quæ merèdò cõgeriem papularum dixeris. Ideoque rectissimè ait: Superior matrix nil aliud est, quàm infinita propemodum vitellorum multitudo, quæ in uno veluti acervo conglobata conspiciuntur, rotunda figura, & cuiusvis magnitudinis, in qua à minimo ad maximum ea intercedit differentia, quæ est à grano sinapis ad fructum ferè nucis inglandis, aut mespili. Hæc vitellorum multitudo simul quasi racematim apposita, collecta, & coniuncta est: ob quam causam ego perpetuò vitellarium, aut potius vitellorum racemum appellabo; quia uvarum racemo quàm simillima est. Quod & *Arist.* de mollibus dixit, cum ait: *De reddunturque ova eorum glutino coherentiæ gen.* ^{an. 1.} ^{6. c. 8.} ad speciem uva, Etenim sicuti in racemo, ^{an. 1.} ^{6. c. 8.} uva, seu acini sunt tum maiores, tum minores.

10 De uteri Gallina parte sup. sive Ovaria.
res, tum minimi, singuli suo pediolo appensi;
sic in proposito vitellorum racemo videre est.

At verò in piscibus, ranis, crustatis, &
cochleis res aliter se habet. Hæc enim ova
eiusdem omnia magnitudinis in se conti-
nent; quæ foras emissa, simul augentur,
perficiuntur, & fœtus excludunt. In gallina
autem ovario, reliquorumque oviparorum
ferè omnium, varia admodum vitellorum
incrementa, cernuntur, à quantitate,
propemodum invisibili, ad consummatam
magnitudinem: licet ova gallinarum (non
aliter, quàm eorum, quæ ova sua omnia,
simul & concipiunt, & pariunt) in eodem
nido fœtus suos ab incubationis. foru ferè
simul excludant. In columbino tamen
genere (quæ bina solùm ova uno nido re-
ponunt, & incumbant) observavi, omnia
ova in ovario congesta, uniusmodi esse
magnitudinis, præter bina illa cæteris lon-
gè majora, & jam ad descensum in secun-
dum uterum parata. Ut in is numerosi
fœtus proveniant, non partus multitudine,
sed frequentia; singulis nempe mensibus.
Similiter in piscibus cartilagineis; ut raia,
pastinaca, canicula, &c. bini duntaxat ova
simul maturantur, & utrinque à dextro, &
sinistro cornu decendentia, in utero infe-
riora soventur, excluduntque fœtus vitales,
(ut viviparis contingit:) in ovario tamen
infinitus penè ovorum numerus, diversarumque magnitudinum reperitur in raia
supra centum numeravi.

De uteri Gallina parte sup. sive Ovario. II

Ceterorum autem oviparorum ova, foris, vel perficiuntur, ut piscium; vel concipiuntur ut cochlearum, crustatorum, & aranearum. Et cochleæ quidem sua ova reponunt in spuma; crustata (ut squillæ, gammari, astaci) pinnis adhaerentia circumferunt; araneæ verò, tanquam in sporeula ex tela sua constructa, secum gestant, & fovet. Scarabæos ova sua fimo (pedibus posterioribus obvolvendo) circumcludit, & reponit. In ijs autem omnibus, ovorum copia incredibilis cernitur. Pisces, duas quasi viscas oblongas, sive folliculos nacti sunt: ut videre est in cyprino, halece, & viola, (quam nostrates *Smelt* vocant) in quibus omnibus, ut nullus cernitur uterus, præter ovarium; ita hoc ovis aliquando aded refertum est, ut reliqui corporis molem faciliè exsuperet.

Ex huiusmodi *mugilum*, & cyprinorum ovarijs sale conditis in massam coactis, tumoque induratis, fit edulij genus à Græcis & Italis magnoperè expetitur (*Botracha* ab his appellatum, à Græcis *ὀστράκη*, id est ova salita) quale in ventre nostrorum *heringorum* infumatorum, & astacorum intus granulatim compactum, rubrumque reperitur. Quod ex *Sturionum* ovis salitis fit, *Caviaro* dicitur, & saponem nigrum refert; gulonum delitiæ.

In omnibus piscibus (quibus numerosa proles contingit) ovorum tanta copia generatur, ut tota ventris capacitas vix ea

12 De uteri Gallina parte sup. sive Ovario.

recenter concepta, multò minùs aucta, continere valeat. Ideoque in piscibus, præter *Ovarium*, nulla alia pars generationi dicata est. Horum enim ova foris incrementum sumunt, nec utero ad hanc rem opus est. Videturque ovarium hoc testiculis, aut vesicis seminalibus analogon: non solum, quòd eo in loco reperiatur, in quo maribus *testiculi* nasci solent; (nimirum, testiculi in gallo siti sunt, ut diximus, iuxta ingressum arteriæ cœliacæ, prope cinctum corporis; ibidemque, in gallina *ovarium* reperitur) sed etiam, quia in utroque piscium sexu, generationis tempore, duo folliculi per totum ventrem ducti, siti, figura, & magnitudine pares insunt; qui simul adaucti, replentur, in mare quidem, materia similari, spermatica, lactea, (unde *lac piscium* dicitur;) in foemina verò, granulis innumeris, præ exiguitate, visum effugientibus; adeò ut in conceptionis principio (propter arctam eorum compagine) corpus limulare, & tanquam maris lac regulatè coagulatum, appareant: posteaque tanquam minimæ arènulæ invicem intra folliculum coherentes, videantur.

In minoribus avibus (quæ quotannis duntaxat semel, & pauciora ova pariunt) vix ovarium reperiatur: sed ubi in maribus *testiculi* siti sunt, ibi in foeminis, pro ovario, tres aut quatuor *bulla* (pro numero scilicet ovorum, quorum sunt primordia) nec minus ipsis marium testiculis conspi-

De uteri Gallina parte sup. sive Ovario. 13
cux inveniunt.

In *serpentum* uteri cornibus, (quæ sunt
instar vaforum spermaticorum in maribus)
prima ovorum rudimenta, seu totidem glo-
buli filo adalligati, apparent: ut in mulie-
rum armillis, vel *corona precaria*, ex orbi-
bus è succino confectis, fieri solet.

Quæ itaque in vitellario reperiuntur,
non ova perfecta censenda sunt, sed horum
primordia, sive rudimenta; quæ in racemo,
eo ordine & magnitudine disposita sunt, vt
gallinæ singulis diebus ad partum, priori
succedat alterum. Nullum autem ovum in
ovario cinctum est albumine, sed vitelli so-
lum reperiuntur; qui, prout è minimorum
congerie sese extulerint, in ambitum pro-
deunt, ut in fusiori spatio facilius ampli-
entur. Ideoque *Fabricius* verè ait: *Vitelli in*
racemo majores in circuitu sunt, minores in
medio, cum a majoribus circumdati, denique Pag.³
minimi omnibus subiecti. Dum enim aqua
gescentes majorem molem acquirunt, a re-
liquis separantur: quod dum fit, singuli vi-
telli, præter tunicam propriam, aliam ab
ovario mutuantur, quæ illos extrinsecus
amplectitur, & fundamento, unde oriuntur,
adnectit. Quare à *Fabricio*, *pediolus* sive *pe-
dunculus* nominatur; quod eius opera, ut
fructus ex arbore, sic vitellus è racemo nu-
trimentum hauriat, & crescat. Est enim
hic *pediolus* nexus membranæ cavatus, qui
à racemi fundamento ad vitellum produci-
tur; quem cum contingit, dilatatur, &
(per)

14 De uteri Gallina parte sup. sive Ovario.

(perinde ac nervus opticus in oculo amplifi-
catus) vitellum externa tunica obducit.

De Hunc forte Aristoteles εδλον ομφαλῶδην,
gen. i. e. appendiculam umbilicalem, & veluti
an. 1. fistulam nuncupavit. Pediculus iste secum
3.c.2. multa vasa in vitellum deducit, per quem
passim ramificantur.

Hæc quidem à Fabricio verè dicta sunt;
sed fallitur, dum ait: *Tunica hæc, non qui-
dem totum vitellum circumdat, sed paulò il-
lum ultra medietatem comprehendit; perin-
de ut in glande operculum retrò appositum,
calix appellatum: quo fit, ut exterior vi-
telli portio, à proposita membrana destituta,
censpectui sese offerat sine venis, & nudata
appareat.* Ambit enim integrum vitellum;
sed in parte vitelli exteriori, à propria ejus
tunica non facillè distinguitur, quòd ambæ
tenuissimæ sint. In parte autem postica, quæ
vitellus racemi fundamento obvertitur, tu-
nica hæc vitello non adhæret, nec in eum
venulas spargit; sed, *sacculi instar, solum
amplectitur.*

Singulis vitellis totidem tunicæ ab eo-
dem fundamento desumuntur. Quare lo-
cus iste, communis uterus censendus non
est: cùm nihil hic reperiatur præter *racom-
num*, sive acervum multorum diversæ ma-
gnitudinis ovorum ab eodem fundamento
prodeuntium.

Fundamentum autem hoc, est corpus seu
generis, ad pennati spinam obortum; venæ,
& arteriæ magnæ adnexum; laxum, poro-
sum,

De uteri Gallina parte sup. sive Ovario. IS
sum. & fungosum; ut plurimos vitellos ex
se producat, iisdemque tunicas largiatur:
quæ postea, adhaerentibus vitellis, distenduntur;
eiusque sacculi instar, cum collo angustio,
re, ventre autem amplo, ambiunt: quemad-
modum à vitriarij statu ampullæ effor-
mantur.

Fabricius porrò: *Vitelli*, sicuti à parvu-
lo initio incipiunt, ad milij seminis aut sina-
pis magnitudinem; & minuti sunt ac can-
didi, ut dicit *Arist.* sic subinde paulatim in-
crescunt; & , ut ait *Arist.* lutei ac flavi effr-
ciuntur, quousque ad justam magnitudinem
omnibus notam perveniant. Ego verò milij
semine longe minores observavi; qui nem-
pe instar papularum, aut sudaminum, vel
arenularum, (quales in piscium Ovarijs
reperiri diximus) propè visum effugerent;
& illius loci membranarum veluti scabri-
ties viderentur.

DE INFUNDIBULO.

EXERCITATIO IV.

Proxima uteri gallinæ pars *Infundibu-
lum* à *Fabricio* nominatur. Est enim
tanquam infundibulum, seu tuba, ab ova-
rio (quod undique complectitur) deorsum
tendens, sensimque latior facta, in supe-
riorem uteri productionem terminatur.
Infundibulum hoc vitellis (abruptis pedun-
culis) ex ovario in uterum secundum (ita à

Fabricio censetur) descendantibus transitum præbet : estque similis vaginali tunica in scroto , membrana tenuissima facileque dilatabili constans ; ut devolutos quotidie vitellos excipiat , & in dictum uterum deferat .

Cupis harum rerum specimen aliquod ? Finge animo pusillam plantam , cuius radices tuberosæ , vitellorum congeriem referant ; & truncus , tubulum illum vaginalem : Ut plantæ illius stipites hyeme moriuntur , & evanescunt ; ita similiter , ubi gallina ova parere desierit , integrum ovarium , cum infundibulo (seu effusa) exarescunt , retrahuntur , & abolentur ; relicto duntaxat fundamento , raditumque indicio .

Infundibulum hoc , solummodo transitus officium præstare , vel ex eo constat , quod vitellus in eo hærens nunquam deprehendatur , sed quemadmodum testiculi interdum per vaginalem tunicam sursum repunt in inguina , & quibusdam animalibus (ut lepori , & talpa) intra abdomen reconduntur ; rursusque prodeunt , & descendunt , ita per infundibulum hoc , vitelli ab ovario in uterum delabuntur ; vicemque illius infundibuli supplet (uti formam refert) quo liquores è vase in vas aliud strictioris orificii transfundimus .

DE GALLINÆ VTERI
parte exteriore.

EXERCITATIO V.

Fabricius descriptionem uteri, post ovarium prosequitur; adeoque inverso ordine, partis superioris, productionisve uteri explicationem, ipsius uteri tractationi præmittit. Nimis etiam præcisè, sive determinatè, tres illi spiras assignat, harumque certas positiones constituit; quæ tamen incertæ sunt. *Infundibuli* quoque ibidem definitionem præposterè repetit.

Liceat igitur mihi, hic meam uteri gallinæ observationem, & historiam (quam, secundum methodum anatomicam commodiorem existimo) proponere, & ab exterioribus partibus introrsum (contra quam fecit *Aquapendens*) procedere.

In deplumata gallina reperire est podicem, non (ut in ceteris animalibus) in orbem contractum, sed depresso orificio transversim scissum, & duobus labellis conniventem; quorum superius, alterum inferius intra se collectum tegit, & occultit. Superius istud *labrum*, seu *velabrum*, à radice *Vropygij* oritur; &, ut palpebra superior oculum, sic hoc tria pudendi orificia contegit; (nempe ani, uteri, & ureterum) quæ sub hoc velabro, tanquam *præputio*, reclusa latent: quemadmodum in mulieris pudendo,

18 De gallina uteri parte exteriori.

dendo, intra cunni labra & nymphas, vulvæ, urinæque foramina absconduntur. Adeo at, citra lectionem, aut violentiorem velabri illius in gallina retractionem, nec fecum ab alvo, nec urinæ ex ureteribus, neque ovi ab utero exitus appareat. Ac propterea duo illa excrementa (urina nempe, & stercus) simul, tanquam è communi cloaca, sursum elevato velabro, & nudato foramine, egeruntur. Similiter in coitu, gallina supervenienti gallo vulvam detegit, & accommodat: ut observavit *Fabricius* in gallina *Indica* gallum appetente. Vidi ego met *Struthionem* foeminam, (cum custes dorsum ejus levi manu attrectaret, quo libidinem accenderet) sese humi prosternere, velabrum attollere, vulvamque ostendere, & exporrigere; quam intuitus mas, illico æstro venereo percitus conscendit; alteroq; pede in terram defixo, altero dorsum succubantis premente, penem ingentem vibrans, (linguam bubulam crederes) subagitavit, multo cum utriusque murmure, & strepitu; capitibus sæpe protensis, & reductis, alijsque gaudij indicijs. Neque hoc avibus proprium est, sed etiam alijs animalibus commune, quæ caudam submovendo, & genitalia exporrigendo, marium intuitui sese adaptant. Eundemque ferè usum, quem velabrum in gallina, in alijs cauda præstat; qua nisi semota, vel elevata, nec excrementa prodire, nec mares foeminas intrare queant.

In

In cervis, damis, & dorcade, (ceu animalibus castioribus) tale pudicitiae tutamen, & velabrum *cuticulare*, vulvam, meatumque urinae in foemina operit; quod attolli necesse est, priusquam mas penem immittere possit.

In caudatis etiam animalibus, sine caudae sublevatione, partus non contingit: Imò verò & mulierum quoque partus, coecygem unguendo, eumque manu retrudendo obstetrices faciunt.

Chirurgus quidam, vir probus, mihi que familiaris, ex *India* orientali redux, bona fide mihi narravit, in Insulae *Bornea* locis à mari remotioribus & montosis, nasci hodie genus quoddam hominum caudatum, (uti olim alibi accidisse, apud *Pausaniam* legimus) è quibus aegrè captam virginem (sunt enim sylvicolae) ipse vidit, cum cauda carnosa, crassa, spithamae longitudine intra clunes reflexa, qua anum & pudenda operiebat. Usque adeò velari ea loca natura voluit.

Velabri istius fabrica in gallina, est similis superioris palpebrae: ex cute nempe, membrana carnosa & musculosa rexitur; cum fibris à circumferentia undiq; ad centrum ductis: e usque interior superficies, ut palpebrae & præputii, mollis est. Habet etiam in extremitate sui *tarsum* semicircularem, ad modum palpebrae: atque insuper, inter cutem & membranam carnosam, interstitium cartilaginofum, ab *urophygii* radi-

20 De gallina uteri parte exteriori.

ce cum tarso falcato ab angulos rectos copulatum: (ut *vespertilio*, intra membranas alas quasi latitantem exigua caudam habent) qua fabrica, ceu cauda, *velabrum* hoc dicta pudendi foramina facilius detegere, & operire possit.

Fora- Sublato itaque, & rescisso hoc velabro, minus foramina aliquot apparent; quorum alia la in conspicua, alia obscura sunt. Evidentiora galli quidem sunt ani, & vulvæ; exitus nempe po excrementi, & introitus in uterum. Obscure dice ra autem, tum illud, per quod urina è renibus profuit; tum exiguum illud à *Fabricio* inventum, in quod gallus (ait ille) semen suum immittit. Quod tamen foramen, apud *Aldrovandum Antonium Vlmus*, diligens dissector, non agnovit; nec quisquam alius, quod sciam, præter *Fabricium*.

Foramina hæc omnia adeo sibi invicem Cloa- vicina sunt, ut ferè in unam cavitatem concurrere videantur; quam (utpote stercorei, & urinæ communem) *cloacam* liceat appellare? quod in ea, una cum alvi fecibus, urina è renibus descendens commisceatur, donec simul egerantur. Per hanc quoque ovum in partu transiens, sibi viam parat. Hujus cavitatis ea fabrica est, ac si in vesicam utrumque excrementum descenderet, & natura urina pro clystere naturali abuteretur. Ideoque crassior paulo, & rugosior, quam intestinum, est: atque in egestionem, & coitu, foras provolvitur, (sublato, ut dixi, velabro, quod ipsam tegit) & tanquam

De gallina interi parte exteriori. 27

interior intestini pars prolapsa, prominet eodemque tempore, omnia foramina distinctè apparent; quæ statim in ejus reductione, quasi in unam *bursam* collecta, reconduntur.

Foramina magis conspicua, (ani scilicet, & vulvæ) contrarium situm in pennatis omnibus; atque in alijs animalibus obtruncant. In his enim pudendum, sive genitali scemineum, parte anteriore locatur, inter intestinum rectum, & vesicam: in illis autem excrementi exitus partem anteriorem possidet, atque inter ipsam & uropygium, introitus in matricem deprehenditur.

Foramen autem, in quod *Fabricius* putat gallum semen suum immittere, inter hoc vulvæ ostium, & uropygium cernitur. Ego vero talem ejus usum non agnosco: In pullis enim juveniculis vix reperitur; in adultis autem promiscuè inest, tam gallo, quam gallina. Accedit, quod foramen valdè exiguum & obscurum sit, ut tantæ utilitatis non appareat: vix enim aciculam aut setam admittit, & in cavitatem cæcam terminatur; neque unquam potui humorem seminalem in ea reperire; quanquam *Fabricius* asserit, semen ibidem; tanquam in *bursa*, per annum integrum reservari, omniaque interea ova inde fecundari: ut postea dicetur.

Insunt omnibus avibus, serpentibus, quadrupedibus oviparis, atque etiam piscibus in (ut facile in *Cyprino* videre est) ænes, & galli-
ure-na.

22 *De gallina uteri parte exteriori.*

ureteres, per quos urina profluat: quod *Aristotelem*, aliosque hactenus Philosophos latuit. In avibus au em, & serpentibus, quibus fungosi pulmones sunt, parva cernitur urinæ copia; quod parum admodum, & pitissando, bibant; quare vesica urinaria ijs non est opus; sed lotium [ut diximus] in communem alvum, sive *cloacam*, cum sicco excremento deponunt. In *Cyprino* tamen, alijsque quibusdam piscibus, vesicam quoque urinariam deprehendi.

In gallina, ureteres à renibus, [qui amplius longique in dorsi cavitate locantur] utrinque descendunt, & in communem cavitatem, sive *cloacam* desinunt. Exitus autem eorum adeo obscurus est, & in cavitatis ipsius limine delitescens, ut forinsecus eum invenire, & stylum vel tenuissimum immittere, planè sit impossibile. Neque equidem mirum; quippe in omnibus, vel maximis animalibus, insertio ureterum prope vesicæ collum, adeo anfractuosa & obscura est, ut [licet urina, & calculi aliquando per eos in vesicam delabantur] nè flatus quidem per easdem vias regredi, ut urina vi pelli queat. Contra autem, tum in avibus, tum in ceteris etiam animalibus, si stylus, vel seta deorsum per ureteres impellatur, facile in communem cavitatem, aut vesicam, via aperitur.

In *Struthione* hæc omnia luculenter patent; in quo, præter communis cavitatis orificium exterius, quod velabrum tegebat, aliud,

De gallina uteri parte exteriori. 23

aliud, intra anum, orificium rotundum, constrictum, & quasi sphinctere clausum reperi.

Verum, his omisiss, quod ad propositum nostrum spectat, agamus.

Orificium uteri, sive vulvæ; nimirum Orificiū transitus è communi cavitate in uterum gallinæ, est veluti protuberantia quædam uteri, mollis, laxa, rugosa, atque orbiculatis, tanquam præputij extremitas clausa, aut vulvæ interioris cujusdam tunicæ prolapsus. Locatur autem [ut dixi] inter foramen ani, & utropygum; atque aliquantulum sinistrorsum vergit; idque factum putat *Vlysses Aldrovandus ad commodiorem coitum, & faciliorem membri genitalis galli incursum*. Ego verò sæpius observavi; gallinā, prout gallus eam à dextra aut sinistra parte conscenderit, eò versus podicem suum indifferenter flectere. In gallo penem non invenio, quem nec *Fabricius* reperire potuit; cum tamen in anseri, atque anate manifestissimè appareat. Eius verò loco, in gallo orificium reperi, [haud secus quàm in gallina] minus tamen illud, & angustius, quemadmodum etiam in cygno, anseri, & anate idem conspicitur: anseris autem & anatis mentula [dum coeunt] ab hoc orificio protenditur.

In nigra anate, penem tantæ longitudo-
nis vidi, ut absoluto coitu, humi penden-
tem insequens gallina, avidè eum [lumbrici-
cum, credo, arbitrata] mordicare; faceret-
que

24 De gallina uteri parte exteriorē.
que illius citius solite retractionem.

In *Struthione* mare, intra hoc pudendi orificium, tanquam in æqui præputio, prægrandem glandem, & nervum rubicundum, forma & magnitudine lingue cervinæ, aut bubulæ minoris, reperi; quem in coitu rigidum & aliquantulum aduncum vibrare sæpius vidi; & in fœminæ vulvam immissum, sine subagitatione ulla, diutius tenere: perinde ac si clavo aliquo ambo in coitu colligati essent: dum interea temporis, capitis collique gesticationibus [ut diximus] mirè perstreperent, [quasi Hymenæo annuissent,] ingentemque voluptatis sensum exprimerent.

Legi apud D. du Val Medicum doctissimum *Rothomagensem*, *hermaphroditum* quendam chirurgis atque obstetricibus demandatum fuisse, ut, num vir, an mulier esset, decernerent. Illi, inspectis genitalibus, mulierem esse judicabant: nullumque propterea est, ut sequioris sexus vestitu uteretur. Interea tamen mulierum amores sectari, virique officium præstare accusabatur. Hic tandem repertus est erumpente ex latenti præputio [tanquam ex locis mulieribus] mentula, viri munus obijse.

Vidi ipsemet aliquando viri cujusdam penem, introitum adeo reductum [præterquam cum tentigine provocaretur] ut nihil in corrugato præputio supra *scrotum*, præter (unum glandis) apicem promineret.

In equo alijque quibusdam animalibus, in-

ingens istius membri longitudo ex occulto porrigitur. In talpa etiam, animali exiguo, inter cutem & abdominis musculos, magna penis retractio conspicitur: ejusque pariter foeminae longior & profundior vulva obtigit.

Gallo, [cui penis deest] idem, credo contingit, quod avibus minoribus; quae celeriter, & affricu duntaxat coitum perficiunt. Iunctis namque saepius utrinque, [galli & gallinae] pudendorum orificijs, [quae foras eversa protuberant, rigent, glandisque in morem tenduntur; praecipue vero maris, quod foeminam exterius duntaxat lambit, non autem, ut arbitror, ingreditur;] ceu repetitis suavijs, non uno longiore initu, coitum celebrant.

In equorum, canum, felium, aliorumque coitu, foemina mari penem obtendendum rigidum tensumque accommodat. Quod etiam in avibus contingit, quae cicures manum sibi imponi sinunt, venereque turgent, orificium hoc protendunt; idemque renitens, ac duriusculum reperies, si digitum admoveris.

Imo vero usque adeo libidinosae interdum aves sunt; ut, si dorsum earum manu solam leviter tangeris, statim procumbant, orificiumque uterinum nudent, & exporrigant: quod, si blandè digito demulseris, vago murmure, alarumque gesticulatione, gratam veneris dulcedinem exprimunt. Quinetiam foemellas ova inde concipere,

26 De gallina uteri paritextiore.

& Aristoteles auctor est, & ipsemet in-
rurdo, merula, aliisque, expertus sum: id-
que olim primum fortuito, meoque damno
didici.

Psittacum nempe insignem, docteq-
garrulum uxor mea diu in delitijs habuit.
Erat is adeo familiaris ut, quocunque vel-
let, liberè per ædes vagaretur; absentem
Dominam inquireret; inventæ hilari voce
adblandiretur; vocanti etiam responderet;
advolaret; vestemque rostro, pedibusque
vicissim comprehendens, ad summum hu-
merum scanderet, indeque per brachium
descendens, super manum semper se siste-
ret: Iulus loqui, aut cantare, etiam no-
ctu, & in tenebris, morem gessit. Sæpe lu-
dibundus & lascivus sedentis gremium adi-
bat; ubi caput sibi attrectari, dorsumque
demulceri gestiebat; quassatisque alis, &
blando strepitu summam animi sui laxi-
tiam testabatur. Ego hæc omnia ab usitata
pridem familiaritate & obsequio profici-
sci interpretabar; marem enim sum ar-
bitratus, ob loquelæ, & cantus eximiam
præstantiam.

Quippe, inter aves, scemellæ raro can-
tillare, aut voce invicem provocare solent:
sed mares solum suavi vocis modulamine

Hist. scemellas delinire, & ad veneris obsequium
an. l. pellicere, animadvertimus. Ideoque *Ari-
5. c. 5* stoteles ait: *Perdices, si adversa maribus*
& l. 6 *steterint, ventusque inde afflet ubi mares*
c. 2. *stant, concipiunt, & maritantur.* Plerumque

etiam

etiam voce marium utero ingravescunt, si
gestiunt, ac libidine turgent. Volatu quoque
superne marium effici idem potest; videlicet
dum mas ipse in feminam foeticum spiri-
tum dimittit. Quod verno praestum tem-
pore contingit: unde Poeta.

Vere tumet terra, & genitalia semina poscunt. Virg.

Tu pater omnipotens fecundis imbribus aether 2 Ge.

Conjugis in gremiū lata descendis, & omnes org.

Magnus alit, magno comissus corpore, fetus.

Avia tum resonant avibus virgulta canoris;

Ei venerem certis repetunt armenta diebus.

Non diu autem post blandas has contre-
stationes, Psittacus, qui multos jam annos
sanus vixerat, aegrotavit; crebrisque tan-
dem convulsionibus obortis, in Domina
sua gremio, ubi toties luserat, animam
plurimum desideratus exspiravit. Dissecto
itaque cadavere, [ut mortis causam inquire-
rem] ovum ferè perfectū in utero reperio;
sed, ob defectum maris, corruptum. Quē
admodū aviculis in caveis reclusis tæpe ac-
cidit, quæ maris consortium desiderant.

His, aliisque exemplis, inducor ut cre-
dam, gallum gallinaceum, & phasianum,
non solum cantu suo foemellis blandiri, sed
eodem etiam ovorum conceptui conferre:
noctu enim ad galli cantum, nonnullæ ex
assidentibus gallinis, sese concutiunt, alas, &
capita quatientes; quasi horrore blando
correptæ, à coitu gesticularentur.

Avis quædam, quam tignus altero tanto
major, non ita pridem ex Java Indiæ oriē-

talis insula in *Hollandiam* advecta est, quam *Batavi* *Cassovare* nominabant. *Hornius* iconem *Vlysses Aldrovandus* exhibet, thol. dicitque eam ab *Indis*, *Eme* appellari. Non l. 20. est bifurca, ut *Struthio*, sed in singulis pedibus tres digitos habet; quorum unus, 542. calcari adeò longo, duro, & robusto armatur, ut facile tabulam duos transversos digitos crassam calcitrando penetret; antrosum autem ferit. Corpore quidem, cruribus, & femore *Struthionem* refert; rostrum autem latum [ut hic] non habet, sed teres nigrum. Super caput, pro crista; cornu orbiculatum gerit extuberans; lingua caret; quælibet oblata devorat; calculos nempe, carbonem [etiam ignitos] & glaciei frusta, sine discrimine: plumæ ipsi è singulis calamis binæ prodeunt, nigrae, breves, & exiles; ad naturam pilorum, sive lanuginis accedentes. Alas habet valde exiguas, & mutilas. Animal est aspectu truculento, eique palearia rubra, & caerulea, oblonga per collum descendunt.

Mansit hæc avis amplius annos septem, in *Hollandia*: eamque postea Illustrissimus *Mauritius Princeps Auriacus* Serenissimo Regi nostro *Iacobo*, inter alia munera, donavit; in cuius hortis supra quinquennium vixit. Postea autem, cum in eundem locum *Struthiones* duo, mas & femina, concedissent; eosque avis hæc *Cassovare* in proximis claustris [ubi separatim alebantur] sæpenumero coeuntes audivisset, vidissetque

dissectaque; inopinato prorsus [sympathia, credo, cognati generis extimulata] ova concepit. Quotquot enim eam viderant, matrem potius, ex armis & ornatu, quam feminam judicabant. Ex his ovis, unum peperit integrum, quod aperui, & perfectum inventi; albumen nempe luteo circumfufum, cum chalazis sive grandinibus utrinque annexis, & cavitate exigua in obtuso cacumine; aderat etiam *cicatricula*, sive macula albicans; testa erat crassa, dura, & valida, quam [oblato vertice] in poculum efformari iussi; quemadmodum ex struthionum ovis calices effingi solent. Erat ovum hoc paulo, quam struthionum, minus; undiquaque, ut dixi, perfectum; procul dubio tamen subventaneum, &, ob defectum maris, infœcundum. Matri vero, eodem tempore, quo ovum pepererat, mortem prædixi: idque ex sententia Aristotelis, qui ait, *Aves morbo laborant, & interire nisi pariant*. Quod etiam, non multo post evenit; dissectoque, cadavere, ovum imperfectum & corruptum in superiore uteri parte, mortem præmaturam (ut prius in psittaco, atisque avibus observaveram) attulisse comperi.

Plurimæ itaque aves, quanto salaciores, tanto etiam fecundiores sunt; & aliquando sine mare, (ob pabuli ubertatem, vel alia aliqua de causa) ova concipiunt: raro autem, citra ejus operam, ea vel perficiunt,

vel pariunt; sed morbis inde potius gravioribus tenentur, tandemque intereunt. Gallina vero non solum ova concipit, sed & parit etiam, eaque perfecta; at hypenemia, & infœcunda. Similiter, insecta plurima (in quorum censu bombyces, & papilioes sunt) ova concipiunt, & pariunt, absque maris congressu (ut etiam pisces) sed irrita, & subventanea.

Quasi in huiusmodi animalibus ova, concipere, perinde foret, ac in puella uterum incallescere, mēstrua profluere, fratrare ubera, & (ut paucis dicam) viro maturam esse: quo si privetur diutius, symptomatibus gravioribus [hystericis nempe, aut furore uterino] corripitur; vel in cachexiam, aliasque varias agnitudines delabitur. Omnia siquidem animalia, cupidinis cestro percita, ferocium; & nisi se invicem fruuntur, plurimum tandem à consuetis moribus recedunt. Ita mulieres quædam insaniunt præ desiderio consue-scendi cum viris; & in nonnullis usque adeo sævit hoc malum, ut vel beneficio afflata, vel siderata, aut à cacodæmone obsessæ judicentur. Idque sæpius contingeret, nisi proba educatio, bona famæ reverentia, & innata huic sexui verecundia, inordinatos, hosce animi impetus compescerent.

DE GALLINÆ VVLVA.

EXERCITATIO VI.

A Botificio uterino exteriori, ad interiora, & matricem, in qua ovum perficitur, transitus est; quem in alijs animalibus *vaginam* uteri, sive *vulvam* nominamus; in quam mas penem suum in colu ad matricem usque immittit. At vero in gallina, trajectus hic adeo implexus, & interioris suæ tunicae laxitate rugosus est; ut, licet è matrice foras facilis via pateat, atque ingens ovum illac haud magno negotio prodeat; ingredi tamen maris penem, semenque eius interiorem uteri cavitatem subire, vix sit verisimile: nam neque stylo, nec sera viam intrus reperire potui; nec *Fabricio* etiam aliquam invenire contigit. Imo verò, eodem teste, ne quidem inflatus aer, in uterum penetrat. Quæ causa, opinor, fuit, cur ille à partibus interioribus ad exteriores progrediens, ovi historiam descripserit. Quineriam pensitata hac uteri fabrica, negat, semen in uteri cavitatem pertingere aut ullam ovi partem constituere. In qua sententia ego etiam libens nomen meum profiteor. Enimvero nihil in ovo fecundo (quod idem in subventaneo non sit) vel additum, vel mutatum reperias; unde galli semen uterum subintrasse, atque ovum tetigisse constet.

Quinetiam, licet sine galli congressu ova omnia irrita sint, & subventanea; ejus tamen opera (etiam aliquandiu post coitum) ova subsequencia, quorum necdum principium aut materia extat, fecunda evadunt.

Fabricius, ut modum explicet, quo galli semen ova fecunda reddit, hæc habet: Cum in ovo semen non appareat, & tamen à gallo in uterum porrigatur; queritur, cur in uterum galli semen immittatur, si in ovum non ingreditur? Item, si in ovo non adest, quomodo ovum fecundum ex galli semine, quod non habet, efficiatur? Mea opinio est galli semen in uteri principium immissum, efficere totum uterum, & simul quoque, omnes vitellos eo cadentes, ac totum denique ovum fecundum: idque facere sua facultate, seu spiritali substantia irradiante; eo modo, quo videmus, ex testibus, & semine alia quoque animalia fecunda reddi. Si quis enim in memoriam revoverit incredibilem illam transmutationem, qua animal exectum afficitur, dum calorem, robur, & fecunditatem in toto corpore amittit; facile id quod dicimus unum tantum gallina utero evenire concedet. Sed quod omnino verum sit, virtutem fecundandi tota ova, & quoque uterum à semine galli provenire, patet ex eo, quod mulieres agunt, qua gallinam domi gallo destitutam habentes, eam per unum atque alterum diem alibi gallo committunt: ex hoc

enim

enim exiguo tempore succedit ovorum omnium fecunditas per totum illud anni tempus. Id quod & Aristoteles confirmat, qui De 3
vult, quod cum semel aves coierint, omniagen.
ferè ova fecunda habere perseverent. Porro an. 1.
seminis fecundandi virtus, ne ullo modo 3.c. 2.
exhalare possit, sed diutius in utero consisteret, ac toti impertiretur; natura ipsum conclusit, reposuitque in cavitatem, quasi bursum, podici vicinam, & utero appensam, & ingressu tantum donatam, ut inibi diutius seminine detento, virtus eiusdem magis conservaretur, & univërso communi-
cicaretur utero.

Ego vero experimenti prædicti veritatem suspicabar; eoque magis, quod Philosophi verba mala fide recitata cernerem: neque enim is dixit, Aves, cùm semel coierint, omnia fere ova fecunda habere perseverant; sed, omnia fere ova habere perseverant: ubi Fabricius 70 fecunda, de suq.
addidit. Aliud autem est, aves ex coitu ova concipere: aliud, ova ex coitu fecundari. Idque ex præcedentibus Aristotelis verbis clarius liquet, ubi ait: Omnino in avium genere, ne ea quidem ova, quæ per coitum oriuntur, possunt magna ex parte augeri, nisi coitus avis continuetur. Cuius rei causa est, quod, ut in mulieribus coitu maris detrahatur mensuum excrementum (trahit enim humorem uterus tepefactus, & meatus aperiantur) sic in avibus evenit, dum paulatim mensuum excrementum accedit,

B s quod

quod foras decedere non potest, quoniam parum est, & superne ad cinctum continetur, sed in uterum ipsum collabitur. Hoc enim ovum augetur, sicut fetus viviparorum, eo quod per umbilicum affluit. Nam cum semel aves coierunt, omnia fere ova semper habere perseverant, sed parva admodum & imperfecta, ideoque infœcunda; siquidem perfectio ovi est, fœcundum esse. Si igitur, sine coitu avis continuato, ne ea quidem ova, quæ per coitum concepta sunt, augentur, sive (ut Fabricius interpretatus est) perficiuntur; multo minus fœcunda reddentur ea ova, quæ aves citra coitum habere perseverant.

Ne quis autem existimet, his verbis (trahit enim uterus tepesactus, & meatus aperiantur) concludi, posse uterum attrahere semen galli intra cavitatem suam; sciendum, à Philosopho non dici, uterum attrahere semen forinsecus; sed in mulieribus per venas & meatus coitus calore apertos, è proprio corpore menstruum sanguinem attrahi; & pariter in avibus, sanguinem ad uterum à continuato coitu tepesactum trahi, indeque ova augeri; sicut fetus viviparorum per umbilicum solent.

Quæ autem de cavitate illa, sive bursa, adnectit, in qua, per annum integrum, semen galli hospitari autumat; ea jam ante à nobis refutata sunt; ubi, nullum semen in ea contineri, & gallo pariter ac gallinæ

inesse, asseruimus.

Quamobrem, ut facile crediderim (si, per fecunditatem, plurimum & majorum ovorum proventum intelligamus) pauperum muliercularum gallinas, (quibus probabile est, deesse pabuli copiam) nisi cum gallo assueverint, pauciora & minora ova parituras; (secundum illud Philosophi. *Quod si semel cum gallo coierint, tum per totum annum ova majora, meliora & numerosiora habere perseverabunt.* In quem finem pabuli quoque abundantia, & bonitas plurimum conducunt] gallinas tamen ex paucis cum gallo coitionibus, ova omnia per integrum anni spatium fecunda parere, id inquam minus verisimile mihi videbatur. Nam si pauci coitus ad diuturnam adeo generationem sufficerent; Natura (quæ nihil agit frustra) mares in avium genere, minus talaces effecisset; nec gallus toties quotidie gallinas suas, etiam invitas, ad coitum sollicitaret.

Novimus, gallinam, quamprimum ova enixa nidum deserit, voce strepera clamitare, gallumque ad coitum pellicere; quæ pariter elata & singultiente voce respondens, eam anxie quarritat, inventamque subito comprimit: quod sanè, nisi procreandi causa, fieri natura noluisset.

Phasianus mas, in ovario detentus, adeo flagranti libidine aestuat; ut, nisi complures foemellas, (ad minimum sex) secum habuerit, eas iterato sæpius coitu malè mulcet;

& fecunditatem impediatur potius, quam promoveatur. Vidi aliquando foemellam phasianum, a gallo simul conclusa (quem nec occultando sese, neque aufugiendo, evitare poterat) adeo delasatam, dorsoque ob frequentiores ejus insultus deplumem, ut tandem miseris modis exagitata, prae mœrore deficeret. In eadem tamen dissecta, ovorum ne rudimenta quidem inveni:

Observavi etiam anatem marem, conjugem carentem, & cum gallinis connoctantem, tanta libidine astringere, ut gallinam juvenulam quoquoersum per horas aliquot insectaretur, rostro vellicaret, tandemque in defatigatam insilierit, stuprumque pati coegerit.

Gallus gallinaceus in prælio victor, non modo in superati conjuges, sed in ipsum victum quoque libidinem suam exercet.

Similiter foemellae aliquae in libidinem adeo proclives sunt, ut mares suos morsibus vellicent, quasi in aurem veneris gaudia insusurrarent superfluant, alijsque artibus ad coitum invitent; in quo numero sunt columbae, & passeret.

Non videtur igitur verisimile, paucas aliquot coithones, principio anni celebratas, ovorum omnium, per integrum ejus decursum, subsequantium fecunditati sufficere.

Ego tamen aliquando (ut hic Fabricio patrociniū parem) verna tempestate (de coitus

coitus fecundantis tempore, & necessitate
aliquid certi indagaturus) gallinas duas à
gallo seclusas per quatrimum detinui, quæ
interea singulæ tria ova pepererant, non
minus alijs ovis prolifica. Iterumque
aliam gallinam seclusi, quæ decimo ab in-
de die ovum peperit; aliudque die vicesi-
mo, & utrumque fecundum. Ut videa-
tur, posse unum atque alterum coitum, in-
tegrum racemum, omniaque illius annæ
ova fecunda reddere.

Dicam etiam, quod tunc temporis porro
observaram. Cum utramque gallinam
(aliquandiu, ut dixi, seclusam) gallo re-
stituerem, quam altera ovo gravida, altera
recens enixa erat; gallus huic ocyus occur-
rit; eamque avide ter quaterve compres-
sit: alteram vero circumibat sæpius, pedi-
busque alas fricando salutare visus est, ad-
ventumque gratulari; veruntamen, ad
priorem reversus, eam iterum, iterumque
inijt, coitumque per vim repetijt: neglecta
interea gravide, quam ullo modo ad ve-
nerem sollicitabat. Mirabar ego, quibus in-
dicijs ille internotesceret, coitum huic
profuturum, alteri vero importunum fore.
Profecto dictu haud adeo pronum est, quo-
modo, vel visu, vel auditu, vel olfactu, ma-
res (etiam è longinquo) intelligant, for-
mellas cupidinis æstro percelli, coitumque
appetere. Aliqui, etiamsi vocem illarum
duntaxat audiant, vel locum in quo mun-
derint, aut vestigia solum olfaciant, statim
libi.

libidine accenduntur, easdemque ad coitum insectantur. Verum de hac re alibi, in tractatu de animalium amore, libidine, & coitu, universim erit dicendi locus. Iam ad propositum revertor.

DE GALLINÆ ALIARVMQVE avium Ventre.

EXERCITATIO VII.

AB orificio igitur externo per vulvam, ad gallinæ uterum, sive matricem pervenimus; in qua ovum perficitur, albumine cingitur, & testa contegitur: de cujus firu, & positura antequam dicimus; nonnulla de ventris avium peculiari anatome huc afferenda, & prælibanda sunt. Observavi enim in pennatis, ventriculum, intestina, aliaque viscera, alter in imo eorum ventre sita & constituta esse, quam in pedestri animalium genere.

Aves ferè omnes duplicem ventriculum nactæ sunt; quorum alter *ingluvies*, alter *ventriculus* propriè dicitur. In priori, edulia ingesta reservantur, & præparantur; in posteriori conficiuntur, & in chylum transeunt: illum nostrates vocant, *the crop*, *or eravo*; hunc, *the gizzard*. In ingluvie aves grana integra devorata retinent; indeque, cum epota aqua madefacta, macerata, atque emollita, in ventriculum postea trans-

mit-

mittunt; ut ibidem molantur, & comminuantur. Cujus rei gratia, pennata ferè omnia arenulas, calculos, aliaque quædam duriora deglutiunt, & in ventriculo una cum cibarijs servant; dū (interim in ingluvie nil tale reperitur) habentq; hunc ventriculum ex duobus crassissimis & robustissimis musculis (in minoribus avibus carnosus, aut ligamentosis) compactum; ut hoc modo, ceu duobus lapidibus molaribus, binis invicem cardinibus colligatis, molere cibaria, & pinsere possint; vicemque dentium molarium, quibus carent, calculi suppleant. Hoc pacto alimenta conficiunt, & chylificant; posteaque compressione facta (quemadmodum ex herbis, aut fructibus contusis succum vel pulciculam exprimere solemus) pars mollior, & liquidior sinum attollitur; eamque in principium intestinorum (quod in illis juxta ingressum gulæ, in ventriculi parte superiore collocatur) transferunt. Id ita fieri, in pluribus avium generibus apparet; in quorum ventriculis, si calculi, aliave duriora & aspera diutius permanserint, à continuo eorum motu adeò attrita & lævigata cernuntur, ut cibariorum attritioni inepta sint, ac propterea rejiciantur. Hinc aves, cum calculos eligunt, lingua probant; & si nihil asperum senserint, rejiciunt. Hoc modo ferrum, argentum, & lapillos attritos, & propemodum absumptos in ventriculo *Siruthionis* inveni, atque etiam in *Cassop*

vivare. Ideoque vulgo creditur, eos ferrum concoquere, & eodem nutriri.

Falconibus, aquilis, alijsque avibus ex præda viventibus, si autem prope ad moveris, dum ventriculus jejunius est; manifestos intus strepitus, lapillorum illuc ingestorum, invicemque collisorum, percipias. Neque enim falcones refrigerij causa (qui vulgaris Accipitrariorum error est) lapillos devorant, sed ut eorum opera cibum comminuant: quemadmodum & aliæ aves, (quibus molendo victui ventriculus carnosus obrigit) in eundem finem, calculos, vel sabulum, vel quid aliud simile, deglutiunt.

Avium igitur ventriculus, intra abdominis capacitatem, infra cor pulmones, & jecur, situs est. *Ingluvies* autem extra corpus (ut plurimum) in infima colli parte, ad os jugale, hæret: in qua cibaria (ut dixi) emolliuntur solum, & præparantur; indeque pennata quædam cibum ita maceratum pullis suis regurgitant, eosq; nutriunt, (quemadmodum quadrupedes, foetus suos lacte alunt;) ut videre est in omni columbaceo genere, atque etiam *spermolegis* illis, quos nos *Reoks* nominamus. Quinetiam *apes* è floribus collectum mel, & in ventriculo digestum, domum redeuntes, evomunt, & in propria alvearia recondunt: eodemq; modo *crabrones*, & *vespe* suos fetus nutriunt. Visa etiam est canis fœmina *canes præmanfos*, & semicoctos catulis suis

nutricandis remove. Vt minus mirum sit, foeminas pauperes, victumque ostiatim quærentes, præ lactis inopia, infantes suos cibis, prius in ore suo præparatis & in pulpâ redactis, alere.

Intestina in avibus, à parte ventriculî superiore (ut diximus) oriuntur; & secundum longitudinem sursum deorsumque (non transversim, ut in nobis) replicantur. Iisdemque statim sub corde, ad corporis præcincturam, ubi diaphragma (quo aves destituuntur) in quadrupedibus sicutum est, jecur amplum, & bipartitum, utrinque (nam liene carent) collocatum, hypochondria replet: infra jecur ventriculus positus est; cui subjacent intestinorum volumina, cum plurimis tenuibus membranis interiectis, aere repletis; quippe in has, ut diximus, asperæ pulmonum arteriæ foraminibus hiuleis aperiuntur. Renes (qui ampli in avibus videntur) oblongi, & tanquam ex globulis carneis compositi, nullisque cavitatibus præditi, utrinque spinæ, & arteriæ, venæque magnæ descendentibus adjacent; & in ampla atque oblonga ossis coxendicis cavitare sepulti jacent. Ex horum parte anteriore, secundum longitudinem, ureteres ad cloacam, & podicem ipsum extenduntur; ut serosum excrementum illuc à renibus deferant. Est autem in avibus hujus feri exigua quantitas, quod illæ parum bibant, & earum nonnullæ [nimirum aquilæ] nihil omnino. Nec

42 *De gallina, aliarumq; &c.*

separatim, ut in alijs animalibus, urina profluit; sed, ut diximus, in communem cloacam, alvi quoque fecibus dicatam, ex urëteribus destillat; ut earum etiam hoc pacto exitum facilius. Differt hoc lotium in avibus, atque in alijs animalibus: nam, cum urinæ partes duæ fiat, serosior una, & liquida: crassior autem altera, quæ in san- s hypostasis nominatur, & in urina jam refrigerata subsidit; aves [contra quàm vi- vipara animalia] majorem hujus copiam obtinent; eaque, ab altera, colore albo si- ve argenteo distinguitur; & non modo in cloaca reperitur [ubi abundat] alviq; feces circumlini- sed etiam in toto urete- rum ductu; qui à renum tunicis, hac ipsa albedine discernuntur. Nec solum in avibus crassior hæc materia, à renibus descendens conspicitur; sed in serpenti- bus etiam, alijsq; oviparis; præsertim ijs, quorum ovum durioris cortice obdu- citur. Maior quoque hujus, [quàm sero- sa, & tenuioris partis] copia: estque consi- stentiæ, inter crassam urinam & stercora- ceum excrementum, mediæ; adeò, ut ure- teres pertransiens, lac coagulatum, sive le- viter densatum referat; forasque ejectum, cito facileque in crustam friabilem con- creseat.

DE RELIQUARVM VTERI
partium, in Gallina, situ, &
fabrica.

EXERCITATIO IX.

Inter ventriculū, & jecur, ad spinam
dorsi, ubi homini, cæterisque animalibus
pancreas est; inter truncum *Portæ*, &
cavam descendentem, ad exortum emul-
gentium, & vasorum spermaticorum præ-
parantium, ubi arteria cœliaca mesenterii
petit; ibidem etiam in gallina, aliisque
avibus, *ovarium*, & vitellorum racemus
nascitur. Nempe ei, à parte anteriore,
truncus *Portæ*, gula, & ventriculi orifi-
cium; à posteriore, vena cava, & arteria
magna ad spinam dorsi descendens; supra,
jecur; subtus autem, ventriculus adjacent.
Infundibulum itaque tenuissima membra-
na constans, ab ovario deorsum secundum
dorsi longitudinem, inter illud & ventri-
culum, tendit. Et ab *infundibulo*, (inter
ventriculū, intestina, renes, & lumbos)
processus uteri, sive pars ejus superior, cum
multis revolutionibus & cellulis (ad figu-
ram coli, & recti intestini in homine) in
ipsum uterum descendit. Ipse autem ute-
rus, processui huic continuus, infra ven-
triculū, inter lumbos, renes, & intesti-
num rectum, extremo abdominis loco.

ad

44 De reliquarum uteri partium, &c.

ad podicem situs est; adeò ut, cum ovum albumine vestitum in eo continetur, deorsum tantopere decumbat, ut digitis facile, num molle, an durum, patuique vicinum id ovum sit, percipere liceat.

Uterus hic, in gallina, tum magnitudine, tum fabrica varius conspicitur. Quippe in gallina gravida, aut nuper effocta, plurimum differt ab eo, qui in gallina *virgine*, sive pullo reperitur; hujus enim uterus carnosus est, & rotundus, quasi bursa vacua; tantillæ cavitatis, ut vix fabam continendo sit; foris quidem lævis est, intus autem plicis quibusdam secundum longitudinem rugosus: primo intuitu, vesicam urinariam majusculam, aut ventricululum alterum parvum, facile judices. In *prægnante* autem, & jam veneri matura, (quam ex rubicundo cristæ colore mulieres notant) uterus multo auctior, & carnosior apparet; cum plicis maioribus, & crassioribus; ad magnitudinem illam, quam ovo excipiendo idoneam cernimus; qui sursum, secundum spinæ ductum, longe protenditur, & ex multis *loculamentis*, sive cellulis (tanquam intestinum coion, ut dixi,) componitur, quæ ex uteri producti replicatione constituantur. Pars hujus inferior, ut maxima, ita crassissima & carnosissima est, pluribusque & maioribus plicis roborata; figura ejus interna ovalis cernitur, tanquam ovi *proplasma*. Ascendentem uteri portionem, sive productionem, ego *processum*

De reliquarum uteri partium, &c. 43

nomino: Fabricius secundum uterum appellat & ex tribus spiris seu flexionibus constare asserit: Vlysses Aldrovandus, uteri stomachum nuncupat. Sunt quidem, fateor, ut plurimum tres spiræ; non est hoc tamen ita perpetuum, quia (ut in coli cellulis contingit) natura interdum abludat.

Uterus iste, prout ascendit altius, ita quoque sensim magis attenuatur & gracilescit, minoribusque & paucioribus plicis constat; donec tandem, in membranas, easque tenuissimas, abiens, *insundibulum* constituat; quod ad cinctum corporis usque pertingens, totum ovarium complectitur.

Ideoque Fabricius, secundi uteri tres partes constituit; principium nempe, medium, & finem. Principium inquit, in membranam tenuem mollissimamque degenerans, orificium latius efformat, quasi tubulum aut insundibulum representans. Altera pars (quam ego uteri processum nomino) spiris tribus transversis constans, albumini suppediando inservit; & ad locum, infimum & capacissimum protenditur, quem finem ejus uteri appellat, in quo chalaza (inquit) duæque membrana, & cortex efformantur.

Tota uteri substantia (præsertim circa plicas) tam in utero ipso, quam processu ejus, multis amplisque venis scatur: plures tamen sunt arteriarum ramuli, quam venarum.

Plt.

46 De reliquarum uteri partium, &c.

Plicæ, quæ in parte Uteri interiore obli-
quæ, & transversæ apparent, carnosæ sub-
stantiæ sunt; & colore albissimo, ac lacteo
præditæ, aquam lentam exsudent; ut tota
interior superficies, tum uteri, tum pro-
cessus ejus, multo quasi tenui albumine
madeat; unde vitellus descendens auge-
tur, circumpositoque paulatim albumine
perficitur.

Uterum ovis privatum raro reperies, sed
vel in processus spiris inhaerens; vel in ipso
utero contentum invenies. Si processum
hunc vacuum inflaveris, seu obliquus &
contortus tubulus apparebit, & admodum
cochlea, sive *turbinis* in fastigium assurgens:
talisque est ex plicis & spiris uteri fabrica,
qualem in vulva nuper observavimus; ut
licet nempe descendenti ovo via satis pa-
teat; tamen vix ullus retrorsum sit (vel in-
flato aeri) ad superiora transitus.

Processus uteri cum suis spiris, in *effæta*
gallina (ut diximus) atque etiam in pullis
juvenculis, adeò imminuitur, ut in tenuis-
simas membranas abeat, & plane aboleatur,
nullumque eius vestigium extet; uti neque
ovarj, aut infundibuli: solummodo ibi-
dem [tanquam racemi radix] glandulosum
quid, & spongiosum, quod in gallinis co-
ctis dulce sapit, reperitur; quemadmo-
dum in viviparis (præsertim juvenculis)
pancreas, & thymus; quos ideo nostrates
the sweet bread, id est, panem dulcem no-
minant.

Vitæ

De reliquarum uteri partium, &c. 47

Uterus, una cum processu, membranis opera dorso alligatur, quam propterea Fabricius *Mesometrium* vocat: quod secundus uterus, una cum hoc membranoso venosoque corpore, concinne admodum intestinis, & suo mesenterio comparari possit. Nam ut hoc, intestina; ita illud, processum oblongiorem à spina exortum firmat, & detinet; ne loco motus, & implicatus, vitellorum transitum impediat: sed liber, apertus, eosdem molliter excipiat. Per hoc *mesometrium*, plurima quoque vasa sanguine refertissima, in singulas uteri plicas ramificantur. Est itaque ortu, substantia, fabrica, usu, & officio mesenterio analogon. Quinetiam ab uteri fundo, secundum longitudinem, *ligamentum* (instar cœniæ) ad infundibulum usque protenditur, quale in superiore coli regione productum cernimus. Quasi portio quædam exterioris tunicæ tensa & contracta, ut reliquum processus in plicas & cellulas corrugeretur. Ita scilicet intestino aliquo exempto, filoque per longitudinem unius lateris traducto, & constricto, alteram eius latus in rugosas cellulas efformabis.

Hujusmodi igitur est constitutio uteri in gallina *fecundante*: carnosa scilicet: ampla, in longum latumque ductilis, anfractuosa, spiris & convolutionibus à podice sursum, secundum dorsi spinam protensa, atque infundibulo continuata.

DE GENERATIONE
Ovi.

EXERCITATIO IX.

Vitellus, in racemo, exigua duntaxat ^{papula} est; sensimque auctus, colorem & magnitudinem vitelli adipiscitur; indeque abrutus, per infundibulum descendit, & per spiras cellulasque processus devolutus, albumen induit: licet nullibi (quod recte contra *Aristotelem Fabricius*, observavit) utero adhæreat, nec per vasa umbilicalia augeatur; sed, ut piscium, vel ranarum ova, foris ex aqua albumina sibi parant, & circumvolvunt; vel, ut fabæ, ciceres, cæteraque legumina, & frumenta, humore macerata intumescunt, indeque alimentum pullulanti ex sese germini acquirunt: ita similiter ex dictis uteri plicis [tanquam ex ubere, aut *placenta uterina*] albuginea humiditate promanante, vitellus sibi (vegetativo, & innato, quo pollet, calore, & facultate) albumen quarit, & concoquit. Ideoque in plicis illis, & cavo uteri, liquor, albuminis saporem referens, copiosissime abundat. Atque hoc pacto vitellus paulatim descendens, albumine emgitur, donec tandem, in extremo utero, membranis, testa que durioris assumptis, ad partum perficitur.

DE

DE OVI INCREMENTO

& exitu.

EXERCITATIO X.

A Vdiamus Fabriciū: Sicuti dicimus Pag.
 (inquit) ventriculi actionem esse chy- 8.
 lificationem; & testium actionem, seminis
 generationem; quia in ventriculo chylus, in
 testibus semen comperitur: sic ovarum ge-
 nerationem esse pennatorum uteri actionem,
 omnino asseveramus, quod ovum inibi inve-
 niatur. Sed non est hac sola uterorum fun-
 ctio, ut patet; sed ea quoque adnotatur, &
 enumeratur, nimirum ovi augmentum, quod
 ovo statim genito succedit, quousque perfe-
 ctum efficiatur; & justam magnitudinem
 adipiscatur. Etenim gallina non prius na-
 turaliter ovum parit, quam perfectum fa-
 ctum, & congruam magnitudinem adep-
 tum fuerit. Igitur uterorum actio, tum ovi
 generatio, tum augmentum est: augmen-
 tum autem, nutritionem supponit, & in-
 cludit. Sed cum generatio omnis a duobus
 perficiatur, videlicet opifice, & materia;
 agens in ovarum procreatione nil aliud est,
 quam instrumenta, seu organa proposita, ni-
 mirum duplex uterus: materia vero nulla
 alia, quam sanguis.

Nos autem brevitati studentes, (omissis,
 ut oportet, altercationibus) ut facile con-

cedimus, uteri officium, & usum procreandis ovis destinatum esse; ita efficiens adæquatum [ut dici solet] & immediatum, in ovo ipso contineri asseveramus; ovumque, non ab utero, sed ab interno principio naturali, sibi que proprio, tum generati, tum augeri censemus; principiumque hoc à tota gallina primum in vitellum inchoatum, primamve papulam profluere; quod deinde [ceu innatus calor, aut natura opifex] vitello inhaerens, ipsum nutrit, augetque: quemadmodum, in unaquaque corporis parte, facultas quædam inest, qua ipsæ singillatim aluntur, & crescunt.

Modum autem quod attinet, quo vitellus albumine augetur, Aristoteles videtur gen. credidisse, in ovis, dum mollibus membran. l. branis obvolvuntur, canalem umbilicalem 3. c. 2. in acuta ovi parte esse, (ubi ovi principium statuit) per quem augeatur. Quam sententiam Fabricius reprehendit, negatque ullum 11. talem canalem adesse, aut vitellum ullibi utero adherere: atque dubium de ejus ovi appendicula diluit; discendo, ovum augeri dupliciter, prout duplex est uterus, superior, & inferior; & ovi substantia duplex, vitellus, & albumen. Vitellus adaugetur vero augmento sanguine nempe, qui ad ipsum pervenas porrigitur, dum adhuc vitellario appenditur. Albumen autem alio modo adaugetur, & accrescit, ac vitellus: etenim non per venas, neque per nutritionem, ut vitellus, incrementum suscipit; sed per juxta-

positi-

positionem vitello (dum per secundum uterum devolvitur) adhærescit .

Mea autem sententia , ovum ubique eodem modo augetur , quo vitellus in racemo ; à principio nempe intrinseco concoquente : hoc solum discrimine , quod in racemo alimentum illi per vasa deferatur , in utero autem jam paratam inveniat , quod imbibat . Quippe in omni nutritione , & accretione , æqualiter necessaria est partium juxtapositio , & applicati alimenti concoctio ac distributio : neque hæc minus , quam illa , vera nutritio censenda est : siquidem utraque novi alimenti accessu , oppositione , agglutinatione , atque transmutatione contingit . Nec minus sanè ciceres vel fabæ , attracto per tunicas suas terre humore , [quem veluti spongiæ imbibunt] verè nutriti dicuntur ; quam si eundem per venarum oscula admitterent : & arbores corticibus suis rorem pluviasque absorbentes , aquæ vere aluntur , ac per radices solent . Verum de nutritionis modo , alibi plura annotavimus . Impræsentiarum nos alia difficultas tenet ; nimirum an vitellus , dum albumen acquirit , separationem ejus aliquam , & distinctionem non faciat ; atque ita , dum augetur , pars quædam terrestrior in vitellum , seu medium ovi [tanquam ad centrum , ut *Aristot.* voluit] subsidat : pars alia levior eundem circumambiat . Inter vitellum enim , qui adhuc in racemo est , & eum qui in medio perfecti ovi reperitur ,

hoc maxime interest; quod ille, quamvis luteo colore sit; consistentia tamen magis albumen referat; & coctura, hujus instar, crassefeat, compactus, viscidus, & in laminas fissilis sit; vitellus vero qui in ovi, perfecti medio est, a coctione friabilis fiat, & consistentie magis terrestris, (non crassæ, & glutinosæ, albuminis instar) appareat.

DE OVI CORTICE.

EXERCITATIO XI.

Pag.
22.

TEmpestivum est, post declaratam ovi generationem, de ejus partibus, & differentiis agere. Componitur autem ovum (inquit Fabricius) ex vitello, albumine, chalazis duabus, tribus membranis, Videlicet, una vitelli propria, duabus totius ovi communibus, & demum cortice. Quibus duo addenda sunt, quæ verè ovipartibus annumerari non possunt; alterum est, quædam exigua cavitas in obtusiore ovi parte intra prope putamen efformata; alterum, per exiguum, albumque vestigium, quasi rotunda cicatricula vitelli superficie adnata. Quorum omnium historia exactius nobis asserenda est, ab externis exordientibus. Ovi exterius operculum (quod cortex, & putamen appellatur à Plinio; ovi testis, à Quinto Sereno;) est integumentum durum, tenue, friabile, porosum, colore vario; nimirum candido, pallido, rubro, maculato, & pun-

ctis

His distincto : videlicet gallinarum & co-
 lumbarum, candido; palustrium, pallido;
 tinnunculi, rubro, ut minium; phasianorum,
 maculato, punctisque distincto, ut ait
 Aristoteles. Putamen non omnia ova sorti-
 ta sunt: Et enim serpentium ova eo desti-
 tuuntur; & gallina aliquot solent (raro ta hist.
 men) sine cortice ovum parere. Putamen an. 1.
 hoc quanquam durum est, non tamen aqua 6. c. 2.
 liter id omnibus partibus durum apparet;
 sed durius ad ovi principium, & superiorem
 partem est. Ideoque Fabricius dubitan-
 dum ait, ex qua materia & quo tempore,
 ovi testa gignatur. Aristoteles enim & Pli- Pag.
 nius affirmant, corticem non intus gigni, sed 13. hi.
 cum ovum editum est; & propterea exit, ita ab stor.
 aere externo obdurari, colore externo evapo an. 1.
 rante humorum. idque factum, ait Arist. 6. c. 2.
 ne parenti dolorem moveret. & facilius & ge-
 egrederetur. Quemadmodum ovum aceto an. 1. 2.
 emollium, in vas stricti orificii facile in L. 10.
 trudi dicitur.

C. 52.

Fabricius quidem huic opinioni diu ad-
 versabatur; quod ovum duro cortice obdu-
 ctum intus reperisset; idemque mulieres quo-
 tidie experiantur, dum extra abdomen di-
 gitis ovi duritiem pertentant, ut cognoscant,
 an gallina mox sit editum ovum, necne. Po-
 stea autem, cum accepisset a mulieribus fide-
 dignis, ovorum corticem in exitu ab aere
 obdurari, qui lentum quendam humorem
 exeunti ovo circumfulsum & vestigio exsiccet,
 & cortici nondum exacte duro apponat, &

indures; atque ipse tandem experientia id comprobasset: mutavit sententiam, putavitque, ovum cortice obductum, & constitutionem inter molle & durum adeptum, jam in exitu statim impensius obdurari; concrefcente circa putamen è vestigio, propter humoris evaporationem, (ut ait Aristot.) viscoso ac tenaci quadam humiditate; cum quæ madescens in tota superficie ovum nascitur, & recenti cortici adhærescens exsiccatur, obduraturque, frigido ambiente nonnihil interea conferente. Id quod facile intueberis (inquit) si gallinam domesticam domi habueris, & ovum ei in extus dextræ manû arripueris.

In hac Aristotelis sententiâ diu hæserant, donec me certa experientia contrarium docuit. Quippe compertum habeo, ovum in utero, ferè semper duro cortice obductum esse. Et aliquando vidi ovum, è gallinâ viva exemptum, atque etiamnum calens, sine cortice humiditate tenaci madescens; quod tamen ab humiditate illa circa putamen concrefcente, aut evaporascente, (ut voluit Fabricius) nihil omnino obduruerat, neque ab aere ambiente frigido permurabatur; sed mollitiem, quam in utero habuerat, retinuit.

V. sum est etiam à me ovum è gallinâ recens prognatum, perfectoque cortice incrustatum, cuticula tamen membranosa, & molli super corticem inducta vestitum; quæ membrana nè quidem post ovi ortum

con.

concreſcebat. Vidi præterea ovum è gallina natum, undiquaque reſta obductum, præterquam in acuti culminis apice, ubi exigua molliſque quædam eminentia (qualem fortè *Ariſt.* pro umblici veſtigio habuit) permanſit.

Fabricius itaque mihi videtur à vero reſceſſiſſe: neq; enim ea dexteritate unquam fuit, ut ovum in ipſo exito arripere, idque inter molle, & durum reperire potuerim. Et hoc fidenter aſſero, corticem intus, ſive in utero, ex materia ibidem oblata confici; & non aliter, quàm reliquas ovi partes, a formatrice ejus facultate *plasmari*: eoque magis, quod viderim ovum perexiguum [*Fabricius centeninum* vocat, & noſtrates mulieres gallo adſcribunt] cruſta reſectum, intra aliud gallinæ ovum majus, perfectum, & cortice circumcirca obductum, contineri. Ovum hoc *Sereniſſimo Regi Carolo*, Domino meo clementiſſimo, multis alijs coram, ſpectandum præbui. Eodemque anno in limone majore diſſecto, limonem alterum perfectum, ſed per exiguum, flavo cortice obductum reperi. Quod iam crebro in *Italia* contingere, audio.

Communis eorum error eſt, qui hodie philoſophantur, quæſere varietatis partium cauſas, ex diverſa materia, unde oriuntur. Ita *Medici*, varias corporis partes, ex diverſa materia, vel ſanguinis, vel ſpermatis, gigni & enutriti aſſerunt: nempe ex

tenuiore materia, partes molles, ut carnes;
ex duriore & crassiore, terrestres partes, ut
ossa &c. Nos autem errorem hunc nimis
pervulgatum, alibi refutavimus. Nec mi-
nus illi falluntur, qui ex atomis omnia
componunt, ut *Democritus*; aut ex ele-
mentis, ut *Empedocles*. Quasi generatio
nil aliud foret, quam separatio, aut con-
gregatio, aut dispositio rerum. Non est
quidem negandum, ut aliquid ex aliquo
producatur, hæc quæ dicta sunt necessario
requiri; generatio tamen ipsa ab ijs omni-
bus diversa est. In hac sententia *Aristote-
lem* reperiō; atque ipsemet postea doce-
bo, ex eodem albumine (quod omnes fa-
tentur similitate esse, non autem ex diversis
partibus compositum) singulas pulli par-
tes, ossa, ungues, plumas, carnem, cæte-
rasque omnes, procreari & nutrirī. Præ-
terea, qui hoc modō philosophantes ma-
terialem duntaxat causam assignant, & vel
ex elementis sponte aut casu concurrenti-
bus, vel ex atomis variè dispositis, causas
rerum naturalium deducunt; quod est in
operibus naturæ, atque in generatione &
nutritione animalium præcipuum, haud
attingunt; divinum nempe illud efficiens,
& naturæ numen, (quod summa arte,
providentia, & sapientia operatur, omnia
que in finem aliquem, sive boni alicujus
gratiâ cœcit) non agnoscunt; sed divino
Architecto honorem derogant, qui non
minore artificio, & providentia corticem,

in ovi tutelam, extruxit; quàm cæteras omnes ovi particulas ex eadem materia & per eandem facultatem formatricem composuit.

Quamquam illa, quæ jam diximus, vera sunt (ovum scilicet etiam dum in utero existens, duro cortice muniti) tantopere tamen apud me semper valuit *Aristotelis* autoritas, ut non remere ab illa recedendum putem; ideoque credam (quod etiam observationes meæ confirmant) huic corticis concrectioni, aliquid in ipso ejus exitu ab ambiente aere accedere; sentiumque illum & lubricum humorem, (à quo dum nascitur, mader) statim ab ejus exclusione indurari. Cortex enim, dum in utero est, multo tenuior, & transparent magis, ac levi superficie conspicitur; edito autem jam ovo, crassior multo, minus translucent; & superficie aspera, tanquam polli-ne albißimo adperso; & nuper accrescente) apparet.

Liteat nobis, hic dum sumus, aliquantulum expatiari.

In *Scotia* insulis orientalibus disertis, tanta omnis ferè generis avium marinarum copia reperitur; ut, si, quæ à fidè diuinis accepi, retulero; verear, ne fabulas majores narrare videar, quàm quas autores varij, de *anseribus Scoticis* ex arborum quarundam fructibus, (quos nunquam viderunt) in mare delabentibus prognatis tradiderunt. Quæ ipsemet vidi, bona fide edisseram.

C S Est

Est insula parva, *Scoti Basse* nominant, [ex hac una *Leſſor* nosce omnes] non procul à littore in alto mari sita, abrupto & confragoso clivo editissima; (verius saxum ingens, sive seopolum dixeris;) haud amplius mille passuum circuitu amplitudo ejus clauditur. Hujus. Insulae superficies, [mensibus *Majo*, & *Junio*] nidis, ovis, flulisque propemodum tota instrata est; adeo, ut vix uspiam, prae eorum copia, pedem liberè ponere liceat; tantaque supervolitantium turba, ut (nubium instar) solem, coelumque auferant; tantusque vociferantium clangor & strepitus, ut prope alloquentes vix audias. Si subiectum mare, inde, (tanquam ex edita turri, & altissimo praecipitio) despexeris; idem quoquo verisum infinitis diversorum generum avibus natantibus, praedaeque inhiantibus operum videas. Quemadmodum, verno tempore, stagna alicubi ranis refertissima cernuntur: & aprici colles, montesque, acclives frequentissimis ovium caprarumque gregibus obsessi eminus spectantur. Si circumnavigando imminente clivum, suspicere libuerit, videas in singulis praerupti loci crepidinibus, & recessibus, avium cujuscunque generis & magnitudinis ordines innumerabiles; plures sanè, quam illi nocte, & sereno coelo stellae conspiciuntur: si advolantes, avolantesque eminus adspexeris, apum profecto ingens examen credas. Haud facile dixerim, quantus reditus quo-

quotannis ex plumis, & nidorum (specu-
tilium) reliquijs. ovorumque coëtorum
commercio possessori accedat: adeo, quod
ipse mihi narravit, fidem exsuperat. Hoc
unum, quod ad propositum nostrum,
propius spectat, potissimum mihi memo-
rabile videtur; estque præfata multitudi-
nis clarum indicium. Tota hæc Insula,
adventantibus candido nitore micat; clivi-
que, tanquam ex albißima creta, fulgent;
saxi tamen nativus color obscurus, & niger
est. Insulam albam, & splendenter red-
dit crusta ei adhærens albißima, friabilis,
eiusdemque (cum ovi cortice) consisten-
tiæ, coloris, & naturæ: adeo omnia ejus
latera integumento duro, testaque alba,
friabili superinducta, trullistata sunt. Pars
ima, quam reciproca maris unda quotidie
abluit, nativo suo colore conspicua, lucu-
lenter docet, albedinem illam in summo
fucatam esse, & a liquidis avium excre-
mentis, quæ cum alvi fecibus elidunt,
proficisci; qui bus, tanquam ovi testa alba,
dura, & friabili, saxum obtegunt &, acce-
dente aeris ambientis frigore, incrustant:
eodemque modo, *Aristoteles* quoque, &
Plinius, ovi testem fieri, voluerunt. Ha-
rum avium nullæ illius loci inquilini sunt;
sed parienti causa advenæ, per aliquot
duntaxat septimanas ibidem, tanquam in
diversorio, morantur; donec scilicet pulli
una avollare possint. Tamen alba illa
crusta adeo solida, firma, profunda, ad-

heret ut genuinam illius soli naturam crederes.

Excrementum hoc liquidum, album, & lucidum, ex avium renibus cum urina, per uréteres in communem cavitatem, seu cloacam, delabitur; fæces alvi ibidem coeperit, atque una prodit foras: estque crassior earum urinæ pars, quam in nostra, *sedimentum*, sive *hypostasim* nominamus. Nonnulla de hac re supra diximus, atque eandem alibi plenius demonstravimus. Alibi hujus excrementi copia ibi præsertim conspicua est, ubi accipitres stationibus suis contérminos muros fœcibus illinunt, albedine gypsea obducunt, & quasi cerussa depingunt.

In *serubionis* mortui cloaca, gypsei hujus cœmenti eam copiam reperi, quæ maximum integram facile impleret. Similiter in *testudine terrestri*, cæterisque quadrupedibus ovipatis, album hoc cœmentum abundat; forasque ejectum, evaporatione tenuioris partis, citò vel in crustam friabilem, aut in pollinem ovi testæ pulveratæ simillimum, concrescit.

Inter avium tam diversa genera (quæ ad Insulam dictam generandi causa advolant) tamque varios nidorum modos, in quibus ova incubant; una mihi monstratur avis, quæ ovum duntaxat singulare, sive unicum parit, idemque super cuiusdam lapidis acuti fastigium collocat, (nullo nido, aut conquisita strue supposita) idque

idque tam firmiter, ut mater abire, & redire, salvo ovo, possit. Hoc autem si quis loco dimoveat, nulla arte postea stabiliri potest; quin inde devolutum, præceps in mare ruat. Locus nempe, ut dixi, cæmento albo incrustatur; ovumque cum nascitur, lenta & viscosa mader humiditate, qua cito concresciente, tanquam ferrumine quodam, substrato saxo agglutinatur.

Tam subitæ concreditionis exemplum apud Statuarios videre est, qui ex alabaistro calcinato, vel gypso aqua temperato, *cementum liquidum* efficiunt; quo ita applicito, defunctorum vultus, vel alterius cuiuslibet rei, etiam minutissimæ, simulacrum & imaginem excipiunt; eodemque mox indurecente, *proplasmata* concinnant.

Quemadmodum igitur, in omnibus ferre liquoribus terreni aliquid inest [ex. gr. in vino, tartarum; in aquis, limus, aut sabulum; in lixivio, sal; qui, humido magnam partem exhalante, concrevit & subdidit] ita pariter sedimentum album aviū, una cum urina, è renibus in cloacam descendere arbitrabar, ovumque ibidem eodem oblini & incrustari; ut pavimenta à falconibus, & prædictæ Insulæ totum cli-vum gypfari diximus: & perinde atque vasa, locaque alia ubi crebro mingitur, flavo cortice regi solent; materia illa scilicet concresciente, ex qua calculi in-

seni-

renibus, vesica, aliisque corporis partibus generantur. Credebam, inquam, præsertim *Aristotelis*, & *Plinij* auctoritate ductos, ex huiusmodi albo sedimento, quod in omnibus oviparis, [quorum ova duro cortice integuntur] copiose adest, ovi gallinaei corticem fieri, & ab ambiente frigore, dum excluditur, concreescere: Eandemque meam sententiam, aliæ quoque plurimæ observationes adeò confirmant; ut vix mihi temperem, quin credam, aliquam saltem testæ partem inde produci.

Veruntamen (ut recte monet *Fabricius*) ratio omnis conticescat oportet, ubi experientia refragatur. Viciumq; huius seculi est nimis familiare; phantasmata, ex conjectura, leviq; ratiocinio, sine oculorum testimonio, nata, pro manifesta veritate obtrudere.

Mihi enim certò compertum est, ovum (saltem apud nos) in ipso utero exstens cortice integri: licet *Aristoteles*, & *Plinius* contrarium affirmant, idque *Fabricius* quoque haud pertinaciter negandum putet. Forsthan locis calidioribus & robustioribus gallinis, ovum molle & sine testa ut plurimū nascitur; apud nos verò id rarissimè contingit. Ita mihi olim, *Venetij* cum essem *Aromataris* Medicus clarissimus ostendit, inter utramque faseoli laminam, minutum solum efformatum; tum tamen apud nos, in similibus faseolis; duntaxat apex parvulus nascitur germinis

minis appareat. Tantopere ad fecunditatem & celeriore proventum, cœli, soli, aerisque benignus tepor, & clementia conducunt.

DE RELIQUIS

Ovi partibus.

EXERCITATIO XII.

VBi autem, quando; & quomodo reliquæ Ovi partes generentur, in historia utriusque partem jam diximus; partimque postea, ubi de earum utilitatibus agetur, dicemus. Pag. 32. Albumen.

Albumen [inquit Fabricius] ovi *albus liquor*, Plinio; ovi *candidum*, Celso; ovi *albor*, Palladio; ovi *album*, & *albamentum*, Apicio; Græcè λευκόν; ab Arist. αἷς λευκωμα; ab Anaxagora, ὀρνιθὸ γάλα, *lac avium* dicitur. Estque ovi liquor frigidus, lentus, albus, varius crassitie, (nam ad obtusam, acutamque ovi partem liquidius, in altis partibus crassius visitur;) & copia, (copiosior enim est ad obtusam ovi partem, minus ad acutam, & adhuc minus in cætera ovi parte) vitellum undique obtegens, & cingens.

Ego verò in ovo gallinaceo non modò varium albumen observavi, sed etiam duplex; utrumque propria membrana involutum: alterum tenuius, liquidius, & eiusdem

dem ferme consistentiæ cum humore illò quem ex uteri plicis manantem, albuminis materiam & nutrimentum diximus. Alterum albumen est crassius, & viscosius, pauloque magis ad albedinem vergens; in vetustioribus autem & requietis ovis, post aliquot dierum incubationem sufflavescens. Ut secundum hoc albumen, vitellum undique obregit; ita liquor ille exterior, ipsum circumambit. Bina hæc albumina distincta esse, vel hinc constat: Si, ablato cortice, membranam utramque proximam penetraveris; videbis alborem; liquidum & exteriorem protinus effluere, iisdemque membranis hinc inde in partem reclinatis, interius tamen & crassius albumen, locum, & figuram suam globosam servat; utpote membrana propria, tenuique adeò, ut visum proisus effugiat, retinatum; hanc autem si tecueris, secundum albumen illico huc illuc sparsim effluit, & figuram rotundam amittit; perinde atque è vesica secta humor in ea servatus prorumpit, & disrupta propria vitelli membrana, liquor croceus egreditur, & globositas pristina subsidit:

Vitellus (ait Fabricius) à vita dicitur, quia eo vivat pullus; dicitur quoque à colore, ovi luteum: Græcè, *χρυσόν*; Hippocrati, *χλωρόν*; Aristoteli, & *ὠχρόν*, & *χρυσόν*: Antiqui, ut Suidas ex Menandro; *θεοτόν*, idest pullum appellaverunt; quod existimarent ex ea ovi parte pullum

De reliquis Ovi partibus. 65

nasti. Est ovi liquor mollissimus, tenuissima membrana obductus, aqua abrupta effluit; neque amplius in se constans detinetur; in medio ovi consistens; colore modo luteo, modo inter flavum & pallidum medio perfecte rotundus; magnitudine varius, propennatorum magnitudinis varietate, palustria enim plus lutei, terrestria plus albi habere scribit Arist. hoc eodem autore, Hist. luteum ovorum atque albumen contrariam an. 1. naturam obtinent; non solum colore, sed 6.c.2. etiam potestate. Luteum enim à frigore densatur; albumen non densatur, sed magis liquefit. Contra ab igni spissatur albumen, luteum non spissatur, sed molle permanet, nisi peruratur. Et elixando, quam assando, plus concrefcit, atque siccatur. Et quemadmodum, in mundo majore, terra in centro posita, aqua & aere circumdatur; ita patitur vitellus, ovi pars terrestrior, duobus albuminibus, crassiore, & tenuiore ambitur. Imo vero, teste Aristotele, si quis vitellos atque albu- Hist. mina multa exempla, inque patinam indi- an. 1. 6. 1. commiscuerit, atque elixarit igne molliore remissioneque; lutea tota massa in De- medium erit orbiculare, alba autem huic gen. circumfunditur. Medici autem plurimi, al. 1. 3. albumen esse partem ovi frigidioram stat. c. 1. tuunt. Sed de his posthac, plura.

Chalaza, i. e. grandines, Italis gallina- Chal- dura, Anglis the treddle, binæ singulis laz- ovis obtigerunt; altera in obtuso, altera

in acuto angulo. Plus earum in albumine reperitur; vitello tamen validius adherent, ejusque membranæ appenduntur. Corpora sunt longiuscula, concreta magis quam albumen, & albidiora, nodosa, laciditatis ejusdem non expertia, ut grandæ; unde illis nomen: constat enim quælibet chalaza pluribus quasi grandinibus albumine ad invicem junctis. Earum altera major est, & longius à vitello versus obtusum ovi cacumen protenditur; altera minor, a vitello inferius versus partem ovi acutam porrigitur. Major ex duobus vel tribus nobis, quasi grandinis gravis, globulisve constat; qui modico intervallo à se invicem distant, & minor ordine majori succedit.

In omnibus omnium avium ovis reperiuntur; fecundis pariter, & subventaneis; idque in utroque eorum cacumine. Vnde apparet vulgaris muliercularum error, existimantium, grandines esse galli sperma, atque ab ipsis pulum procreari. Atque ipsemet Fabricius, licet neget eas ex galli semine constare; multis tamen rationibus contendit, eas immediatam esse materiam, quam gallus fecunditate imbuit, & ex qua pullus corporetur. Idque hoc levi argumento, quod in cocto ovo, chalaza in se ipsa contrahantur, ut conceptus, sive pulli jam efformati ac geniti similitudinem referant. Verisimile tamen non est, plura futuri fœtus rudimenta in eodem ovo requiri.

Pag.
48.

Pag.
57.

quiri: nec unquam quicquam, nisi in
obtuso angulo, pulli primordium repe-
rije. Quinetiam dictæ chalazæ in ovis per
coitum fecundis, nulla sensibili differen-
tia ab ijs discrepant, quæ in ovis irritis in-
veniuntur. Hallucinatus itaque est vir
clarissimus circa *Gravidinis* usum in ovo;
idque postea ex dicendis clarius consta-
bit.

Etiã in minimarum avicularum ovis,
tenue filum, aut nervulus, *chalazæ* vesti-
gium exhibet. In ovorum *Struthionis* &
Cassovare utroque cacumine, vidi chala-
zæ crassissimas, longissimas, & albißimas
ex pluribus globulis magnitudine invicem
cedentibus constatas.

Cavitas quædam exigua in obtusiore ovi *Cavi-*
parte, intus prope puramen conspicitur; *tas*,
quæ interdum in ipso fastigio sita est, in-
terdum nonnihil ad latus inclinat, subje-
ctæ chalazæ ferè è directo respondens. Fi-
gura, ut plurimum, circulari est; in anate
autem & anserè exactè circulum non re-
fert. Hanc evidenter tanquam maculam
obscuram cernere licet, si posito ex adver-
so lumine, impoßitaque transversim ma-
nu, in obscuro intuitus fueris. In ovo re-
centissimo exigua est, oculi humani pu-
pillæ magnitudinem referens. Quotidie
increfcit, prout ovum requietum magis
fuerit, & ambiens aer calidior. A prima
statim incubationis die valde ampliatur:
tanquam, parte aliqua exterioris & liqui-
dioris

rioris albuminis exhalante , reliqua contraheretur & spatium amplius relinqueret : sit enim cavitas isthæc inter testam , membrana succingente ibi loci destitutam , & membranam exteriorem universos ovi liquores amplectentem . Omnibus ovīs inest : imo verò in utero adhuc remanente ovo , quamprimum cortice obtegatur , inveniri ; Ajunt harum rerum curiosi , si cavitas hæc in summo fastigio fuerit , ex ejusmodi ovo nasciturum marem ; feminam autem , si versus latus deflexerit . Hoc sane compertum est ; cavitatem minimam , significare , ovum jam recens editum ; contra verò , requietum esse , si grandiscula fuerit . Erit autem uberior postea de hac re dicendi locus .

Cicatricula alba , & perexigua , vitellaria [tanquam cicatricula quædam inusta] adnascitur : quam ideo *Fabricius Cicatriculam* nominavit ; sed parvi fecit , & potius ovi affectionem , quam partem ejus aliquam existimavit . *Macula* hæc perpusilla est , lenticula ferè magnitudinis , aviculæ pupillam referens , alba , plana , & circularis . Omnibus quoque ovīs inest ; etiam à prima eorum origine in vitellario . Quare fallitur *Fabricius* ; dum putat , hanc maculam esse duntaxat abrupti pedunculi vestigium ; quo , in ovario , ipsi racemo appendebatur . Pedunculus enim (ut ipse agnoscit) cævus est , & vitello appropinquans dilatatur , ut ipsum totum ambiat ,

& tanquam in sacculo contineat: non aurent illi (ut pedioli pomorum, aliorumque fructuum) infigitur, ut ita abrutus vestigium sui relinquat. Quod si aliquando in magno vitello, [ut *Fabricius* refert] duplicem maculam conspexeris: causa monstri forsitan fuerit, & duplicati foetus, ut postea dicetur; non autem duplicis pedunculi indicium. Plurimum vero hallucinatur dum cicatriculam hanc nulli usu inservire credit: est enim præcipua totius ovi pars, cujus gratia reliquæ omnes efformantur, & ex qua pulvis originem suam ducit. *Parisanus* quidem perperam hanc esse galli semen contendit.

DE OVORVM

differentijs.

EXERCITATIO XIII.

Orum generaliter bisariam sumitur; vel proprie, vel improprie. Ovum proprie dictum appello, cui ovi definitio ab *Arist.* tradita, competit: Ovum est, ex cujus parte animal gignitur, reliquum cibus ei, quod gignitur, est. Improprie vero dictum ovum apello, quod similiter *Arist.* eodem loco definiit, ex quo toto animal nascitur; ut gen. sunt ovaformicarum, muscarum, aranearum, & aliarum, quorundam papilionum, & alia idc. genus perpusilla admodum ova; quæ *Arist.* fere

Pag. fere perpetuo veritus est ovi voce nuncupare,
 19. sed vermiculi nomine ipsa donavit. Hæc
 quidem *Fabricius*: nobis autem, (qui de
 ovi gallinacei generatione præcipue agi-
 mus) omnium ovorum differentias hic
 universim tradere, non est animus; sed gal-
 linaceorum duntaxat dissimilitudines pro-
 ponere. Ova igitur gallinacea, alia, sunt
 recentia; alia, requieta; illa, quàm hæc, al-
 diffidiora sunt; ætate quippe offuscantur, &
 recentia præsertim ab incubatione: ipsæ etiam
 ab ætate in obtuso angulo exigua est: &, si
 tate. valde recentia fuerint, ab adhærente polli-
 ne aliquantulum scabra sunt: requieta
 vero, ut cortice obscuriore, ita & lavigato
 magis constant. Recentia (modo integra
 fuerint) prope ignem posita sudant; &, præ-
 ceteris, jucundo sappe prædita sunt, plu-
 rimumque in delitijs habentur. Imo ve-
 rò, ova, post duorum aut trium dierum in-
 cubationem, suavius sapunt, quàm re-
 quieta: quasi blando gallinæ repore de-
 nuo refocillata, ad naturam atque integri-
 tatem recentium reverterentur. Quint-
 etiam, post diem decimum quartum, (cum
 jam pullus plumescere incipit, mediumque
 ovi possidet, & vitellus fere integer super-
 est) ovum in aqua ebulliente ad duritiem
 coxi, ut pulli situm exquisitius dignosce-
 rem; cujus posituram, instar proplasmatis
 albuminis cavitas expressit: ejusque vitel-
 lum grati planè saporis, similisque suavita-
 tis cum recenti ovo itidem indurato, repe-
 ri.

ri. Vitellus vivente adhuc gallina, à racemo diremptus, statimque comestus, dulcius sapit crudus, quam coctus.

Ovorum etiam à figura discrimen est: A. fi-

alia enim alijs longiora sunt, & acuminata gura.

magis. Ex oblongis & acutis ovis (autore Hist.

Aristotele) fœmina generantur: ex ijs, qua an. 1.

mueronem obtusum habent, mares. Plinius 6.e.2.

autem contrarium statuit; Fœminam 1.10.c.

edunt, inquit, qua rotundiora gignuntur, reli- 52. 1.

qua mares. Cum eo etiam est. Columella. 9. de

Cum quis volet, inquit, quamplurimos ma- rust.

res excludi, longissima ova subjiciat: & c. 5.

rius, cum fœminas, quam rotundissi. Sca-

ma. Aristotelis sententia hanc causam, lig. in

habet: quoniam calidiora sunt rotundiora: locū.

est enim calor congregare & constituere;

plusque is calor potest, qui plus operatur.

A validiore igitur & perfectiore principio,

robustius & perfectius animal exsurgit.

Tale est mas, fœminæ (præsertim gallus

gallinæ) comparatus. Contra autem, mi-

nora ova inter imperfecta recensentur, &

minima omnino improlifca habentur.

Ideoque Aristoteles ad laudabilem ovo-

rum proventum, frequentem galli coitum

laudavit. Sterilia autem, & subventanea

ova, minora esse asseruit, minusque sapi-

da; quod talia sint humida, & imperfecta.

Dicta autem differentia intelligenda est, de

ovis ejusdem gallinæ: nam cum gallina,

quælibet similia semper ova pariat; mares

inde omnes, vel fœminas produceret. Ali-

ter si intellexeris, incerta valde fuerit, ex
 predictis signis, de mare, aut foemina con-
 jectura. Quippe varia gallinæ, ova edunt
 tum magnitudine, tum figura dissimilia:
 aliæ nempe oblonga, aliæ rotundiora, pa-
 rumque à se invicem discrepantia. Licet
 enim aliquando in ejusdem gallinæ ovis
 discrimen aliquod invenerim; est tamen
 hoc adeò exiguum, ut, nisi valdè exerci-
 tatis, non innotescat. Cum enim in eo-
 dem utero, (in quo cortex adhaesit) ceu
proplasmate, singula ejusdem gallinæ ova
 figuram suam penè eandem acquirant;
 (quemadmodum in coli celulis excremen-
 torum scybala) necesse est, ut magna in-
 ter illa reperiatursimilitudo; adeo, ut ip-
 semet non multo negotio, in parva galli-
 narum caterva, quodnam cujuslibet galli-
 næ ovum esset, facile internoscere potue-
 rim. Idque alij promptius præstiterint,
 postquam huic rei diuturnam ac sedulam
 operam impenderint. Profecto admira-
 tione longe dignius est, quod in venato-
 ribus quotidie experimur. Vivariorum
 custodes diligentiores, qui cervorum, vel
 damarum complurium curam habent; si
 forte cornua singulis annis decidua, in
 sylvis aut saltibus repererint; quorumnam
 cervorum ea fuerint, certissimè digno-
 scunt. Erat pastor stolidus; planè & infru-
 nitus, qui ovium numerosum gregem cu-
 rabat; is singulas adeo internoverat, ut, si
 quæpiam abesset, à grege, (licet numerare

nesciret) nominatim indicaret quanam
 esset, à quo emptæ, aut unde venisset. Ali-
 quando etiam, tentandi gratia, inter qua-
 draginta agnos simul in ovili conclusos,
 quem Dominus veller, particulatim selige-
 bat, & ad matrem in grege errantem de-
 ferebat. *Venatores* novimus, qui, si cervum
 aliquem, aut ejus cornua, semel duntaxat
 conspicati essent, aut vestigia eius in luto
 dissent; eundem postea, per eadem cor-
 nua, aut vestigia, (tanquam ex ungue leo-
 nem) à cæteris omnibus certo distingue-
 rent, atque internoscerent: quin etiam ex
 vestigijs jam primum visis, de ignoti cervi
 magnitudine, obesitate, & vigore judica-
 rent; nempe; utrum viribus validus, an
 cursu defatigatus esset; simul, utrum mas,
 an fœmina, discernere. Dicam adhuc
 amplius; sunt, qui in venatione, ubi qua-
 draginta circiter canes feram insequuntur,
 omnesque simul elatis vocibus perstre-
 punt, singulos tamen (etiam eminus) inter-
 noscant, atque auditu solo intelligant, quis
 eorum primus, quis posterior sit; quis re-
 cto tràmire incedat; quis avius aberrat: num
 fugiat fera, an adstet, & cornibus repu-
 gnet: utrum longe præcurrat, an recens è
 culibi suscitata fuerit. Atque hæc omnia,
 in medio canum, hominum, cornuum-
 que strepitu, & fragore; idque in ignota,
 & obscura sylva. Haud magnopere itaque
 mirabimur, si diutius exercitati, singula
 ova, à quam gallina edita sint, intelli-

D gant.

gant. Utinam profecto æquè in promptu
esset, ex filio cognoscere genuinum pa-
trem.

Præcipua autem ovorum differentia
est, quod alia, sint fecunda; alia, infæ-
cunda; quæ etiam dicuntur improlifera,
eate. irrita, hypenemia, sive subventanea, &
Zephyria. *Hypenemia* dicuntur, quæ sine
maris coitu edita ad pullationem inepta
sunt; quasi à vento prognata forent; quem-
admodum *Varro* testatur, *equas in Lusita-*
De re *nia vento concipere*. Est enim Zephyri au-
rast. ro fecundissima, indeque illi nomen,
c. 1. quasi *Conoëpos* vitam ferens. Ita enim
Virgilius,

---- Zephyrique repentibus auris

Laxant arva sinus, superat tener omni-
bus humor.

Parturit omnis ager, &c.

Hinc antiqui, cum verno tempore,
stante hoc vento, viderent gallinas, citra
maris operam, ova parere; *Zephyrum*
eorundem procreationis autorem rem cre-
diderunt. Sunt etiam ova urina & cynosura
(quæ sunt incubatione derelicta) sic di-
dicta, quod diebus canicularibus ova sæpe
putrescant, quia ob æstus nimios ab in-
Hist. cubantibus gallinis deserunt; vel etiam,
an. 1. quia ea anni tempestate crebro tonat, *Ari-*
6. c. 2. *stoteles* enim asseruit, ova perire, si gal-
Plin. lina incubante tonuerit.

l. 20. Ova illa fecunda censentur, quæ, (ab-
c. 54. latris impedimentis extraneis] foru blando
de

de se pullos producant. Quod non solum fit à gallinæ, sive matris incubatione, sed & cujuscvis alterius avis, [modo justæ magnitudinis fuerit, ut operiendo foveat, & protegat] aut alio quocunq; blando calore. *Nihilo enim secius* [inquit *Aristoteles*] *spon*te *Ibid.* sua in terra, quam avium incubatu perficiuntur. Quemadmodum in Aegypto defodiunt in fimo terra abrupto. Et Syracusis prodidere potatorem quendam, ovis sub strea humo stratis tandiu potare solitum esse, dum ova excluderentur. Livia Imperatrix quoque fertur ovum tandiu in gremio fovisse, donec ex eo fœtus redderetur. Hodieque in Aegypto, alibique, in clibanis sive hypocauftis, pulli ex ovis generantur. *Pag.* Ovum itaque [ut *Fabricius* vere asserit] non ¹⁹ modo pulli uteris, & locus est; sed id etiam à quo tota pulli generatio pender; quam ovum perficit, ut agens, ut materia, ut instrumentum, ut locus, & ut alia, si qua concurrant.

Certum enim est, pullum ab interno in ovo principio efformari; nihilque ovo perfecto ab incubatione accedere, præter formatum & tutelam; quemadmodum nec gallina, pullis jam exclusis quicquam amplius tribuit, præter benignum calorem, & curam, quibus à frigore, & externis injurijs eos protegit, victumque facilem suppeditat. Desideratur igitur potissimum, gallinæ incubatio, ut exclusos jam pullos huc, illuc deducat, victum idoneum quæ-

rat, & præparat, alarumque tempore fo-
veat. Quod alijs artibus haud facile præ-
stiteris. Capones, & hybridæ apud nos
in vivarijs ex phasianis & gallina geniti,
ova quidem incubant, & excludunt; pul-
los tamen commode deducere, curam-
que educationis sedulam præstare nesciunt.

Lubet hic mirari [de eadem re postea]
ubius disceptaturi] quanta sedulitate &
patientia, aves foeminae ferè omnes, dies
noctesque totas nidis suis insideant, seseque
macerent, ac præ fame propemodum ene-
cent; quantisque periculis sese exponant,
ut ova tueantur; quæ si aliquando coactæ
tantillum reliquerint, hem! quanto ardo-
re, & festinatione eadem repetunt, & ope-
riunt? Anates, & anseres, interea dum
paulisper absuerint, ova stramine tegunt,
& occultant. Qua vero magnanimitate,
imbelles sæpe matres ova sua protegunt?
quæ tamen fortassis subventanea, aut uri-
na fuerint, aut etiam non sua; imo verò
artificialia interdum ova, ex creta aut ebo-
re efficta, pari animi fortitudine defen-
dunt. Stupendus profecto avium amor
erga ovum iners, & vita privatum; quod
tantæ sollicitudini nihil commodi, aut
voluptatis retribuat. Quis non admiratur,
affectum illum, aut furorem potius, glo-
cientis gallinæ; qui extingui nequit, nisi
aqua frigida obruatur? Durante hoc ani-
mi impetu, cuncta negligit; & ceu furi-
bunda, alas dimittit, dum hispida surri-
guntur

guntur plumæ ; inquieta , & querula obambulat ; alias gallinas nido deturbat ; ova passim quærit , quæ incubet ; nec quiescit ; donec aut illa nacta fuerit , aut pullos quos deducat ; quos sanè miro zelo , & ardore convocat , fovet , pascit , & tuerur . Quàm lepide risum movet gallina , dum supposititios anatis pullos [quos , pro suis , exclusit] in aqua natantes sequitur , locumque sæpe ambiens , cum periculo vadum tentat , invocat , mirisque artibus ad se pellicere satagit ?

Ova sterilia pullos non excludunt , [au- Hist. tore Aristotele] quia humor eorum ab incubatione non crassescit , neque aut lu- an. l. reum , aut candidam a pristina natura 6.c.2. immutatur . Verum de hac re postea in universali generationis contemplatione tractabimus .

Mulieres apud nos , ut ova cynosura & irrita , à fecundis . (quæ pullos intus formatos habent) internoſcant ; post decimum quartum , aut decimum sextum à primo incubatu diem , ova in aqua repentem moliter demittunt : quæ fundum petunt , irrita habentur ; fecunda , quæ innatant . Si foetus in ovo grandior factus se alacrius moverit , ovum non modò huc illuc volutatur , sed & saltus edit .

Et si aurem propius admoveris per aliquot dies ante exclusionem , pullum intus calcitrare , obstrepere , & pippire audies . Similes turbas ubi gallina incubans in ni-

do fenferit, ova revoivit, & accommodat; (ut sedule matres inquietos, & plorantes infantes in cunis solent) donec pulli, debitam posituram nacti, quieverint.

Gallarum ova numero præterea distinguuntur. *Alisquæ enim gallina* (ait Philolophus) *toto anno pariunt, præter menses brumales duos. Generosa quadam, ante incubationis tempus, etiam sexagena pariunt.* *Quæquam hæc minus sunt fecunda, quam plebeia. Adrianica gallina parva sunt: quotidie pariunt: morosa tamen sunt; & pullos interimunt sæpe suos; ac sunt versicolores. Et domesticis nonnulla etiam bis die pariunt. Iam verò etiam quadam ob ingentem fecunditatem brevi interiere.*

In Anglia, aliquæ gallinæ quotidie ovum pariunt; sed fertiliores ut plurimum biduo continue pariunt; primum nempe ovum maturitatis tempore, secundum postridie sub vesperein; tertio autem die feriantur. Nonnullis quoque gallinis, ova sua rumpere, nidolque deferere consuetudo est, Morbo ne id fiat, an vitio, necdum constat.

Ab incubatione etiam differentiæ capi queunt: siquidem aliæ semel, aliæ bis, tertæ, aliæ multoties incubant. *Florentinus* autor est, in *Alexandria* illa, quæ ad *Ægyptum* spectat gallinas qualdam *Monosiras* dici, ex quibus pugnaces oriantur galli, quæ bis aut ter incubent, post absolutiorem scilicet pullis illis subtractis, seorsumque

que enutritis. Ita contingit, ut una gallina quadraginta, aut etiam sexaginta, & plures unico incubatu excludat.

Sunt etiam quadam ova, majora; alia, à majora; aliqua, etiam minima, quæ vulgò gnita in Italia centenina dicuntur, & mulieres dine nostræ hodie (ut & olim) à gallo edita, & Pag. Basiliscos productura fabulantur. *Vulgus*, 10.

(inquit Fabricius) putat exiguum hoc ovum esse ultimum gallinarum, cum jam centum ova gallina pepererit; (unde centeninum vocant) quod sine vitello est; habet tamen cetera, ut chalazas, albumen, membranas, & corticem. Verisimile enim est, tunc generari, cum vitelli omnes jam in ova migrarunt, neque amplius in vitellario aliquis superest vitellus, qui in ovum evadere possit; ex altera tamen parte, albuminis adhuc modicum superest: ex hoc enim modico credibile est, ovulum propositum creari. Mihi autem hoc minus verisimile videtur; quia certum est, absumpto toto ovario, uterum quoque secundum (ita ab eo dictum) pariter extenuari, & in membranam flaccescere; nec quidquam albuminis, vel humiditatis in se continere. Addit Fabricius, Ovum centeninum duplex reperitur, alterum sine vitello. [& hoc vere centeninum dicitur] quod est ultimum à gallina emissum, cum quo gallina emissum, cum quo gallina omnino cessat eo anni tempore ab ovipariendis. Alterum est similiter pusillum ovum, quod vitellum habet, & non est ulti-

num à gallina editum, sed intermedium,
 & post illud gallina adhuc sequitur ova
 parere iusta magnitudinis, sicuti antea: sed
 deficit in magnitudine, propter diminutam
 facultatem vegetalem; sicuti accidis persico,
 & alijs plantis; qua modo quidem plurima
 iusta magnitudinis, nonnulla autem perpu-
 silla efficiuntur. Potuisset his accensere in-
 clementiam cœli, & soli, atque alimentum
 penuriam, & pravitatem. Ultima autem
 ova semper perpusilla esse, non libenter
 concesserim.

Aldro Nec defunt ovis sua monstra: *Augures*
vādus enim (ait *Aristoteles*) pro ostentio habebant.
orin- quando ova tota lutea nascuntur; vel cum,
thol. discissa gallina, talia ova sub septo transver-
l. 14. so, ubi foeminis ova adherent, inventa sunt
Pag. magnitudine ovi perfecti.

260. Huc quoque referri possunt ova gemel-
 lifica, quæ duobus vitellis prædita sunt;
 quale nuper in utero gallinæ perfectum,
 testaque obiectum reperi, cum vitellis, ci-
 cariculis, atque albuminis crassioribus,
 omnibus geminis; aderant etiam quatuor
 chalazæ; albumen autem tenuius unicum
 duntaxat prædicta omnia circumambiebat;
 quod item membranæ dux communes
 solum investiebat; & singulari cortice
 integebatur. Enimvero licet *Aristoteles*
 dicat, & gallinas aliquas ejusmodi semper
 ova parere; istuc tamen præter naturæ in-
 stitutum non contingere, vix crediderim.
 Et quamvis ex istiusmodi ovibus gemini pul-

li nascantur, (ut nobis compertum est, contra quam arbitrat^{ur} *Fabricius*, qui ait, ex tali ovo pullum procreari cum quatuor cruribus, duobusque capitibus, aut quatuor alis : qua de re infra aliquid dicitur) non sunt tamen vitales, sed plerumque cito pereunt ; idque ob loci atque aeris incortice defectum, vel quod alter alteri impedimento sit, & nocumentum adferat : neque enim fieri potest, ut uterque exclusioni æque paratus sit, & non alter eorum abortus fiat .

Vt breviter & summatim dicam : differentiæ ovorum sunt potissimum trium generum : alia nempe fecunda sunt, alia irrita : alia matrem, alia scēminam productura : alia ex cognati generis parentibus, alia ex diversis oriuntur, & hybridas pullos pariunt ; qualia a gallina, & phasianō concipiuntur : & vel priorem, vel posteriorem ineuntem matrem referunt .

Quippe, auct^{or} *Aristotele*, ovum quid Hist. per coitum constitutum est, transi^t à suo ge- an. 1. nere : in genus aliud ; si prius coeat (qua vel 6.c.2. subventaneum, vel semine maris diversi conceptum feri) quam luteum in candidum mutetur . Atque ita & hypenemia fiunt fecunda, & fecunda suscipiunt maris formam, qui posterior inierit . Quod si jam in album facta sit mutatio, fieri non potest, ut vel subventanea in fecunda mutantur, vel qua per coitum concepta gestantur, transseant in genus maris, qui secundus coierit .

Est enim semen galli (ut facere Scaliger)
 In lo^o quasi testamentum , ejus ultima voluntas
 cum . valet .

His forsitan addere liceat, Ova quædam,
 præ cæteris, esse robusta, vegeta, & (si fas
 dicere) animosa: in ovis enim ut anima
 inest, ita etiam pars virtus indulatur. Quem-
 admodum enim in alijs animalium gene-
 ribus, fœminæ quædam libidine adco tur-
 gent, venetisque plenæ sunt, ut ab omni
 [etiam levi] coitu, eodemque semel dun-
 taxat, & imbecilliore quoque mare, per-
 acto; protinus tamen concipiant, plures-
 que fœtus ex eodem coitu producant: aliæ
 verò tam torpidæ & ignavæ sunt, ut, nisi
 à mare generosiore, cupidinisque spiritu
 accenso, comprimantur, (idque repetito
 sæpius, & continuato coitu) prorsus infœ-
 cundæ mancant. idem quoque similiter
 in ovis contingit; quorum aliqua licet à
 coitu concepta fuerint, inprolixa tamen
 sunt, nisi à repetito & continuato coitu
 perficiantur. Inde fit, ut nonnulla ova,
 celeriter mutantur, & tertio ab incubatio-
 ne die fœtus primordia exhibeant; alia ve-
 rò vel corrumpantur, vel tardè admodum
 in pullum proficiant, & ad septimum usq;
 diem nullum futuri pulli specimen edant.
 Quemadmodum postea, in generatione
 pulli ex ovo, dicitur.

Atque hætenus de gallinæ utero, ejusq;
 officio; de generatione ovi gallinacel,
 hujusque differentijs, & accidentibus, ex-
 perta

per ea tradidimus: quorum exemplo, de reliquis etiam oviparis judicare liceat.

Superest, ut de generatione & formatione fœtus ex ovo historiam prosequamur. Siquidem (ut supra monui) tota gallinacei generis contemplatio in his duobus sita est: quomodo scilicet, ex mare & femina ovum procreetur; & quo pacto ex ovo, gallus & gallina proveniant; istoque circuitu, illorum genus aternitatem, Naturæ munere, consequatur.

DE GENERATIONE

fœtus ex Ovo gallinaceo.

EXERCITATIO XIV.

DE Ovi gallinacei formatione, & generatione, jam dictum est. Sequitur, ut de pulli ex ovo procreatione observationes nostras enarremus. Opus profecto æquè arduum, ac proficuum, & jucundum. Latent enim plerumque, veluti in alta nocte, prima *Naturæ* stamina; & subtilitate sua, non minus ingenij, quam oculorum aciem eludunt.

Neque enim minore serè negotio, intima *generationis* arcana, & obscura principia; quàm mundi totius compagem, & *creationis* modum invenieris. Durat reciproco hoc generationis, & corruptionis ordine, rerum aternitas: & quemadmo-

dum Sol oriens, occidentque, perpetuis
suis circumgrationibus ævum completita
similiter caducæ res mortalium, alternis
individuum vicissitudinibus, redintegra-
ta semper eadem specie perennant.

Hist. *Auctores*, qui hac de re quicquam tra-
an. 1. ctarunt, ferè omnes diversum iter ingressi
6.c. 2. sunt: quod nempe privatis opinionibus,
3. Or- pridem receptis, occupata mens, ad con-
nith. similia extruenda dogmata inclinaret.

L. 14. *Aristoteles* olim, nuperque *Hieronymus*
Fabricius, de generatione & formatione
pulli ex ovo, accurate adeo scripserunt, ut
pauca admodum desiderari videantur.
Vlysses Aldrovandus tamen ovi pullulatio-
nem ex suis observationibus descripsit;
qua in re, ad *Aristotelis* auctoritatem potius,
quam experientiam ipsam collimasse vi-
detur. Quippe eodem tempore *Volcherus*
Coiter Bononia degens, ejusdem *Vlyssis*,
præceptoris sui, [ut ait] hortatu, quotidie
ova incubata aperuit, plurimæque verè
elucidavit, secus quam ab *Aldrovando* fa-
Nob. ctum est; quæ tamen hunc latere non
exerc. poterant. *Emilius Parisanus* quoque
cit. 14. (*Medicus Venerus*) explosis aliorum opi-
nionibus, novam pulli ex ovo procreatio-
nem commentus est.

Quoniam tamen (secundum ea quæ à
nobis observata sunt) nonnulla magni mo-
menti aliter longe se habent, atque alij ha-
ctenus tradiderunt; quid quotidie in ovo
agatur, & quæ partes transmittentur, refe-
ram:

ram : præsertim in primis incubationis diebus : quo tempore maxime omnia obscura, confusa, observatæque ardua sunt; & auctores potissimum pro suis observationibus digladiantur; quas nempe præconceptis suis opinionibus (de causis generationis animalium materiali, & efficiente) magis, quam veritati ipsi accommodant.

Quæ *Aristoteles* de procreatione pulli narrat, verissima sunt. Nihilominus, quasi ipsemet ea non vidisset, sed ab experto quodam accepisset, temporibus quæque suis haud recte distinguit: plurimumque fallitur circa locum; in quo primum ovi principium sit, quem in acuta ejus parte statuit: eoque nomine à *Fabricio* merito reprehenditur. Nec videtur principium pulli in ovo observasse; aut ibidem reperire potuisse ea, quæ in omni generatione dixerat necessaria. Materiam nimirum constitutivam, cum ex nihilo quicquam naturaliter fieri, impossibile sit, albumen esse voluit. Et quomodo efficiens causa (galli semen nempe) citra tactum agat; aut ovum ipsum sponte sua, sine ulla inhærente maris genitura, foetum efficiat, haud satis intellexit.

Aldrovandus ejusdem erroris cum *Aristotele* affinis, ait præterea, (quod nulli oculi, nisi cæci, concesserint) vitellum primis statim diebus ad acutum ovi angulum assurgere: putatque grandines esse semen galli, atque ab ipsis pullum constitui; nu-

triri autem tum à vitello, tum ab albumine. Planè contra *Aristotelis* sententiam, qui grandines nihil ad ovi fœcunditatem facere arbitratur.

Veriora multo, & autopsiæ magis consona *Volcherus Coiter*, De tribus tamen globulis quæ nariæ, fabulæ sunt. Nec principium, unde fœtus in ovo oriatur, recte perspexit.

Hieronymus Fabricius, quidem contendit, grandines non esse galli semen; ex ipsis tamen galli semine fœcundatis pullum (tanquam ex materia) corporari voluit. Vidi etiam principium pulli in ovo; maculam adnatam; sed eam duntaxat pedunculi abrupti vestigium esse, & ovi affectionem, quandam, non autem partem principalem, judicavit.

Parissenus sententiam *Fabricij* de chala-
zis abunde refutavit; ipsemet tamen in
circutis quibusdam, & partium principa-
lium fœtus (jecoris nempe, & cordis) pun-
ctis; manifeste allucinetur. Videtur etiam
observasse principium fœtus; sed, quid
esset, ignorasse; cum ait, punctum album
in circulo mediogalli semen esse, ex quo
fit pullus.

Ita contingit, ut singuli, dum ad præ-
conceptas dudum opiniones, formationis
pulli in ovo rationes exigunt, à vero scopo
aberrarent. Alij nimirum sanguinem aut
semen, materiam esse censent, unde pul-
lus

lus constituatur: alijs semen videtur opifex, seu causa efficiens, quæ eundem fabricet. Cum tamen accuratius rem omnem perpendenti certum sit, nullam ibidem paratam esse *materiam*, nec sanguinem menstruum adesse, quem semen maris, coitus tempore, coagulet, (ut voluit *Aristoteles*;) nec pullum ex semine maris, aut foeminæ, aut utrisque commissis, in ovo oriundum esse.

PRIMA OVI INSPECTIO:
sive, quid primus incubationis
dies in ova produxerit.

EXERCITATIO XV.

Velarius innotescat, quid prima ab incubatu dies in ovo produxerit; sciendum primo est, quænam sponte mutationes in eo contingant; quibus ovum requietum, à recenti, (citra incubationem) distinguitur; ut ita, quid ab ipso incubitu proficiatur, sit manifestum.

Cavitas igitur (ut diximus) in obtusa ovi parte, omnibus quidem adest; sed quo vetustius ovum fuerit, eò major in dies redditur; præsertim locis & temporibus calidioribus, (exhalante nimirum parte aliqua albuminis tenuiore; ut in historia ovi dictum est.) Eademque, dum ampliatur, magis secundum ovi longitudinem, quam

88 *Prima Ovi inspectio: sive, &c.*

quam latitudinem expanditur; & figuram demum ab orbiculari declinātem obtinet.

Cortex ovi minus jam transparent, offuscatur.

Albumen Crassius redditur & viscidius; ad stramineum, sive spicuum colorem, vergens.

Propria vitelli tunica laxior reddita, in rugas flaccescit. Nam & hujus liquoris aliquid tempore dissipari, verisimile est.

Grandines eodem semper loco, positura, & consistentia, in utraque ovi extremitate reperiuntur; (idque tam in ovīs recentibus, quam requietis; tam per coitum conceptis, quam subventāneis) quarum firma copula vitellus cum albumine connectitur, & uterque liquor debitam invicem positionem servat. Sunt enim duo mutuo opposita stabilimenta, sive *poli* & cardines huius *Microcosmi*; ea arte fabricati, quasi albuminum essent numerosae tunicae, forentque hinc inde in utroque extremo simul contorae in chordam nodosam, qua vitello adnectuntur. Indeque fit, ut vitellus agere ab albumine secedat, nisi prius chalaza, aut cultello rescisae, aut manu abrupte fuerint; quo facto, protinus ab invicem separantur. Scilicet horum *cardinum* ope, vitellus tum in ovi centro firmatur, tum indebita sui consistentia, conservatur. Adeo, ut praecipua pars, *cicatricula* nempe, eandem ovi regionem (scu *altitudinem*) respiciat, & in media ab utroque

utroque cacumine distantia permaneat, Quippe macula hæc, sive cicatricula, tam in requieto ovo, quam recenti, eadem consistentia, magnitudine, & colore, eodemque situ exstructa cernitur. Quamprimum autem à gallinæ incubantis foru, vel alterius cuiuspiam blandi caloris accelsu, ovum ad pullulationem mutari incipit; macula hæc dilatatur illico, oculique pupillæ instar explicatur; indeque (ceu præcipuo ovi centro) laricans plastica vis prorumpit, & germinat. Hæc tamen prima pulli origo à nemine hactenus (quod sciam) observata est.

Secundo itaque incubationis die, postquam ovum horas vigintiquatuor sub gallina tepuit; ut cavitas ejus in obtuso cacumine multum ampliarur & descendit, ita interior quoque ovi constitutio permutari incipit. Vitellus nempe, qui prius in albuminis centro hærebat, versus cacumen obtusum assurgit; ejusque pars media, cui macula infixæ est, attollitur, & membranæ cavitatem ambiens sese applicat; adeo, ut vitellus cavitati cicatriculam conjungi videatur. Et prout vitellus ascendit, albuminis pars crassior tantundem in acutum, & imumve angulum detruditur. Vnde apparere, (ut rectè Fabricius observavit,) vel errasse Aristotelem, vel mendum in codice. De
esse, cum dicitur: *Effertur per id tempus* Hist.
(nempe intra dies tres totidemque noctes) an. l. 6.
Intens humor ad cacumen, quo ovi principium

pium est, atque ovum detegitur ea parte,
 (scilicet ob cavitatem dilatatam.) Appel-
 Ibid. lat autem *Aristor.* principium ovi, acutam
 1 3. c. ejus partem, qua posterius exis. At certum
 2 est, vitellum ad obtusam ovi partem as-
 surgere, cavitatemque ibidem dilatari.
 Certè erravit *Aldrovandus*, qui (tanquam
 expertus) asserit, vitellum ad acutam ovi
 partem efferri. Vidi aliquando, fateor,
 secundo, & tertio die, cicatriculam dilata-
 tem, pullique jam positum exordium, nec-
 dum tamen ascendente vitello: Raro au-
 tem id contingit; & ab ovi imbecillitate
 profectum arbitrabar.

Secundo incubationis, sive primo in-
 spectionis die, dicta macula dilatatur ad
 pisi, vel lentis magnitudinē; & in circulos
 (ceu circino circumductos) disperitur;
 qui punctum album perexiguum habent
 pro centro. Hanc maculam *Aldrovandus*
 quoque observasse, verissimile est; si-
 quidem ait, in medio lutei quasi subalbi-
 dum quid apparuisse, cuius *Aristoteles* non
 meminit: & Coiterum, ubi ait, secunda die
 in vitelli medio pars candidior reliqua:
 atque etiam *Parissannus*, cum ait, secunda
 die album corpus mediocris grani lentis ma-
 gnitudinem & figuram representans con-
 spici: estque illud (inquit) galli semen at-
 ba & tenuissima tunica obductum, quod
 substat duabus communibus tori ovo mem-
 branis; superstat verò propria vitelli tunica.
 Crediderim tamen, neminem hactenus ci-
 cati-

carriculum hanc in omni ovo reperiiri, pul-
lique originem esse agnouisse.

Interea Chalazas sive grandines, hinc
atque illinc ab utroque ovi cacumine, ver-
sus latera ejus declinasse videas: idque ob-
permutatum illum (quem diximus) liquo-
rum situm. Adeo, ut altera chalaza ex
obtusio angulo aliquantulum descendat, al-
tera vero ex acuto cacumine tantundem
sursum feratur: quemadmodum in obli-
qua sphaera, quantum alter polus supra
horizontem ascendit, tantundem alter de-
primitur.

Vitellus etiam (praesertim ubi cicatri-
cula est) paululum colliquescere incipit,
propriamque suam tunicam (quam ante
incubationem in ovis requiritis laxiorem &
rugosam diximus) in tumorem attollit;
videturque eundem colorem, consisten-
tiam, & saporis bonitatem, quam in recen-
ti ovo habuit, recuperasse.

Est hic primæ dici processus ovi ad pro-
lem, primumque aduenientis pulli vesti-
gium. *Aldrovandus* addit, albumen nec-
dum alterari; quod veritati contonum
est. Dum autem affirmat, galli semen
in eodem deprehendi, manifesto fallitur.
Leuissimo nempe argumento innixus, pu-
tauit chalazas esse semen galli, quia scilicet
ova ijs destituta, infœcunda sunt. Ita
sane; & ne ova quidem: si quidem irritis
pariter ac fœcundis, grandines semper ad-
sunt. Ille vero forsân à mulierculis dece-
ptus,

ptus, (quæ illas in Italia *galladuram* vocant) communem errorem sequutus est. Nec minoris prudentiæ *Hieronymus Fabricius* tenetur, qui sculpsit pluribus imaginibus, formationem pulli exhibet; eumque ex chalazis corporari contendit: non animadvertens, grandines ijs temporibus integras utrinque, & immutatas (sed loco motas) reperiri; pullique exordium alibi remore à chalazis, querendum esse.

SECUNDA OVI inspectio.

EXERCITATIO XVI.

P Ræterito die secundo, dicti cicatriculæ circuli conspectiores atque ampliores fiunt, ad magnitudinem unguis digiti anularis, & interdum medijs quibus tota macula in duas regiones, (aliquando tres) easque diversis sæpe coloribus obscurè distinctas dividitur; oculi figuram plane referens, tum protuberantia aliqua, qualis in cornea tunica visitur; tum magnitudine; tum etiam humore transparente & lucidissimo intus contento; cuius centrum pupillam repræsentat; sed puncto quodam albo in centro existente, tanquam aviculæ alicuius ocellus suffusionem, sive cataractam (ut vocant) in medio pupillæ pateretur: ob quam similitudinem, *oculum ovi* nominavimus.

In-

Intra hos circulos (inquam) liquor continetur clarissimè refulgens, quovis crystallino humore purior; quem si transversim ad lumen intuearis, tota jam macula potius in albumine locata, quàm vitelli tunica (ut prius) impressa conspicitur; & [ceu portio quædam albuminis colliquata & clarificata] inter tunicam propriam tenuissimam conclusa apparet. Ideoque liquorem hunc, *oculum*, sive *colliquamentum candidum* appello: quasi nimirum pars albuminis à calore fusa & colliquata, separatim fulgeret, [nisi concussionem turbetur] & veluti pars spirituosa, magisque cocta, à reliquo albumine tunica propria distingueretur, & inter utrumque liquorem [vitellum scilicet, & albumen] posita esset. Differt à reliquo albumine, claritate, & transparentia; quemadmodum aqua fontis limpidissima, à stagnante turbidiore. Tunica hunc liquorem ambiens, admodum exilis, fragilisque est; ut [nisi summa cura adhibeatur] facile dissiliat, fontemque hunc confusione liquorum turbet.

Atque hic anceps animi diu hæsitabam, quid de candido hoc colliquamento statuerem, utrum nempe *calidum innatum* dicerem; an *humidum radicale*; vel materiam præparatam futuro foetui; sive alimentum perfectè coctum; quale *Ros* censetur inter humores secundarios? Namque certum erat, [ut postea dicitur] in ipsius medio, prima foetus rudimenta jaci, huncque

huncque illo nutrirī primum, auctumque
postea in eodem liquore hospitari.

Colliquamentum igitur hoc brevi [eo-
dem nempe die] augetur; (quemadmodū
in secunda *Fabricij* figura adumbratur)
præsertim interior ejus regio; quæ, dum
expanditur, exteriorem repellit, & obli-
terat. Perinde atque in eorum animalium
oculis cernere est, quibus latissimæ pupille
contigerunt, noctuque melius vident,
quam interdiu: (cujus generis sunt bubo-
nes, feles, & hujusmodi; quorum pupilla
in tenebris atque umbra latissimè patet, in
luce verò plurimum constringitur) nam si
talem oculum è luce subito in tenebras
transuleris, videbis manifesto pupillam
ampliari adeo, ut reliquam circumcirca
regionem (iridem dictam) valde imminuat,
& propemodum aboleat.

In has regiones incidens *Parifanus*,
egregiè hallucinatur, dum *circulos suos*,
melinum album, & gilvum, aliumque
aenuo album communicat; *foetumque*
ex albo medio puncto (quod reuera hæte-
nus in istarum regionum centrum apparet)
fieri ait, *semenque galli esse*, fabulatur.
Porro, ut nobiliore subtilitate superbiret,
priusquam (inquit) *rubor aliquis in foetus*
corpore appareat, dua extant in eo minima
bullula; Initio tamen, rubore earum nulla
prædita est; earumque alteram, pro cor-
de; alteram, pro jecore obtudit. At verò
nec bullula aliqua conspicua est, antequam,
rubor

rubor sanguineus appareat; nec foetus unquam primis statim diebus rubescit; neque ulla earum bullularum, nobis hepatis vestigium exhibet; sed ambae binos cordis ventriculos, & auriculas referunt; & mirando, (ut postea dicemus) systole & diastole sibi invicem respondent.

Colliquamentum hoc Aristoteles videtur intellexisse, cum ait: *Membrana etiam, Hist. an. 1. 6.c.3.*
fibris distincta sanguineis, iam album li-
quorem per id tempus (tertia scilicet die)
circundat, à meatibus illis venarum
oriens.

Neque enim Philosophus per album liquorem; totum albumen intelligere potuit; quoniam eo tempore, albuminis tunica necdum venis distincta est; sed sola colliquamenti hujus tunica, cum venularum ramulis huc illuc spatis, cernitur. Et propterea dixit, *membrana etiam*: quasi aliam intelligeret, præter illas, quas albumen & vitellum ante incubationem ambire dixerat; cum hanc post tertium demum diem à meatibus venarum oriri assermet. Coiterus etiam colliquamentum hoc videtur agnovisse, cum ait, *Albuminis quadam pars ad candorem accedens, quadam crassior.* Dictum enim colliquamentum propria membrana cingitur, & à reliquo albumine separatur & distinguitur, antequam quippiam sanguinis appareat.

De summa huius utilitate erga omnium animalium foetus, posthæc erit dicendi locus.

CUS.

cus. Quippe in eo dum natant, ab omni concussione, sive contusione, alijsque externis injurijs immunes sunt, & eodem insuper nutriuntur. Fœtum jampridem magnitudine phaseoli, ex utero cervæ exemptum, omnibusque suis membris perfectum (adeo, ut marem esse, ex genitalibus facile discernemus (Regi nostro serenissimo, Reginaque intuendum exhibui, Gratum profecto naturæ spectaculum! Natabat politus & consummatus fœtus in ejusmodi candido, lucidissimo, & crystallino liquore, (tanquam in vase vitro purissimo) (qui ovum columbinum, magnitudine æquabat & propria tunica, pellucida investiebatur.

TERTIA OVI

inspectio.

EXERCITATIO XVII.

V Idimus secundum processum, sive preparationem ovi ad fœtum, quæ die tertio observanda venit. Sequitur, ut tertium ejus apparatus intueamur; qui post tres dies totidemque noctes considerandus est. De eo *Aristoteles*: *Generatio- nis indicia extare incipiunt in galinis, post tres dies totidemque noctes* (puta, die Lunæ manè, si de Veneris præcedenti, in autora, ova gallinæ incubituræ supposita fuerint)

runt estque tertia figura, apud Fabricium, facies.

Quarto itaque die si inspexeris, occurreret jam major *metamorphosis*, & permutatio admirabilior; quæ singulis ferè illius diei horis manifestior fit; quo tempore in ovo, de vitæ plantæ, ad animalis vitam fit transitus. Iam enim colliquamenti *limbus* linea exili sanguinea purpurascens rutilat: eiusque in centro fere, punctum sanguineum saliens emicat; exiguum adeò, ut in sua diastole, seu minima ignis scintillula, effulgeat; & mox, in systole, visum prorsus effugiat, & dispareat. Tantillum, nempe est vitæ animalis exordium, quod tam inconspicuis initijs molitur plastica vis Naturæ!

Observationem hanc, si sub finem tertij diei experiri libuerit; adhibita summa diligentia, & clara, magnaque luce, vel radijs solaribus adaptatis, aut perspicilli ope, discernere poteris. Alias autem ita tenuis & exilis purpuriflata linea, punctique salientis adeò imperceptibilis motus, ut plane frustra sis. Quarti verò diei principio evidenter, & sub finem ejus evidentissimè apparet punctum sanguineum saliens, quod iam movetur (ait Aristot.) ut animal in candido liquore: (quem ego colliquamentum nomino) ab eoque puncto meatus venarum specie duo sanguine pleni, flexuosi feruntur ad circulum purpuriflatum, & tunicam ambientem colliquamentum.

Sparsis interea per ipsius colliquamenti spatia plurimis fibrosis propaginibus, quae omnes ab uno principio (ut arborum virgulta ab eodem trunco) profluunt. In huius radice angulo infixo, colliquamenti medio, punctum rubrum saliens ponitur, quod in pulsu suo *rhythmum* & ordinem, ex systole & diastole compositam servat. In diastole quidem, quasi maiorem sanguinis quantitatem imbiberet, ampliatum apparet, atque emicat: in systole verò confestim subsidens, tanquam ictu illo convelleretur, & sanguinem dimitteret, delitescit.

Punctum hoc *Fabricius* in tertia sua figura depinxit, & (quod mireris) pro corpore foetus accepit: quasi aut ipsum saliens passantive non observasset, aut *Aristotelis* locum perperam intellexisset, aut ejus omnino non meminisset. Mirandum verò magis, eum toto hoc tempore de chalazis suis nihil fuisse sollicitum, ex quibus tamen pulli exordia deducit.

Ulysses Aldrovandus, eodem ferè tempore Bononia scribens, ait: Apparebat in thol. albumine exiguum velut punctum saliens l. 14. estque illud quod *Philosophus* cor statuit Ex Pag. 10 verò evidenter videbam enasci vena trunculum, & ab hoc duos alios ramos proficisci, qui meatui illi fuerint sanguiferi, quos ad utramque tunicam ambientem vitellum & album protendi ille dixerat. Eum autem omnino eius sententia, ut ejusmodi vias cre-

credam esse venosas, ac pulsátiles, sanguinemque in iis contineri puriorem, principallium membrorum generationi, jecoris nempe, & pulmonis, similiumque idoneum. Non sunt autem ambæ venæ, neque utraque pulsât; sed altera, arteria; altera, vena est; ut postea dicemus: simulque, meatus hos foetus vasa umbilicalia fieri, docemus.

Volcherus Coiter hæc habet: Punctus sive globulus sanguineus, in vitello antea inventus, jam in albumine potius repertus; manifestè pulsabat. Male ait, in vitello ante inventus; punctus enim in vitello inventus, albus, non saliens erat; nec secundo post incubitum die, punctus aut globulus sanguineus saliens apparet. Sed punctus ille [quem in medio circuli, quasi centrum, diximus, & vitello adnexum] evanescit, priusquam punctus, qui ab *Aristotele* saliens dicitur, discerni queat; vel in rubrum (ut opinor) conversus, pulsât. nam uterque punctus, in centro colloquamenti, & juxta radicem venarum, inde exorientium situs est: nunquam autem simul apparent, sed in albi locum succedit ruber punctus saliens.

Id quidem *Volcherus* verissimè: Punctus saliens jam in albumina potius reperitur, quàm in vitello. Quibus verbis permotus, quæsi diligenter, numnam punctus ille albus, in sanguineum punctum transmutaretur; quoniam ambo ejusdem

pene magnitudinis, & eodem in loco videbantur. Et aliquando quidem invenit rutilantem & purpurisatum circulum extimam, desinentem iuxta horizontem miniatum colliquamento circumdatum in cujus centro punctus albus, non autem ruber aut saliens reperiabatur: nunquam vero simul utrosque illos punctos conspiciatus sum. Magni certe momenti est hæc disquisitio: utrum scilicet sanguis in se, ante pulsum? & , num punctus, ex venis, an venæ, ex puncto oriundæ sint?

Quantum mihi observare licuit, videtur sanguis esse ante pulsum: cujus sententiae hanc causam dicam. Die *Mercurij*, sub vesperam, tria ova gallinae supposui; dieque *Saturni* paulo ante eandem horam reversus, inveni hæc ova frigida, utpote à gallina derelicta: aperto nihilominus eorum uno, pulli exordium reperi; lineam nempe rubram & sanguineam in ambitu; in centro autem, pro puncto saliente, punctum, album, ex sanguine. Quo indicio percepi gallinam haud multo prius incubationem deseruisse. Quare vitæ captam, & in cista conclusam, per integram noctem ibidem detinui; postquam scilicet ova duo reliqua, cum alijs novis illi supposuissim. Quid sit? Postdie, summo mane, ambo ova rediviva erant: apparuitq; in centro ipsum punctum micans, albo puncto multo minus: è quo, (albo nimirum) scintilla, tanquam è nube

be profiliens, in diastole duntaxat compa-
ruit. Adeo, ut videretur mihi, ex albo
puncto, rubrum punctum emicare; ut-
cunque in illo punctum saliens generari:
idque, existente jam sanguine, aut nasci,
aut saltem moveri. Imo, sæpissime com-
peri, punctum saliens, cum (ceu planè in-
termortuum) ab omni motu quiesceret, a
novo motu motum denuo & pulsationem
recuperasse. Quare in ordine generatio-
nis, punctum & sanguinem primum exi-
stere arbitror; pulsationem verò non nisi
postea accedere.

Hoc certo constat, futuri fœtus nihil
omnino hoc die apparere, præter sangui-
neas lineas, & punctum saliens, venasque
illas, quæ omnes ab uno trunco (quem-
admodum iste à puncto saliente) propa-
gantur, & per totum colliquamentum
plurimis fibrarum ramificationibus spar-
gantur; quæ postmodum vasa umbilica-
lia constituunt: quibus longe lateque dis-
seminatis, fœtus denuo [prout augetur]
ex albumine & vitello, sibi alimentum
aurit. Harum venarum, earumque
propaginum vivum exemplar videas in
arborum folijs, quorum fibræ omnes à pe-
dunculo oriuntur, & ab uno trunco per
totum folium diffunduntur.

Totum hoc colliquamentum, sangui-
neis fibris distinctum, ambarum papilio-
nis alarum magnitudinem & formam re-
fert. Estque illa *Aristorelis membrana*,

Loco *qua fibras sanguineas habens, eo tempor-*
citatur. album liquorem continet, a meatibus illi-
venarum oriens.

Sub finem quarti diei, & initium quinti, punctum sanguineum jam adauctum in vesiculam exiguam, & tenuissimam sanguinem in se continentem, transijle-
 cernitur; quem singulis contractionibus propellit, factaque diastole recipit de
 nuo.

Haecenus nullum vasorum discrimine
 deprehendere potui: neque enim arteri-
 a venis, vel tunica, vel pulsu distinguun-
 tur. Ideoque vasa omnia indiscriminati-
Ibid. *venas nominanda censeo; vel cum Arist.*
meatus venales.

Punctum hoc [ait Arist.] movet jam se,
ut animal. Quippe animal à non ani-
 mal, motu distinguitur, & sensu. Cum
 itaque punctum hoc jam primum sese
 moveat, merito animalis naturam indui-
 se dicimus; & ovum anima vegetativa
 pridem imbutum, jam motiva, & sensiti-
 va potentia insuper donari; & à planta
 animal transijle; eodemque tempore
 animam pulli ingredi, quæ ex ovo pul-
 lum format, eumque postea informat.

L. de Quippe ex operationibus, inesse faculta-
ani- tes; & ex his, vitæ causam & principium
ma. [animam scilicet] idque actu [cum ope-
 rationes actu sint] Philosophus demon-
 strative concludit.

Ego verò pluribus experimentis certu-
 sum,

sum, non motum solummodo puncto salienti inesse, [quod nemo negaverit] sed sensum etiam. Nam ad quemlibet vel minimum tactum, videbis punctum hoc varie commoveri, & quasi irritari; [perinde omnino ac sensitiva corpora; sensus sui indicia proprijs motibus exhibere solent] & ad iteratam sæpe injuriam extimulari, atque in pulsum rhythmico, & ordine conturbari. Ita nempe in herba, sensili dicta, & Zoophytis, sensum inesse concludimus; quia, cum tanguntur, sese contrahunt, quasi ægrè ferant.

Vidi, inquam, sapissime; alijque, qui una mecum aderant, ab acus, styli, aut digiti contactu, imo verò a calore aut frigore vehementiore admoto, aut cujuslibet rei molestantis occursu, punctum hoc varia sensus indicia, pulsuum nempe varias permutationes, ictusque validiores, ac frequentiores edidisse. Ut dubitandum non sit, quin punctum hoc [animalis instar] vivat, moveatur, & sentiat.

Ovo insuper aeri frigidiori diutius exposito: puncto saliens rarius pulsat, & languidius agitur: admoto autem digito calente, aut alio blando fotu, vires statim vigoremque recuperat. Quinetiana postquam punctum hoc sensum elanguit, & sanguine plenum à motu omni cessans, nullumque vitæ specimen exhibens, mortui penitus succubuisse visum est: imposito digito meo repente, spatio viginti arteriarum

meæ pulsuum, ecce corculum denique reviviscit; erigitur; & tanquam postliminio ab Orco redux, pristinam choream redintegavit. Idque alio quolibet leni calore, ignis nempe, aut aquæ tepidæ, iterum iterumque à me, atque alijs facilitatum est; ut, pro iibito, misellam animam vel morti tradere, vel in lucem revocare, in nostra potestate fuerit.

Quæ diximus, quarto a prima incubatione die, sive tertia inspectione, plerumque eveniunt. *Plerumque*, inquam; non est enim hoc perpetuum; cum magna sit in ovorum maturitate diversitas, aliaque alijs citius perficiantur. Quemadmodum in arboris cujuscunque fructibus usu venit, quorum alij præcoces, & decidui sunt, dum alij crudi & immaturores ramis tenaciter adhærent. Adeo, ut quædam ova quinto die minus provecta sint, quam alia tertio ut plurimum solent. Idque, [ut certi aliquid & explorati haberem] in plurimis ovis, per idem tempus incubatis, eodemque die apertis, compari. Ut neque incubandi negligentiam, aut aliud quippiam causari possem, præter insitam ovi imbecillitatem, calidive innati pauperiem.

Ova hypenemia, sive infœcunda, hoc ipso tempore, (quasi die critico) mutari incipiunt, atque indolem suam ostendere. Nam ut ova fecunda in colliquamentum (quod postea in sanguinem transit) ac infœcunda vi plastica mutantur; ita subvixanea

ova eodem tempore corrumpuntur, & putredinem induunt. Observavi tamen aliquando maculam, sive cicatriculam; in ovis etiam infœcundis larius explicari; nunquam tamen ad cacumen assurgere, nec circulis ordine dispositis describi: Vidi quoque interdum vitellum alicubi clarescere, & liquefieri, sed inæqualiter; partesque coagulatione quasi temeraria concretas, instar nubium sparsim volitantium, innatare. Et licet ova hæc nondum rancida, putrida, & fœtida dicantur; sunt tamen ad putredinem prona, & ad eam tandem continuato incubantis calore pertingunt: idque eodem illo loco ducta corruptionis origine, quo ova prolifica generationem auspiciantur.

Perfectiora itaque ova, jam sub finem quarti diei, duplicem, vel bipartitam habent vesiculam pulsam, duplici ictu alteram alteri vicissim respondentem; eodempe modo, atque ordine, ut una sese contrahente, altera sanguine distenta, & rutilans appareat; quæ mox pariter contracta, sanguinem liquido exprimit; momentoque interjecto, prior denuo resurgit, pulsamque repetit. Clareque videas, actionem harum vesicularum, esse contractionem; à qua sanguis impellitur, & in vasa protruditur.

Quarta die (inquit Aldrovandus) binæ videbantur puncta, & quodlibet eorum sese movebat: quæ haud dubio cor, & jecur fuerint.

E S riat,

*rini; quæ viscera in ovis viduo incubati;
Aristotelis dixit.*

Philosophus verò id nūspiam dixit: ne-
que ea viscera [ut plurimum] ante deci-
gen. l. mum diem conspicua sunt. Mirorque *Al-*
3. c. 4. drouandum pullantium punctorum alte-
rum, jecur existimasse: quali verò hoc
anquam ad eum modum ageretur.

Satius fuerit credere, punctorum sa-
lientium alterum (adaucto foetu) in auri-
culas, alterum in ventriculos cordis abi-
re. Enimvero, in adultis, ventriculi cor-
dis ad eum modum ab auriculis imple-
tur, factaque contractione deplentur de-
nuo; quemadmodum in tractatu nostro
de motu cordis, & sanguinis observavi-
mus.

In profectionibus quoque ovis, aliquan-
do sub finem quarti diei; nescio quid tur-
bidi vesículas pulsantes adumbrabat, vi-
sumque (offusæ nubeculæ instar) impedi-
bat, quo minus clare puncta salientia in-
tueri potuerim. Clariori tamen luce;
perspicillisque adhibitis, collatisque vna;
subsequentium dierum observationibus;
constitit esse corporis *rudimentum*, seu
nebulam ex colliquamenti parte conco-
ctam, vel circa venarum principium con-
cretescens *effluuium*: ut mox amplius de die
quinto diceretur.

Aladrouandus quoque videtur observaf-
se: *Quinta die* (inquit) non amplius pun-
ctum illud, quod cor esse diximus, extrin-

videbatur moveri; sed obtegi, ac cooperiri;
& duo illi meatus venosi evidentiores con-
spiciebantur, alter vero major altero. Fal-
litur autem vir doctissimus: multo enim
post tempore, (ubi domicilium fere perfe-
ctè fabricatum fuerit) lar iste familiaris,
aedes ingreditur, seseque intima earum,
penetrabilia abscondit. Erratque etiam, ubi
ait, venarum insita vi, reliquam albumi-
nis portionem quasi in palearem colorem im-
mutari. Repentur enim iste color in al-
bumine crassiore cujuscunque ovi requie-
ri, in diesque magis intenditur, [prout
nempe ovum vetustius fuerit, ut pridem
diximus;] idque sine ulla venarum ope-
ra, portione solam tenuiore exhalante.

Crescente autem fœtu, [ut infra dice-
mus] furculisque meatum venialium lon-
gè lateque in vitellum & albumina sparsis,
colliquantur utriusque liquoris portiones;
non quidem [ut Aldrovandus voluit] ab
insita venarum vi, sed à sanguinis inibi
hospitantis calore. In quamcunque enim
utriuslibet liquoris partem, dictæ venæ
porriguntur; subito, locis conterminis
colliquatio apparet; ideoque vitellus eo-
dem tempore quasi duplex conspicitur;
quod nempe superior ejus pars, [quæ su-
pra, ad obtrusum cacumen, cavitati jungi-
tur] liquidior jam reddita, ad reliquum
vitelli; instar ceræ flavæ liquefactæ, ad
eandem frigidam & densam comparatæ,
appareat, & oque omnia (ut fusa omnia

solent) laxiore spatio continetur. Quin-
etiam pars ista superior, tempore generali
liquefacta, à reliquis liquoribus [sed præ-
sertim albumine] propriatunica tenuissima
determinatur. Quò fit, ut, rupta hac tenui,
fragili, atque invisibili membrana, confe-
ctum accidar albuminis & vitelli confusio,
qua omnia perturbantur. Estque hæc sæpe
caussa frustratæ generationis [cum liquo-
res isti diversæ, unò contrariæ naturæ sint]
secundum illud *Aristotelis*, loco, sæpius ci-

De tato, Depravantur ova, & fiunt, qua uri-
g. n. na appellantur, tempore potius calido; idque
an. l. ratione. Vt enim vina temporibus calidis

3. c. 2. coacescunt, face subversa, hoc enim
caussa est, ut depraventur, sic ova pereunt
vinello corrupto: id enim in utrisque terre-
na portio est. Quamobrem & vinum ob-
turbatur face permista, & ovum vinello
diffuso. Atque huc etiam non immeritò
retuleris, illud ejusdem: Cælo tonante

Hist. quæ foventur ova, corrumpuntur. Siqui-
an. l. dem membrana tenuissima à tanto frago-

6. c. 2. re levi negotio dirumpitur. Ideoque for-
tassis ova confusa & putrida, *Cynosura*
dicuntur, quod nimirum (ut diximus)
diebus canicularibus crebrius tonet. Qua-
propter *Columella* quoque rectè monuit,

L. 3. pterosque ab æstivo solstio non putare bo-
c. 5. nam pullationem.

Hoc certò constat, ova faciliè quassari,
concuti, & disperdi; si quis avibus incu-
bantibus molestus fuerit, quo tempore dici-

liquores colliquantur, & turgent, membranaeque eos ambientes dilatantur, & teneantur.

QVARTA OVI INSPECTIO.

EXERCITATIO XVIII.

QVinto demum ab incubationis die, Hist. discernitur primum (inquit Arist.) an. 1. corpus pulli valde exiguum, & candidum; 6.c.3. capite conspicuo, & in eo oculis maxime turgidis, qui diu sic permanent. Sero enim tandem parvi fiunt, ac confidunt. In parte autem corporis inferiore, nullum extrae membrum per initia, quod respondeat superioribus. Meatus autem illi qui à corde prodeunt, alter ad circumdantem membranam tendit, alter ad luteum officio umbilici. Pulli igitur origo ex albumine est; aliter enim luteo per umbilicum.

Quibus verbis, Aristoteles videtur totam pulli generationem, in tres classes sive ordines distribuere: nempe à primo incubationis die, ad quintum usque: inde ad diem decimum, vel decimum quartum: atque hinc, ad vicesimum. Quasi ea duntaxat, quæ his tribus temporibus percepit, in historiam retulisset. Contingunt sanè his temporibus maximæ in ovo permutationes: quasi diebus hisce decre-
torijs, seu tribus gradibus, processus ab

ovo perfecto ad pulli exclusionem distinguetur. *Quarto* enim die prima foetus particula. punctum saliens nempe, & sanguis apparent, posteaque foetus corporatur. *Septimo*, pullus membris distinguitur, & sese movet. *Decimo*, plumescit. Circa *vicesimam*, respirat, pipit, atque exitum quaerit. Vita, quae illi ante quartum diem inest, plantarum æmula videtur, atque anima vegetativa donata censenda est. Inde vero ad decimum, animalis instar, sensitiva atque moriva anima fruitur, qua adolescit: posteaque sensum perficitur; ornatur plumis; & rostro, unguibus, reliquisque instructus, ad exitum jam properat, ut tandem emancipatus sui juris fiat.

Quæ itaque post quartum diem eveniunt, *Aristoteles* tria potissimum enumerat; nempe corporis fabricam; venarum ductus, qui jam umbilici officium & naturam subeunt; materiamque, unde foetus primum oritur, constituitur, & nutritur.

De corporis fabrica, quatuor recenset: scilicet, quæ sit ejus magnitudo; quis color; quæ partes maximè conspicuæ sint; [caput nimirum, & oculi] & quænam sit membrorum distinctio.

Est revera corpus valdè exiguum, formaque *galbæ* vulgarem referens, ex qua musca oritur; colore etiam candido præditum est, perinde ac muscæ vermiculus, quem

quem in carne putrescente fovendum atque enutriendum deponit. Eleganter etiam addidit, *conspicuum maxime esse capite. & oculis*. Quod enim primo apparet, simile est, & indistinctum: tanquam concretum & congelatum quid ipsius colliquamenti foret; [qualis gelatina apparet, quæ ex cornu cervini coctura efficitur] nempe transparens nubecula, & vix conspicua, nisi in duas quasi partes diuisa distingueretur. Quarum altera, conglobata, longè altera maior est; capitulis scilicet rudimentum, quod die quinto primum conspicitur; in eoque mox oculi manifestè distinguuntur; qui per initia statim maximi, valdèque inflati prominent, & à reliquo capite, atque etiam corpore, circumfusa quadam nigredine discriminantur. Horum quilibet, reliquo toto capite major est; quemadmodum & caput ipsum, corpus reliquum magnitudine excedit. Durat aliquandiu hic corporis candor, & oculorum intumescencia; (qui, perinde ac cerebrum, aqua intus limpidissima implentur, foris autem nigricant) ad decimum nempe diem, atque etiam amplius: sero enim (inquit) *decrescunt oculi, & sese ad ratam contrahunt proportionem*. Imo vero, me observatore, oculi avium nunquam sese ad ratam illam proportionem contrahunt, quæ est inter oculum & caput animalis vivipari. Gallinæ enim, alijsque avibus, si cu-

Quarta Ovis inspectio.

tem oculos integrentem detraxeris, horum qui libet totam cerebri molem facile equaverit: in beccagine autem, & similibus, alteruter oculus toto reliquo capite (si rostrum dempseris) major est. Omnibus vero avibus id commune est, ut orbita sive cavitas, quæ oculum amplectitur, cerebrum ipsum exsuperet, ut in ipsarum cranijs videre est. Fit autem ut earum oculus minor videatur, quia totus præter papillam, cute & plumis obtegatur; neque orbiculari figura præditus est, (qua promineat) sed de pressiore; ut piscibus contingit.

In parte corporis inferiore (inquit Philosophus) *nullum extat membrum per initia quod respondeat superioribus.* Ita profectò se res habet: corpus ab initio ut vix, nisi capite & oculis, conspicuum est; ita, quoad inferiora, nec membro aliquo, alio scilicet, pedibus, sternuo, utropygio, nec viscere ullo distinguitur, imò vero, neque formam quidem corporis ullam obtinet: sed, quantum nobis videre licuit, est exiguum quid venulæ adiacens, tanquam carina naviculæ circumflexa, & quasi galba, vel termes, absque ullo costarum, pedum, alarumve vestigio; cui corpusculum congestum, multoque conspectius appenditur, scilicet capitis rudimentum, in tres veluti bullas divisum. (ab alterutra scilicet parte intuenti) revera tamen in quatuor dispescitur; quarum duæ amplissimæ, &

nigricantes, oculorum primordia sunt; reliquarum altera cerebrum, altera cerebellum constituit. Omnes aqua limpidiissima plenæ reperiuntur: in mediò verò oculorum nigredinis, tanquam in centro) pupilla cernitur instar scintillæ transparentis, aut crySTALLI, effulgens. Hinc factum arbitror, ut tres solum, conspicuæ bullæ, malè rem observantibus imposuerint. Cùm enim ex veteri Scholarum disciplina, triplicem in corpore animalis dominatum didicissent, partesque tres principales, (cerebrum nempe, cor, & jecur) præcipuis muneribus fungi crederent; facillè, tres dictas bullas, partium harum fundamenta atque initia esse, sibi persuaserunt. Coiterus autem, ut peritum dissectorem decuit, multò verius affirmat; se, die ab incubatione septimo, rostrum atque oculos vidisse; nullum vero ex visceribus potuisse discernere.

Philosophum porrò audiamus: *Meatus illi, qui à corde produnt, alter ad ambientem membranam tendit, alter ad luteum, officio umbilici.* Nimirum corporato statim foetu, venæ istæ umbilici officium præstant; earumque alterius rami seu propagines in tunicam extimam albumen ambientem disseminantur; alterius verò rami, vitelli tunicam adeunt, & per huius liquorem sparguntur. Vndè clarè constat, utrumque pariter liquorem nutriendo pullo dicatum esse. Et licet *Arist.* dicat,

114 *Quarta Ovi inspectio.*

*Originem pulli ex albumine esse, atque al-
luteo per umbilicum: non ait tamen, pul-
lum ex albumine fieri. Quippe ex candi-
do illo liquore, quem nos colligamen-
tum nominavimus, sic foetus: & totum
illud, quod nos oculum ovi nuncupavimus,
in albumine continetur. Neque ait, victum
pullo solum ex luteo per umbilicum acce-
dere: sed verba ejus (ex observationibus
meis) hoc sensu interpretor; licet pullus
in albumine originem suam habeat, non
tamen inde solum alitur, sed etiam ex lu-
teo, (ad quem meatuum umbilicalium
alter pertingit) sibi victum quærit; imò
verò ex hoc porissimum; est enim albu-
men (ex sententia Aristotelis) concoctus
magis & purior ovi liquor; vitellus autem
terrestrior, & solidior, ideoque robustio-
ri jam facto pullo nutriendo idoneus: ac
propterea (ut infra dicitur) vicem lactis
supplet, ultimoque absuitur; quippe
pars eius residua, postquam jam natus est
pullus, & cum matre obambulat, in ventre
ipsum continetur.*

*Quæ dixi, à quarto die ad decimum
usque eveniunt. Quando autem singula,
quomodo, & quo ordine fiant, jam ex-
pediam.*

*Proxima inspectione, quæ die quinto
instituitur, circa venam brevem ab angu-
lo ductam (ubi duo puncta alternatim mi-
cantia sita sunt) crassius aliquid & albi-
dus, nubecula instar, (transparens tamen)*
ap.

Quarta Oculi inspectio. 115

apparet: per quod prædicta venâ obscure, ceu per nebulam, conspicitur. Idem aliquando, in ovīs proVectioribus, quarto die solum conspicitur. Est autem corporis rudimentum; quod jam singulis horis concretum magis compactumque cernitur; venamque prædictam & amplectitur simul & illi, globuli, alicujus instar, appenditur. Rudimentum id globosum; vermiculi hujus (ut sic dicam) carinam magnitudine longe superat: estque figuræ triquetre, in tres nempe partes (protuberantis arboris gemmule more) obscure divisum. Earum una orbicularis est, & reliquis duabus major; ductilque mox à circumferentia versus centrum tenuissimis filamentis, nigricat; septique ciliaris exordium apparet, indeque particulam hanc in oculum mutatum iri indicat. In hujus medio, pupilla admodum exigua, & puncti lucidissimi instar (ut diximus) conspicua est: eoque potissimum indicio conjecturam feci, integrum hunc globulum futuri capitis rudimentum esse; circulumque illum nigrum, ex oculis alterum futurum, cui ex adversa parte alter opponitur: quippe ita sunt, ut ambos simul intueri nequeas, cum superior inferiorem obregat, & occultet.

Primum hoc futuri corporis rudimentum, quod circa venam concrefcere diximus, figuram solum oblongam, & aliquantulum [Carinæ instar] infra se obtinet:

tinet: estq; consistentia ejus muscosa, instar situs candidi, qui rebus humidis arteque conclusis innasci solet. Venula autem, cui mucorem illum accrescere jam dixi, est cava descendens per spinam dorsis; uti subsequuntur observationes fidem fecerunt. Duarum quoque vesicularum pulsantium ordinem si diligenter intus fueris, quæ posterius se contrahit, eam sanguinem in hujus venæ principium impellere, eamque distendere conspicias.

Ita duarum vesicularum sese moventium atque invicem pulsantium, duæ manifestæ contractiones, duæque similiter dilatationes cernuntur; priorque unius contractio, alterius distentionem efficit: sanguis enim ex cavitate prioris vesiculæ coarctata, elusus in secundam; hanc implet, distendit, pulsusque edit: quæ mox etiam se constringens, sanguinem (quem jam à priore vesicula acceperat) in prædictæ venæ principium protrudit, eamque simul dilatat. Venam autem adhuc appello, quam ex pulsu aortam esse censeo; arteriæ enim à venis, tunicarum crassitie, nondum distinguuntur.

Hæc cum sæpius in plurimis ovis diligenter accurateque contemplatus essem, aliquandiu pendebar animi, quamnam sententiam amplecterer. Vtrum scilicet concretamentum hoc, globulusque appensus, ex colliquamento [in quo natabant] tanquam ex materia compacta & coagulata

lata proveniant; quemadmodum ex vaporibus [dum sursum meant, imperceptibilibus] in aere superiore condensatis nubes fiunt: An potius ab effluvio quodam & sanguineo isto meatu exhalante, vel per diapedesin transudante, exoriantur; nutuatoque inde nutrimento augeantur; Sunt enim maximarum quoque rerum initia perpusilla; & præ exiguitate sui, obscura admodum.

Hoc sane exploratum me habere arbitror, puncta salientia, & meatus venales, ipsamque venam cavam primum existere, eique postea corpulentiam dictam accrescere. Certe sum, sanguinem è puncto saliente in venam hanc impelli; ex eaque corpusculum illud nutriri, & crescere. Nempe primus ille situs & mucor, ex effluvio venæ, (cui adnascitur) primum oritur, indeque postea nutritur, atque augetur; quemadmodum situs alibi solet, in locis humidis, inter opaca domus, quæ diu non repurgatur; & ut camphora, super tabulas cedri; & muscus super saxa, & arborum cortices; aut denique, qualiter erucis quibusdam tenuis lanugo innascitur.

Eadem quoque occasione dubitabam, numnam, facta colliquamenti coagulatione, una cum sanguine & puncto saliente, hoc etiam corporis capitisque rudimentum statim existeret; sed tenuè adeo & pellucidum, ut visum prorsus effugeret; donec

de nec in fitum ac mucorem crassescens, albedinem spissorem induat, qua percipiatur: dum interea sanguis crassior & rutilans in colliquamento tam diaphano facile conspicitur. Verumenimverò cum pressius rem ipsam cogito, in ea sententia sum; sanguinem dari, antequam quicquam corporis reliqui existat; esseque eum, præ cæteris omnibus fœtus partibus primogenitum: & ab ipso, tum materiam, ex qua corporatur fœtus; tum nutrimentum, quo augeatur, procedere: esse denique [si modò ulla fuerit] primam particulam genitalem. Id autem ut credam, quibus argumentis adducar, postea fusiùs dicitur; ubi de parte genitili prima, de calido innato, & humido radicali disceptabimus; & simul etiam, quid de anima sentiendum sit, pluribus collatis observationibus, determinabimus.

Circa hoc tempus, singulis penè horis omnia majora, manifestiora, magisque distincta & explicata apparent; fitque in ovo velox mutatio, plurimaque confestim alia alijs superveniunt. Cavitas ovi jam multò auctior, totamque eius partem superiorem vacuam relinquit; tanquam quinta pars ovi absumpta foret.

Venarum ramuli longius protelantur, pluresque numero non solum in colliquamentum, (ut antea) sed hinc in albumina, illinc in luteum distribuuntur; amboque adeò liquores passim fibris sanguineis sca-

rent.

rent. Vitelli pars superior plurimum colliquescit & funditur, ut ab inferiore plane diversa appareat, jamque duo quasi vitelli videantur; dum superior, cere liquefactæ instar, (ut diximus) inflatus & pellucidus emicat; inferior autem & densior, unâ cum albuminis parte crassiore, ad acutum ovi angulum subsidit. Estque adeo tenuis vitelli superioris tunica propria, ut à minima concussione facillè rumpatur: unâ de liquorum commixtio, ut diximus, & generationis frustratio.

Iam primum foetus rudimentum sese conspiciendum exhibet, (quemadmodum in *Fabricij* figura quinta & sexta videre est) eoque in aquam limpidam immisso, quid corporis factum sit, quid etiamnum desideretur, cognitu facile fuerit. Apparet nempe forma vermiculi, sive galbæ; sicut in frondibus, arborum, corticum pustulis, fructibus, floribus, alibique vermium & erucarum primordia conspiciamus; præsertim verò in gallis quercinis, quarum in centro intra crustulam rotundam (ceu nucleum) liquor limpidus continetur, qui sensim crassescens & coagulatus, subtilissimis lineamentis distinguitur; galbæque formam induit: manet autem aliquantisper immobilis, posteaque motu & sensu præditus, fit animal, tandemque musca avolat.

Similem generationem eorum, quæ sponte nascuntur, *Aristoteles* descripsit:

Qua-

Hist. Quadam ex ore gignuntur, qui super folia
 an. 1. deciderit. Pauloque post, Fiunt papilionēs
 5. c. 19 ex erucis. Hæc autem ex folijs virentibus;
 potissimum raphani illius, quam brassicam
 vocant aliqui. Primum milio minor est,
 deinde minuti vermes: tam crescentes in-
 tra triduum eruca pusilla: post hæc aucta à
 motu cessant, & formam mutant, vocantur
 que chrysallides, crustaque dura continen-
 tur; atque si attingantur, motum edunt.
 Crusta multo post tempore abrupitur tan-
 dem, unde alata animalia evolant, quos
 nominant papiliones.

Nos verò quorumlibet animalium ge-
 nerationem eodem modo fieri infra do-
 cebimus: omnia nimirum animalia,
 etiam perfecta, similiter ex vermiculo
 gigni.

Quod etiam Aristoteles videtur annuif-
 se, ubi ait: in omnibus autem vel ijs quæ
 De gen. 1. perfectum pariunt ovum, conceptus primus
 3. c. 9 indiscretus adhuc recipit incrementum:
 qualis natura etiam vermis est. Hoc nem-
 pe inter vermis, aliorumque animalium
 generationem interest, quod ille prius
 augeatur, quam figuretur, aut in partes
 distinguitur, secundum illud Philosophi:
 E verme ita fit animal, ut non ex ejus parte

Hist. sicut ex ovo, sed totus crescat & de articu-
 an. 1. latum animal evadat: scilicet, augmento
 c. 19. discretus.

Est equidem quod miremur, anima-
 lium omnium, præsertim sanguineorum
 (pu-

puta canis, equi, cervi, bovis, gallinæ, serpentis, hominis denique ipsius, primordia, tam planè galbæ figuram & consistentiam referre, ut oculis internoscere nequeas.

Sub finem quinti diei, vel initio sexti caput in tres vesiculas distinguitur: quarum prima, maxima rotunda, & nigricans, est oculi; in cujus centro pupilla, veluti punctum crystallinum, conspicitur. Sub hac minor vesicula (quæ cerebrum refert) ex parte delitescens cernitur: cui tertia, tanquam apposita crista, sive apex rotundus, supereminet; ex qua tandem cerebellum effingitur. In omnibus vero, præter aquam limpidissimam, nihil reperias.

Iam rudimentum corporis, (carinam diximus) spinam dorsu luculentius refert, qui latera exstructa assurgere incipiunt: alæ nimirum & pedes è galba aliquantum protuberant. Venarum meatus nunc planè umbilicum referunt.

Q V I N T A O V I inspectio.

EXERCITATIO XIX.

Die sexto, capitis tres bullæ evidentius apparent; oculorumque tunica jam distinctæ sunt: simul etiam pedes, atque alæ expullulant: quemadmodum, sub finem Iunii, gyrinis (Italis ranabottoli

F

di-

naapoles) pedes adnasci solent, cum jam aquas deserunt, caudam amittunt, & ranulae formam induunt.

Pullo autem non alia adhuc utropygi forma adest, quam quae in cæteris omnibus animalibus, ipsisque serpentibus, conspicitur; cauda nempe teres, & exigua. Parenchyma cordis pulsanti vesiculæ obnascitur: pauloque post jecoris, & pulmonum cernuntur rudimenta; rostrumque simul apparet: albissima omnia, praesertim rostrum. Circa hoc tempus etiam viscera omnia, & intestina conspicua sunt. Cor vero ante reliqua se videndum exhibet: pulmones etiam ante jecur, aut cerebrum. Omnium tamen primi oculi videntur, propter amplitudinem ipsorum, & nigredinem.

Iam quoque foetus sese movet, & leniter contorquet, caputque exporrigit: licet nihil etiamnum cerebri, præter aquam limpidam vesiculæ inclusam, comperiat. Est denique perfecta galba; hoc solum ab erucis discrepans, quod hi vermes emancipari cum sint, huc illuc serpent, viduumque sibi aliunde quarant: ille vero vermiculus loco stabilis, proprioque pabulo innatans, cibum per vasa umbilicalia mutuatur.

Exstructis jam visceribus, atque intestinis, foetuque morum exercente, pars tamen corporis anterior, thorace & abdomine privata, plane aperta cernitur; corque ipsum.

ipsum, jecur, & intestina foris pendula
conspiciuntur.

Sub finem huius diei, & principium se-
ptimi, digiti pedum distinguuntur; scro-
tusque jam pulli effigiem induit, rostrum
aperit, & calcitrat: omnes denique partes
adumbrantur, præ cæteris vero oculi.
Viscera adeo obscure patent, ut *Coiterus*
verè affirmat, se oculos quidem & rostrum
percepisse, nullum vero viscus potuisse
discernere vel absconditum, vel confu-
sum.

Quæ sequuntur ab initio sexti ad septi-
mi diei finem, ut plurimum in alijs ovib;
citius, in alijs paulo tardius contingunt.
Oculorum tunicae jam videntur, licet hu-
morem solum liquidum & limpidum in se
contineant. Ipsi oculi extra orbitas suas
prominuli sunt; eorumque singuli non
minus cerebrum amplitudine excedunt,
quam caput, cui innascuntur, totum reli-
quum corpus mole exsuperat.

Bullula quædam, instar cristæ, extra
cerebri ambitum expansa, cerebelli vicem
supplet; ipsaque similiter aqua limpida
referta est.

Cerebrum obscure bifidum apparet;
minutisque, quam cerebellum, fulget; ma-
gis tamen candicat. Et quemadmodum
cor foris extra pectoris penetralia conspi-
citur, ita pariter cerebellum extra cerebri
fines protuberat.

Abscisso capite, apparuit (perspicillis
F 2 utenti)

uenti) in cervice, venę ad cerebrum ascendentis quasi punctum sanguineum. Spina quoque vestigium jam primum à reliqua pulpa discernitur, colore quidem lacteo, sed consistentia firmiore. Ita similiter, quasi tenues aranearum relæ, exiles lineę lacteę per corpusculi pulpam vagantes, costarum, aliorumque ossium specimen exhibent: idemque luculentius in majorum animalium viviparorum formatione apparet. Cor, pulmones, jecur, & intestinorum loco tenuissima filamenta, omnia alba. Iecoris parenchyma venę umbilicali, qua parte ingreditur, super exilia, stamina fibrosa adnascitur: simili prorsus modo, quo rudimentum corporis, venę à corde descendenti, vel vesiculę pulsanti accrescere diximus. Quemadmodum, enim uvę, racemo; germina, virgultis; incipientesq; spica, granini accrescunt; ita quoque hepar venę umbilicali adheret, indeque oritur, ut fungi ex arboribus, & supercrescens in ulceribus caro, vel farcoses morbose arteriarum ramulis conterminæ, è quibus nutriuntur, & in maximam interdum molem excrescunt.

Ad hoc arteriarum officium, siue sanguinis circulationem respiciens, ingentes aliquando hernias carnosas, præter omnem spem, perfectè curavi; id solum agens, ut præcisâ vel ligata arteriola, nihil nutrimenti, spiritusve ad partem laborantem accederet; quo factum, ut tumor

mor.

morticinis facile postea vel ferro, vel igne
extirparetur. Habuit quidam præ cate-
ris [idque complurimum fide dignorum te-
limonio confirmare possum] sarcosin in
seroto, sive herniam carnosam humano
capite majorem, genuum tenus deorsum
pendulam: indeque sursum carnosam mo-
les, ad carpi magnitudinem, ceu funis
nauticus) abdomen ingrediebatur; adeo-
que malum increvit, ut nemo ferro, vel
aliter, curam aggredi auderet. Hanc ta-
men ingentem excrecentiam, serorum
tantopere distendentem, testiculumque
in medio ejus obvolventem, quo dixi mo-
do planè abstuli, & curatione perfectè de-
sanctus sum; relicto interea testi vase suo
præparente, & deferente; reliquisque in
seroto, per vaginalem tunicam descen-
dentibus, salvis & intactis. Verùm hu-
jusmodi, aliasque curationes, præter vulgi
sententiam & methodum feliciter peractas,
in observationibus nostris medicinalibus
(si Deus nobis vitam largitus fuerit) co-
piosè enarrabimus.

Hæc eo sine potissimum à nobis dicta
sunt, ut luculenter constat, hepar vasis ac-
crescere; & aliquandiu post natum san-
guinem demum generari; ejusque paren-
chyma ex arterijs, [unde materia affundi-
tur] procreari; & aliquantisper sanguine
privatum albescere; quod & reliquis no-
stri corporis partibus commune, est.
Quemadmodum enim pullum ex ovo na-
sci

fei diximus, eodem omnino modo, atque ordine, hominis, aliorumque animalium generatio contingit.

Vnde constat, absonam prorsus esse eorum sententiam (quanquam olim hodieque passim obtrahit) qui jecur sanguinis officinam, & autorem esse adstruunt; eoque nomine ipsum inter præcipuas, primoque genitas corporis partes recensent. Quinetiam tanto viscus hoc honore dignitati sunt, ut statim ab initio, unâ cum corde, & matris semine oriundum dicerent; fabulamque de tribus capellis, vesiculis nempe fictitijs, acriter nimis defenderent. E quorum numero *Parisæus* nuper, magno quidem, sed imprudenti animo, veterem cantilenam occinit. Non animadvertunt scilicet hi boni viri, vesiculas in ovo moveri, cor micare, sanguinemque jam perfectè coctum adesse, antequam hepatis vola aut vestigium conspiciatur. Profecto sanguis potius ipsius hepatis efficiens, (quàm hoc illius autor) censendus est. Nam post sanguinem, & ab ipso, hepar generatur, vasisque sanguineis adnascitur.

Sed neque *Aristotelicis* assentiri aulam; cor sanguinis autorem reputantibus. Nam substantia ejus, sive parenchyma, aliquanto post sanguinem nascitur, & vesiculis pulsantibus superadditur. Plurimum autem ambigo, utrùm vesicula, sive punctum saliens; an sanguis ipse sit antiquior, num scilicet liquor contentus, an vasa

con-

continentia. Videtur autem, quod continet, contenti gratia fabricatum esse; ideoque posterius efformari. Id quidem oculorum fidelium testimonio certum est, prima corporis stamina, primumque ejus fundamentum conspicuum, venas esse; quibus reliquæ omnes partes superadditæ, & postgenitæ sunt. Verum hac de re postea amplius.

Interea ridere libet fictam illam partium divisionem, in spermaticas, & sanguineas: quasi vero aliquæ ex semine immediate natæ sint, & non omnes ab eadem origine proficiantur.

Ad propositum revertor. Colligamentum ambitus jam supra dimidium ovi occupat. Cor foris pendulum, à corpore non nihil remotum est. Et, si attentè inspexeris, vasa quædam umbilicalia pulsare videas.

INSPECTIO

Sexta.

EXERCITATIO XX.

De septimo omnia manifestiora sunt, visumturque singularium partium primordia: nempe alæ, pedes, genitalia, pedum digiti divisi, femora, clunes, &c. iam se movet foetus, & calcitrat, perfectusque pullus conspicitur, cui nihil postea superadditur,

sed partes tenellæ duntaxat incrementum sumunt: quæ, quanto magis agentur, tantoq; magis albumen absumitur; membræque exteriores unitæ, secundinæ naturam referunt; quemadmodum & venæ, umbilici effigiem magis indies repræsentant. Quapropter à die septimo ad decimum transiliendum censeo; cum interea temporis nihil observatu dignum occurrat, quod non passim apud authores alios, præsertim *Aristotelem*, reperias.

Fit tamen, ut plura simul ova inspicienti, quædam præcocia, & provectiora, omniaque explicata magis habentia: alia, tardiora, membrisque minus distincta appareant. Quanquam alias non parum ad hanc rem faciunt, anni tempus, locus, externa fomenta, diligens incubatio, & si quæ sunt alia huiusmodi. Memini, me aliquando die septimo in ovo ignavioze vidisse, cavitatem quidem in obruso cacumine dilatatam, colliquamentum venis conspersum, in eius medio vermiculum, oculi etiã rudimentum, cæteraquæ quæ in aliis ovis quarto aut quinto die fieri solent: vesiculæ tamen pulsantes non aderant; nec venarum truncum, aut radicem (ex qua ipsas oriri diximus) reperire licuit. Quapropter merito ovum imbecillius iudicabam, & quasi à tergo relictum, facultateque generativa efficta præditum; jamque internecioni proximum. Præsertim, cum eius colliquamentum minus solito pellucidum

eridum & fulgens, venasque parum rutilantes cernerem. Evanescente nempe spiritu vitali, pars quæ in generatione prima efficitur, & sub obtutum cadit; in corruptione quoque prior deficit, & evanescit.

INSPECTIO POST DIEM

decimum.

EXERCITATIO XXI.

QUæ decimo die conspicienda veniunt, tam accuratè ab *Aristotele* enarrantur, ut vix quicquam super sit, quod à nobis addi possit. Sententia autem eius, in paraphrasæ, est huiusmodi: Decimo jam ^{Hist.} die pullus totus conspicuus est; atque etiam an. 1. pellucidus, & albus, præter oculos, & v. 6. c. 3. narum ramos. Caput etiam totò reliquo corpore maius est; & oculi capite maiores habent, seu potius adherent, & quasi appendantur, nulla adhuc papilla præditi; scilicet perfecte formatae tunicas tamen, jam discretas deprehendere, non est arduum. Quippe tunc si eximas, invenias fabis granatiores, & nigrior. A quibus detracta cute humor exit candidus, ac frigidus, vehementer ad lucem resurgens, præterea però nihil, [in toto capite nempe] præter dictam aquam limpidam continetur. Ita nimirum se res habet à die septimo ad decimum usque, ut supra diximus.

F S

Es

130 *Inspectio post diem decimum.*

Eodem tempore, inquit, viscera quoque jam apparent, & quæ ad ventris intestinorumque pertinent naturam: cordis nempe parenchyma, pulmones, jecur, &c. omnia verò alba, mucilaginosa, & flaccida, nihilque firmitudinis in se habentia: Venæque etiam quæ à corde tendunt, jam umbilico applicantur. Ab umbilico autem tenditur vena una ad membranam quæ vitellus continetur: qui eo tempore liquidior jam & fusior est, quam qui natura sua constare solet. Altera autem ad membranam, quæ & tota membrana (nempe colliquamentum tunica) foetum ambiens & vitellum, interjacensque humor continetur. Crescente enim paulatim pullo, vitelli pars supra pars infra est; albumen autem in medio liquidum. Sed & sub inferiore vitelli parte illa, albumen item est; quemadmodum & antea suberat. Hactenus Aristoteles.

Venas autem jam perspicue videre est arterias comitari; tam hæc, quæ ad albumina tendunt; quam illas, quæ ad vitellum. Vitellus etiam hoc tempore liquefit, & fusior est; non totus quidem, sed is qui supernatat: (ut pridem diximus) neque etiam venarum ramuli in totum vitellum excurrunt; sed in partem illam duntaxat, quam liquatæ ceræ instar fusam diximus. Similiter venæ, quæ ad albumen tendunt, arterias sibi comites habent. Ipsæque albuminis major pars, in humorem candidum (colliquamentum)

scilicet

Inspectio post diem decimum. 132

scilicet) abie, qui pullum innatantem amplectitur; interjacetque utramque vitelli portionem, superiorem nempe, & inferiorem; cui in imo [angulo nempe acuto] pars albuminis crassior, & viscidior subjacet. Vitelli pars superior, liquidior jam & fusior apparet, quam inferior; quocunque enim venarum fibre diffunduntur, partes ille subito intumescunt & liquidiores fiunt.

Decimo vero die, inquit, albumen subsidit, exiguum jam, viscidum, crassum, & sublimatum. Quod nimirum in colliquamentum ne trahit.

Iam maxima albuminis pars in colliquamentum, indeque in foetu absumpta est; totum nempe albumen tenuius, crassiorisque pars major. Vitellus autem amplior, quam initio erat, conspicitur. Unde manifestè constat, vitellum nondum nutritioni inferuire, sed postea huius officio dicatum esse. Et quantum ex venarum ductu ac distributione coniectura consequi potui, foetus ab initio statim ex colliquamento nutritur; quippe in ipsum duntaxat venæ primùm disseminantur; deinde in tenuioris albuminis membranam; posteaque in crassius albumen, & vitellum. Similiter & crassius mox albumen, pro nutritu est; ultimoque tandem vitellus.

Ita nempe tenerimus fetus, dum adhuc vermiculus est, tenuissimo, optimeque

142 *Inspectio post diem decimum.*

cocto victu alitur colliquamento, inquam,
& albumine tenuiore. Postquam autem
adolevit, cibo utitur ætati, viribusque
suis consentaneo.

Proximis verbis *Aristoteles* singulorum
in ovo situm describit; *Prima postrema-*
que parte membrana ovi sub cortice, non
coriicis membrana. s. d. sub ea: atque in hac
liquor inest candidus: (colliquamentum,
scilicet) Deinde pullus; & eum continens
membrana, atque ita separans, ut ne in li-
quore illo sit foetus ipse.

Vbi mendum in textu esse suspicor.
Nam ut res ipsa indicat, ita potius dicen-
dum foret. Deinde pullus membrana ob-
volutus, in eo candido liquore mōner, si-
ve natar: quæ quidem membrana, non est
exterior illa totam testam immediate suc-
cingens, sed altera huic subiecta; quæ
ablumpto jam primo albumine exteriore,
reliquo albumine crasso in acutum angu-
lum depresso; ex duabus membranis,
[nimirum albuminis tenuioris, & colli-
quamenti propria] una tunica fit, quæ tan-
quam secundina, *chorion* dicta, jam ap-
parere incipit. Aptæque ait *Aristoteles*,
liquor in ea candidus inest; quibus verbis,
albumen non intelligit, sed factum ex
albumine colliquamentum, in quo foetus
natar; albumen enim quod superest, in
acutum angulum subdidit.

INSPECTIO POST DIEM decimumquartum.

EXERCITATIO XXII.

A Die septimo ad quartum & decimum, omnia aucta magis [ut diximus] conspectiora fiunt. Cor, aliaque viscera omnia, intra pulli ventres iam abscondita latent; & quæ nuda prius, forisq; prominentia cernebantur, nunc nisi aperto thoracè, atque abdomine, neutiquam conspiciuntur. Pullus nunc primum plumis vestitur; quarum radices, seu puncta nigra, videntur. Oculi pupilla jam distinguitur; palpebrae apparent; atque etiam membrana nictatoria, in maiore oculi cantho, sese conspiciendam dat; quæ avibus omnibus est peculiaris, qua oculos suos detergere solent. Cerebri gyri quoque distinguuntur, & cerebellum calvaria occluditur; cauda etiam uropygij figuram adipiscitur.

Post diem decimum quartum; viscera (prius alba) carneum sive rubicundum colorem paulatim induunt. Cor jam thoracis latebras ingressum, sternoque opertum, ædificium propria opera exstructum inhabitat. Cerebrum & cerebellum intra cranij fornicem solidescit. Intestina autem, & ventriculus nondum abdomine

concluduntur, sed interioribus annexa, foris propendent.

Duarum venarum juxta anum è ventre in umbilicum derivatarum; altera est *arteria*, (ut pulsus indicat) ab arteria magna oriunda; altera, *vena*; à vitello per intestinorum latera in venam Portam, sima hepatis parte, deducta; alter enim vasorum umbilicalium truncus, ramulis ex albumine collectis, transit jecoris gibbam, & in venam cavam juxta cordis basin perforatur.

Hæc ut in dies luculentius apparent, ita major quoque albuminis portio quotidie absumitur; quod vitello non contingit, qui penè integer etiamnum permanet, eademque mole, qua primo die conspicietur.

Diebus sequentibus, quinque vasa umbilicalia videre est; quorum unum, est *vena maxima*, è cava supra jecur oriunda, ramosque in albumen dispersiens: alia duæ *venæ* à Porta proficiscentes (eiusdem ambæ originis) in binas vitelli partes (quas modo descripsimus) distribuuntur; & utranque hanc arteriolæ, ex lumbaribus nata, comitantur.

Iam pullus majorem ovi partem occupat, quam reliqua omnia quæ in eo continentur; plumisque vestiri incipit; quantoque plus scetus, tanto minus albuminis reperitur. Notari quoque dignum est, *membranam colliquamentæ* (quam diximus)

mus) cum exteriore tunica conjungi, & secundinam sive chorion constituere, jam vitellum totum una comprehendere, & contractiorem redditam, vitellum simul cum intestinis ad forum adducere, eique conjungere, & cum sacculo constricto elaudere. Quaeque ante subtilis & transparentis fuerat, prout jam magis magisque contrahitur, ita pariter crassescit magis, & carnosior evadit: posteaque, ad similitudinem herniae intestinalis, in scroto dilatato intestina simul cum vitello recondit, & sustinet; tandemque quotidiana contractione adductior, abdomen pulli constituit. Vitellum hoc modo, circa diem decimum octavum, intra intestina laxiore alvo collocatum reperias; non tamen ita firmiter positum, quin intestina levi momento (ut in hernia intestinali fit) vel intra ventrem repulsa, vel foras in scrotum delapsa, una cum vitello huc illuc pellantur. Vidi aliquando columbae, aestivo tempore festinantius exclusae, vitellum ad hunc modum ex alvo prolapsum.

Sub hoc tempus, pullus ventricosus cernitur, quasi herniam (ut dixi) pateretur. Iamque colliquamentum paulatim turbatur, immutatur, & absumitur, (cujus pridem magna copia erat) foetusque supra vitellum decumbit. Iisdem diebus, antequam hepar colorem sanguineum nanciscitur, secundamque (ut aiunt) concoctionem instituit; fel (quod in eadem, utpote

excrementum, virtute jecoris separari
vulgò credunt) virescens jam intra hepatis
lobos invenias. In ventriculi cavitate li-
quor liquidior limpidus reperitur, ejusdem
planè consistentiæ, coloris, & saporis cum
colliquamento, in quo fœtus natabat; qui
per intestina dilabens, colorem sensim
mutat, & in chylum vertitur; tandemque
in intestinis inferioribus simile excremen-
tum occurrit, quale eadem in pullis jam
exclasis continent. Vbi provectiores fue-
rint pulli, in eorum ventriculo liquorem
hunc coctum videas, & coagulatum, &
quemadmodum in ijs qui lacte vescuntur,
schistum fit, in serum nempe & colostrum
permutatum.

Absumpto ferè albumine, & exigua jam
colliquamenti relicta quantitate, per ali-
quot ante exclusionem dies, pullus non
amplius natat, sed (ut dixi) supra vitellum
decumbit; totusque conglobatus, capite
ut plurimum inter fœmur dextrum & alā
positus, rostro etiam, unguibus, & plumis,
cæterisque omnibus instructus conspicitur.
Modò dormit, modò vigilat, mo-
vensque sese, respirat, & pipit. Si ovum
auti admoveris, tumultuantem intus fœ-
tum, calcitrantem, respicientem etiam
autore *Aristotele*, atque pipientem mani-
festè audies. Idem, si in aquam calidam
pederentem dimiseris, unatabit, pullusque
intus à calore ambiente expergestus, talis
aus edet, ovumque (ut diximus) huc illuc

volutabit: Quo experimento mulieres ova
fecunda distinguunt à subventaneis, quæ
aquæ imposita subsidunt.

Albumine jam penitus confecto, paulo
ante exclusionem, umbilicus alter (quem
in albumina derivatum diximus) oblitera- *Hist.*
tur: sive, ut *Aristoteles* ait, *umbilicus is*, *an. l.*
qui ad secundinas exteriores tendit, solvi- *6. c. 3.*
tur ab animali, & cadit. Qui vero ad
luteum fertur, cum pulli tenui intestino
connectitur.

Excrementa, quæ primum in intestinis
reperiuntur, alba sunt, & cænosa, testæ ovi
emollitæ similia. Quin etiam ejusmodi
extra foetum intra secundinas reperire
est, Adstipulatur *Philosophus*: Eodem
tempore etiam multum emittit excrementi
ad extremam membranam. Quin album
quoque excrementum tam intra alvum,
quam extra habet.

Tempore vero procedente, paulo ante
foetus exclusionem, fæces subvirides cer-
nuntur, quales exclusos pullos ejicere, mo-
do diximus. Visitur etiam in ingluvie
portio quædam colliquamenti deglutita,
& in ventriculo schiston, sive coagulum.

Nec hætenus quidè jecotis color pur-
pureus, aut sanguineus est, sed ab albore
in flavedinem vergens: qualia piscium je-
cora cernuntur. Pulmones tamen sangui-
nolenti rubescunt.

Vitellus nunc in abdomine inter inte-
stina concluditur: idque non solum dum
foetus

fuerit in ovo fuerit, sed post exclusionem
 etiam, cum obambulat, matremque inse-
 quens victum quaritat. Ut verum videat-
 ur, quod *Aristoteles* multoties affirmat;
vitellum nempe, pullo pro cibo contigisse,
 eodem enim intus contento, pullus primis
 ab exclusione diebus (donec rostrum fir-
 mitudinem acquisiverit, quo cibaria fran-
 gat, & praearet; ac ventriculus robur, quo
 eadem conficiat) pro nutrimento utitur;
 eiusque adeo lacti analogos. *Aristoteles*
 huius sententiae calculum suum adijcit, lo-
 co à nobis saepius citato: *Iam & pullum*
ipsum multum humoris lutei sibi subit: qui
demum decrescit, procedenteque tempore
totum absumitur in ipsum pullum, cuius
in corpore comprehenditur; ita ut decimo
post die, quam exclusus est pullus, si disse-
ctetur, etiamnum ad intestinum paulum vi-
telli reliquum inveniat. Quinetiam post
tricesimum diem, vitelli reliquias ibidem
deprehendit. Et, si valet argumentum a
ductu venarum umbilicalium, (quas ad
jecoris portam uno aut altero trunco ter-
minari diximus) pullus jam eodem pro-
sus modo nutritur, alimento ex vitello
per vasa umbilicalia attracto; quo postea
chylo ex intestinis per venas mesentericas
traducto alitur. Vasa enim utrobique ad
jecoris portam terminantur, ad quam nu-
trimentum pariter attractum deferunt.
Ut ad venas lacteas in mesenterio (quae in
pennatis nullibi reperiuntur) confugere
 non sit opus.

Lu-

Lubet hic annexere, quod saepe exper-
tus sum. Vt foetus, & liquorum posituram
aperitius discernere, post diem decimum
quartum ad exclusionem usq; (albuminis
majore parte jam absumpta, & diviso vitel-
lo) ovum integrum ad duritiem decoxi;
ruptoque cortice, ac pulli collocatione,
perspecta; inveni tum albuminis reliquum,
tum ambas vitelli partes (quas facta per
lenem calorem, colliquatione, divisas dixi-
mus) eadem consistentia, colore, sapore,
alijsque accidentibus, quibus ova requie-
ta & similiter cocta dotari solent. Pluri-
mum itaque mecum ipse reputavi, qui fie-
rer, ut ova improhica gallinae supposita,
ab eodem calore extraneo corrumpantur,
putrescant, & foetida evadant; ovis autem
foecundis idem non contingat. Sed in his
liquores ambo [licet foetus vna cum ex-
crementi paulillo adsit] sani, salubres, &
immutari permaneant; adeo, ut si quis
coctos eos in tenebris comedat, nequeat a
requieto ovo similiter cocto distinguere.

DE PVLLI EXCLVSIONE;

sive partu ex Ovo.

EXERCITATIO XXIII.

ES OVUM (ut diximus) quasi *uterus*
expositus, & locus in quo foetus for-
matur: matricis enim munus obit, pul-
lum.

Iamque ad debitum nascendi tempus amplectitur; qui perfectus jam inde paritur. *Ovipara* itaque non discriminatur à *viviparis*; quod hæc fetus suos vivos pariant, illa non item; (pullus enim intra ovum non solum vivit, & movetur; sed respirat etiam, ac vocem edit, vitæque jam natus perfectiore fruitur, quam reliquorum animalium fetus,) sed differunt potissimum generationis modo; quod nempe in *viviparis*, uterus sive locus in quo fetus formatur, sit intra animal, cujus calore fovetur, & perficitur; in *oviparis* vero ovum, seu uterus, extra animal exponitur; quod tamen illud non minus incubando fovet, quam si intra corpus suum amplecteretur.

Nam licet mater interdum varias ob causas ova sua tantisper deferat; eadem tamen usque amat, brevique rediens sinu suo complectitur, fovet, ac diligenter tueri.

Cum vero pullus aerem jam liberius requirit, rupto cortice prodit in lucem; circa diem vicesimum primum, aut vicesimum secundum.

Pag. De hac pulli exclusione, sive nativitate,
59. non est prætereendus *Fabricij*, aliorumque; fere omnium vulgaris error. Audiamus *Fabricium* ipsum: *Cirius*, inquit, indiget externo aere, quam cibo, cum alimenti adhuc aliquid inus supersit: in quo casu iam pullus, qui durum corticem, præ rostri molliæ, & corticis à rostro distantia, coque in-
tra

tra alam adstricto, rumpere non valet; jam
 signum matri dat rumpendi necessitatis: id
 quod per vocem efficit emissam. Etenim pul-
 lus tunc ita robustus est, & cavitas tam
 ampla facta, & aer ita copiosus contentus,
 ut jam adaucta impensius respiratione, ex-
 sufflationem quoque & vocem emittat, na-
 turalem quidem pullo, forteque quidpiam
 petentis significatricem: qua etiam exterius
 audiri facile à quolibet potest: praterquam
 quod Plin. & Arist. id ipsum affirmant: L. 10.
 Qua pulli voce protinus audita, quasi ne- c. 53.
 cessitatem rumpendi corticem cognoscens, ut de
 nimirum pullus externo fruatur aere pro Hist.
 sui conservatione, aut si mavis, dicas, pul an. 1.
 li dilectique filij conspiciendi desiderio fœ 6. c. 3.
 tans affecta, iam rostro corticem rumpit: qui
 non difficulter abrumpitur, cum ibi loci pro-
 pter cavitatem iam diu humoribus destitu-
 tam, & à contento aere, & calore exsicca-
 tam fragilior, friabiliorque evaserit. Vox
 igitur pulli primum & maximum signum
 est eiusdem exitum querentis, externoque
 aere indigentis: quam ita exactè gallina
 percipit, ut si forte fortuna fatans pulli vo-
 cem internam, infernamque esse dignoscatur,
 tum sursum pedibus, orum revolvat; ut ex-
 duntaxat parte qua vox venit, sine ulla
 pulli noxa corticem, abrumpat. Addit &
 alterum signum Hippoc. pulli ex ovo exire L. de
 petentis; videlicet quod pullus, ubi alimen- nat.
 to destituitur, fortiter moventur, uberius ali- pueri.
 mentum querens; & pellicula circum dis-

rumpuntur; & ubi mater sentit pullum vehementer motum, putamen exscalpens ipsum excludit.

Hæc à Fabricio testive quidem & convincentè dicta sunt; solidis tamen argumentis haud innituntur. Experientia enim compertum habeo, pullum ipsum (non autem matrem) corticem frangere: idque rattoni etiam quam maximè est consentaneum. Quomodo enim alias ova in fimeis, furnisque calidis [ut in *Egypto*, alibi que fit] rumpantur? ubi mater nulla adest, quæ vocem supplicantis pulli, opemque implorantis audire queat. Testudinum marinarum & terrestrium, piscium quoque, bombycum, serpentum, & struthionum ova, quomodo frangantur? cum scæcis illis vel vox desit, quæ exitum petant, vel sub terra sepulti exaudiri nequeant. Sponte igitur nascuntur pulli, atque ex ovis suis proprio molimine profiliunt. Idque ita fieri, cettissimis argumentis liquet. Quippe in prima ovi perforatione, hiatus iste multo minor est, quam ut matris rostro conveniat: sed pulli rostro directe respondet, circa quod [in modum coronæ] corticem æquali semper à cacumine distantia ruptum videas, partesque confectas [præsertim primis ictibus] foras semper prominere. Quemadmodum autem ruptis vitreis fenestris, facile quis judicaverit, intusne ictus an foris advenerit; si modo frustorum adhærentium apices, quo

quo tendant, diligenter intuitus fuerit. Ita pariter rupto ovo, ex fragmentorum per totum coronæ ductum eminentia, ab interna causa id proficisci manifestum est. Quin egomet, alijque mecum complures, simul ac pullum audivimus corticem unguibus scalpere, vidimus quoque illico eundem rostro pertundere, ruptamque in circulum, coronæ instar, deducere. Quinetiam vidi foetum capite suo corticis cacumen attollere, & amovere.

Pluribus quidem hæc deduximus, quod haud spernendæ utilitatis sit speculatio: ut inferius constabit. *Fabricij* verò argumentis responsum facile est. Fateor enim, pullum intra ovum vocem edere, & fortassis aliquid petentis significatricem: Non inde tamen sequitur, corticem à matre frangi. Neque pulli rostrum adeò molle, aut à cortice remotum est, ut hunc perforare non possit; præsertim cortice jam [ob causas ab eo allatas] valde friabili reddito. Nec semper caput intra alam reconditum tenet, ut ideo corticem rostro frangere nequeat, sed solummodo cum dormit, aut vita defungitur. Interdum enim (ipsomet quoque fatente) vigilat, calcitrat, scalpit, radit, distingit corticem, luctatur, membranas involventes rumpit, vocem edit, (eandemque, opem implorantis esse, non invitus concessero:) hæcque omnia à quolibet facillè audiri pos-

possunt. Quare gallina sedulo ausculans, quamprimum vocem ab ima parte attolli percipit, ovum quidem non rumpit, sed pedibus suis sursum revolvit, commodioremque sitam pullo intus incluso præbet. Non constat autem, pullum voce sua, rumpendi corticis necessitatem matri indicare, aut exitum ab ea petere. Nam sæpe per biduum ante exclusionem, pullum in ovo pipientem audias. Nec mater, dum ova revolvit, rumpendi ea locum quærit; sed, ut infans, cum in cunis se male habet, inquietatur, plorat, ejulat; materque illius amans, huc illuc; sedulo ab uno latere in aliud removet, agitaturque, donec ille placatus fuerit: ita similiter gallina, ubi pullum tumultuantem, pipientemque in ovo senserit, vel jam ex ovo exclusum in nido sese inordinate commoventem; protinus se attollit, cavetque, ne corporis sui pondere, vel calore nimio eum lædat, rostroque pedibusque ultro citroque volvit, donec sæturi quietem, atque indolentiam comparaverit.

DE OVIS GEMELLIFICIS.

EXERCITATIO XXIV.

Gemellifica ova sunt, è quibus gemelli prodeunt pulli; eaque [ait *Arist.*] binis vitellis pradita sunt; qui in aliquibus tenui albuminis dissipatione separantur, quò

quò minus inter se confusi sint: in alijs nullum est, sed se mutuo contingunt.

Vidi sæpe ova gemellifica, quorum singulos vitellos bina albumina ambiebant, cum membranis communibus, proprijsq; singillatim obvolventibus. Alia quoque ova vidimus cum binnis vitellis quasi connascentibus, quibus utrisque unicum albumen commune circumfundebarur.

Gallina nonnulla sunt (inquit Arist.) quæ Ibid. omnia gemellifera pariunt; in quibus, quod evenire vitello diximus, perspectum est. Quadam enim duodeviginti cum peperisset, exclusit geminos; nisi quæ ita fuerunt. Verum ita sit, ut ex gemellis, alter maior sit, alter minor; postremus autem etiam monstruosus.

Apud nos interdum gemellifica ova nascuntur, & gemelli quoque aliquando (licet rarissime) excluduntur. Ipsemet autem ambos ejusmodi fœtus vivos nunquam vidi; quod vel in ovo ipso, vel in exclusione alter pereat. Idque etiam mihi ex Arist. verbis sit verisimile, dum alterum maiorem, alterum minorem ait; illum nempe robustiorem, & ætate provectiorem; hunc autem imbecilliorem, magisque ad exitum imparatum; siquidem (ut opinor) bini isti vitelli; disparis ortus, & maturitatis sunt. Fieri itaque vix potest, quin robustior, & exclusioni jam paratior, si ovum aperiat, ipseque prodeat in lucem, alteri abortum afferat.

Si autem ille ovum non ruperit, præsens ipsi periculum (ob defectum aeris) imminet. Adeo alterutri saltem, in exclusione, si non utrique, certa mors impendet.

Pag. 19 Fabritius ista Aristotelis verba vel non videns, vel negligens, ait: *Quod si inter-
dum ovum duos obtinens vitellos, intra se
pullum cum quatuor cruribus, vel alis, duo-
busque capitibus, & id genus monstra pa-
riat; nunquam tamen duo invicem sepa-
rati (ut duo dici possint) pulli sunt: sed
inuis duntaxat corporis truncus est, qui duo
capita, quatuor crura, aliaque huiusmodi
annexa habet.*

Vnde constat, eum nunquam vidisse, aut ab expertis audivisse, ejusmodi ova binos pullos parere; ac proinde vna mecum credere, talia ova raro contingere; neque nunquam excludere binos foetus vitales;

Miror autem, [visa hac Aristotelis auctoritate] eum dicere, duos invicem distinctos pullos ex ovis ejusmodi nunquam provenire: sed monstrum semper produci. Præsertim cum ipsemet credat, foetum è chalazis, tanquam è materia, fabricari; & in gemellifico ovo quatuor chalazas non videre non potuerit.

Crediderim potius, cum in ovo gemellifico duo vitelli eodem albamine concluduntur, invicemque adeo conjuncti sunt, ut eorum cicatricula, dum simul aperiantur, unum oculum (colligamentum

à nobis dictum) constituent; monstruosum
 fœtum procreari posse, cum quatuor pedi-
 bus, duobus capitibus &c. quippe nihil vi-
 deo, quod impediat: talemque ex ovo *Fa-
 bric* & prognatum arbitror.

Verumtamen ubi duo vitelli distincti
 fuerint, duabus tunicis proprijs dissepri.
 & grandinibus suis, albuminibus, cæte-
 risque ad fœtus generationem necessarijs
 instructi: cum *Aristotele* concludendum
 censeo, tale ovum, ut partes omnes (præ-
 ter corticem) duorum ovorum habet, ita
 & potentias quoque obtinere; ac, nisi in-
 fœcundum aut urinum fuerit, duos ple-
 runque fœtus producturum, raro autem
 monstrum singulare.

PORISMATA QVÆDAM
 ex prædicta Ovi historia
 desumpta.

EXERCITATIO XXV.

Historia quidem ovi gallinacei ita se
 habet. In qua, quomodo ipsum
 generetur, & actione sua (propagatione
 nempe) pullum efformet, enarravimus.
 Prolixè forsitan nimis, eorum arbitratu,
 quibus quorsum tanta molitio, tamque
 accurata observatio spectet, nondum con-
 stat. Quare, quem fructum diligentæ
 nostræ consequuti simus, hic adungere

consentaneum arbitror : atque (ut doctissimi *Verulamij* nostri verbis utar) *vindemiatio secunda* instituenda est. Theoremata itaque nonnulla, ex enarrata historia colligenda veniunt; quorum aliqua, certissima sunt; nonnulla, ancipitis fidei, & ulterius ventilanda: quædam, paradoxa, & popularibus placitis contraria: horum quoque alia, ad gallum, sive marem pertinent; alia ad fœminam; quædam, ad ovum ipsum; quædam denique, ad pulli formationem. Quibus aliquando accuratè perspectis, de reliquorum quoque omnium animalium generatione, facilius, certiusque judicabimus.

QVID SIT OVUM.

EXERCITATIO XXVI.

Theoremata, quæ circa ovi contemplationem versantur, alia; quid ovum sit, docent; alia, generationem ejus; alia, partes constituentes perpendunt. Constat primo, unius pulli unicum esse pulli, ovum. Et quamvis sit veluti uterus quidam foris expositus, rarissime tamen cum plures gignit fœtus; sed singularem pullum, ut plurimum, producit. Et licet binos interdum gignat, ovum tamen eius modi haud simplex censendum est, sed duplex; utpote naturam duorum, partemque obtinens.

Est

Est enim ovum, conceptus aliquis a Ovi
mare & foemina proficiscens, utriusque est
pariter virtute præditus; ex quo uno cõce-
uum fit animal.

Neque est principium duntaxat, sed fru-
ctus quoque, & finis: principium scilicet Prin-
prolis generandæ; fructus autem utriusq; cipi-
parentis, puta galli, & gallinæ opus, (ceu simul
finis quem in generatione sibi proponunt) & fru-
& origo foetus futuri: Semen autem & fructus
(autore Aristot.) inter se differunt. De
prioris posteriorisque ratione; fructus enim, genus
quod ex alio est: semen, ex quo aliud. Nam an. l.
alias ambo idem sunt.

Videtur etiam ovum medium quid ef-
se; non modo quatenus principium, & si etiam
nis est; sed tanquam opus, utriusque sexus me-
commune, & ex utroque compositum: dum
quod materiam, & facultatem opificem, quid,
in se continens, utriusque virtutem ha-
bet, qua alterutri similem foetum produ-
cat. Est quoque medium inter anima-
tum & inanimatum, neque enim vita
prorsus donatum est, neque eadem om-
nino privatur. Inter parentes, & liberos;
inter eos qui fuerunt, & qui futuri sunt;
media via, siue transitus est: cardoque, &
centrum; circa quod generatio totius gal-
linacæ generis vertitur.

Terminus est, ex quo omnes galli &
gallinæ oriuntur; & ad quem, ceu finem a
natura sibi propositam, tota vita nituntur.
Ita fit, ut individua quæque, dum speciei

gratia sui similia procreant, in ævum perdurent. Est, inquam, ovum huius æternitatis periodus: nam haud facile dixeris, utrum ovum pulli, ex eo nati gratia; an hic illius causa factus fuerit. Quodnam autem horum prius sive tempore, sive natura sit, ovum nempe, an gallina? postea, cum de animalium quorumlibet generatione universum dicemus, uberius tractabimus.

Ovum præterea (quod præcipue notatq; tandum) proportionem responderi semini. etiambus plantarum, easdemque omnes cum spermatistis conditiones obtinet: ut non immeritoma. to gallinarum semen, sive sperma censendum sit, (quemadmodum & semina plantarum, ova dici jure possunt) non solum ex quo, seu materia: sed & à quo, tanquam efficiente, pullus oritur. In quo etiam nulla pars future proles actu est, omnes vero insunt potentia.

Ibid. Differt autem semen proprie dictum, à Spermatogenitura: quippe (definitore Aristotele) matris genitura id vocatur, quod à generante pro-& ge-veniens causa est, qua prima obtineat principium generationis; nempe in iis qua coire re d;fnatura voluit. Semen autem est, quod ex fetē-ambobus illis coeuntibus originem trahit; cia. quale semen plantarum omnium est, & animalium nonnullorum, in quibus sexus distinctus non est: velut id quod ex mare & femina primum miscetur, quasi conceptus quidam promiscuus, aut animal:

hac

hac enim jam habent quod ex ambobus requiruntur.

Ovum itaque est corpus naturale, virgute animali præditum; principio nempe motus, transmutationis, quietis, & conservationis: Est denique ejusmodi, ut, ablato omni impedimento, in formam animalis abiturum sit: nec magis naturaliter gravia omnia, remotis obstaculis, deorsum tendunt; aut levia sursum moventur; quam semen, & ovum, in plantam, aut animal, infra a natura propensione feruntur. Estque semen (atque etiam ovum) ejusdem fructus & finis, cujus est principium, atque efficiens.

Vnius pulli unum est ovum: ita Aristoteles: Ex uno semine unum gignitur corpus animalis. Ex uno tritici grano, unum c. 20 fundum; ex uno ovo, unum animal: geminum enim ovum duo est ova.

Verè Fabricius: Ovum non modo uterus expositus est, & locus generationis; sed id etiam a quo tota pulli generatio pendet; quæ ovum perficit ut agens, ut materia ut instrumentum, ut locus, & ut alia, si qua concurrunt ad generationem necessaria. Organum quidem esse probat, quòd Pag. 47 ex multis partibus constet; idque ex sententia Galeni, qui de ratione organi esse voluit, ut ex pluribus componatur particulis, quæ ad unam actionem omnes conspirent, diversa tamen ratione, & utilitate. Nam alia præcipuum instrumentum actionis sunt:

G + alia

alia ponuntur, tanquam sine quibus actio fieri non potest: alia, ut melius actio fiat: alia denique ad horum omnium tutelam, & conservationem creata sunt. Agens quoque esse docet, cum ex Arist. & Galeno duas ovi actiones proponit; pulli nempe generationem, ejusdemque augmentum, & nutritionem. Denique præclare loquitur, cum ait: In natura operibus conjuncta simul, & unum sunt, artifex, instrumentum, & materia; sic iecur, & opifex, & instrumentum gignendi sanguinis est: sic quæ

De que corporis pars; ut recte proin Arist. dixerit; moventes ab instrumentalibus haud facile distinguuntur. In artefactis vero, artifex, & instrumentum sunt separata; ut faber, & L. de malleus; pictor, & penicillus. Ratioque asseritur à Galeno; quia in artefactis, opifex foris secus attingit; in naturalibus, opifex causa instrumentis indita est, & per organa tota permeavit. Quibus addo per

Phys. sua Aristotelis verba: Eorum quæ sunt, alia constant, alia per alias causas.

l. i. c. Natura quidem constant & animalia, & eorum partes, & planta, & corpora simplicia, ut terra, & ignis, & aer, & aqua. Hac enim & ejusmodi alia dicimus natura constare. Hac autem quæ dicta sunt, omnia differre videntur ab iis quæ natura non constant. Nam quacumque natura constant, videntur in seipsis habere principium motus & quietis; alia secundum locum, alia secundum accretionem & diminutionem, alia secundum

dum alterationem. Leticia verò, & vesti-
mentum, & si quod aliud ejusmodi genus
est, secundum quod singulis his appellatio-
nibus significantur, & quatenus ab arte
sunt, nullum mutationis imperum insuum
habent. Quatenus verò ijs accidit, ut sunt
lapidea, vel terrea, vel ex his mixta; ea-
tenus id habent. Tanquam natura sit prin-
cipium quoddam & causa, cur id movea-
tur & quiescat, in quo inest primum, per
se, non ex accidenti. Dico autem, non ex
accidenti; quia fieri potest ut aliquis sibi
ipsi sit causa sanitatis cum sit medius:
veruntamen, non quatenus sanatur, medi-
cinam habet; sed accidit eundem esse me-
dicum, & sanari. Idcirco hæc aliquando
a se invicem separantur. Similiter vero se
habet unumquodque aliorum, quæ sunt:
nullum enim eorum habet in se principium
effectiōis, sed quædam in alijs & extra
habent, ut domus & unumquodque alio-
rum quæ manu efficiuntur: quædam in se
ipsis quidem habent, non tamen per se; ni-
mirum quæcunque ex accidenti sibi ipsis
causæ fieri possunt. Natura igitur est, quod
dictum fuit. Naturam vero habent, quæ-
cunque habent ejusmodi principium. Atque
hæc omnia sunt substantia. Natura nam-
que semper est subiectum quoddam, & in
subiecto.

Hæc quidem propterea fusius, & diser-
tis autorum verbis a nobis recitata sunt; ut
inde constet, quæ ovo tribuimus, omnia

gene illi inesse; nempe materiam, organum, ratio efficientem causam, locum, & si qua alia nis o-ad generationem pulli requiruntur. **Ma-** pifex xime autem, ut difficillimarum quæstio- in- num veritas hinc elucescat: nimirum, ovo. quidnam, & quale sit principium illud, unde motus, & generatio? Qua virtute semen agat, secundum *Aristotelem*? Quid denique semen ipsum fecundum reddat? (Vult enim Philosophus, naturam in om- nibus corporibus naturalibus esse princi- pium motus & quietis innatum, non au- tem secundum accidens.) Vtrum id, quod in ovo est causa, opifex, & principium generationis, omniumque operationum vegetativarum & vitalium, (nimirum conservationis, nutritionis, & accretionis) sit innatum, an inditum? Et an primo in- sit, ac per se, ut natura quædam; an secun- dum accidens, aut Medicus in sanatione? Num insitum, an acquisitum sit, quod ovum in pullum transformat; aut jam in ovatio caprum nutrit, auget, perficit: quodque ovum requietum conservat?

Praeterea, quod facit, ut ovum fecun- dum sit, utrum appellandum sit *anima*? an *pars animæ*? aut *quid animæ*? aut ali- quid *habens* animam? aut *intellectus*? aut denique *numen*? quia in finem agit, om- niaque ordinarum providentia, & arte inimitabili, modoque incomprehensibi- li, semperque procurat quod melius est, tum ad esse, tum ad bene esse; ad tute- lam

lam etiam, atque ornatum. Idque non solum in ovo perfecto, quod fecundat; sed etiam in subventaneo, quod nutrit, auget, & conservat. Imò vero quod non modo vitellum in vitellario, sed & minimam papulam (unde is nascitur) ad feminis milij vel sinapios duotaxat magnitudinem, nutrit, auget; albumine demum, chalazis, membranis, & cortice investit. Quippe probabile est, ovum etiam improlifcum sive sterile, ab interno & innato sibi principio, (licet intra gallinam contineatur, eique adhæreat) semet ipsum, nutrire, conservare, augere, & alterare, (haud aliter quàm ova piscium, & ranarum foris exposita crescunt, & perficiuntur) de papula in vitellum transformare, ex ovario in uterum transferre, (quamvis nullam cum utero connexionem habeat) albumine ibidem induere; denique membranis, chalazis, & cortice perfici.

Quicquid autem id fuerit, quod in ovo subventaneo pariter ac fecundo, eodem modo, ab iisdemque causis seu principijs eisdem effectus producit; utrum eadem anima, sive pars animæ eadem, aut aliud quippiam, utrivis insit, inquisitione dignum videtur. Quandoquidem, eadem ab iisdem causis provenire, verissime est. An o.

Quamquam ovum, dum sit, intrà gallinam (ut dixi) continetur; & in vitellario parimatri per pedunculum adnascitur, atque max ex eiusdem venis nutritur; non est tamen tris.

dicendum pars matris; neque hujus anima vivere, aut vegetari; sed propria sua virtute, ac principio interno: quemadmodum ex arboribus fungi, viscus quercinus, & muscorum genera nascuntur, quæ (licet plantæ adhæreant, & ex ipsdem succis, cum illius germinibus, & folijs alantur) tamen partes arborum non sunt, neque appellantur. *Aristoteles*, ut diffi-

De cultatibus hisce occurrat, concedit animam vegetativam in ovo, etiam subventaneo, inesse: dum ait, *Vegetalem animam* 3.c.7 virtutem obtinent & semina, & omnia

quæ vivunt, ut sæpius dictum est: quamobrem hoc ovum [de subventaneo loquitur] ut planta conceptus perfectus est; ut animalis, imperfectus. Alibique idem docet,

Gen. dum quærit: Quonam modo ova subventanea dicuntur vivere? Nec enim ita ut ova 2.c.4 fecunda possunt: sic enim actu animatum

ex ijs efficeretur: Neque ita se habent ista, ut lignum, aut lapis; quippe quæ corruptione aliqua pereant, ut quæ vitam quodammodo ante participarent. Constat igitur, hæc aliquam habere potentia animam: sed quam? istam ultimam prorsus habeant animam necesse est, quæ vegetabilis est: hæc enim æque in omnibus animalibus quam plantis inest.

Non eadem tamen anima in subventaneis ovis, atque in fecundis reperitur. Aliàs enim pullus ex utrisque pariter efficeretur. Quomodo autem eorum anime,

& quibus discrepent; haud satis explicat
Aristoteles, dum inquit, *cur omnes partes* Ibid.
ovi fiant in subventaneo, nec tamen animal
ex eodem generetur? Quia (inquit) *sensiti-*
vam animam habere oportet. Quasi in-
ovis foecundis, praefer animam vegetati-
vam, etiam sensitiva insit. Nisi intelligas,
in ovo foecundo animam vegetativam,
actu inesse, quae potentia in se contineat
sensitivam; unde animal, partesque ani-
mal, sensitivae postmodum producantur.
Sed neque haec nodum satis solvunt, ani-
imumque difficultatum laqueis irretitum
expediunt.

Videtur enim ovum esse verum sperma
animalium: secundum illud Philosophi:
In quibus vita praeclata sexus maris ac fo- De-
mina distinctus non est, in ijs semen veluti Gen.
conceptus jam est. Conceptum appello (qui- an. l.
scilicet est analogus semini) primam ex l. c.
mare & foemina misturam. Quamobrem 20
ex uno semine unum gignitur corpus; verbi
gratia, ex uno ovo unum animal.

Videtur igitur, unius ovi una esse ani-
ma. Num autem eadem est, quae matris? Quae
an patris? an utriusque mista? Dubitatio
enim maxime oritur de ijs ovibus, quae ex
diversis animalium generibus procrean-
tur: ut puta ex gallina, & phasiano. Est-
ne, inquam, in tali ovo, anima gallinae?
an phasianae? an ex utraque composita?
Quomodo autem animae misceantur? si
(secundum Aristotelem) anima, [ut pote
for-

forma sit actus, & substantia. Nemo enim negaverit, quicquid demum id fuerit, quod in ovo fecundo est principium & causa effectuum quos conspicamur, esse illud substantiam diversarum potentiarum, virium, sive facultatum susceptivā: atque etiam conditionum, virtutum, viciolorum, sanitatis, aut aegritudinis. Quaedam enim ova longioris ævi, quaedam brevioris dicuntur: alia, pullos parentum virtutibus, corporisque salubritate præditos; alia, morbis obnoxios procreant. nec dicendum, id materiæ vitio contingere. cum maris etiam, sive patris morbi in pullos transfranguntur: a quo tamen nihil materiæ ovo accessit. Quippe à mare procedit duntaxat vis procreativa, sive plastica, quæ ovum secundum reddit; nullam vero ejus partem constituit. Nam genitura, quæ a mare in coitu emittitur, matricem (in qua ovum perficitur) nequaquam ingreditur; nec sanè (ut pridem diximus, nobisque *Fabricius* suffragatur) in ista penetralia ullo pacto subire potest: multoque minus ad ovarium, juxta corporis præcincturam, ascendit; ut plurimis ibidem ovorum primordijs, præter virtutem suam, materiæ quoque partem impertiat. Certa enim experientia compertum est, ab uno eodemque coitu plura simul ova fecundari; nec ea solum, quæ in utero; atque ovario reperiuntur; sed illa etiam, quæ nondum inchoata sunt:

sunt: ut inferius dicemus, & jampridem in historia enarravimus.

Si itaque ovum a propria anima secundum redditur, sive proprio principio fecundante infuso præditum est; unde aut Ovum pullus gallinaceus, aut hybrida ex galli non vini & phasianio natus oritur; isque aut vitulus, aut femina; patri, aut matri similis; nimis sanus, aut morbosus: certe concludendum magis, ovum (etiam in ovario dum est) matris, etiam anima non vivere; sed esse instar filij mancipati, à prima statim origine: sicut arborum glandes, & semina a plantis ablata, hand ulterius earundem partes æstimanda sunt; sed sui juris facta; quæ propria insitaque potentia vegetativa, jam vitam degant.

Quod si ovo fecundo animam inesse dixerimus, subibit dubitatio; utrum eadem anima ovo jam, & mox futuro pullo insit, an verò diversa. Necesse enim est fateamur, inesse principium aliquod, quod ovum constituit, & auxit; quodque etiam pullum jam gignit, & auget. Quæritur itaque, num ovi, & pulli principium, sive anima, una eademque sit; an plures, & diversæ? Nam si plures animæ fuerint, (alia nempe ovi, alia pulli) quæritur porro, unde, & quo tempore, pulli anima ipsi accesserit? & quidnam sit in ovo, quod ante animæ adventum cicatriculam dilatet; vitellum attollit sursum; *oculum* (à nobis dictum) & colliquamentem efficit;

liquorum constitutionem permutat; omniaque ad futuri pulli fabricam præordinat, cum ne hilum quidem pulli adhuc existat? Aut unde dicemus alimentum pullo accedere idoneum, quo nutriatur, & crescat; cum pullus nondum sit? Videtur enim hæc opera vegetativæ pulli animæ esse, quæ pullum respicit, eiusque nutritioni, atque augmento consulit. At verò, inchoato jam, aut semifacto pullo; quid fœtum cum liquoribus unum, continuum, & connascentem reddit? Quid pullum nutrit, auget; ac liquores ei alendo idoneos, à putredine vindicat, præparat, colliquat, & concoquit?

Cum anima sit *actus corporis organici vitam habentis in potentia*, incredibile est eam pullo inesse, antequam quicquam corporis ejus organisatum fuerit. Nec magis credibile, eandem esse ovi, pullique animam: siquidem anima est conservativa ejus duntaxat, cuius est: pullus autem, & ovum, sunt res diversæ; variasque operationes vitales edunt; imo verò contrarias; adeò ut alterum ex alterius corruptione nasci videatur. An forte dicendum? idem esse principium, & causam vitæ in utroque; nempe in pullo semifacto, & reliquo ovo; tanquam ejusdem corporis unus simplexque actus foret; aut quasi ex partibus unum corpus naturale produceretur, una quoque anima profunderet, quæ tota in toto esset, (ut vulgo dicitur) & to-

ta in una qualibet parte. Quemadmodum in arboris trunco, foliis, aut fructibus videre est: ubi separatione sive divisione facta, (quocunque demum id feceris loco) dicimus, idem esse huius, & totius principium, sive causam primam: est huius tamen quasi forma & finis, illius verò ut principium. Ita etiam in linea, quocunque in puncto divisio facta fuerit; erit illud anterioris partis finis, sive terminus; posterioris autem principium, sive exordium. Idemque videatur contingere in qualitate, & motu; nimirum in transmutatione qualibet, ac generatione.

Et hæc quidem hætenus: postea verò fufius & accuratius de his agemus, cum de natura animæ fœtus quorumlibet animalium, universim disceptabimus; & quid ea sit? unde, & quando adveniat? cui parti primum insideat? & quomodo tota in toto, & tota in qualibet parte, eadem alia, atque alia sit? ex plurimis observationibus determinabimus.

OVUM NON ESSE OPVS

uteri, sed animæ.

EXERCITATIO XXVII.

Sicuti dicimus (inquit Fabricius) ventriculi actionem, esse chylicationem; pag. 2
& testium actionem, seminis generationem;
quia

162 Ouum non esse opus uteri, &c.

quia in ventriculo chylus, in rostribus semen
comperitur; sic ovarum generationem esse
pennatorum uteri actionem; omnino asse-
veramus, quod ovum ibi invenitur.
Itaque instrumentum & locus generationis
ovarum nobis omnino cognita sunt & per-
specta. Præterea verò, cum duo sint uteri
in pennato; superior & inferior, &que inter
se admodum dissimiles, ideoque dissimi-
lem inter se actionem habentes, similiter
clarum est, quam sit utrique peculiaris
actio concedita. Etenim superior ad vi-
telli, inferior ad albuminis, & reliqua-
rum partium, seu totius ovi generationem
substituunt, ut sensu patet. In superno
enim nil aliud, quam vitellorum multitu-
do, in inferno verò totum perfectum ovum
continetur. Sed non est hac sola uterorum
functio, ut patet; sed ea quoque adnota-
tur, & enumeratur, nimirum ovi augmen-
tum, quod ovo statim genito succedit, quo-
usque perfectum efficiatur, & instam ma-
gnitudinem adipiscatur. Etenim gallina
non prius naturaliter ovum parit, quam
perfectum factum, & congruam magni-
tudinem adeptum. Igitur uterorum actio,
tum ovi generatio, tum augmentum est;
augmentum autem nutritionem supponit,
& includit, ut patet. Sed cum generatio
omnis a duobus perficiatur, videlicet opi-
fice, & materia; agens in ovarum procrea-
tione nil aliud est, quam instrumenta, seu
organa proposita, nimirum duplex uterus:

materia verò nulla alia, quam sanguis.

Nos autem quanquam fatemur, uteri actionem aliquo modo esse, ut ovum generet; hoc tamen ab eo nutriri, & augeri, nullo pacto concedimus. Idque, tum ob rationes nuper à nobis allatas, cum de ovi anima, quæ ipsum nutrit, ageremus; tum etiam, quod ab agente externo (qualis uterus est respectu ovi) omnia ovi interiora, & secundum omnes dimensiones, nutriri, augeri, ac formari, minus probabile sit; imo verò, ex *Aristotelis* sententia, impossibile. Nam quod extrinsecum est, quomodo (precor) per interiora, moveat aliunde adveniens alimentum, & in locum deperditi secundum omnes dimensiones restituat? aut quomodo aliquid ab eo, quod ipsum non tangit, afficiatur; aut moveatur? Quare proculdubio in ovi generatione idem usu venit, quod in omnium viventium exordio; ut nempe ab externo, & præexistente constituentur; mox autem semetipsa (quamprimum vita donantur) nutrant, atque adaugeant; ideoque proprijs insitissq; viribus à principio jam innato, & implantato.

Quæ de anima nuper diximus, videntur clare evincere, ovum neque uteri opus esse, nec ab eodem gubernari: manifestum enim est, animam vegetativam ovo etiam subventaneo inesse; quoniam ejusmodi ovum nutriri, conservari, augeri, & vegetari cernimus; quæ dictæ animæ cer-

164. *Ovum non esse opus uteri. Cic.*

tissima indicia sunt. A matre autem, vel matrice, ea proficisci nequeunt, cum qua ovum nullam coherentiam, sive unionem habet; sed liberum & sejunctum (tanquam *filius emancipatus*) in cavitatē ejus volutatur, & perficitur, ut plantarum semina in terræ gremio; ab interno nempe principio vegetante: quod nihil aliud esse potest, quam anima vegetativa.

Multo verò magis constabit, animam ei inesse; consideranti, quo pacto, quoque motore, vitellus rotundus, & amplus, à vitellarij racemo abruptus, per infundibulum (exiguum nempe tubulum tenuissima membrana contextum, nullisque fibris motorijs instructum) descendat, viamque sibi aperiendo, uterum per tantas angustias adeat; ibidemque sese nutriat, augeat, albumine cingat. Cum interea nullum organum motorium in vitellario reperiatur, quod expellat; aut in infundibulo, quod transmittat; aut in utero, quod attrahat: neque ovum utero per venas jungatur, ut in ovario; nec per umbilicum ab eo dependeat; ut *Fabricius* verè asseruit, & clare ad oculum liquet. Quid superest igitur tam ingentia operacernentibus, nisi ut cum *Poeta* dicamus.

C.Æ. ncid. *Spiritus intus alit, totaq; infusa per artus.
Mens agitat molem.*

Et licet ovorum primordia (quæ papulas esse diximus, & semen mihi referre) vitellario per venas, & arterias doceant; [quem]

Cum non esse opus uteri, &c. 165

(quemadmodum plantis sua semina adnascuntur) ideoque partes gallinæ esse videantur; & reliquarum partium more vivere, & nutrirī: manifestum tamen est, ut semina à plantis separata non amplius earum partes censentur, ita nec ova ad maturitatem jam perducta, fœcunda reddita, & à vitellario abrupta, gallinæ partes haud ulterius æstimanda esse; sed, instar filij emancipati sui que juris facti, propria anima gubernari, & vegetari.

Verum hac de re postea uberius dicetur, cum de anima embryonis generatim disputabimus; & de vegetativæ animæ præstantia, & numine, ex admirandis ipsius (non sine providentia, arte, & intellectu diuino) operibus agemus: quæ profecto intellectum nostrum non minus, quam dii homines, superant; adeoque (omnium consensu) admirabiles sunt, ut obscura mentis nostræ acies, lumen tam inperuestigabile nullo modo penetrare queat.

Quid dicemus de animalculis in corpore nostro natis, quæ propria anima gubernari, & vegetari nemo dubitat? Huius generis sunt lumbrici, ascarides, pediculi, lentes, tyrones acari, &c. Aut quid statuemus de vermiculis, qui è plantis, earumque fructibus oriuntur? quales in gallis nucibus, cocco baphico, cynorrhodo, plurimisque alijs reperias. (Quippè in omnibus fere vel siccis humescentibus, vel
hu-

Hist. humidis sicciscentibus, creari animal po-
an. l. test.) Certe fieri non potest, ut anima

5. c. quercus vivant animalia quæ in gallis na-
32 scuntur, licet quereui affixa vivant, &
ex illius succo sibi alimentum petant. Si-
militer credibile est, ovorum primordia
in vitellarij racemo propria anima vivere,
non autem matris; licet huic per venas &
arterias cohæreant, & subministrato ab
eadem alimento nutriantur: quoniam
(ut in hystoria narravimus) papula non
omnes simul crescunt, (quemodmodum
uvæ in racemo, & grana in spicis) quasi
ab eadem facultate, sive causa commu-
ni concoquente, ac formante agerentur,
sed alia post aliam (tanquam propria
energia) augetur; quæque primum sese
à reliquis separat, colorem mutat, &
consistentiam, ac de papula alba fit vi-
tellus; certoque ordine priorem poste-
rior sequitur: Quodque in columbis,
alijsque nonnullis avibus est admirabilius,
binæ duntaxat simul è racemo excrescunt
in unum partum: earumque, ut pluri-
mum, altera in marem, altera in foemi-
nam evadit. Dum interim in ovario ali-
quæ papulæ eodem tenore permanent,
donec binæ aliæ in novum partum suc-
crescant; utpote quæ a coitu maris repe-
tito fecunditatem acceperint, ambæque
simul anima prædita fuerint. Qua semel
accepta, augent jam sese, & gubernant;
suoque (non matris) jure vivunt. Enim-

vero

vero quodnam aliud disponens, feligens, evocans, & perficiens has (non autem illas) papulas, reperias, præter animam propriam? Ac licet à matre nutrimentum sibi haurient; non aliter tamen id agunt, quam plantæ è terra, aut fœtus ex albumine, & vitello, alimentum prolificiunt.

Denique, quoniam papula in ovario existens, à coitu fœcunditatem accipit, eamque talem, ut mox in formam coeuntis maris (sive is gallus, sive phasianus fuerit) abitura sit; tantaque contingat papulis differentia, quanta maribus diversorum generum: quid dicemus papulis ipsis inesse, cujus virtute à se invicem, & a matre distinguantur? Certe anima fuerit, qua & inter se, & à matre discriminantur.

Ad hunc pariter modum vivunt fungi arborum, & plantæ supererescentes. Quin etiam experimur sæpius in corporibus nostris cancrios, sarcoscs, melicerides, aliosque id genus tumores, quasi propria anima vegetativa nutriri, & crescere: dum interea genuinæ partes extenuantur, & marcescunt. Idque ideo, quia tumores isti nutrimentum omne ad se arripiunt, reliquumque corpus nutritio succo [cen genio suo] defraudant. Unde phagedænis, lupisque inditum nomen. Et fortassis Hippocrates per τὸ θῆλον intellexit, morbos eos, qui ex veneno aut contagio oriuntur; quasi illis vita quædam

168 Ovum non esse opus uteri, &c.

dam insit, principiumque divinum, quo
sefe adaugeant, aliosque sibi similes mor-
bos, etiam in alieno corpore, per contra-
De-
gium generent. Aded (ait *Arist.*) *anime*
Gen. *plena sunt omnia* Alibique, etiam flatibus
an. 1. *vitam quandam, atque ortum, & interi-*
3. *um inesse*, arbitratur. Vitellus autem
Ib. 1. 4 cum jam abrumpitur, omnique cum ga-
c. 10. lina connexu privatur; haud dubium est,
quin, (ut fabæ, aliaque legumina humo-
rem è terra sua sponte fugunt, absorbent,
& digerunt) ille per infundibulum tran-
siciens, & in uteri cavo existens, lentam (ut
diximus) humiditatem attrahat, in se re-
cipiat, eademque sese nutriat, augeat, al-
bumine cingat, membranis & cortice mu-
niat, tandemque perficiat. Quibus ritè
pensitatis, propriam illi inesse animam,
concludimus.

OVUM NON FIERI absque Gallina.

EXERCITATIO XXVIII.

Relictus autem, quæ dubia sunt; &
disceptationibus ad universalem
de hac re contemplationem dilatis; ad
certiora nunc, magisque obvia accingi-
mur.

Et primo quidem, ovum fecundum
ferri non posse citra galli & gallinæ ope-
ram,

ram, manifestum est. Nempe absque gallina, non fit ovum; nec fecundum evadit, sine gallo. Quod opinioni illi adversatur, quæ primum animalium ortum è limo terræ deducit. Enimvero, cum partes plurimæ genitales [testiculi scil. & vasa deferentia in gallo] tam insigni arte atque industria, tantaque cum ratione fabricatae sint; & similiter in gallina ovarium, & uterus, iisque inservientes venæ, atque arteriæ, tam affabre concinnatæ; & in singulis eorum, situs figura, & temperies in iro ordine constituta reperiantur; eaque omnia ad ovi generationem ac fecunditatem aliquo modo requirantur: certum est (siquidem natura nihil frustra agit; nec per ambages operatur, quociens compendio uti licuerit) ovum, sive naturæ sponte, sive alio aliquo modo, quam quo nunc fit [à gallo nempe, & gallina] produci non posse: nec pariter gallum aut gallinam, aliter, quam ab ovo, procreari unquam potuisse. Atque ita gallus & gallina ovi gratia sunt; ovumque similiter eorum causa est, dubitesque merito, cum *Plutarcho*, quodnam eorum sit prius, ovum-ne, an gallina? Quippe hac natura prior existit, illud autem tempore. Quicquid enim præstantius est, id quoque natura prius est; unde verò aliud producit, id tempore prius reputandum est. Vel dicamus; illud ovum, hæc gallina (quæ scil. ex eo gignitur) anti-

H quus

170 *Ovum non fieri absque Gallina.*

quius esse : & vicissim, illam gallinam hoc ovo (quod illa peperit) tempore præexistere. Facit namque hic circuitus gallinaceum genus sempiternum; dum modò pullus, modo ovum, continuata perpetuo serie, ex individuis caducis & pereuntibus immortalem speciem producant. Atque ad hunc similem modum multa inferiora superiorum perpetuitatem æmulari cernimus.

Et siue animam ovo inesse dicimus, siue non dicimus; ex hoc tamen circuitu clare patet, aliquod principium esse istius reuolutionis à gallina ad ovum, & ab ovo denuo ad gallinam, quod sempiternitatem ijs impertiat. Estque id ipsum (au-

Gen. tore Aristotele) *analogum elemento stellarum*; facitque ut parentes generent, eorumque semina, siue ova fecunda sint. idemque, *Protei* instar, tam parentibus quam ovis, sub diversis formis, semper inest. Quemadmodum enim mens, siue spiritus qui ingentem hanc molem continuo agit, eundem solem Orientem atque Occidentem per diversas terrarum plagas perpetuo circumagat; ita pariter in genere gallinaceo, *vis enthea*, siue principium divinum, modo virtus plastica, modo nutritiva, modo auctiva dicitur; conservativa autem, & vegetativa semper habetur; modò etiam gallinæ, modo ovi formam refert: permanet tamen eadem illa *virtus in ævum*. Et quanquam alia ani-

ma.

malia, sponte oriuntur, sive (ut vulgo dicitur) ex putredine : alia, solum à fœmina producantur : [Ita Plinius: in quodam genere omnino non sunt mares; sicut in ery. c. 16. thinis, & chanis : omnes enim ovis gravida capiuntur.) Quæcunque tamen ex ovo perfecto nascuntur, non nisi à mare simul & fœmina proveniunt . Ideoque Aristoteles ait : Generationis principia potissimum Deus quis statuerit marem & fœminam . Duo Gen. itaque prima ovi principia sunt, gallus, & an. 1. gallina ; quorum amborum fructus, sive 1. c. conceptus communis, est ovum ; parentis 2 utriusque virtutem referens . Ut non magis absque maris & fœminæ opera ovum efficiatur, quam fructus absque arbore . Videnturque individua singularia, tam mares, quam fœminæ, ovorum cudendorum gratia existere, ut species eadem, pereuntibus licet actoribus, perennet . Ideoque palam est, parentes haud diutius adolescere, ornari, perfici, lætamque vitam agere ; nisi quandiu ova vel generare, vel fœcundare queunt; sui que similes, eorum interventu, parere . Quod naturæ munus ubi primum expleverint, quasi summam jam virtutis ἀκμὴν adepti fuerint, finemque ultimum, ob quem nati erant, attigerint ; protinus effœti, vieti que marcescunt ; & , ceu à natura atque numine derelicti & abdicati forent, consenescent illico, vitæque pertasi ad interitum properant . Contrà autem mares,

172 *Ovum non fieri absque Gallina.*

eum sese ad coitum accingunt, libidine-
que turgentes, æstro venereo stimulantur:
mirum dictu, quanto illos spiritu inflato:
intus regnans *Cupido* efferat; quàm orna-
mentis illustres, & gloriabundi sese osten-
teant; quantis viribus polleant, animisque
in pugnam proclives sint. Finito autem
semel hoc vitæ officio, hui? quam subito
collapsis viribus, sedatoque pristino fer-
vore, tumida vela contrahunt, animumque
nuper ferocientem despondent? Quinetiã
durante etiamnum jucundo hoc *Veneris*
choragio, mares statim à coitu tristantur;
submissique, & pusillanimes cernuntur,
quasi mentores, dum alijs vitam largiuntur,
se, sese proprie ad interitum ruere. Solus
gallus noster, semine spirituque plenus, se
contra erigit alacrior; alarumque plausu,
& voce triumphans, ipsemet proprijs
nuptijs canit *Hymenæum*. Hic tamen
etiam diuturniore *veneris* usu languidus,
cui miles emeritus, fatiscit: & gallinæ
quoque, plantarum instar, effœtæ fiunt,
tandemque exhautiuntur.

QVOMODO OVVM PERFE-

ctum, & fœcundum fiat à ma-

re & fœmina, secundum

Aristotelem?

EXERCITATIO XXIX.

Diximus modo, ovum, præsertim fœ-
cundum, haud sponte nasci; neque
aliunde

Quomodo Ovum perfectum, &c. 173

aliunde quàm a gallina procedere: nec
hanc quidem, ovum, sine gallo, fecun-
dum reddere. Secundum illud *Aristotelis De*
Generationis principia potissimum quis scia Gen.
tuerit, & marem & feminam: marem, quod an. l.
motus & genera- tionis originem teneat; fœ- I. c. 2
minam, quod materia.

Nobis autem, ovum fecundum est ve-
re sperma, & semen genitale, plantarum
semini analogon, conceptusque primus,
ex ambobus parentibus oriundus, utrius-
que fructus promiscuus. Nam ut ovum
non sit, sine gallina: ita nec fecundum sit,
sine gallo.

Supereft igitur disquiramus, quomodo
à gallina fiat ovum, idemque à gallo fœ-
cundetur; Videmus enim ova subventa-
nea, eaque animata, à gallina gigni; non
amen, absque galli coitu, prolifica. Ideo-
que tum mas, tum femina, ovo fecundo-
rum symbola conferunt. Non eo tamen
modo [ut arbitror] quo *Aristoteles* voluit:
sempe ut mas solum motus & generatio-
nis originem teneat; femina autem mate-
riam duntaxat prebeat. Quippe contrariū
in ovis subventaneis liquet. Et quanquam
erum est, quod ait: Mas & femina inter
ratione differunt, quod facultas utriusq;
diversa est: sensu autem partibus quibusdā
discrepant. Rationis discrimen ita exultat,
ut mas sit, quod in altero generare potest;
femina, quod in se ipso & ex quo fit quod
generatur, contentum in eo quod generat.

H 3 Sed,

Sed, cum facultate & munere quodam hæc distinguantur; ad omnem autem officij functionem instrumento opus sit; instrumentaque facultatibus partes corporis accommodentur; ad procreationem quoque & coitum partes aliquas esse accommodatas necesse est, easque inter se diversas, quibus mas à femina differat.

Non inde tamen sequitur, quod videatur voluisse inde deducere; ubi ait: Mas est efficiens, & motu sua genitura creat quod instituitur; ex materia contenta in femina: feminaque semper materiam prabet: mas, vim creandi, idque est, quo alterum mas, alterum femina sit. Itaque corpus & magnitudinem præberi à femina necesse est: à mare nihil tale necessario desideratur. Nec enim instrumenta in ijs, quæ efficiuntur, inesse: neque ipsum efficiens, necesse est. Corpus igitur ex femina, anima mare. Substantia enim corporis alicujus anima est. Quippe ovum, idque animatum, à gallina absque galli ope, gignitur. Vnde apparet, gallinam quoque, sive feminam, efficientem causam esse; nec omnem creandi vim, sive animam, à mare solo proficisci. Videturque hoc ipsum exemplo ab Arist. adducto comprobari. Ait Gen. enim: Quæ non unigena coeunt [quod ea an. l. faciunt, quorum tempus par. & uteri generationis] statio proxima, & corporis magnitudo non multo discrepans] hæc primos parins similes sibi edunt communi generis utriusque

spec.

Quomodo ovum perfectum, &c. 175

specie: quales ex vulpe & cane generantur, ut ex perdice & gallinaceo; sed tempore procedente diversi ex diversis provenientes, seminum forma semina instituti evadunt, quomodo semina peregrina ad postremum pro terra natura redduntur. Hac enim materiam etiam corpusque seminibus prestat.

Quibus apparet, in perdicis & gallinae generatione, non materiam solum, sed & feminam quoque efficientem esse: quoniam non maris solius, sed communis species utque forma producitur; corpore pariter utque anima, tam feminae, quam mari consimilis. Est autem anima, forma & species animalis.

Quinetiam semina potiore jure efficiens videatur; siquidem ait; tempore procedente, diversi ex diversis provenientes, denum forma semina instituti evadunt. Quasi semen sive virtus maris imbecillior foret; speciemque à se impressam tempore amitteret; tanquam à potentiore efficiente expelleretur. Idque etiam exemplum à terra deductum, magis confirmat: peregrina enim semina ad postremum pro terra natura redduntur. Unde videretur Deum probabile, feminam plus in generatione efficere, quam marem: nam in universo c. 1. utroque, naturam terra, quasi feminam matremque statuunt; cælum autem & solem, & reliqua generis ejusdem, nomine genitoris patrisque appellant. Atque etiam terra sua sponte plurima generat sine se,

mine: & inter animalia, foeminae nonnullae solae sine mare procreant; [ita gallina ovum subventaneum generat] mares verò absque foemina nunquam quicquam gi-
gnunt.

Imò verò iisdem argumentis, quibus mas generationis principium & efficiens primarium arguitur; videtur etiam foeminae *ivēpyeta*, sive efficientia confirmari posse. Nempe, id primum efficiens censendum est, in quo foetus ratio, operisque forma elucet; & cuius manifesta similitudo in foetu deprehenditur, quodque prius existens movet. Cum itaque forma ratio, & similitudo, foeminae non minus [imo magis] quam mari insit; atque illa prius existat, ut movens primarium; concludemus certe; foeminam aequè efficientem esse generationis, ac marem.

Et licet *Aristoteles* verè dicat, *cōceptum*, aut ovum, nullam corporis sui partem à
Gen. mare accipere, sed solummodo formam, spe-
an. 1. ciem atque animam: & a foemina corpus
2.c.4. duntaxat, & magnitudinem praeberi: Non
satis tamen constat, quin foemina (præter
materiam] formam quoque, speciem, at-
que animam aliquo modo tribuat. Ut in
gallina videre est, quæ ova sine mare gi-
gnit [quemadmodum arbores suos fru-
ctus, & herbae semina, absque sexus discri-
mine] Ipseque *Aristoteles* fatetur, ovo
etiam subventaneo, animam inesse. Erit
itaque foemina causa ovi efficiens.

Quan-

Quomodo Ovum perfectum, &c. 177

Quamquam autē ovo subventaneo anima quædam inest, talis tamen non est prolifica; ac proinde fatendum est, gallinam perfecti ovi efficientem propriè non esse; sed talem fieri, *autoritate* [ut sic dicam] sive potestate à gallo demandata. Ovum enim, nisi prolificum fuerit, perfectum merito dici non potest. Hujusmodi autem à mare tantummodo produci-
tur; vel potius à fœmina, tanquam ex *præcepto* maris; quasi ab hujus coitu, fœmina artem, rationem, formam, ac legem futuri fœtus acciperet. Ita sane fœmina [ceu arbor fertilis] facta post coitum fœcunda, fit ovipara, ovaque perfecta & prolifica procreat. Nam quamvis gallina in vitellario nulla ovorum primordia jam parata habeat, tamen post coitum fœcunda reddit, paulo post, ova tum in ovario generat, tum in lucem profert; eaque etiam prolifica. Huc facit experimentum mulierularū, quæ gallinam domi gallo de Fabr.
stitutam habentes, eam per unum atque
alterum diem alibi gallo committunt: ex hoc, enim exiguo tempore, succedit ovorum omnium fœcunditas, per totum illud anni tempus. Scilicet, non modo illo-
rum ovo- rum, quæ adhuc vitelli duntaxat sunt, & albumine carent; aut quæ minima jam primordia in ovario existunt; sed ea quæ
que ova ab eadem virtute fœcunda red-
duntur, quæ nondum inchoata, diu postea concipienda sunt.

H s DI-

DISQUISITIONIS HUIUS
de fecunditate utilitas.

EXERCITATIO XXX.

SUbrilis pariter ac difficilis, maximæque utilitatis est disquisitio; quid nempe sit in ovo, quod ipsum reddat fecundum? quidve in conceptu, quid in semine, & quid in gallina sit, quod ijs fecunditatem præstet? quid etiam in gallo, quo à sterili differat? Estne eadem illa causa, quam in fœtu *animam* diximus? an *pars* aliqua animæ vegetativæ? Quippe ad perfectam generationis scientiam plurimum conducit, ut causa prima intelligatur: scientia enim ex causis cognitis, præsertim primis, oritur. Nec minus ad naturam animæ intelligendam, facit hæc indagatio. Quinimo veritate hac rite perspecta, non modo *Aristotelis* de generationis causis sententia refellitur, aut castigatur; sed & quæ à Medicis contra eum scripta sunt, facile solvuntur.

Quærimus itaque, utrum in ovo, vitello, papula, gallo, gallina, ejusve utero, idem sit, quod fecunditatem præstat, an diversum? Similiter, qua ratione conveniant, aut discrepent? Tum etiam, an substantia sit, unde hæc virtus profluit: susceptivum enim videtur potentiarum, fa-

cul-

culratum, atque accidentium. An corporeum quoque sit? mistum enim videtur, quod mistum generat; similitudinem nempe, mari & foeminae communem; qualis anceps species ex phasianio & gallina producit. Id etiam corporeum videtur, quod aliunde paritur; adeo, ut non modo sctus imbecilles procreet, sed deforme etiam, ac morbosos, parentumque vituribus, aut vitijs obnoxios.

Præterea de singulis dubitare licet; num id, quod fecundum facit, ingeneretur, an aliunde accedat? nempe utrum ab ovo, in pullum traductum sit; à gallina, in ovum; à gallo, in gallinam? Videtur enim aliquid esse ex traduce; quod a gallo scilicet traducatur in gallinam; ab hac, in ovum, uterum, & ovarium: de semine in plantam, & è planta rursus in semen, quod fecunditatem imperit. Quippe omnibus, quæ generatione perpetuantur, hoc commune est, ut ex semine ortum suum decant. Semen autem conceptus, atque ovum, ejusdem generis sunt; & quod fecundum facit, in ijs omnibus idem, aut consimilis naturæ est; idque divinum, analogon cælo, arti, intellectui, ac providentiæ. Quod ex admirandis eorum operibus, artificio, & consilio facile videre est; ubi nihil frustra, temere, aut fortuito; sed alicujus boni, finisque gratia omnia instituuntur. De universali quidem hujus rei speculatione, ac scientia, posthæc suo

loco fufius agemus : quatenus autem de ea obiter difserendi occafio , ex ovo gallinaceo , oblata eft , jam diximus . Nempe , quor rebus infit , quod fecunditatem apportat ? & quomodo infit ? an tanquam accidens , ut affectus , habitus , potentia , aut facultas ? an ut forma , & fubftantia ? an ut contentum ? an tanquam in parte ? quoniam certo conftat , ovum fubventaneum differentijs omnibus fenfibilibus perfectum efle , & tamen infecundum . Vterum fimiliter , & gallinam perfectam efle ; ut & gallum ; sterilem tamen ; utpote eo carentem , quod fecunditatem affert . Quæ omnia nobis enarranda veniunt ; poftquam , quid & quomodo , duo principia , mas , & femina , ovo , ac generationi conferant ; & quo pacto ambo efficientes caufæ , ovique parentes dicantur , expofuerimus .

OVUM NON EO MODO

à Gallo & Gallina provenire
quo voluit *Aristoteles* .

EXERCITATIO XXXI.

Certum eft , ut diximus , ovum fecundum non nifi à gallo & gallina fieri : non tamen eo modo , quo *Aristoteles* arbitratuſ eft ; ut gallus nempe ſolus efficiens primum fit , & gallina materiam dum.

Ovum non eo modo à Gallo, &c. 181

duntaxat præbeat. Neque enim cum eo sentio, ubi ait: Cum semen de mare accessit in foemina uterum, partem purissimam excrementi constituit. Pauloq; post: Cum autem excrementum foemina in utero constitit, à maris genitura fit tanquam gen. lactis coagulum: coagulum enim lac est an. l. continens calorem vitalem, qui partes similes ducit eodem, & unit, atque constituit: & genitura ita se habet ad menstruorum naturam. Eadem enim natura lactis, & menstruorum est. Itaque coactis jam partibus, corpulentius humor excernitur, obducunturque circum parte resiccescente terrena membrana; tum necessario, tum etiam alicujus gratia. Hacque pari modo in omnibus tam oviparis, quam viviparis habentur.

Res autem in generatione ovi, longè aliter se habet: neque enim semen, [aut genitura potius] à mare in coitu proveniens, ullo modo uterum ingreditur: nec gallina, postquam concepit, in uteri sui cavitate, excrementum sive purissimam ejus particulam, aut quicquam sanguinis habet, quod à maris genitura perficiatur. Neque ovi partes, [membranae scilicet & liquores] coagulatione aliqua efficiuntur: nec quicquam simile lactis coagulo ibidem reperitur; uti ex jampridem dictis clarè constat. Indequè sequitur, nec conceptum [unde animal tanquam è semine fecundo oritur] eo modo se habere, quo

Ari.

382 *Ovum non eo modo à Gallo, &c.*

Aristoteles est arbitratus; cum hic pari modo in viviparis contingat, quo ovum in oviparis efformatur: uti ipsemet fateretur, posteaque observationibus aliquor nostris palam fier. Quippe certum est, ovum tam prolificum, quam improlificum, à gallina sola fieri & formari; fecunditatem vero duntaxat ei à gallo accedere. Gallus, inquam, nec materiam, nec formam ovo affert; sed id solum, quo ovum *fecundum* fit, gignendoque pullo idoneum. Facultatemque hanc gallus genitura sua per coitum emissa; nō modo ovo inchoaro, aut jam facto; sed utero etiam, & ovario, gallinæque ipsi impertit: idque adeo, ut ova quoque postmodum inchoanda, [quorum nulla adhuc extat in ovario, aliave corporis parte materia] fecunda inde generentur.

NEQUE EO MODO,
quo Medici arbitrantur.

EXERCITATIO XXXII.

C'Onceptus, ex *Medicorum* sententia, hoc modo perficitur: In coitu, masculinū & femina voluptate solvuntur; genituramque suam, seu semen, in uteri cavitate effundunt; ibidemque quod uterus coarctat, miscetur; habens pariter ab utroque & vim efficiendi, & materiae po-

ten-

Neque eo modo, Medici arbitrantur. 183

terentiam. Contingit autem, secundum
hujus vel illius genituræ prædominium,
ut conceptus, mas, vel scæmina evadat.
Putantque, protinus à coitu, [activis &
passivis pariter invicem cooperantibus]
aliquid conceptus in utero inchoatum ef-
se. Quin contra *Aristotelicos* asserunt, ma-
rem non magis efficientem generationis
causam esse, quàm scæminam; sed aliquid
ex ambobus mistum; nec sanguinem,
menstruum, aut partem ejus purissimam,
esse primam conceptus materiam; sed
sperma; indeque partes primas, sive prima
earum rudimenta, *spermatice* appellant;
quæ sanguine postea nutriantur, & cre-
scant.

Manifestum vero est, neque hoc pacto
ovum à gallo, & gallina procedere. Quip-
pe gallina nullum semen in coitu emittit,
ex quo ovum fiat: Imò verò nunquam
quicquam seminis ejus uspiam observa-
tum est: siquidem partibus generando se-
mini necessarijs destituitur; testiculis
nempe, & vasis spermaticeis. Licet autem
gallina vim efficiendi vna cum gallo ha-
beat [ut ex prædictis liquet] & quodam-
modo mistum sit, quod ovum secundum
reddit; hoc tamen non contingit secun-
dum geniturarum prædominium, aut ea-
rundem mixture modum: nam certum est
[& *Fabricius* fatetur] semen galli cavi-
tatem uteri non ingredi: Nec aliquid ovi
protinus à coitu in utero factum cernitur;
quam-

184 *Neq; eo modo, quo Medici arbitrantur*
quamvis *Aristoteles* idipsum [aliquid
nempe *conceptus protinus fieri*] passim af-
firmet. Quinetiam inferius demonstrabo,
neque hanc *feminum misturam* in ullo
animali contingere; nec protinus à coitu
[eoque *fecundante*] quicquam vel *semi-*
nis, vel *sanguinis*, vel *conceptus inchoari*
in utero omnino inesse, aut reperiri. Ni-
hil profecto in conceptu, aut ovo inve-
nias, quod *semen matris* ibidem conten-
tum, aut *permistum* arguat. Vulgus qui-
dem falso arbitrat, *chalazas* esse galli
semen: mirorque, cum binæ sint [utroli-
bet scilicet ovi extremo altera] neminem
hanc galli, illam gallinæ *semen* esse, asse-
ruisse. Error autem iste popularis facile
diluitur; siquidem *chalazæ* in quolibet
ovo, tam subventaneo, quam *secundo*,
eodem modo reperiuntur.

MAREM, ET FOEMINAM
pariter efficientes esse
Generationis.

EXERCITATIO XXXIII.

R'Ecè Medici contra *Aristotelicos* as-
serunt; utrumque sexum efficiendi
potestatem habere; quoniam quod gene-
ratur ex utroque *mistum* est: *mista* nempe
figura & *similitudine corporis*, *mista*que
specie, *urputa* inter *perdicem* & *gallinam*,
Quippe

Quippe rationi congruum videtur, ea putare conceptus efficientia, quorum misturam refert, quod ex utrisque producit.

Ad hanc mentem Aristoteles: In quibusdam, inquit, manifestum est, quod generans tale est, quale quod generatur: non tamen idem, nec unum numero, sed unum specie, ut in naturalibus. Homo namque hominem generat, nisi quid præter naturam fiat; ut equus, mulum: & hac quoque simili. Quod enim est commune equo, & asino, non est nominatum propinquissimum genus: fuerint autem ambo fortassis, uti mulus. Ibidemque ait. Generans sufficiens est, ut faciat, & causa sit speciei esse in materia: tota vero jam talis species in his carnibus, & ossibus, Callias est, & Socrates.

Quare cum talis forma tota, scilicet muli, sit mista ex ambobus, equo nempe & asino; non sufficit equus, ut hanc muli formam in materia producat; nisi, prout forma tota mista est, ita ab asina causa, alia efficiens conferatur, eique adjungatur. Quod itaque mulum efficit ex ambobus mistum, adæquatum sit oportet, & mistum, si modò univocum. Ex. gr. vir iste, & hæc foemina, hunc generant Socratem, non quatenus ambo homines sunt, & specie unum ac idem; sed quatenus is vir, & hæc foemina, in his ossibus & carnibus forma humana constant; quorum

amborum cum *Socrates* mistura quaedam sit, & ex utroque mistus: illud a quo fit, ex ambobus quasi compositum univocum mistum esse oportet; nempe efficiens mistum effecti misti. Ideoque mas & foemina separatim non sunt generativi, sed uniri in coitu, & quasi unum animal facti; unde ab utroque, tanquam uno fit & educitur, quod vere causa efficiens proxima conceptus erit.

Medici etiam, dum ad ea solum attendunt quae humano generi contingunt, de generatione universim pronunciant; & verisimile ijs videtur, genituram à parentibus in coitu profluentem, esse verum sperma sive semen, plantarum semini analogum; non sine ratione mistum illud proximum futurae prolis efficiens, ex utriusque seminis mistura constituunt: atque adeo mistum ejusmodi protinus à coitu in utero contiperi, conceptumque primum esse, asserunt. Rem autem in ovo (quod verè conceptus est) longe aliter se habere, ex praecedente nostra hist. constat.

DE OVI MATERIA

contra Medicos & *Aristotel.*

EXERCITATIO XXXIV.

Quod Medici contra *Aristotelicos* negant, sanguinem esse primam con-

conceptus materiam, id quidem ex ovi generatione luculenter constat. Neque enim vel in coitu, vel ante, aut post ipsum, quicquam sanguinis in gallinæ utero continetur; neque ovi primordia sanguinea, sed alba sunt. Multaque animalia concipiunt, quibus ne gutta quidem sanguinis in genitalibus [si subito disseueris] apparet.

Sed dum contendunt, sanguinem maternum esse fœtus in utero alimentum, præsertim partium ejus sanguinearum (ut appellant;) fœtumque ab initio cœni partem matris esse, illius sanguine nutriri, & crescere spirituque ejus vegetari: adeo ut nec cor pulset, nec jecur sanguificet, nec pars ulla fœtus publicum aliquod munus exequatur, sed omnes ab opere suo feriantur; eos quidem falsi autopsia redarguit. Pullus enim in ovo, proprio suo sanguine, ex liquoribus intra ovum contentis nato, gaudet; corque ipsius statim ab initio pulsare cernitur: non autem faciendis partibus sanguineis, aut plumis, quicquam sanguinis aut spiritus à gallina mutuatur; ut rem probè animadvertentibus clare liquet. Imò verò ex observationibus post dicendis, abunde me demonstraturum arbitror; Viviparorum quoque fœtum, dum adhuc in utero continetur, non matris sanguine nutriri, spirituque ejus vegetari, sed anima, viribusque suis frui; (ut pullas in ovo solet,) proprioque sanguine gaudere.

Ad

Ad ſœtus autem materiam à mare & ſcœmina, quod attinet, & generationis modum in ſcholis vulgo decantatum (nempe conceptum fieri prolificum à geniturarum miſtione, eorumque mutua, actione & paſſione;) ad ſcœminarum quoque ſemen quod ſpectat, & partes ſpermatikas dictas, ac ſanguineas; plurimæ, eademque præclaræ obſervationes, poſtea recensendæ, me, in contrariam ab ijs ſententiam ut irem, compulerunt. Id nunc ſolum dicam, mirari me plurimum, cur Medici præſertim in anatomicis verſati duobus argumentis, ceu validiſſimis, opinionem ſuam tueantur; cum eadem tamen, rite intellecta, contrarium potius evincant.

Nempe, ex concuſſione illâ, & ſolutione, humorisque profuſione (quæ mulieribus ſæpe in coitu cum voluptate accidit) arguunt, ſcœminas omnes in coitu ſemen profundere, idemque ad generationem, neceſſarium eſſe.

Ut vero jam præteream, non omnes quorumlibet animalium ſcœminas, nec mulieres quidem omnes, talem humorem emittere; nec citra ejuſmodi emissionem cõceptum neceſſario fruſtrari; novi enim plurimas, quæ citra talem ejectionem ſcœcunda fatiſſent; & nonnullas etiam, quæ, poſtquam emissionem eiujſmodi expertæ ſunt, majore quidem voluptate in coitu delectarentur, ſed de ſcœcunditate ſolita

solita plurimum amitterent. Infinita etiā exempla sunt ſcēminarum, quæ licet incoita voluptatem ſentiant, nihil tamen emittunt; & nihilominus concipiunt. Miror maxime, eos, qui emissionem hanc ad generationem neceſſariam putant, non autem ad verſiſſe, humorem illum foras eijci; & circa clitoridem vulvæque oriſcium ut plurimum profundis; raro intra vulvā, nunquam vero intra-uterum, ut cum maris ſpermate miſceatur; eſſeque conſiſtentiā ſeroſum ſive ichoroſum, ad modum tæinæ; non autem, genituræ inſtar, lentum atque unctuoſum; ut tactu facile innotefeit. Quorſum autem foras eji-ciatur, cuius uſus neceſſario intus requiritur? Debuitne humor ille, ceu utero valediſſurus, ad limen vulvæ amandari; ut majore cum gratia ab utero retraheretur de-nuo?

Aliud argumentum ducunt à partibus mulierum genitalibus, teſticulis nempe, & vasis ſpermaticis preparantibus & deſerentibus, quæ generationi ſpermatis inſervire arbitrantur. Ego vero miror plurimum, credere eos, à partibus tam imperfectis & obſcuris, ſemen adeo elaboratum, concoctum & vitale provenire poſſe; ut (cum ad certamen de prædominio ventum fuerit; utrum ſcil. maris an ſcēminæ ſemen imperio poriturum ſit, & quodnam eorum futurum ſit vel efficiens & agens, vel materia & patiens) viribus,

ſpi-

Spiritu, & generativa potentia, maris semen exsuperet: ipsumque tam vegeto calore coctum, tot vasibus elaboratum, tantoque spiritu exsiliens, materiam vicem aliquando subire cogat, suoque dominio subijciat. Verum de his in posterum plura.

Interea certum est, gallinæ ovum ex huiusmodi in coitu profusione non nasci: quamvis illa mox à coitu (ceu blanda dulcedine delibuta) præ lætitia sese exultat; &, tanquam accepto jam summo munere, festuca semet lustret; quasi multiplicandi benedictioni à Iove summo satore donata gratularetur. Columba (præsertim ea, quæ ad nos ex Africa advehitur,) gaudium à coitu mirum in modum exprimit; saltat, caudam distendit, eaque imam vertit humum, rostro se pectit, & ornat; quasi fecunditatis donum summam in gloriam duceret.

Diximus, materiam primam ovi non constare ex sanguine, ut *Arist.* voluit; neque] ut Medici censent [à feminum maris & feminæ permissione proficisci. Vnde autem eam statuamus fieri, partim in historia iam dictum est; partim post uberius dicemus, cum universim de materia, ex qua omnis conceptus primus oritur, tractabimus.

QVATENVS GALLINA SIT
efficiens in generatione ovi, ex
sententia *Aristotelis*? & cur
maris auxilio opus sit?

EXERCITATIO XXXV.

Gallum & gallinam duo generationis
ovi principia esse, iam dictum est;
licet de modo, quo ideveniat, seorsum ab
Aristotele & Medicis sentiam. Quippe ex
ovi generatione palam fecimus, tam fœ-
minam, quam marem, efficientem esse;
& habere in se principium, unde motus,
& facultatem constituendi: quamvis in
coitu, nec mas ovo materiam conferat;
nec fœmina semen profundat, unde ovum
oriatur. Manifestum itaque est, naturam
(in quibusdam saltem animalibus) non
propterea matrem & fœminam instituisse;
ut alter [tanquam agens] formam; altera
[ut] [tanquam] [agens] materiam conferat; veluti
Aristoteli visum est: neque ut in coitu se-
men ab utroque proveniat; quo ex utri-
usque mistura conceptus, aut ovum fiat;
quemadmodum Medicis placet.

Cumque in his duabus opinionibus
contineatur, quicquid de generationis
caussis ac principijs ab omni antiquitate
traditum fuit: videtur hactenus omnes
ratio latuisse, tum cur fœmina per se non
generet.

generet (plantæ instar.) sed sociatam maris operam requirit; cum etiam quomodo conceptus, aut ovum à mare simul & fœmina procreetur; aut quid utervis ad eam rem conferat; & quem in finem coitus instituatur.

Arist. contra universalem suam hypothesein (quod mas, ut agens; fœmina, duntaxat ut materia sit;) quia ovum a fœmina sine maris auxilio procreari videt, tateri cogitur fœminam quoque efficientem esse & similiter ovum, etiam toras exclusum, sese conservare, nutrire, augere, fœtumque ex se producere (ut piscium ovis contingit) nō ignoravit: ac propterea ovo, etiam subventaneo, animam inesse voluit. Quatenus verò fœmina efficiens sit, & ovum

De subventaneum anima donetur, conatur gen. exponere, ubi ait: Subventanea recipiunt an. 1 generationem, quoad fieri potest; perfici 3.c. 7 namque ad animalis usque fecunditatem, impossibile est; sensibus enim opus est. At vegetalem animam virtutem obtinent & fœmina, & omnia que vivunt, ut sæpius dictum est. Quemobrem hoc ovum, ut planta conceptus, perfectus est; ut animalis, imperfectus. Quibus videtur innuere, animam vegetativam ovo quoque subventaneo inesse; quod hæc cunctis viventibus insit; ovum autem vivat. Gallinæ pariter vim creandi, vegetalemque animam inferendi tribuit; quippe talem virtutem omnes fœminæ obtinent: ideoque

ovum

ovum subventaneum, quatenus vivit, ut planta, conceptus perfectus; quatenus ut animal, imperfectus dicitur. Quasi mas non requiratur, ut fiat conceptus, aut ovum, idque perfectum; sed ut ex eodem ovo fiat animal. Non, inquam, ut ovum producat. omnibus modis perfectum, (qualis est plantarum conceptus) sed ut animali principio imbuatur. Fit itaque à gallina ovum, à mare veto redditur prolificum.

Addit ibidem: *In omni avium genere, alterum mas, alterum foemina est. Itaque fit ut, quia planta est, perficiat; quod nondum mutetur a coitu: quia non planta, non perficiat; nec aliud quicquam proveniat ex eo, quod genuit. Neque enim ut planta simpliciter, neque ut animalis per coitum provenit.* Loquitur de ovo subventaneo; dicitque porro: *Quae autem ova coitu concepta, discreta jam sunt in albuminis portionem; hæc pro eo mare, qui primum coiverit, evadunt; jam enim utrumque principium obtinent.*

Quibus videtur fateri, foeminam quoque in generatione esse efficientem, sive vim habere generandi; quia in omni foemina inest anima vegetativa, cujus facultas est generare. & proinde ubi discrimen inter marem & foeminam proposuit, utrumque tamen generativum agnovit, ait enim, *Marem id animal dicimus, quod in alio gignit; foeminam, quod in se ipso*

ipso. Itaque ex ejus sententia, & generat uterque, & in utroque, ut pariter inest anima vegetativa, ita & facultas ejus generandi. Quomodo autem differant, supra ex ovi historia innotuit. Gallina nempe per se, citra galli operam, generat ovum subventaneum, (quemadmodum planta ex se fructum fert;) non gignit tamen ovum fecundum; sine coitu maris vel antecedente, vel subsequente. Generat scilicet foemina, sed aliquatenus; & maris coitus requiritur, ut facultas istae generandi in foemina perficiatur: nempe, ut non modo ovum procreet, sed ejusmodi etiam, unde pullus nasci possit. Ob hunc enim foeminae in generando defectum, mas videtur a natura institui (uti inferius clare constabit;) ut quod foemina per se efficere nequit (semen nempe, sive ovum fecundum, id mas suo coitu suppleat, & perficiat virtutem illam gallinae, aut ovo imperficiendo.

OVUM GALLINACEVM

perfectum est bicolor.

EXERCITATIO XXXVI.

Non omnia igitur ova perfecta sunt, sed quaedam imperfecta censentur, quia nondum justam magnitudinem adepta sunt, quam deinde foris accipiunt: alia, quia

Ouum gallinaceum perfectum, &c. 298.

quia adhuc improlifca sunt, & postea fecundandi vim forinsecus mutuantur; quæ sunt ova piscium. Alia; quia unius tantum coloris sunt, imperfecta ab *Aristotele* æstimantur; perfecta autem, quæ bicolora, luteo nempe & albumine constant; tanquam magis distincta, melius concocta, & maiore calore prædita. Ideoque ova, quæ *centurina* appellantur, & quæ *Fabricius* ex reliquis solam albuminis generari voluit, unius coloris sunt; & ob defectum caloris, imbecillitatemque imperfecta habentur. Inter omnia vero ova, nullum gallinaceo perfectius est, quod liquoribus & munimentis necessariis instructum, iustæque magnitudinis, fecundum paritur.

Cur autem aliqua ova bicolora, alia unius tantum coloris sint, *Aristoteles* hanc De causam attulit; Quoniam calidioribus gen. animalibus seorsum ista habentur distin- an. 1. ta, ex quo principium ortus, & ex quo 3. c. 1 alimentum: atque alterum candidum, alterum luteum est. Quasi pullus ex albuminorum duceret, & à vitello solum aleretur. ibidemque ait: Pars ejus quæ calida est, propius ad formam in membris instituendis accedit: quæ autem terrestris major est, corporis institutionem præbet, & remotior est. Quàmobre in bicoloribus ovibus animal initium suæ generationis à candido init. Initium enim animale in candido cibum à luteo capis. Putatque ideo di-

296 *Ovum & allinaceum perfectum, &c.*

Atos hos liquores distinctos esse, & ova
nasci bicolora.

Quæ partim vera, partim falsa sunt.
Non est enim verum, pullum ex albanvi-
ne constitui, & nutriri vitello. Enimvero
ex historia fabricationis pulli, ductaque
venarum umbilicalium, & propaginum il-
larum distributione, quæ proculdubio ali-
mento hauriendæ inserviunt, manifestum
constat, materiam constitutivam & ali-
mentum, à prima statim origine, tam à vi-
tello, quam ab albumine nutriendo pul-
lo suppeditari: & *colligamentum* à no-
bis dictum, videtur non minus à vitello,
quam à albumine constari; utriusque enim
humoris aliquid obliquefecit. Quinetiam
macula, ex qua primum dilatata fit collig-
amentum, quæque *oculus* à nobis dici-
tur, vitelli tunicæ impressa cernitur.

Videtur tamen distinctio illa in luteum,
& albumen necessaria: quod liquores isti,
cum sint proculdubio diversæ naturæ, di-
versis quoque usui inservire videantur.
Ideoque in ovo perfecto distincti sunt;
estque eorum alterum, alimentum propin-
quius; alterum, remotius: illo fetus statim
ab initio nutritur; hoc, posterius. Ceterum
enim est (ut *Fabricius* vere alierit, & nos
postea docebimus) utramque esse alimen-
tum; tam albumen scilicet quam vitel-
lum; & albumen prius vitello absu-
mi. Quare cum *Aristotele* sentio
(contra *Medicos*) albumen esse partem ovi
fin.

faciorem; magisque concoctam, & elaboratam; ac propterea, cum ovum in utero perficitur, tanquam pars calidior, in ambitum circumfunditur, dum vitellus ceteris terrestrior, in centrum subsidit. Videtur etiam albumen calorem animale uberiorem in se continere, & proinde alimentum esse propinquius. Similiter, ob eandem causam, albumen exterius interiore sincerius, magisque concoctum esse, verisimile est.

Quod Medici affirmant, vitellum esse partem ovi calidiorem, & magis nutritivam, id intelligendum censeo, quatenus nobis cibis est; non, quod pullo in ovo alimentum magis idoneum suppeditet. Idque constat ex historia fabricationis pulli: quo, tenue albumen prius, quam crassum, absorbitur. Quasi propius alimentum sit, & transmutatu facilius in substantiam futuri foetus. Ideoque vitellus videtur esse alimentum remotius, & posterius, quam albumen: quippe totum albumen prius absorbitur, quam vitelli notabilis portio defecerit. Imò vero vitellus in pulli abdomine reperitur, postquam hic exclusus fuerit; tanquam novello pullo pro lacte, quo nutriatur, intersit.

Sunt itaque ova bicolores magis perfecta, utpote distincta magis, & a majore calore elaborata. Quoniam enim in ovo non modò pulli materiam, sed primum quoque alimentum contineri oportuit;

1 3 quod

298. *Quomodo ovum albumine, &c.*
 quod perfecto animali perfectum & elaboratum maxime esse debuit; quale illud est quod partes distinctas obtinet, quarum alia (ut diximus) prior & sincerior, adeoque facilius digestionis est; alia posterior sive remotior, ac propterea in puli substantiam transmutatu difficilior; vitellus autem & albumina tali discrimine inter se differunt ideo ova perfecta sunt bicolora, ex vitello nempe & albumine composita; utpote quæ, pro diversa sætus ætate, ac robore, diversos hos liquores, facilius & difficilis magis concoctionis fomites, in se contineant.

QVOMODO OVVM albumine augeatur.

EXERCITATIO XXXVII.

EX historia constitit, ovorum in ovario primordia perexigua admodum esse instar papularum, & milii semine minora, alba atque aquea humiditate referta: mox papulas istas in vitellos evadere; & hos denique albumine circuncingi.

Aristoteles videtur opinari, albumen generari ex vitello per modum separationis.

De. Labet ejus verba appingere: *Sexus*, gen. inquit, non est causa duplicis coloris, ut an. l. candidum à mare, luteum à femina sit; 3.c. 1 sed ambo a femina proficiuntur. Verum alse.

alterum frigidum, alterum calidum est. In quibus multum calori est, distinguuntur; in quibus parum, distinguere non possunt. Et ob eam rem conceptus eorum sunt unicolores, ut dictum est. Semen autem maris constituit tantum: id est primum exiguum, albusque conceptus avium cernitur; mox tempore procedente, luteus totus, cum jam plus sanguinis admisceatur: postremo, secedente calore, pars candida circum insistit, quasi humore aque fervente quoquoque versus. Candida enim pars ovi sua natura humida est, caloremque animale in se continet: quamobrem circum ipsa discernitur, lutea & terrena intus manet.

Fabricius autem putat, albumen duntaxat per juxta positionem vitello adhaerescere. Dum enim (inquit) vitellus per secundum uterum devolvitur, ac sensim volatur, sensim quoque subinde suscipit albuminis portionem ibi genitam paratamque ut circa vitellum apponatur: donec medias spiras vitellus pratergressus, & ad ultimam revolutus una cum ovi albumine circumducto, etiam membranis obvolvitur, & corticem assumit. Vult itaque ovum duplici nodo incrementum sumere; partim vero, per venas, ut in vitello; & partim appositione augmento, ut in albumine. Ejusque generationis, hoc illi forte inter alia argumentum fuit; quod albumen ad duritiem octum, facile in laminas sese invicem ambiens findatur. Verum istuc idem

300 *Quomodo Ovum albumine, &c.*
quoque vitello in ovario etiamnum hæ-
renti, & ad duritiem cocto contingit.

Quapropter experientia edoctus, acce-
do potius in sententiam *Aristotelis*: nam
albumen non solum (ut *Fabricius* voluit)
adjunctum cernitur, sed formatum etiam,
& chalazis, ac membranis distinctum, in-
que duplicem liquorem candidum divi-
sum: idque ad eadem anima vegetativa, à
qua ovum in binos liquores (albumen scil.
& vitellum) distinguitur. Nempe à qua
facultate ovum integrum, ab eadem quo-
que singulæ ejus partes formantur. Nec
sane verum est, vitellum prius fieri, & al-
bumen ei adjungi postea. Quod enim in
ovario conspicitur, non est ovi vitellus,
sed aliquid potius compositum, quod am-
bos liquores permixtos in se contineat:
Colore quidem vitellum refert, sed consi-
stentia sua proprius ad albumen accedit:
coctum enim ad duritiem, non (ut vitel-
lus) friabile est; sed, albuminis instar, con-
cretum, glutinosum, & tenuibus lamellis
constructum cernitur. Habetque albumen
quasi papulam in medio sui.

Aristoteles videtur separationem hujus-
modi à diversa vitelli & albuminis natura
deducere. Ait enim, Si plura ova conjecta
in patinam, aut tale aliquod vas, igno co-
quas, ita ut ne morus caloris citatior sit,
quàm ovorum distinctio; idem in univer-
sis ovis, quod in singulis evenit, ut lutea
cuncta in medio constituentur; candida cir-

citer

oiter ambiant.

Rem ipsam frequēti experientia com-
pertam habeo ; & cuilibet experiri licet,
modo vitellos vna cum albuminibus simul
conquassatos, in clibano, vel inter duas
patinas super focum, addito butyro leniter
coxerit in placentā, videbit enim albumi-
na vitellos in imo positos supernè am-
plecti.

**QVID GALLVS ET GAL-
lina generando ovo conferant.**

EXERCITATIO XXXVIII.

VTerque, ram gallus, quam gallina,
pulli parens dandus est: sunt enim
ambo principia ovi necessaria: & utrumque
pariter efficientem ejus probavimus. Gal-
lina nempe ovum facit; gallus, ut fecun-
dum sit, efficit. Sunt itaque ambo plasticæ
virtutis instrumenta, quibus ista species
perpetuatur.

Cum autem in nonnullis animalium
speciebus (quasi mare nihil esset opus, sed
fœmina sola ad speciei perennitatem suffi-
ceret) nulli mares reperiantur, sed omnes
sunt fœminæ, quæ intra se primordia ovo-
rum fœcunda continent: in nonnullis ve-
rò, mares duntaxat, nullæque fœminæ ap-
pareant; quia omnes aliquid extra se in
limum, terram, aut aquam emittendo.

progenerant, speciemque sui conservant: videretur natura in his talibus uno sexu contenta esse, quo (cū instrumento) utatur ad procreationem idoneo.

Aliquibus etiam, sine ullo sexus discrimine, quasi fortuito, semen contingit; quorum nempe principium est spontaneum: Quemadmodum enim *quadam ab arte sunt, & eadem quoque casu, ut sanitas*; ita pariter animalium semē aliquod, nō sit simpliciter ab univoco, ut ex homine, homo;) sed quodammodo solum univoco (quorum scilicet primordium & materia casu facta, à se ipsa moveri eo motu potest

De quo semen) qua nō per coitum, sed sponte origin. ia, ex tali origine consistunt, quali insecta, an. l. qua vermem generant. Nam ut artifices 2.c.; quædam suis manibus operantur, quædam autem non nisi ope aliorum instrumentorum; artesque præstantiores, variaz formæ & magnitudinis instrumentis utuntur, ad diversitas, & curiosas præsertim, subtileque operationes peragendas: (præstantiora, quippe, & laboriosa magis opera, pluribus plerumque sunt motibus, pluresque subordinatis fines requirunt: eaque in re, ut & aliis omnibus, ars naturam imitatur) ita similiter natura, ad perfectiora & præstantiora animalia procreanda, pluribus, & diversarum facultatum viriumque instrumentis necessario utitur. Sol enim, aut cælum, (aut quicquid aliud genitoris, communisque patris nomine in animalium ge-

heratione intelligitur) quædam per se, casu, & quasi absque instrumento, æquivoce procreat: quædam autem non nisi univocè generat; quæ nempe ab aliquo ejusdem generis producantur, quod & materiam & formam genito tribuat. Atque hoc modo, in perfectissimorum animalium generatione, ubi principia istæ distinguuntur; & hæc animalium semina divisa sunt; non nisi ex mare & sæmina, tanquam duobus instrumentis requisitis, procreantur. Et similiter ovum nostrum gallinaceum necessario à gallo & gallina producitur. Gallina in se generat, ideoque conceptui locum, & materiam, nutrimentum ac fomentum confert, gallus autem fecunditatem tribuit. *Mas enim (inquit Aristoteles) semper perficit generationem, facitque ut sensitiva anima insit, & ex ovo animal gignatur.*

De
gen.
an. 1.
2.c.3

Ideoque tam gallo, quam gallinæ, organa utriusque facultati idonea concessa sunt. Nempe in gallina partes omnes generitales ad recipiendum, & coniunendum accommodæ; ut in gallo ad dandum, sive immittendum, vel ad præparationem illius, quod fecunditatem in sæminam transferat, (tanquam in alio generaret) idoneæ reperiuntur.

Peripsectis itaque, per dissectionem anatomicam, partibus generationi dicatis; quid uterque, mas scilicet & sæmina, ad eam conferat, facile dignoscimus. Instru-

304 De gallo quædam notatu digna.

mentorū quippe notitia, ad eorundem actiones, & usus, recta semita deducit.

DE GALLO QVÆDAM

notatu digna.

EXERCITATIO XXXIX.

GAllus est (ut diximus) primarium efficiens ovi gallinacii perfecti seu fecundi, & præcipua generationis causa. absque mare enim fuerit, nunquam ex ovo nasceretur pullus; & in multis oviparis, ne ovum quidem. De galli itaque actione, & utilitatibus, nempe quid ovo, & pullo, tam in coitu, quam alijs officijs conferat, penitus introspiciendum est.

Gallum in coitu (licet pene, ut arbitror, careat) *genituram*, vulgo semen dictum, emittere, ex partibus ejus genitalibus constat; quippe testiculi eadem fecerent, & in vasis deferentibus longis, ampliusque plurimum ejus reperitur. Num verò subtilis, vique spiritus spinosum, & repetitis ictibus (ut in calidioribus animabus viviparis) prodeat, necne; mihi profecto haud compertum est. Quia autem vesiculas *genituram* continentes non reperio, & quibus fermentata, spirituque in spumam elata protrahat foras; nec penem invenio, per cujus tubulum angustiores protrusa cum latu ejiciatur, gallinæque interiora

ver-

verberet; præsertim cum coitus inter eos
celeriter adedò petagatur; crediderim, le-
vem solum esse humoris feminalis illitū,
qualis per pudendorum osculum dunta-
xat asfigitur, semenque citra saltum subi-
to emanare: ut, quod alia animalia uno
eodemque initu iteratis ictibus ejaculan-
tur, id aves (quæ complexui venero non
immorantur) repetitis sæpe coitionibus
expediant. Rarius enim coitum reperunt,
quæ diutius in complexu venero hærent
quales in avium numero sunt cygnus, &
struthio. Quoniam gallus igitur diu in
venerea copula hære nequit; quod ab
alijs, pluribus impulsibus fit, id ipse repe-
titis Vicibus præstat: ac licet nec penem,
neque glandem habeat, vasorum tamen
deferentium extremitas spiritu (dum coit)
inflata, glandis more turgescit; qua uteri
gallinæ orificium aperto podice resectum
comprimit, humoreque suo genitali obli-
nit, adeoque pene ad genituræ immisso-
nem non indiget.

Diximus autem, galli semen tantæ vir-
tutis esse, ut non uterum modò, sed &
ovum in utero, in ovario papulam, totam
denique gallinam ipsam, papulas & ovo-
rum primordia partim jam habentem,
partim mox producturam, fecundam ac
prolificam reddat.

Ideoque à *Fabricio* rectè observatum;
gallo genituræ copiam in testiculis, & va-
sis deferentibus abundare; non quod gal-
lina

lina plurimum ejus singulis suis ovis scē-
eundandis requirat; sed ut gallus pluribus
gallinis, crebroque repetitis congressibus
sufficiat.

Facit etiam ad celeriorē seminis egres-
sum, vasorum spermatiorum in gallo
brevitas & rectitudo: quod enim per lon-
gos & reflexos mēandros permeat; tardius
elabitur, & copioso spiritu impulsore opus
habet.

Inter mares, nemo gallo est alacrior,
nec superbiior, aut erectior incedens, ci-
boque concoquendo potentior; cujus ma-
gna pars in genitutam abit; ac proinde
pluribus eum sui uxoris oportet, nem-
pe decem, vel duodecim. Sunt enim ani-
malium quēdam species, quarum mas sin-
gularis plurimis scēminis sufficiat, ut in
cervis, damis, & pecorum generibus vide-
re est; sunt etiam, quarum scēminā libi-
dine prurientes vix pluribus maribus con-
tentæ sint; ut canis, & lupus; unde etiam
Meretrices *lupa* dicuntur, quæ corpora
sua vulgant; & *lupanaria*, in quibus pro-
stant. Sunt etiam nonnulla animalia quasi
casta magis, & conjugalem vitam degunt;
ita ut mas unus uni maritetur scēminæ,
amboque proli enutriendæ locas operas
præstent. Cum enim à natura requiratur,
ut mas, in proli generatione, scēminæ de-
fectum suppleat; atque hæc sola scētum
nutrire, fovere, ac defendere nequeat;
mas ipsi conjux additur, qui partem one-

De gallo quadam notatu digna. 307

ris in generanda & educanda prole suscipiat. Sic perdices vita conjugali gaudent, quia earum fœminæ tot simul ova incubare nequeunt [ideoque binos nidos extruere dicuntur] nec prognatos inde pullos tollere. Columba quoque mas incubandi vices, nidum componendi, pullosque nutriendi supplet. Similiter alia complura conjugalis vitæ exempla inter animalia reperias : de quibus plura in dicendis.

Qui autem mares, (ut gallus) plurimis fœminis inserviunt, eorum testiculi copioso humore seminali scatent, vasaque deferentia longa & ampla obtineht. Et quo tempore, quave ætate, papularum racemum in gallinis maturantur, & fœcunditatem exposcunt, ut in ova perficiantur; maribus semen abundat, & testiculi tumescunt, eodemque loco (circa præcordia scilicet) conspiciuntur, in quem fœcunditatem transferunt. Paret id in piscibus, avibus, reliquisque oviparis omnibus; quorum mares semine replentur eodem tempore, ac loco, quo fœminæ ova concipiunt.

Quæcunque itaque gallinæ partes à natura generationi destinantur, ovarium nempe, infundibulum, uteri processus, uterisque ipse, & pudenda; eorumque situs, fabrica, quantitas, & temperies, quæque hanc consequuntur; ea omnia, in quâ, vel ovo procreando, & augendo inserviunt,

398 *De gallo quadam notatu digna.*

viunt, vel ad coitum, & fecunditatem à mare recipiendam, aut partus gratia efficiuntur: ad quam rem ea vel necessario, & principaliter; vel tanquam causa sine qua non; vel ad melius esse quodammodo conducunt. Nihil enim frustra aut temere in naturæ operibus instituitur. Similiter, partes omnes genitales in gallo, genitura preparandæ, & concoquendæ, atque in gallinam transmittende gratia, fabricatæ sunt.

Quibus autem maribus is vigor est, ut plurimis scæminis sufficiant; hi corporis magnitudine, & ornatu, animique robore & armis, scæminas suas longius superant; quam illi, qui conjugales sunt. Neque enim tantopere perdix mas, corvus, aut columba, à consortibus suis distinguuntur; quantum gallus, à gallina; vel cervus, à suis scæminis discrepat.

Gallus itaque ut armis, plūmisque ornatioꝝ, superbus, gloriosus, magnanimus, & bellator insignis incedit; ita pariter scæmine abundat, & frequentissime coitum peragit, adeoque libidine ferox æstuat, ut, [nisi complures gallinæ ipsi suppetant], scæminas suas sæpius invitando & cogendo fatiget, & [uti in phasiano, gallo Indico, aliisque observavimus] intempestive supersiliendo, dorsumque pedibus atterendo [etiam cum in nidis ova incubant] eas male mulcet. Vidimus aliquando gallipar à ferocienus galli injuria adeo laceras

&

& detritas, ut dorsum totum implume,
& ad ossa ipsa perquam miseris modis nudum habentes, breviter spiraverint.

DE GALLINA.

EXERCITATIO XXXX.

DVo generationis instrumenta, duæque primæ causæ sunt; mas. & fœmina, Gallina enim videtur autor *ovi*, ut gallus *fœcunditatis*. Horum igitur coitu, à mare in fœminam traducitur, vel in gallina per coitum ingeneratur, id, quod ovum reddit fœcundum. Quid autem illud sit, non minus cognitu difficile est, quam cui id ipsum communicetur: scilicet, utrum toti gallinæ, an ejus utero solum, aut ovo factò, vel etiam ovis omnibus in ovario jam inchoatis, & postmodum inchoandis? Verisimile enim est ex supradictis, & *Fabricij* quoque experimento, Pag. 31 pauculas coitiones, & gallinæ per dies aliquot cum gallo consortium, sufficienter eam, aut eius saltem uterum, per annum integrum fœcundare. Idque egomet etiâ, experientia edoctus, ex parte affirmare possum: nempe vicissimum ovum à gallina (post hujus à gallo divortium) proveniens fuisse fœcundum & prolificum. Ut quemadmodum à piscium masculorum genitura in aquam sparsa, magnam ovorum congeriem fœcundari certum est; &

in canibus, porcis, alijsq; animalibus, coitionis aliquot pluribus sæcibus procreandis sufficiant: (adeo ut aliqui compertum sibi existiment; si canis fœmina sæpius quam ter quaterve ineatur, id fœcunditati ejus obesse, pluresque fœminas quam mares inde proculdi) ita quoque gallus aliquot suis compressionibus, non modo ovum in utero, sed totum etiam ovarium, gallinamque ipsam (ut sæpè dictum est) prolificam reddat. Imo verò, quod am-

Hist. plus est, & in primis mirabile, Terra Per-
an. I sica parte quadam (inquit Aristoteles) mu-
6. c. re fœmina rescissa, factus fœminei prægna-
37 tes videntur: nempe matres fiunt, antequam nascantur: quasi mas non solum fœminam fœcundam, sed & conceptos quoque in ea fœtus prægnautes redderet; quemadmodum gallus noster non solum gallinam, sed ova etiam ab illa procreanda fœcundat.

Id autem Medici confidenter negant, qui ex semine utriusque sexus misto, conceptum in animalibus produci asserunt.

Ac proinde Fabricius, licet galli semen
Pag. in coitu projectum, nunquam uteri cavum
38. (ubi ovum sit, vel augetur) ingredi, aut
39 ingredi posse assermet; & manifeste videat, ova primum in ovario inchoata, non minus iis, quæ in utero existunt, ab eodem coitu fœcundari; quorum nulla pars à galli semine oriri potuit; hoc tamen (quasi necessario adesse, & permanere

nere debent) per integrum annum in bursa gallinae prolifica contineri et coque foramine reservari voluit. Quam sententiam, nos antea rejecimus, rursus quia castitas illa perinde in mare, ac in foemina reperitur; tum etiam, quia nec in illa, nec alibi usquam in gallina genituram galli stagnantem invenire posuimus; sed quamprimum haec munus suum expleverit, virtutemque foeminae prolificam impresserit, vel toras elabitur, vel dissolvitur, & in spiritum versa evanescit. Et quanquam *Galenus*, ac cum eo Medici omnes, hanc geniturae dissolutionem, *Ar. de* pluribus oppugnant; perspecta tamen ex gen. anatomica administratione partium genitalium fabrica, simulque pensata aliis 2 c. 3, summissimis argumentis, fateantur necesse est. Semen maris prout à testibus per vasa deferentia derivatur, & in vesiculis spermaticis continetur, prolificum non esse; nisi coitus, vel cupidinis aestu spiritale reddatur, & in naturam spumofam effervescat. Neque enim (cesse *Aristotele*) quod semen fecundum reddit, est ejus corpulentia, aut ignis, aut talis facultas *Ibid.* aliqua, sed spiritus qui in semine spumosoque corpore continetur, & natura qua in eo spiritu est, proportionem respondens elemento stellarum. Quare, licet *Fabricio* concederemus, semen in bursa illa reservari; postquam tamen prolifica effervescencia, sive spiritus isti deferbuerint, inutile pro-

sus

lus foret & in fecundum. Vnde Medici quoque intelligant, maris genituram non ideo esse proles opificem, quia primus conceptus ex illa torporatur, sed quia spiritosa est, & effervesceat, tanquam fecundo spiritu & numine turgescens. Alias enim *Averrhois* fabula, de mulieris conceptione in balneo, veritatis speciem præ se ferret. Verum de his suo loco plura.

Quemadmodum itaque à gallina fit ovum, ita verisimile est, ab alijs quoque fœminis (ut postea docebitur) primos conceptus tum materiam, tum formam recipere: idque aliquandiu postquam marium genitura immisa fuit, & evanuit. Neque enim gallus per simplicem genituræ emissionem, fecunditatem aliquam gallinæ aut ovis ejus adfert; sed quatenus genitura istæ prolifica est, & vi plastica imbuta; spiritosa nempe, effectiva, & analogo elemento stellarum. Mas itaque non magis censendus est primum principium, à quo conceptus & fœtus oriuntur, quod semen suum concoquere & excernere possit, quam fœmina, quæ ovum sine mare procreat. Sed eo potius nomine, prærogativam meretur, quod genituram suam spiritu, divinique opificis virtute imbutum inferat: qualis puncto temporis officium suum exequitur, & fecunditatem apportat. Sicut enim scintilla è filice excussa, aut fulgure è nube aliqua emicante, res subito accendi, & siderari

cornimus; ita pauciter genitura maris, foemina, quum tetigerit, contagio protinus afficit, eidemque vim prolificam transfert; qua non momento temporis secunda reddit. Hanc citius enim inflammabile quid à contactu ignis accenditur, quam gallina a galli coitu pragnas afficitur. Quid enim ab hoc in illam transferatur, postea erit dicendi locus, cum de hac re generatim & perspicue magis determinabimus.

Observandum interea est, si ab anima id proficiatur. Quicquid enim secundum est, id idem quoque animatum esse verisimile est: & iam supra diximus, ovum ex sententia Aristotelis anima vegetativa praeditum esse, ut & semen omnem plantatum oportere necessario animam illam (scilicet vegetativam) ex tradice esse, & à matre, in foeminam; de foemina, in ovum; ab ovo, in foetum transferri; vel singulis eorum successive, per coitus coniugium, generari.

Videtur nihilominus ambiguitatis plenius disquisitio: ideoque, licet Aristoteles fateatur, genituram maris tantae virtutis esse, ut semel emissa plurimis simul ovibus fecundandis sufficiat; tamen ne repetita saepius coitio frustra videatur, In De ovium genere, inquit, ne ea quidem ovagena, quae per coitum oriuntur, possunt magna ex parte augeri, nisi coitus ovis continuatur. 3. c. 1. Cuius rei causa est, quod ut in mulieribus

coitu maris detrahatur. mensum excrementum (trahit enim humorem uterus re-
 pefactus, & meatus aperiantur) sic in avi-
 bus evenit, dum paulatim menstruum ex-
 crementum accedit, quod foras decedere
 non potest, quoniam parum est, & superne
 ad cinctum continetur, sed in uterum ip-
 sum collabitur. Hoc enim ovum augetur,
 sicut foetus viviparorum, eo quod per um-
 bilicum affluit. Nam cum semel aves coe-
 runt omnia fere ova semper habere persere-
 rant, sed parva admodum. Eatenus au-
 tem, forsitan vera fuerit Aristotelis sen-
 tentia, plura nempe & maiora ova à re-
 peritis saepe coitionibus contingere, quod
 scilicet uberior materia ad uterum (coitus
 calore reperfus) affluat. Non tamen
 propterea crebro coitu necessario opus
 esse ut ova fiant prolixa. Nam & expe-
 rientia (ut diximus) contrarium docet,
 & ratio, quam affert, non videtur suffra-
 gari: quippe ovorum primordia non fiunt
 in utero ex sanguine menstruo, (qui in
 gallina nequaquam reperitur, sed in ova-
 rio [ubi nullus sanguis praexistit] ova-
 tam cura gati coitum, quam cum illo
 progenerantur.

Gallina, ut & aliae foeminae omnes,
 conceptui materiam, nutrimentum, &
 locum suppeditat. Materia, unde cuncta
 ovorum primordia nascuntur, & crescunt,
 videtur eadem illa, ex qua reliquae galli-
 nae partes, carnosae nempe, nervosae, &
 oscae,

osseæ; caput item, ac cætera membra nutriuntur, & augentur. Quippe singulis papulis & vitellis in ovario hærentibus (eodem prorsus modo, quo reliquis gallinæ partibus) alimentum per vasa accedit. Locus autem in quo ovum membranis distinguitur, grandinibus & cortice perficitur, est uterus.

At verò gallinam nec semen in coitu emitteret, nec sanguinem in uteri cavitate in eo tempore effundere: neque ovum eo modo fieri, quo *Aristoteles* conceptum fieri voluit; neque (ut *Medici* arbitrantur) ex commixtione seminum; nec semen galli in uteri cavum penetrare, aut attrahi; una hæc observatione manifestissimè liquet; nempe quod in utero nihil plus post coitum, quam ante ipsum reperitur. Quæ res ubi postea liquido constiterit, & demonstraverimus eam, veram quoque esse de omni animalium genere, quæ utero concipiunt; clarè simul apparebit, quæ hætenus ab omni antiquitate, circa animalium generationem, nobis tradita fuerunt, erronea esse; scærumque, nec ex spermate matris, aut foemina; nec ex utrisque simul mistis; neque ex sanguine menstruo constitui; sed in omnibus, tum in conceptu prolifico, tum post ipsum, eodem modo se rem habere, quo fit in generatione pulli ex ovo, & perinde ac plantæ ex sui generis seminibus oriuntur. Neque enim constat,

stat, marem requiri, ut tanquam agens, opifex, & efficiens per se sit; nec foeminam, tanquam materiam suppeditet: sed uterque, tam mas, quam foemina, opifex quodammodo, & parēs dicendus est; foetusque, tanquam ex utrisque *mistis*, *mista* similitudo & species procreatur. Nec verum est, quod *Aristoteles* sepius affirmat, Medici etiam pro confesso habent; nempe, statim a coitu, in utero reperiri aliquid vel foetus, [ut puta cor, aut tres bullas, aut aliam quandam partem principalem] vel conceptus; vel aliquid saltem in uteri cavo, ut coagulum, aut spermaticū quid mistum, aut aliud huiusmodi. Sed ē contrā, diu post coitum contingit primum, & ova, & conceptum in pluribus & perfectioribus animalibus enasci; si modo foemina secunda & pragnans evaserit. Et foeminam quidem prolificam esse, antequam quicquam conceptus in utero contineatur, multa sunt quae indicium faciunt, ut postea in viviparorum historia dicetur: nempe crescunt ubera, uter us turgescit, aliisque symptomatibus totius corporis mutatio dignoscitur.

Gallina vero, quanquam, ante coitum, ovorum in se primordia ut plurimum habet, quae postea à coitu secunda redduntur, ideoque illi statim à coitu aliquid inest; tamen cum & ipsa, reliquorum animalium more, nihil adhuc eorum in ovario paratum habuerit, aut quae ha-

buit

Quomodo Gallina dicatur. Ceterum 217

uit jam excluserit; ex coitu postea, (ali-
quo etiam temporis interjecto spatio) tā-
quam utrumque principium, siue utrius-
que sexus virtutem possideat, plantarum
more per se ova generat, eaque (loquor
expertus) non subventanea, sed prolifica.

Enimvero si desuptus gallina semel
fecunda reddita, ovisque incubante,
postquam jam omnia sua ova peperit, &
nullum in ovario superest) omnia illa ova
abstuleris; plura denuo pariet, eaque ge-
nitiva, siue prolifica, & utrumque prin-
cipium in se habentia.

QVOMODO GALLINA
dicatur efficiens primum: deq;
ejus partu.

EXERCITATIO XII.

G Allinam esse causam generationis
efficientem, siue naturę in hoc ope-
re instrumentum; (non quidem absolu-
te, & per se; sed ex mandato, ac vi-
maris prolificam redditam) jam dictum
est. Quemadmodum autem mas, suo
merito, primum generationis principium
ab Aristotele habetur, quod primus ad
generationem motus ab eo proveniat; ita
quoque gallina aliquo modo prima ge-
nerationis causa statui potest: quatenus
nimirum mas, præsente foemina, ceu fu-

riis exstimulatus, ad venerem accenditur. *Fœmina piscis*, inquit *Plinius*, coitus *Lib 9* tempore marē sequetur, ventrem ejus rostro
c. 50 *pulsant: sub partum mares fœminam similiter*. Vidi ipsemet aliquando pisces mares fœmellam jam parituram (canum more) turmatim sectari, ut ova recens posita, lacte suo, siue semine aspergerent. Id vero perspicuum maxime in petulcis ac lascivis fœminis, quæ sopitos & ignavos cupidinis igniculos suscitant, amoremque tacitum inspirant. Indeque fit, ut gallus gallinaceus, quamprimum gallinam suam diutulè absentem, vel aliam aliquam advenam, conspicatus fuerit, astro statim amoris percitus eam comprimat. Quinetiam in prælio victor, quanquam à pugna læsus & lassus, victu tamen conjuges subagitare continuò gessit. Et ut flammulam hanc amoris in præcordijs semel accensam utque foueat, varijs gestulationibus, irritamentis, ac blanditijs. (dum sæpius canit, gallinas advocat, easque aggressus circumambulat, atque alas pedibus vibrat) fœminas ad coitum, seu fascino quodam, pellicit. Sunt illæ quidem maris artes: sed & fœminæ interdum morositas, coitum in speciem recusantis, non parum ad maris furorem, & languentem cupidinem excitandam facit, ut citius, & copiosiore spiritu eandem impleat. De hujusmodi autem blandimentis, quatenus conceptui promovenda

Quomodo Gallina dicatur, &c. 219

do inferuiunt, inferius plura dicentur. Naturæ enim opera, si diligenter perpendis, nihil in ijs frustra factum esse, sed cuncta in finem & boni alicujus gratia ordinata reperies.

Fœminæ fere omnes cum voluptate quidem coeunt & implentur, sed in partu pleræque dolent. Gallinæ autem contrarium evenit, quæ in coitu quærule perstrepat, & renititur; in partu verò, licet ovum pro corporis & uterini officij proportionem prægrande adsit, quodque nihil adjumenti (ut fœtus viviparorum solet) ad exitum conferat, citra dolorem tamen facile parit, & à partu continuo exultat, sublatoque cachinno, gallum quasi in partem lætitiæ advocat.

Quamquam autem in gallinæ vitellatio multo ovorum primordia reperjuntur, variz magnitudinis, & ordinis, ita ut aliud alio prius augeatur, & maturetur; omnia tamen videntur à galli congressu simul pariterque fœcundari, seu virtutem prolificam accipere. Et licet plusculum temporis (triginta nempe aut amplius dierum) excurret, priusquam gallina, ut perdix ova omnia, quæ concepit, pariat; tamen ubi primum mater iis incubare cœpit, statim tempore (viginti scilicet aut duorum & viginti dierum curriculo) omnes fœtus una ferè excluduntur; ijque non minus perfecti, quam si simul (ut in canibus, catuli) ab eisdem temporis coi-

220 *Quomodo Gallina dicatur, &c.*
tu initium habuissent.

Atque hic dum sumus, cogitanti mihi, quam exigua sint prolifica ovorum, primordia, papulae nempe, & sudamina milli semine minora, considerantique galli inde nati amplitudinem, magnanimitatem, atque ornatum; mirari subit, tantas vires à naturâ rerum in tantillis exordiis reponi, & Creatorem omnipotentem apparere voluisse maximum è minimis initis. Oritur nempe ex minima & vix perceptibili papula, gallina, aut gallus animal superbum & magnificentum. Nascitur ex parvula glande, arbor ingens. Imo vero ex minima glandis gemmula sive apice, quam lata tandem brachia expandit annosa quercus? quam alta ad cælum tollit fastigia? quam profundas demittit radices? Ingens profecto

lib. 17 *natura miraculum* (inquit Plinius) tam

c. 10. *exiguus principijs respuentem secures materiam nasci, indomita ponderibus immensis prela, arbores velis, turribus murisque impellendis arietes. Haec est natura vis, haec potentia.* Inest autem omnibus plantarum seminibus talis gemmula, cujus si summitas duntaxat, puncti instar, abrasa fuerit, tollitur illico spes generationis; quasi in tantillo puncto virtus omnis plastica futuræ arboris hospitaretur. Ideoque provida formica, particulam hanc prarodens, frumenti grana & semina in horreo suo subterraneo tuto

recondit, eorumque progenerationem ingenioſæ præcavet. *Cupreſſus* [adjungit ibidem *Plinius*] fert ſemen formicis mire expeditum; ampliato etiam miraculo, tantuli animalis cibo abſumi natalem tantarum arborum. Sed de his quoque generatim plura dicemus, cum multa animalia, præſertim inſecta, ab inconſpiciſis præ exiguitate principijs & ſeminibus (quaſi atomis in aere volitantibus) à ventis huc illuc ſparſis ac diſſeminatis, oriſſæ progigni docebimus; quæ tamen ſponte, ſive ex putredine orta judicantur, quia eorum ſemina nuſpiam comparent. Eſt autem hæc ſpeculatio non inutilis ad illam philoſophiam, quæ omnia ex nihilo producta docet; ſiquidem inter primordium, & *æxplu* cujuſlibet animantis, vix ulla eſt commenſurabilis proportio.

Nec tantopere admirari oportet, quid in gallo exiſtat, quod animal tam perfectum & eximium conſerver, & gubernet, ejuſque exiſtentæ prima cauſa ſit, quam animam dicimus, ſed multo magis, quid ſit in ovo, imo in papula tantæ virtutis, ut tale animal producat, & in excelsam adeo gloriæ ſaſtigium attollat. Nec ſolum mirari convenit quantus artiſtæ tanto operi aſſiſtat & tangat; ſed potiſſimum, coitus tam momentanei contagium. Quid nempe è mare in ſœminam prove-niat; è ſœmina, in ovum; ab ovo, in pul-lum? Quid ſit hoc traducis, quod nec

222 *Quomodo Gallina dicatur, &c.*

manens, nec tangens, nec contentum sensibile inveniatur; operetur tamen summo cum intellectu, & providentia, supra omnem artem: quodque etiam postquā abiit, & evanuit, non quia jam tangit, sed olim tetigit, ovum prolificum reddit: nec solum ovum perfectum & absolutum, sed imperfectū etiam & inchoatum, cum papula duntaxat fuerit: imo vero gallinam ipsam fecundam facit, antequam adhuc papulas produxerit; idque tam subito, quasi ab omnipotente dicatur, *suis progenies, & facta sit.*

Desinant itaque Medici, quod non sine stupore experiuntur, quomodo scilicet morbi epidemici, contagiosi, & pestilentialis, seminaria sua eminus per aerem, aut fomitem aliquem spargant, ac propagent; morbosque sui similes in alienis corporibus producant, arque abscondito modo per generationem quandam se tacite multiplicent; adeoque interdum ingraveſcant, ut (divino sic volente numine) per homines & pecora latē stragem edant: quoniam majora longe in animalium generatione quotidie invenerint. Plura enim & efficaciora fabricando animali, eidemque conservando requiruntur, quam ad ejus perniciem: quippe

Nat. facile, citoque corrumpunt. Eleganter Seneca, ut solet: *Quam longo tempore opus est, ut conceptus ad puerperium perducatur.*

Quomodo Gallina dicatur, &c. 123

*ter? infans quantis laboribus tenerè edu-
catur? quam diligenti alimenti obnoxium
provisissime corpus adolescit? at quam nullo
negocio dissolvitur? urbes constituit aras,
hora dissolvit. Magna tutela stant & vi-
gent omnia, cito & repensè dissiliunt.
Biv qua crescendo fit sylva, cito minimoz
momento & scintilla, fit cinis. Imò vere
ne scintilla quidem; quippe radiis sola-
ribus per exiguum vitrum transmissis, &
in conum unitis, igne confestim excita-
to, maximarum rerum fit conflagratio.
Adeo naturæ majestati nihil est arduum,
quæ ad originem rerum viribus suis par-
ce utitur, & cum providentia cautè di-
spensat, incrementis fallentibus: subito
autem ad ruinam, plenoque impetu pro-
perat. Cernitur in generatione rerum,
optimus, æternus, & omnipotens Deus,
cui naturæ numen suspiciendum; mille
autem modis mortalia cuncta ad perni-
ciem sua sponte ruunt.*

*QVOMODO FIAT GE-
neratio Pulli ex Ovo.*

EXERCITATIO XLII.

O Vum hætenus, ceu fructum, & fi-
nem consideravimus. Superest, ut
de eo, tanquam semine, & principio, aga- Pag.
nus. *Lam.* (inquit Fabricius) *quomodo* 28

224 Quomodo fiat generatio Pulli, &c.

ex ovo pulli generatio sequatur, inquirendum est; ab eo Aristotelis & Galeni principio, quod etiam ab omnibus conceditur, exordientes; videlicet, quod omnia, quae in hac vita sunt, ab his tribus fieri conspiciantur, artificibus, instrumentis, & materia. Quoniam vero in naturalibus, opifex forinsecus non est, sed vel materię, vel instrumentis inditus; concludit, de agente tantum & materia considerandum esse.

Cum autem modus, quo pullus ex ovo fiat, hic docendus sit; non inutile fore arbitror, si quot modis aliquid ex alio fieri dicatur, prae monstravero. Ita enim clarius, & distincte magis constabit, quam multifariam generatio ex ovo procedat, & quid de materia, instrumentis, atque efficiente statuendum sit.

Aristoteles quatuor modis, aliud ex alio fieri docuit: primo, cum ex die noctem fieri dicimus, aut ex puero virum; quoniam hoc post hoc: alio, cum ex are statuem, aut ex ligno lectum, aut quacunque ex materia fieri dicimus, ut ex aliquo, quod insit & formetur, totum sit. Tertio, cum ex musico immusicum, aut ex sano agrum, & omnino contrarium ex contrario. Quarto, ut Epicharmus facit suam exaggerationem, ex calumniis maledicta, ex maledictis pigra. Quae omnia referuntur, unde principium motus, pars enim quaedam totius discordiae columna est. Cum itaque tot modis

Quomodo fiat generatio Pulli, &c. 225

Alis aliud ex alio fiat, semen in altero de duobus his esse apertum est. Aut enim ex eo, ut materia; aut ut ex primo quod movetur, est quod gignitur. Non enim ut hoc post hoc, quomodo ex Panathenais navigatio; neque ut ex contrario contrarium: gignitur enim contrarium ex contrario quod corrumpitur: & aliud quidpiam subijci oportet, ex quo primo immanente sit.

Quibus Aristoteles recte infert, Semen à mare proveniens, esse foetus causam efficientem, vel instrumentalem; quandoquidem nulla pars est geniti, nec primo modo, nec tertio (nempe, aut ut hoc post hoc, aut ut ex contrario;) neque ut materia subijcitur.

At vero (ut ibidem ait) id quod à mare in coitu provenit, non vere & proprie semen dicitur, sed genitura potius, & à semine proprie dicto discrepat. Genitura enim id vocatur, quod à generante proveniens, causa est qua prima obtineat principium generationis, videlicet in iis qua coire natura voluit: semen autem est, quod ex ambobus coeuntibus illis [nempe mare, & foemina] originem trahit, quale semen plantarum omnium est, & animalium nonnullorum in quibus sexus distinctus non est: velut id, quod ex mare ac semina primum miscetur, quasi conceptus promiscuus quidam; & quale ovum esse, supra in historia declaravimus, quod tum fructus, tum semen dicitur. Semen enim

K s & s

226 Quot modis pullus, &c.

Et fructus inter se differunt, prioris posteriorisque ratione: nam fructus, quod ex alio est; semen, ex quo aliud: alias ambo idem sunt.

Superest igitur inquiramus, quot modis prædictis, non quidem à genitura maris, sed ex vero semine, sive ex ovo, aut conceptu (quæ verè animalium semina sunt) foetus oriatur.

QVOT MODIS PVLLVS
ex Ovo fieri dicatur.

EXERCITATIO XLIII.

PRo confesso itaque est, fetum fieri ex ovo prolifico, tanquam ex materia, & quasi ab opifice; idemque ovum utranque pulli causam existere. Prout enim originem à gallina trahit, & fructus habetur, materia est; quatenus vero prolificam plasticamque facultatem à mare infusam per totum sui continet, efficiens pulli dicitur. Quinetiam non solum (ut *Fabricius* voluit) in uno eodemque ovo hæc inseparabiliter conjuncta sunt, nempe opifex, & instrumentum, sed etiam necesse est, ut eodem loco alimentum quoque adsit, quo augeatur. Imò vero in ovo prolifico hæc quatuor simul reperiuntur, opifex scilicet, instrumentum, materia, & alimentum; uti in historia palam fecimus. Qua-

Quare ex ovo prolifico, omnibus modis prædictis pullum fieri dicimus: nimirum tanquam ex materia, efficiente, & instrumento; ac præterea ut ex puero fit vir, atque ex parte totum, & tanquam ex alimento; & quasi è contrario contrarium. Quamprimum enim ab incubatu, (à principio motivo interno) quippiam clarescens colliquatur, [nos illud *ovi oculum* appellavimus] id ipsum tanquam ex contrario fieri dicimus: quemadmodum chylum, per concoctionem, ex contrariis (crudis nempe edulvis) fieri credimus: eodemque sensu, quos nos ex contrariis nutriri. Similiter, ex albumine fit, & augetur id, quod nos *oculum* & *colliquamentum candidum* nominavimus: ac pariter ex candido illo liquore sanguis, & vesicula pulsans, [primæ pulli particula] fiunt, nutriuntur, atque augentur: nutrimento, inquam, à facultate insiti innati-que caloris [tanquam ex contrario] per concoctionem assimilato. Crudum enim & incoctum, cocto & assimilato contraria sunt; ut immusicus, musicus; & æger, sano.

Cumque ex candido colliquamento, fit sanguis; vel ex albumine, aut vitello, candidus liquor generatur; hujus generatio dicitur, illius corruptio: facta scilicet è termino contrario in contrarium transmutatione, manente interea eadem subiecta materia. Corrupta nempe priore

albuminis forma, fit colliquamentum : & ab hujus [colliquamenti scil.] formæ privatione, succedit forma sanguinis : non aliter, quam cum alimentum in substantiam aliti convertitur.

Hoc itaque modo, pullus ex ovo, tanquam ex contrario, fieri dicitur. Enutrito enim pullo in ovo, atque adaucto, albumen pariter ac vitellus corrumpuntur & absumentur, totaque deinceps ovi substantia. Manifestum est igitur, ex ovo, tanquam è contrario, videlicet alimento, & tanquam ex privatione, & non ente, pullum fieri. Constat enim prima pulli particula [nempe sanguis, aut punctum saliens] ex non sanguine, & omnino ex contrario : durante semper eadem supposita materia :

Fit etiam pullus ex ovo, sicut vir ex puero. Quemadmodum enim ex plantis femina oriuntur, ex seminibus gemmæ, germina, virgulae, flores, & fructus : ita quoque ex ovo [gallarum semine] fit maculae dilatatio, colliquamentum, sanguis, & cor, seu prima foetus, [vel fructus] particula. Idque tanquam ex nocte, dies; ex vere, æstas; ex puero, vir; hoc, post hoc. Ut quemadmodum fructus post flores, in eodem stemmate oriuntur; ita pariter post ovum, colliquamentum; post hoc, tanquam ex humore primigenio, sanguis; post sanguinem, & ex illo, pullus fiat; veluti totum, ex parte. Sicut per

Epicharmis exaggerationem, ex calumnia sunt maledicta, ex maledictis pugna. Sanguis enim una cum puncto salicate primū existit; simulque & pars pulli videtur, & efficiens quoddam, sive instrumentum generationis ejus, ab opifice [ut *Fabricius* existimat] inseparabile. Quomodo autem ovum, efficiens atque instrumentum generationis dicatur, partim jam antea dictum est, partim etiam uberius ex dicendis constabit.

Ex *historia* id certum est, punctum pulsans, atque sanguinem, [dum augentur] sibi reliquum corporis, aliaque omnia, pulli membra ascisere: quemadmodum vitellus in utero, ex ovario provolutus, albumine se cingit; idque non sine coctione, ac nutritione. Cunctarum vero operationum vegetabilium instrumentum commune, calor internus, aut calidum innatum, vel spiritus per totum diffusus, & in eo spiritu anima, sive animæ facultas, ab omnibus censetur. Habet igitur ovum, procul omni dubio, animam suam opificem, quæ tota in toto, & tota in vna qualibet parte insit; spiritumque seu calorem animale in se continet, immediatum illius animæ instrumentum.

Interroganti itaque, *Quomodo ex ovo fit pullus?* respondemus, omnibus modis, & ab *Aristotele* recitatis, & ab alijs excogitatis, quibus aliud ex alio fieri contingit.

FALLITVR FABRICIVS,
circa materiam generationis
Pulli in Ovo.

EXERCITATIO XLIV.

Pag.
 38

QUod mihi ab initio proposui, *Fabricium* pramonstratorem sequar; & de tribus illis, quæ in generatione pulli indaganda ait, cum illo considerabimus; agente nempe, materia, & alimento pulli. Quæ omnia in ovo esse oportet, de quibus dubia aliqua proponit, opinionemque gravissimorum autorum diversa sentientium. Prima difficultas ad pulli materiam, & alimentum spectat. *Hippocrates* quidem, *Anaxagoras*, *Alcmaeon*, *Metopueriander*, & prisci Philosophi omnes, *pullum ex vitello generari, ex albumine vero an. l. nutrir*, existimarunt. Contra hanc opinionem, *Aristoteles*, & cum eo *Plinius*, & de pullum ex albumine corporari, ex luteo nutrir, crediderunt. Ipse autem *Fabricius*, an. l. 3 nec vitellum, nec albumen, materiam e. i. & pulli esse voluit; prædictasque ambas opinion. lib. niones conatur refellere, & docere, album. 10. c. mēn pariter ac vitellum alendo pullo duntaxat inservire. Idque, præter alia argumenta (quibus minus acquiescendum putato) hoc uno sic satis firmo: quod scilicet propagines vasorum umbilicalium (per quas

quas pullus, sine dubio, nutrimentum haurit) in albumen pariter ac in vitellum disseminantur, amboque isti liquores (pro- ut pullus augetur, & majorem alimenti copiam postulat) absumentur. Ac propterea Fabricius in sententiæ suæ confirma-
 tionem ait: Ex corporibus ovum construen-
 tibus, & pulli generationi idoneis, solum-
 tria sunt, albumen, vitellus, & chalaza:
 albumen; & vitellus nutrimentum pulli
 sunt; ergo sola chalaza materia erunt, ex
 qua fit pullus. Errare tamen excellentis-
 simum Fabricium, supra in historia de-
 monstravimus. Postquam enim pullus
 jam prope consummatum est, caputque
 & oculi distinctè conspiciuntur, chalazas
 in ovo longe à tætu distitas, integrasque
 à cacuminibus ad latera remotas reperire
 est: præstantque (ut ipse quoque fatetur)
 usum ligamentorum quibus vitellus intra
 albumen in debita sua positione retinea-
 tur, nec verum est, quod Fabricius in opi-
 nionis suæ stabilimentum, addidit, chala-
 zas nempe obversa ovi parti, è directo sup-
 positas esse. Nam post primæ diei incuba-
 tionem, mutatur liquorum situs; vitellus
 attollitur, & grandinas atrinque de ca-
 cuminibus removentur; ut jam pridem
 diximus.

Fallitur etiam præterea, cum chalazas
 ovi partes esse statuit. Ovum enim reve-
 ra ex albo & luteo humoribus solum con-
 stat; chalazæ autem, ut & membrana, al-

buminis quædam appendiculæ sunt, & membranarum distaxat extremitates colligatæ & contortæ (sicut filamenta in funem complicari solent) ut liquores, firmiore nexu, in debito suo loco conferrentur.

Male igitur ratiocinatur, dum ait: *Chalaza in ovo ibi reperiuntur, ubi pullus generatur; ergo hic ex illis constituitur.* Nam ne secundum ipsum quidem *Fabricium*, id fieri ullo modo potest; qui fatetur, chalazas in utroque ovi extremo pariter reperiri; & tamen negat, pullum alibi quam in obtusa eius parte procreari: in qua profecto, sub primum generationis exordium, nulla omnino chalaza deprehenditur. Quinetiam, si in ovo recenti periculum feceris, videbis chalazam superiorē haud directè sub obtuso cacumine, aut cavitate eius collocatam, sed ad latus nonnihil declinare; nec illo versum, quo cavitas tendit, sed potius in latus oppositum. Præterea, ex supradictis innotuit, liquorum positionem statim ab incubatione permutari: quia *oculus* à colliquamento adauctus, ad cavitatem in parte obtusa attollitur, unde liquores, & grandines utrinque ad latus removentur. Macula enim, quæ ante incubationem medio loco inter ambo cacumina collocabatur, jam in *oculum* aucta, cavitati in obtuso angulo adiungitur; grandinumque altera ab obtuso cacumine deprimitur, altera verò tantundem ab acuto

angulo assurgit; (qualis nempe polorum muadi, in obliquo hemisphærio, situs est) simulque albuminis, præsertim crassioris, pars maximo in acutum cacumen, subsidit.

Nec verum est, chalazas primam pul-
li formationem longitudine & figura imi-
tari; partiumque principalium nume-
rum, totidem suis nodulis referre: ut
inde à consistentiæ similitudine, de pulli
materia argumentum probabile, addu-
ceret. Neque corpus rubrum (quod
etiam pro jecore habuit) in grandinibus,
vel prope eas cernitur; sed in medio col-
liquamento candido reperitur; estque
cordis solius principium. Nec etiam *ranabottolorum* exemplum, ab eo adductum,
quadrat; quorum, inquit, non est conspi-
cere nisi caput & caudam, hoc est caput &
spinam, omnino sine cruribus & brachiis.
Additque, qui chalazam viderit, & hu-
jusmodi conceptum, quod ad corpus attinet,
se vidisse credat. Ego verò sæpissime il-
lorum anatomen institui, vidique alvum
satis amplam, & in eadem intestina, jecur,
& cor pulsans; caput etiam, atque oculos
deprehendi. Quod *Fabricius* autem pro
capite habet, est figura *ranabottoli* rotun-
da, eoque nomine gyrimus dicitur; quod
nempe forma eius in gyrum vertatur.
Caudam habet, qua natat; sed cruribus
caret. Circa solstitium autem, caudam
amittit, quo tempore crura & brachia
pri-

primum pullulare incipiunt. At nihil huic simile, in prima pulli in caput ac spinam diuisione, accidit; quod, ad gyrini modum, pullum ex chalazis.

Vtius autem hæc refellere, *Fabricij*, (viri Anatomes peritissimi) dignitas non sinit. Nec sanè opus est, cum res ipsa ex *historia* luculenter pateat.

Tandem concludit, hanc suam sententiam perantiquam esse, & *Aristotelis* quæque temporibus celebratam. Ego vero potius sententiam *Vlyssis Aldrouandi* antiquam crediderim; qua existimat, *chalazas* esse sperma galli, ex quo & à quo pariter pullus oriatur.

Neutra tamen sententia vera est, sed popularis omnium temporum error: quippe grandines (*galladuram Itali* vocant, nostrates *the treadle*) à gallo provenire, eiusque sperma esse; olim, hodieque mulierculæ crediderunt.

Grandines (inquit *Aldrouandus*) sunt sperma galli, quia nullum ovum faciundum illis caret. At enim, nec infœcundum ullum iis destituitur, quod ille aut nescivit, aut dissimulavit. Id *Fabricius* quidem fateatur; sed dum negat, galli sperma in uterum penetrare, aut uspiam in ovo reperiri; chalazas tamen solas, præ reliquis omnibus ovi partibus, masculi seminis virtute fœcundari, vinque prolificam suscipere contendit: licet in ovis fœcundis, ac infœcundis, chalazarum di-

scri.

serimen nullum animadvertere potuerit. Cumque concesserit, ipsa ovorum in vitellario primordia, perinde ac ova albumine circumdata, à galli coitu fecundari; erroris in tanto Viro causam, hanc esse arbitror: Fuit haecenus (ut jam saepe diximus) Philosophorum, & Medicorum omnium vulgata opinio, materiam foetus in generatione animalium, esse aut matris, aut foeminae, aut utriusque simul genituram; ex qua (post coitum) in utero superstita, animalia (similiter ac plantae, ex seminibus in terram projectis) generetur. Nec *Aristoteles* quidem ab eadem sententia multum abfuit, cum sanguinem menstruum foeminae semen esse voluit, quod matris genitura coagulet, conceptumque inde constituat.

Supposito itaque jam pridem ab omnibus (ceu certo fundamento) errore, quem diximus; haud mirum sanè, si postea (pro varia ejusque conjectura) plurimae falsae opiniones subsequutae fuerint. Errant enim toto coelo, (ut dici solet) qui existimant, post coitum necessario remanere materiam aliquam in utero paratam & idoneam, ex qua aut foetus fiat, aut conceptus primus constituatur, aut aliud quid protinus in cavitae uteri fabricetur, quod plantarum semini in terrae gremium iniecto respondeat. Quippe certum est, in gallinae utero [idque etiam postea de omnibus foeminis constabit] statim à coitu,

nihilo plus conspici, quam ante ipsum coitum reperiebatur.

Errasse itaque *Fabricium*, liquet, cum ait: Sicuti viviparum animal ex paucis seminali materia corporatur; quod verum ad alimentum & nutritionem suggeritur copiosissimum est: sic pro pulli generatione exigua chalaza sufficiet; cetera autem in ovo contenta, alimento duntaxat pullo erunt. Quibus apertum est, cum talem aliquam materiam in ovo paratam quævisse, unde pullus corporetur: idque, ne quid contra definitionem ovi, ab *Aristotele* traditam, videatur statuere: nempe

Hist. Ovum est, cuius ex parte animal gignitur.
an. 1. reliquum, cibum ei, quod gignitur, est. **Va.**
3.c.8 lidum igitur hoc *Fabricio* videtur argumentum: Cum tres solum partes sint in gen. ovo, scil. albumen, vitellus, & chalaza; & an. 1. priores dua nutrimentum duntaxat pullo
2.c.1 suppediunt; necesse est ut sola chalaza materia sint, ex qua pullus constituitur.

Ita factum, ut peritissimus *Anatomicus* (dum materiam aliquam creando pullo idoneam, & à cæteris distinctam, in ovo quærît) errore populari occæcatus, cespitaverit. Idemque similiter alijs contingit, dum lucem illam deferunt, quam frequēs corporum dissectio, & familiaris cum natura ipsa conversatio exhibent; atque ex conjectura, suppositisque probabilibus argumentis, aut *Scriptorum* autoritatibus, rem eam intelligere sperant; quam

rectare ipsi, & sensu percipere debuissent. Quare haud mirum est, plurimos errores, ob ultima antiquitate unanimi consensu traditos, ad nostra usque tempora descendisse: virosque, alias ingeniosos, egregie delucinosos esse; dum sibi abunde satisfactum arbitrantur, si ex aliorum libris faciant, & doctorum virorum sententias in memoria habeant. Equidem, qui hoc pacto, veluti ex traduce [ut sic dicam] philosophantur; haud melius sapiunt, quam eorum libri quos penes se seruant.

In ovo igitur (ut diximus) nulla pars distincta, aut materia preparata adest, ex qua foetus efformetur: sed quemadmodum in plantarum feminibus, apex aut gemmula protruditur; ita pariter in ovo, cicatrix, sive, macula inest, quae vi plastica imbuta, in oculum & colliquamentum crescit; ex quo, & in quo pulli primordia, sanguis scilicet, & punctum saliens] generatur, nutriuntur, & augentur in pullum perfectum. Neque Aristotelis definitio veri vera est; ut sit, ex cuius parte pulvis oritur, & à reliquo nutritur: nisi Philosophus hoc modo intelligendus sit; Ovum esse, ex cuius parte pullus oritur, non tanquam ex materia, sed ut vir, ex puero: vel ovum esse conceptum perfectum, ex quo pullus partim constituitur, dicitur, partim nutrir: vel denique, ovum esse, cuius liquores pro partium tum materia, tum nutrimento inserviunt. Eoque sensu Aristoteles docet,

238 *Quenam sit Pulli materia, &c.*

cet, materiam foetus in foeminis esse sanguinem menstruum, quo (dum per venas in uterum funditur) *natura abutitur*, scilicet generationis causa, ut quale erat futurum, tale alterum oriatur; iam enim tale potentia est, quale est corpus, cuius secretio est; nempe, matris.

QVÆNAM SIT PVLLI MATERIA, & quomodo fiat in Ovo.

EXERCITATIO XLV.

QVoniam itaque ex aliorum placitis, [sive nuda autoritate, sive probabilibus etiam argumentis ea confirmata fuerint] veritatem obtineri non posse arbitramur, nisi diligens quoque experientia accesserit; ex naturæ libro, & perspicuis observationibus, quænam sit foetus materia, & quomodo is inde oriatur, declarabimus.

Duplici modo aliquid ex aliquo (tanquam ex materia) fieri, idque tam arte, quam natura, ac præcipuè in generatione animalium, observavimus. Alter est, cum ab aliquo præexistente fit; veluti ex ligno, lectus; ex lapide, statua cum nempe tota futuri opificij materia jam extiterit, antequam in formam producat, aut operis aliquid inchoetur.

Alter autem modus est, cum materia simul

Quanam fit Pulli materia, &c. 239

simul & formatur, & fit. Quemadmo-
dum igitur opera duplici modo ab arte,
perficiuntur; altero nempe, cum mate-
riam jam paratam artifex secat, dividit,
& detrahendo quod superfluum est, ima-
ginem relinquit, ut statuarius facere solet;
altero autem, cum figulus eandem ima-
ginem ex luto, addendo, sive augendo, &
figurando format; simulque materiam
parat, præparat, aptat, & applicat (arque
hoc pacto imago potius facta, quam ficta
dicitur:) ita pariter in generatione ani-
malium; quædam ex materia prius cocta
& aucta formantur, & transfigurantur;
cunctæque partes simul per *metamorphosin*
mutantur, ac distinguuntur, perfectum-
que animal enascitur: quædam vero, fa-
cta parte una præ altera, ex eadem mate-
ria postea simul nutriuntur, augentur,
& formantur, habent scilicet partes alias
alijs priores ac posteriores, eodemque
tempore & augentur, & formantur. Ho-
c una fabrica à parte aliqua, tanquam ab
origine, incipit; ejsque ope reliqua mem-
bra adsciscuntur: atque hæc per *epigenesin*
seri dicimus; sensim nempe, partem post
partem; estque istæ, præ altera, proprie
dicta generatio.

Priori modo fit insectorum generatio,
ubi vermis per *metamorphosin* ex ovo na-
scitur; vel ex materia putrescente (humido
siccescente, vel sicco humefcente) in
primordia procreantur, à quibus (tan-
quam

quam ex cruce ad perfectam magnitudinem aucta, vel ex aurelia) per *metamorphosin* papilio vel musca oritur iusta magnitudine, nec à primo ortu quicquam auctior fit. Perfectiora autem animalia sanguinea, per *epigenesin*, sive partium superadditionem fiunt; ac postquam nata sunt, adolescunt, & ad $\alpha\mu\upsilon\nu$ pertingunt; In illis, casus seu fortuna videtur maxime generationem promovere; in quibus forma oritur ex potentia materiae præexistens, causaque prima generationis est materia potius, quam efficiens externum unde etiam animalia hæc imperfectiora sunt, & genus suum minus servantia, minusve perpetua, quam sanguinea terrestria, vel aquatilia, quæ ab univoco principio (nempe ab eadem specie) æternitatem consequuntur: huiusque rei causam primam naturæ & virtuti vegetativæ assignamus.

Quædam igitur animalia sua sponte nascuntur, ex materia sponte, vel casu concocta; ut *Aristoteles* videtur asserere. Quorum scilicet materia potest à seipsa moveri, eo motu à casu, quo semen movet in generatione contingit, quod in arte: quædam enim ab arte fiunt, atque eadem a casu, ut sanitas: quædam nunquam sine arte; ut domus.

Apes, crabrones, papiliones, & quæcunque ex cruce per *metamorphosin* generantur, casu orta, ideoque genus suum haud ser-

serua
nunc
à me
exiit
generet
idonea
In ger
figlio
nata
forma
genesi
hic, p
forma
stica vi
cat, se
redigat
milare
lati,
dum p
dine p
aer dil
cin; hi
dis mag
orum g
partibus
Liqui
har, pol
nus per
sm; ut
cari, se
gere; e
formati
que alias

servantia dicuntur : leo verò , aut gallus ,
nunquam casu , aut sponte ; sed tanquam
à natura , sive opifice facultate diviniore
existunt ; & potius , quod specie sibi simile
generet , quam quod materiam suppeditet
idoneam , requirunt .

In generatione per *metamorphosin* , quasi
sigillo impresso , vel proplasmate concin-
nata finguntur ; materia scilicet tota trans-
formata . Animal autem , quod per *epi-
genesin* procreatur , materiam simul attra-
hit , parat , concoquit , & eadem utitur :
formatur simul , & augetur . In illis , pla-
stica vis eandem similem materiam se-
cat , sectamque disponit , & in membra
redigit ; facitque ex similari materia , dissi-
milarem ; sive ex subiecta materia simi-
lari , organa dissimilaria . In his verò ,
dum partes alias , aliterque dispositas or-
dine procreat ; aliam quoque , atque ali-
ter dispositam materiam requirit , ac fa-
cit ; his nempe , vel illis partibus genera-
dis magis idoneam . Cujus rei gratia ,
ovum gallinaceum perfectum ex varijs
partibus constitutum credimus .

Liquido itaque ex historia nostra con-
stat , pulli generationem ex ovo , fieri po-
tius per *epigenesin* quam per *metamorpho-
sin* ; neque omnes eius partes simul fabri-
cari , sed successive , atque ordine emer-
gere ; eundemque simul , dum augetur ,
formari ; & augeri , dum formatur ; partem-
que alias alijs prioribus supergenerari , &
di

142 *Quanam sit pulli materia, &c.*

distingui; principiumque, augmentum & perfectionem procedere per modum crescendi, tandemque exoriri fœtum. Facultas enim pulli formatrix, materiam potius sibi acquirit, & parat; quam paratam invenit: videturque pullus haud ab alio fieri, vel augeri, quam à se ipso. Et quemadmodum omnia, ex quo fiunt, ab eodem augentur: ita similiter, à quo pullus conservatur, & augetur ab initio [sive id anima, sive facultas animæ fuerit] ab eodem quoque [ut supra diximus] eum fieri credibile est. Idem enim reperitur tum in ovo, tum in pullo, efficiens, ac conservans; & ex qua materia primam pulli particulam constituit, ex eadem nutrit, auget, & superaddit reliquas omnes. Denique, in generatione per *metamorphosin*, totum in partes distribuitur & discernitur; per *epigenesin* verò, totum ex partibus certo ordine componitur, ac constituitur.

Quare *Fabricius*, materiam pulli, (ceu distinctam ovi partem, ex qua corporetur] perperam quæsit: tanquam pulli generatio per *metamorphosin*, sive materiæ congestæ transfigurationem, fieret; & partes omnes corporis, vel saltem principales, ex eadem materia simul orirentur, & [ut ipse loquitur] corporarentur: non autem per *epigenesin*, in qua ordo observatur secundum partium dignitatem, & usum; ubi primo exiguum quasi jacitur fundamen-

tum,

etiam, quod simul dum augetur, distinguitur quoque, & formatur; partesque deinceps, ordine quasque suo, supergenitas & adnascentes obtinet.

Quemadmodum nempe apex ex glande protuberans, sumpto incremento, in radicem, lignum, medullam, corticem, virgulta, turiones, frondes, flores, ac fructus distinguitur, & formatur, tandemque arbor evadit: ita pariter se habet pulli in ovo procreatio; cicatrix, sive parva macula, futuri ædificij fundamentum, augetur in *oculum*, simulque distinguitur in *colliquamentum* in cujus centro *punctum sanguineum pulsans* enascitur, una cum venarum ramificatione; his mox superoritur *nebula*, ac primum futuri corporis concrementum; quod etiam, pro ut augetur, dividitur sensim & distinguitur in partes, non simul omnes, sed alias post alias natas, & ordine quasque suo emergentes.

Vt concludamus igitur: In eorum animalium generatione, quæ per *epigenesin* procreantur, & partitè formantur [qualiter pullus in ovo] non quærenda est materia alia, ex qua foetus corporetur; & alia, unde primum nutriatur, atque augeatur: nam eadem materia, ex qua fit, nutritur etiam ac augetur; & vice versa, qua nutritur primum & augetur, ex eadem quoque pullus in ovo constituitur. Idemque est potentia animal, quod alibile, & aug-

mentativū [ut post docebimus] differunt
que duntaxat [ut *Arist.* ait] ipso esse; cæ-
tera verò idem sunt. Quatenus enim hoc
aliquid est, & in substantiam convertibi-
le, *nutritium* est; quatenus quantum,
est *augmentativum*: quatenus in substan-
tiæ deperditæ locum substituitur, *nutri-*
mentum appellatur; quatenus non deper-
ditæ additur, *incrementum* dicitur. Idem-
que tum generatione, tum nutritione,
tum augmentatione; pulli materia, ali-
mentum, & incrementum existimandum
est. Generari vero simpliciter dicitur,
cujus nondum est aliquid præexistens;
nutriri autem, & crescere, quod prius ex-
stitit. Fœtus quod primum fit, gigni, aut
nasci; quod substituitur, vel superadditur;
adnasci, aut adgenerari dicitur. In om-
nibus ab eodem in idem, eadem transmu-
tatio, & generatio; secundum patrem qui-
dem, nutritione, & augmento; secundum
totum autem, generatione simplici: alias
idem utrobique contingit. Quippe unde
materia primum existens fit, inde quo-
que nutrimentum illi, atque incremen-
tum accedit.

Quinetiam ex dicendis constabit, om-
nes corporis partes, ab eodem communi
succo alibili, aliter aliterque cambiato,
nutriri. Nam ut plantæ omnes ex eodem
communi nutrimento [sive rore, seu ter-
ræ humore] diversimodè alterato, cocto-
que oriuntur, nutriuntur, atque augentur;

ita

Quanam sit Pulli materia, &c. 245

ita pariter ex iisdem ovi liquoribus [albuminibus nempe, & vitello] totus pullus, singulæque ejus partes procreantur, & crescunt.

Explicabimus etiam, quorum animalium sit per *metamorphosin* generatio: qualisque insectorum, ex verme, vel eruca oriundorum, sit præexistens materia; ex qua per solam transmutationem, omnes partes simul constituantur, corporentur & perfectum demum enascatur animal: tum etiam, quibus animalibus aliquis generationis ordo insit, partesque eorum, aliæ post alias nascantur; qualia sunt, quæ imperfecta primum nascuntur, postea vero adolescunt, & perficiuntur; uti omnia ex ovo prognata. Hæc ut simul fiunt, & augentur; crescunt, & transformantur, ordineq; observato, in partes distinguuntur: ita nulla iis immediata materia præexistens adest, (qualis statui solet femininum maris & foeminae mixtio, vel sanguis menstruus, vel aliqua ovi portiuncula) ex qua foetus corporetur: sed simul ac sic & paratur materia, augetur etiam, & formatur aliquid; quamprimum nutrimentum adest, adest quoque id quod eo alatur. Fitque hujusmodi generatio potius per *epigenesin*, (tanquam ex puero, vir) nempe ex puncto saliente, ceu fundamentum, corporis ædificium; quemadmodum ex carina sit navis: & potius, ut figulus statuam, abique præexistente materia;

L 3 quam

246 *Quanam sit Pulli materia, &c.*

quam ex materia aliqua, ut faber ex ligno scamnum, aut statuarius è marmore statuam efformant. Nam ex qua materia pars prima pulli, sive minima ejus portiuncula oritur; ex eodem quoque totus pullus nascitur: unde prima sanguinis guttula, inde etiam tota ejus massa per generationem in ovo provenit: à quo membra sive organa corporis consistunt & fiunt, ab eodem etiam partes eorum omnes similes, nempe cutis, caro, vena, membrana, nervus, cartilago, & os, originem trahunt. Pars enim, quæ prius erat mollis & carnosæ, postea, dum augetur, ab eodem alimento fit nervus, ligamentum, tendo; quæ membrana erat, fit tunica; & quæ cartilago fuerat, postea spina, vel os evadit: ex eadem nempe materia, simili diverfimodè alterata. Neque enim corpus simile mistum (quod ex elementis constare vulgo creditur) ex elementis seorsum primo existentibus, dein compositis, unitis, & alteratis gignitur; nec compositum, ex componentibus; sed ex hoc misto transmutato, aliud mistum gignitur, & efformatur. Nimirum ex colliquamento, fit sanguis; ex sanguine, corporis moles exsurgit; quæ similis ab initio, & tanquam gluten spermaticum cernitur: inde autem partes per divisionem obscuram delineantur primo, posteaque organa fiunt, & distinguuntur.

Partes, inquam, istæ similes, non fiunt

ab

Quanam sit Pulli materia, &c. 247

ab elementis dissimilaribus, atque heterogeneis, invicem unitis; sed ex simili materia per generationem oriuntur, & discriminantur, dissimilaresque fabricantur. Perinde ac si divini opificis iussu, seu effa-
ro quodam, totus pullus crearetur: scilicet, fiat massa similis alba, ac dividatur in partes, & augeatur; atque interim dum augetur, fiat partium secretio, & delineatio; fiatque hæc pars durior, & simul crassior, atque albidior; illa mollior, & simul coloratior; atque ita factum est. Sic nempe quotidie pulli fabrica in ovo procedit; ex eadem materia, fiunt, nutriuntur, & augentur omnia. E spina primum oriuntur latera, ossaque minutis lineis albidissimis, à carne distinguuntur: in capite tres bullæ visuntur, aqua crystallina plenæ; quæ cerebrum, cerebellum, & oculum alterum offusa nigredine conspicuum referunt: substantia, quæ initio coagulum lacteum apparet, postea sensim cartilaginosa, spinosa, ac demum ossea evadit; qui mucosa primum, & alba erat; tandem in carnem rubicundiores, & parenchyma abit; quæ prius erat limpida, & purissima aqua; mox in cerebrum, cerebellum, & oculos mutatur. Majus enim, & divinius inest in generatione animalium mysteriū, quam simplex congregatio, alteratio, & totius ex partibus compositio: quippe totum, suis partibus prius constituitur, & decernitur; mistum prius, quam elemen-

ta. Verum de hac re plura alibi ubi etiam
causæ eius, & principia assignanda veniunt.

DE CAUSA EFFICIENTE generationis Pulli, & fœtus.

EXERCITATIO XLVI.

HAtenus de materia, ex qua pullus
est, ut de efficiente pulli causa, aliquid cū
Fabricio disquiramus. Quoniam autem
plurimis hæc res difficultatibus obnoxia
est, nec auctores in alia magis acriter &
verbosè disputant; ipseque *Aristoteles* in
eâ explicanda mire intricatus, ac perple-
xus cernitur; plurima etiam dubia, nec
spernenda, sese offerunt; operæ pretium
me facturum arbitror, si (quod in mate-
riæ disquisitione à nobis factum est) pri-
mo loco statuam, quòd modis aliquod ef-
ficiens, vel effectivum dicatur; ut inde
certius & distincte magis constet, rû quid
efficientis nomine querendum sit; cum
etiam quid de auctorum circa hanc rem
sententiis statuendum veniat; simulque
Me- ex nostris observationibus appareat, quid
taph. vere ac propriè efficiens dicendum sit.
1.5.c. *Aristoteles* efficientem causam definit,
2. & Vnde principium mutationis primum, aut
Phys. quietis: ut consultor; pater; & simpliciter,
1.2.c. faciens, eius, quod factum est, transmuta-
28 tivum,

rium, transmutati. Quare in generatione animalium, multa & varia causarum genera afferuntur, unde motus: aliquando accidens, siue qualitas assignatur; atque ita calor animalis, & formatrix facultas, efficiens dicuntur. Aliquando substantia externa prius existens, cui vis plastica seu formatrix facultas inest; ut pater, vel ejus semen, cujus efficacia pullus ex ovo procreatur. Aliquando interna quædam substantia per se existens; ut spiritus, siue calidum innatum. Aliquando substantia quædam alia, ut forma, vel natura, vel anima, vel pars quædam animæ vegetativa, pro efficiente habetur: quale principium ovo inesse, jamdudum diximus.

Præterea, quoniam aliud alio prius, & remotius, unde motus; aliquando media inter primum efficiens, & ultimo factum; & instrumenta, tanquam efficientia æstimantur: subordinati quoque fines, seu subsequentiæ principia, inter causas efficientes recensentur; ac proinde ipsæ partes quædam, genitales dicuntur; veluti cor, unde reliquas partes ortum ducere *Aristoteles* affirmat, & ex historia nostra liquet. Cor inquam, aut saltem ejus primordium, vesicula nempe & punctum saliens, reliquum corpus, tanquam futurum sibi domicilium, fabricat; jamque constructum ingreditur, in eo se recondit, vivificat illud, & gubernat, superpositusq;

costis ac sterno, ceu munimento, circum-
valler: estque veluti *lar quidam familia-
ris*, prima animæ sedes, calidi innati
primum receptaculum, focus animalis
perennis; facultatum omnium fons & ori-
go, unicumque in adversis solarium.

Porro, quoniam *efficientis* in relatione ad
effectum dicitur; cum per *epigenesin* partes
aliæ aliis ordine posteriores sint, & à prio-
ribus diversæ; ut effecta, ita & efficientia
quoque variari, verisimile est; quæ diversa
opera producant, à quibus motus etiam
diversi proveniant. Ita Medici, in physio-
logicis, quædam organa chylicationis,
alia sanguificationis, generationis alia
astruunt: & Anatomici quidam, ossifi-
cam, carnicam, nervificam facultates
nominant; quas ossa, carnem, & nervos
efficere statuunt.

In pulli autem generatione, ex pluribus
actionibus non parum inter se differenti-
bus, causas quoque efficientes discrepare
certum est: quæ licet per accidens effi-
cienter generationis videantur, necessario
tamen requiruntur; cum, nisi sociata eo-
rum opera, nihil efficiatur. Nempe, dum
externa impedimenta prohibent, vel con-
ceptum fovent, aut excitant, & de po-
tentia in actum deducunt, efficientia
merito censentur. Atque hoc nomine
ovorum incubatio, aeris locique tepor,
verna tempestas, solisque per Zodiacum
accessus, & similiter causæ præparantes,
quæ

quæ faciunt ut vitellus ascendat, macula dilaretur, humoresque in ovo colliquantur, pro efficientibus habeantur.

Deinde causis efficientibus annumerandæ sunt generativæ & architectonicæ potentia partes à *Fabricio* recensitæ, nimirum facultas immutatrix, concoctrix, formatrix & auctrix; accidentium quoque quorundam effectrices causæ; nempe, unde pullus fit mas, aut foemina; patris, aut matris similitudine; idque ad prioris, aut posterioris maris coeuntis formam; unde etiam proles fit animal; atque integrum, non mutilum; robustum, & sanum, non morbosum; longioris quoque ævi; speciemque retinens, aut degenerans; monstrum, aut misti generis evadit.

Denique, cum circa efficientem fœtus causam versantes, animo perpendimus insignem ejus fabricam, atque omnium partium, membrorumque actiones, functiones, usus, & utilitates; quantaque providentia, arte, & intellectu; quam divino numine afflata omnia concinnentur, affabreque componantur in usum vitæ; non solum, quis sit efficiens, architectus, & consultor, ambigere non licet; verum etiam omnipotentiam adeò tanti operis (quod *microcosmi* titulo insigniri meretur) fabricatorem, & præservatorem jure suspicimus, & veneramur. Quærimus etiam, unde veniat, & quando; at-

que ubi subsistat in ovo diuinum illud;
 a Me elemento stellarum analogon, arti & in-
 tap. 1. intellectui proportionem respondens, Creato-
 2. & ris omnipotentis vicarium?

4. 1. Ex dictis igitur apparet, quàm sit ar-
 b Me diuum, causas omnes pulli efficientes enu-
 taph. merare; & necesse esse, pleniorum huius
 7. 10 rei disquisitionem ad universalem truci-
 c De nam referri; neque enim posse ex pulli so-
 par. lius generatione (sine clariore luce per ex-
 an. 1. 1 perientia ab aliis animalibus allata) com-
 d De modè pleneque ea tractari, quæ genera-
 ge. an. tum omnibus conveniunt. Eoque magis,
 1. 20. quod ipsemet Aristoteles principia anima-
 e ib. l. lium efficientia tam varia recensuerit: ab
 2. c. 3. eo enim aliquando a mas statuitur causa
 f Lib. efficiens principalis, utpote in quo ratio
 5. c. 3. facti pulli sit; secundum illud, b fieri
 g lib. omnia ab eodem univoco: interdum, c
 4. c. 2. maris semen; aut d natura maris semen
 h ib. l. emittentis: nonnunquam, e id quod in
 4. c. 4. semine inest, quod facit ut secunda sint
 i De semina, spiritus nempe, & natura in eo
 par. spiritu proportionem respondens elemento stel-
 an. 2. larum: alibi f calor; g moderatus
 2. calor; h certus & proportionatus caloris
 k Degradus; i calor in sanguine; alicubi ca-
 ge. an. lor aeris ambientis; item k venti; sol;
 4. 2. cælum; Iupiter anima; & universum;
 De Natura principium motus & quietis, ab eo
 ge. & dicitur. Eademque licentia, Stoicorum
 cor. l. aliquis, qui animam esse ignem arbitratur,
 2. c. hunc causam efficientem statuat; quod
 30 ignis

ignis seipsum nutriat, augeat, propriaque potestate quodammodo vivere videatur: non ille quidem noster culinaris, destructivus; sed naturalis, cœlestis, vegetativus, generativus, & salutaris; quem, *Jovis* nomine, Ethnici colebantur, rerumque, hominumque Patrem nuncupabant; non, inquam, claudus eius frater *Vulcanus* (cujus tamen opera ac beneficio quotidie multifariam magno nostro commodo utimur) sed spiritus animalis, divinus, animalumque opifex.

Idcirco *Aristoteles* quæstionem hanc de causa efficiente, valde dubiam esse, ait; tantum scilicet sit extrinsecum quid, an in genitura aut semine insitum: & num sit pars aliqua anima, aut anima, aut habens animam?

Quare ut in hac efficientis pulli disquisitione, à multiplicium causarum Labyrintho tutò nos expediamus; opus est Ariadnæo filo, ex omnium ferè animalium observationibus ritè contexto: ac propterea res hæc ad universalem magis indaginem differenda est. Interea temporis, quæ circa privatam pulli ex ovo generationem, vel manifestè apparent, vel a communi scientia aliena sunt, vel ulteriorem inquisitionem postulant, recensebimus.

EFFICIENS CAUSSA PULLI,
quomodo operetur, secundum
Aristotelis.

EXERCITATIO XLVII.

M Arem esse causam efficientem primariam in generatione, omnes consentunt; utpote in quo species, sive forma resideat: asseruntque porro generationem ejus coitu emissam facere, ut ovum sit. & fiat secundum. Quomodo autem galli semen pullum ex ovo producat. Philosophi atque Medici omnes olim hodieque haud satis explicarunt: nec questionem ab *Aristotele* propositum solverunt.

De Imò nec ipse quidem *Aristoteles*, ubi ait;
 gen. marem non conferre ad quantitatem, sed
 an. l. ad qualitatem; esseque principium motus;
 c. 20 feminam vero materiam prestare. Pauloque post: Non omnis mas semen emittit,
 & qui emittunt, nulla pars satis hoc est:
 sicut nec à fabro quicquam secedit ad lignorum materiam; neque pars ulla artis fabrilis in eo, quod efficiunt est; sed forma
 & species ab illo per motum in materia existit. Atque anima, in qua forma & scientia est, movet manus, aut aliud membrum, motu certe qualitatis; vel diverso, à quibus efficitur diversum; vel eodem, à quibus idem, Manus autem, in

stru-

Instrumentaque materiam movet. Ità natura etiam maris semen emittentis, utitur eo semine, quasi instrumento, & actu habente motum: ut in operibus artium instrumenta moventur, in illis enim quodammodo motio artis est.

Quibus videtur innuere, generationem fieri motu certæ qualitatis. Quemadmodum in arte, licet prima causa (nempe ratio operis) sit in anima artificis; postea tamen opus efficitur motu manuum, vel aliorum instrumentorum; & licet prima causa remota sit, (ut in automatis) quodammodo tamen movere dicitur quod jam non tangit, sed olim tetigit, dummodo motus in instrumentis perseveret.

Idem libro sequenti sic ait: Semen maris cum accessit in foemina uterum, partem Lib 2
purissimam excrementi (nempe menstrui 4.
sanguinis in utero existentis) constituit, & cogulat, materiamque in utero paratam tali motu transmutat, donec pulli aliquid fiat: quod postea, licet semen per actum motu evanescat, pars quædam existit fœtus, eademque animata, (quale cor) qua se ipsam jam auget, & gubernat, perinde ac filius à patre emancipatus, seorsumque collocatus. Itaque principium haberi oportet, à quo postea ordo membrorum describatur, & quæcunque ad absolvendum animal pertinent, disponantur; & ex quo incrementum, & motus cæteris partibus contingat; omniumque similarium ac dissimilarium partium prim.

principium, & ultimi earum alimenti autor sit. Quod enim jam animal est, augetur: alimentum autem ultimum animalis, sanguis est, aut quod sanguini portione respondet; cuius vasa & conceptacula vena sunt. Quamobrem venarum quoque principium Cor est. Vena autem, quasi radices, pertingunt ad uterum, per quas alimentum haurit fœtus. Cor etiam totius naturæ principium, & finis continens, primum fieri debet, tanquam pars sua naturæ genitalis; quæ prior sit oportet, quasi principium relinquarum, totiusque animalis, & sensus: cuius calore (quia partes omnes potentia in materia insunt) cum principium motionis affuit, perinde ut in spontanis illis miraculis, quæ subinde sequitur, excitatur; & partes moventur, non mutantes locum, sed alterascentes molliæ, duritiæ, calore, & reliquis partium similiarum differentiis, facta jam actu, quæ autem erant potentia.

Hæc eundem fere verbis Aristotelis sententia est, quæ fœtum ex semine per motum constitui censet; licet jam non maneat tangens, sed antea solum tetigerit. Subtilis profectò & accurate contexta opinio; atque ex ijs, quæ in ordine generationis partium conspiciuntur, non improbabilis. Cor enim, cum venarum ductu, primò cernitur; tanquam principium animatum, in quo & motus, & sensus; & tanquam filius emancipatus, partique

parsque genitalis, unde membrorum ordo describitur, &, quæcunque ad absolvendam animal pertinent, disponuntur; & cui reliqua conveniunt ab *Aristotele* attributa.

At verò cor in ovo a semine maris fieri impossibile videtur; cum nec semen illud in ovo insit, nec ovum tangat, aut unquam tetigerit; quia neque uterum, ingreditur, (in quo ovum fit) ut *Fabricius* facetur, nec ab eo ullo modo attrahitur; imo nec maternus quidem sanguis in ovo est, aut materia aliqua præparata, unde semen maris primam hanc partem generalem, cæterarum autorem, efficiat. Neque etiam prorinus à coitu, (dum semen adhuc intus manet, & tangens est) quicquam pulli in ovo existit, sed post multos dæmum dies, cum incubatur. Quinetiam in piscibus, ubi maris generatura ova solum foris tangit, ea verò non ingreditur, haud probabile est quicquam amplius ab illa præstari, (cum externum sit agens) quam fit à semine galli in gallinarum ovis jam efformatis.

Præterea, cum statim à coitu nullum adhuc ovi vestigium extet, sed postea à gallina per se generetur, idque prolificum, postquam jam semen galli abiit, atque evanuit; verisimile non est, foetum ab eo semine in illo ovo, per motum, aut motus successivos, fieri.

Neque sanè ova prolifica ab improli-

cis

258 *Efficiens causa Pulli, &c.*

cis & subventaneis differunt, quod illa maris semen contineant, ut voluit *Al-drovandus*; nec quicquam a semine maris factum, & coagulatum in ovo cernitur; vel ullo modo sensibilibiter transmutatum reperitur: (quippe ovum secundum à subventaneo nulla sensibili differentia discriminatur) & tamen ovum prolificum, quod diu post coitum concipitur, habet in se utriusque sexus virtutem, atque ipsum posse fieri, & posse facere pullum; tanquam ex ambobus coeuntibus, & in unum conspirantibus, originem traxisset, ut *Aristoteles* voluit; De eaque necessitate coactus, ut supra de gen. generatione ovi diximus) animam in ovo an. 1. constituit. Quæ si insit, proculdubio eo- 2.c.18 rum omnium, quæ naturaliter in ovo reperiuntur, principium & efficiens erit. Certum enim est, quicquid demum fuerit, quod pullum ex ovo procreat, (in cuius fabrica, tanta arte, tam divino intellectu, ac providentia opus est; nempe dum oculos, visioni; rostrum, sumendo cibo; pedes, ambulationi; alas, volatui; & reliqua similiter in finem aliquem instituit) esse id, vel animam, vel partem animæ, vel quid habens animam, vel aliquid prius & præstantius anima, cum intellectu & providentia operans.

Ex generatione quoque pulli manifestum est, quodcunque illi fuerit principium vitæ, seu prima causa vegetativa; hanc

hanc ipsam prius in corde fuisse. Quare si ea sit anima pulli, ipsam prius in puncto saliente, & sanguine fuisse pariter constat; utpote in quo motum, sensumque deprehendimus: movetur enim, & salit, ut animal. Quod si in puncto saliente existat anima, quæ reliquum corporis (ut in *historia* docuimus) sibi fabricet, nutriat, & augeat; è corde certe, seu fonte, in universum corpus promanar. De 3

Similiter, si ovum ideo prolificum est, ^{gen.} quia ei anima inest, sive (ut *Aristot.* vo an. 1. luit) pars animæ vegetativæ; clarè constat, 2.c.4. punctum saliens, partemve genitalem animatam, ab ovi anima proficisci; (nihil enim sui ipsius autor est) animamque ab ovo, in punctum saliens; mox, in cor; & deinde, in pullum traductam esse.

Adhæc, si ovum vim prolificam, animamque vegetativam habeat, quibus pullum extruat; eademque (ut manifestum est, & omnes fatentur) galli semini acceptas referat; certum est, semen hoc etiam animatum esse: ita nempe *Aristoteles*: *Habeatne semen animam, necno; Ib. l. 2. ratio eadem atque de partibus reddenda est. c. 3.* Nec enim anima ulla esse potest, nisi in eo cuius est; neque pars ulla esse potest, quæ particeps anima non sit; nisi aquivoce, ut mortui oculus. Semen igitur & habere animam, & esse potentia palam est.

Sequitur igitur ex præmissis, marem esse efficientem primarium in quo ratio, & for-

forma; qui semen, sive genituram potius prolificam gignit, eamque vegetativa anima imbutam (qua & reliquæ eius partes præditæ sunt) sceminae immittit. Genitura hæc intromissa, materiam in gallina moret, ut ovum fiat animatum; inde etiam prima pulli particula animatur, & deinceps totus pullus. Adeoque, ad mentem *Aristotelis*, de gallo, in genituram ejus, de genitura, in sceminae materiam; deinde in ovum; de ovo, in pullum, vel anima eadem traducitur per *metempsychosin* quandam; vel à priore, in subsequentibus suscitatur: nempe à matre, in semine proprio; à semine, in ovo; ab ovo demum, in pullo; tanquam lumen de lumine.

Efficiens itaque quod in ovo quaeritur, unde pullus nascatur, est anima; ideoque anima ovi: nam, secundum *Aristotelem*, anima non est, nisi in eo cujus est.

At enim manifestum est, semen maris non esse pulli efficiens, neque ut instrumentum, cujus motu pullus formetur, (ut *Arist.* voluit;) neque ut animatum, ut illius sit anima. Nam in ovo nullum semen inest, aut tangens ovum, aut quod illud unquam tetigerit; (*sieri autem non potest, ut moveat, quod non tangit; aut quicquam ab eo, quod non moveat, afficiatur*) nec anima feminis igitur dici debet ei inesse. Et ut anima in ovo efficiens sit, non videtur tamen à gallo, aut ejus semi-

ne magis provenire, quàm à gallina.

Nec sanè à gallo, & illius semine, traducitur per *metempsychosin*, sive translationem quandam animæ in ovum, indeque in pullum. Quomodo enim in ova futura, & post coitum incipienda? Nisi vel semen animatum alicubi in gallina, interea permanserit; vel anima sola, absque semine traducta fuerit, ut ovo postmodum nascituro indatur. Vtrumque autem falsum. Quippe semen nullibi in gallina reperitur: nec possibile est, ut gallina, post coitum, duplici anima prædita sit; sua nempe, & futurorum ovorum, ac pullorum; siquidem *anima nullibi esse dicitur, nisi in eo, cuius est*: multò minus eadem, pluresve animæ in gallina latere possunt, ut futuris postea ovis, pullisque ordine subsequentibus inser-viant.

Hæc quidem ex *Aristotele* attullimus, ut inde innotesceret, quomodo, secundum ejus sententiam, galli semen ex ovo pullum efficiat, arduæque huic contemplationi lux saltem aliqua affulgeret. Ea verò cum rei hujus modum non explicent; nec dubia ab ipsomet proposita solvant; patet, nos in eodem luto hæ-re, in idemque difficultatibus (circa causam efficientem fœtus, in generatione animalium) irretiri: imò verò tantum abest, ut disquisitio hæc ex iis (quæ ab *Aristotele* proferuntur) reddatur perspicua,

sua, ut pluribus inde potius & maioribus
 dubiis involvatur. Quare mirum non
 est, præstantissimum Philosophum, hac
 de re ambegisse, tamque varias genera-
 tionis animalium efficientes causas in-
 troduxisse; ac modò ad e xempla auto-
 matum, coaguli, artis, instrumentorum,
 & motus, subterfugisse; modò, ad animam
 in ovo, & in semine maris (quo rem illu-
 straret) divertisse. Imò verò, ubi certò
 statuere, & determinare videtur, quid sit
 in quolibet semine (sive plantarum, sive
 animalium) quod ipsum fœcundum red-
 dat; calorem, & ignem, tanquam opi-
 fices inidoneos, repudiat; nec facultatem
 aliquam consimilem agnoscit; nec quic-
 quam in semine reperit, quod ei muneri
 conveniat; sed incorporeum quid, & ex-
 trinsecus adveniens admittere cogitur:
 quod (ut ars, vel mens) cum intellectu,
 & providentia fœtum formet, omniaque
 illic in finem, & ad melius esse instituat,
 atque ordinet. Confugit, inquam, ad ob-
 scurum, nobisque incognitum; nempe,
 ad spiritum in semine & spumoso corpore
 contentum; atque ad naturam in eo spiritu
 proportionem respondentem elemento stella-
 tum. Illud autem quid sit, nuspiam nos
 docuit.

SENTENTIA FABRICII, DE
caussa Pulli efficiente, refellitur.

EXERCITATIO XLVIII.

Quoniam duces mihi, præ cæteris ;
proposui *Aristotelem*, inter Anti-
quos Philosophorum præstantissimum ; &
Hieronymum Fabricium ab Aquapendente,
inter Neotericos Anatomicum exi-
mium ; a quibus potissimum de genera-
tione animalium lucem mutuarer : cum-
que ab *Aristotele* eam mihi prælatam non
videam ; *Fabricium* adire statuit, ut quid
ille de caussa efficiente sentiat, intelligam.

Is autem tribus circa eam rem dubiis
conatur satisfacere. Nempe 1. Quid sit
pulli efficiens ? Idque ait, esse semen
maris. 2. Quomodo, hoc ita esset, appa-
reat in ovo ; & quo pacto semen galli
ovum fecundet ? ultimo, quonam ordine
pulli partes procreentur ?

Primum quod attinet ; ex observationi-
bus nostris constat, gallum, ejusque semen,
esse quidem generationis causam effi-
cientem, non autem adequatam ; sed gal-
linam quoque in hunc censum venire ;
Hoc itaque loco id præcipuè inquiren-
dum, quomodo nempe galli semen
ovum, alias subventaneum & improli-
ficum, fecundet, & ex eo pullum
procreet ?

Vs-

Pag.
38

Verum audiamus Fabricium. Disserrunt; inquit, qua ex ovo, ab iis qua ex semine sunt; ex eo, quod ovipara materiam, ex qua corporatur pullus, distinctam & separata[m] habent ab agente; vivipara autem simul & causam efficientem & materialem habent adjunctam, & concorporatam. Agens enim in oviparis, semen galli est in perinato, quod in ovo neque est, neque esse potest: materia vero est chalaza, ex qua corporatur fœtus. Ambo hac invicem distant per multum spatium: nam chalaza vitello jam formato, & in secundum uterum cadenti accedit, & ovo interina adiungitur; contra, galli semen prope podicem consistit, & per longissimum spatium a chalaza distat, sua tamen facultate irradiane, & uterum, & totum ovum fecundat; At semen in viviparo, & materia est, & agens, & in uno corpore utrumque simul consistit.

Differentiam hanc inter ovipara, & vivipara, videtur introduxisse; ut Medicorum, de generatione hominis, tueretur sententiam; vel saltem eandem ne labefactaret; qua existimant, utriusque sexus semina, simul in coitu projecta misceri; & prout alterum alteri præpolluerit, fieri, ut hoc efficiens sit, illud autem materiæ vicem suppleat; ex iisdemque in unum conspirantibus, conceptum in viviparis constari.

Verum, cum in ovo observet, nihil seminis,

minis
conu
cre
lia
nem sub
perat,
dubitate
(quod
genit
que ta
fecu
differ
minu
fica rec
tur, ex
accepto
feu ab
nempe
pullo
Hui
diffe
ria sua
adit
in ovo
nec mate
viviparis
num in
ad sem
fortuam
in quod
quo (t
tur; i
ur, De

minis, aut sanguinis, in uterum gallinæ à coitu attrahi, ibidemve contineri; nec credat, fieri posse ut quicquam à mare, dum coit, emittatur, quod uteri cavitatem subeat; neque quicquam in ovo reperiat, quod semini maris adjungatur: dubitare coactus est; quomodo semen (quod nusquam adest, nec miscetur cum genitura sceminæ, neque adjungitur, neque tangit) pullum constituat, aut ovum fecundet? Præsertim postquam tradidisset, à præmissis aliquot coitionibus, omnia ova eodem anno nascitura, prolifica reddi. Quid enim impossibile videatur, ex galli semine, verno tempore accepto (iam autem absente, deperdito, seu absumpto) ova post genita, (æstate nempe, vel autumnio) fecunda fieri, & pullos excludere?

Huic tantæ difficultati ut obviam iret, differentiam prædictam cudit; & sententiæ suæ confirmandæ gratia, tria porro adstruit. Primò, licet semen galli, nec in ovo sit, nec unquam in utero fuerit, nec materiali causæ adjungatur, (ut in viviparis;) idem tamen in gallina per annum integrum permanere voluit. Deinde, ad seminis huius conservationem, cæcum formam invenit, prope uteri ingressum, in quod gallus semen suum deponat, & in quo (tanquam in bursa) idem reservetur; ut inde ova omnia futura fecundentur. Denique, quanquam semen in

M bursa

bursa illa, nec uterum, nec ovum, nec ovarium tangit, ut illo pacto vel ovum fecunder, vel pullum indè efficiat; ait tamen, illud spiritali substantia & irradiatione quadam, in ovum usque penetrare, eiusque chalazas fecundare, atque inde pullum effingere. Qua nihilominus affirmatione videtur *Aristotelis* sententiam (sceminum scilicet materiam generationi conferre, marem autem vim efficiendi) asserere; contra Medicorum placitum de seminum mistura; cuius tamen rei causa, visus est dictum jam discrimen, inter ovipara & vivipara, posuisse. Et quo verisimilior hæc eius sententia videatur, quas in animalibus mutationes, semen nondum emissum, sed in testibus, & vesiculis seminariis reservatum, præster, commemorat.

Sed, præterquam quod hæc minus faciant ad propositum, neque enim præcipuè queritur, quomodo semen galli ovum fecundum reddat; sed potius, quomodo idem ex ovo pullum effingat, & fabricet? videntur ferè omnia, quæ in sententiæ suæ tutelam attulit, falsa, aut suspecta; uti ex observationibus in *historia* relatis, constat. Nam neque cæca illa cavitas in radice uropygii, (quam *bursam* vocat) galli semini reservando destinatur; nec semen unquam [ut diximus in illa] reperitur; sed vacua in gallo pariter, & gallina cernitur.

Quid autem per spiritalem substantiam,
& ir-

& irradiationem, velit, non explicuit: nec magis, quamnam substantiam intelligat, quam ovum virtute sui vivificare affirmat: utrum scilicet substantiam corpoream, an formalem, quæ à seminis (in bursa nidulantis) irradiatione proveniat, & (quod potissimum requiritur) ex ovo pullum fabricet.

Denique, nihilo plus agit, mea quidem sententia, quam diceret; *Facit pullum, quia irradiat ovum; & format, quia vivificat*: atque omnino obscurum formationis modum, per obscuriorem declarare satagit. Quippe idem dubium manet integrum: quomodo nempe galli semen, non tangens, & externum efficiens, locoque se junctum, in bursa exstans, interiora fœtus in ovo (nimirum cor, jecur, pulmones, intestina &c.) ex chalazis per irradiationem efficiat? Nisi effato quodam, sedens in solio, creatoris instar, solo hoc verbo, *fiant*: (nempe ossa, ad sustentaculum; muscoli, ad motum; organa, ad sensum; membra, ad actionem; viscera, ad concoctionem; & simil.) radiis suis omnia in finem aliquem, cum providentia, intellectu, & arte instituere, atque ordinare velit. Neque enim Fabricius modum exponit; aut semen tantæ virtutis esse demonstrat, ut (etiam non tangens) possit hæc omnia præstare; præsertim, dum ovum ab alterius avis incubatu, aut alio aliquo fomento (ut diximus) in fimo, storea, aut fur-

no, longissimè à fœtantis gallinæ bursa dis-
 sisto, excitatur, fœtumque producit.

Remanet itaque eadem difficultas, quo-
 modo scil. semen galli sit pulli efficiens?
 nec tollitur, ab irradiatione spiritalis sub-
 stantiæ. Nam quamvis concederemus, se-
 men in bursa servari, idque ex chalazis
 per *metamorphosin*, & irradiationem, pul-
 lum corporare: non minus tamen aqua
 nobis hæreret, quomodo nempe interio-
 ra omnia pulli effingantur. Verùm hæc à
 nobis iampridem refutata sunt.

Quapropter, cum pulli efficientem
 causam investigamus, oportet eam in
 ovo, non autem in bursa latitantem qua-
 rere; talemque, quæ, licet ovum requie-
 tum foris à gallina per aliquot forsan mil-
 liaria ab sit, & sub aliena gallina (utpote
Indica, aut *Africana*) incubandum repo-
 natur; vel (ut in *Ægypto*) subter pulve-
 rem, sumumve calentem, aut in furno, ad
 eam rem idoneo, foveatur; semper tamen
 pullum efformet, eiusdem speciei cum
 generante, & patri simillimum; aut, (si
 alterius generis gallus fuerit) prolem mi-
 sta speciei, & similitudinis procreet.

Superest igitur adhuc nodus expedi-
 dus, quem neque *Aristoteles*, nec *Fabri-
 cius* solverunt: nempe, quomodo semen
 maris, sive galli, ex ovo pullum faciat, si-
 ve pulli efficiens dicendum sit; præsertim,
 cum nec præsens, nec tangens, nec adiuu-
 ans ovo sit? Et licet omnes ferè asserant,

ma-

matem
 efficiens
 nus
 de p

CAVSS

EX

D
 magis,
 buantur
 malum
 multaque
 rovetia
 smelicos
 hac re
 tum effi-
 sciendi
 Neque
 malis
 egnus
 aut præsen-

in
 à mare &
 proinde
 II, & ex o
 gallus, au-
 dus, nec
 que *Aristo-*

marem, eiusque semen, causam foetus efficientem esse; à nemine tamen hactenus, quomodo id fiat, satis explicatum est: praesertim in ovo nostro gallinaceo.

CAVSSA PVLLI EFFICIENS, inquisitu ardua.

EXERCITATIO XLIX.

Difficilis est admodum (ut diximus) causae efficientis disquisitio; eoq; magis, quod tam varia illi nomina attribuantur. Vnde *Aristoteles*, causas animalium efficientes complures recensuit; multaeque ortae sunt apud Aurores controversiae: praecipue inter *Medicos* & *Aristotelicos*, reperti sunt, qui animosè super hac re digladiantur; variisque sententiis, tum efficientem causam, tum modum efficiendi exponere satagant.

Neque sanè uspiam alibi, quàm in animalis fabrica, omnipotens Creator in operibus suis aut manifestius conspicitur, aut praesentius eius numen adest. Et quavis notum sit, omnesque fateantur, prole à mare & foemina ortum suum ducere, & proinde ovum à gallo & gallina procreari, & ex ovo pullum: Modum tamen, quo gallus, aut eius semen, ex ovo pullum educat; nec *Medicorum* schola nos docuit, neque *Aristotelis* sagax ingenium aperuit.

Nam ex iis (quæ de oviparorum aliorum-
que animalium generatione diximus) sa-
tis constat; nec sententiam *Medicorum*,
generationem ex seminum utriusque se-
xus mixtione deducentium; neque *Ari-
stotelis*, semen maris pro efficiente, & san-
guinem menstruum pro causa materiali
habentis, amplectendam esse; quia neque
in coitu, nec protinus à coitu, aliquid de
fœmina in uteri cavitatem delabitur; ex
quo, ceu materia, subitò aliquid fœtus
constituatur: neque etiam genitura, à ma-
re in coitu proveniens, (sive ea animata
sit, sive instrumentum inanimatum) ute-
rum ingreditur, aut in eum attrahitur,
vel uspiam intra fœminam reservatur;
sed vel evanescit, vel elabitur; nec quip-
piam, statim post coitum, in utero repe-
ritur; quod aut à mare, aut à fœmina, vel
ab utroque proficiscens, futuri fœtus ma-
teria, aut principium existimari possit.
Neque galli semen, in bursa *Fabricii*, ali-
bivi in gallina superstes est; ut inde, vel
spiritalis substantiæ irradiatione, vel con-
tactu ovum fiat, aut ex ovo pullus consti-
tuatur. Nec gallina ullum aliud semen
confert, præter papulas, vitellum, & ovum.
Quare difficilior multo, ab his nostri ob-
servationibus, redditur generationis con-
templatio; quandoquidem suppositiones
omnes, quibus utraque opinio innitur, ab
iisdem funditus everruntur. Maximè ve-
rò, ubi postea demonstraverimus, cuncta
pari-

pariter animalia ex ovo procreari; & in coitu (sive viviparorum quadrupedum, sive hominis) nihil spermatis, aut sanguinis, à mare aut foemina proveniens, in uteri cavum intromitti, aut ab eo attrahi: nec quicquam vel ante coitum, vel in ipso coitu, aut statim post coitum, in utero reperiri; quod futuri foetus materia, aut efficiens, aut principium haberi possit.

Nuper *Daniel Sennertus*, vir doctus, & diligens naturæ indagator, p̄s̄tatis prius multorum rationibus, rem tandem determinare aggressus est; nempe, *animam* esse in semine, eandemque prorsus cum ea, quæ futuræ proli inest. Adeo, ut animam hominis rationalem in semine eius præsentem esse, non vereatur asserere: ac propterea ovum habere animam pulli; animamque cum semine in uterum foeminae transvehi; atque ex isto utriusque semine (ut flamma flammæ) coniuncto (non misto; mixto enim, inquit, est rerū diversarum specierum) animaque prædicto, perfectum animal emergere. Ideoque, ait, semen ex utroque parente requiritur, tum ad foetum, tum etiam ad ovum constituendum. Et hoc pacto (velut superatis omnibus difficultatibus) putat se certam, perspicuamque veritatem tradidisse.

Verum, ut concedamus, in ovo inesse animam; eamque ex parentum animis unitam; & a parentibus interdum diversorum generum proficisci; velut ab equa

272 *Causa Pulli efficiens, &c.*

& alino, à gallina & phasianio; nec tamen
mistam esse, sed unitam duxerat; fieri-
que pullum (ad exemplum seminum,
plantarum) ab eadem efficiente anima; à
qua postea per totam vitam conservatur:
adde, ut absurdum sit dicere, foetum ab
alia anima extra uterum, siue ovum; at-
que ab alia intra uterum, aut ovum, auge-
ri: Hæc, inquam, omnia ut conceda-
mus (licet inualida sint, & subleste fidei)
totius tamen doctrinæ ejus fundamen-
tum (cui innititur) historia nostra de
generatione ex ovo, penitus subvertit, &
falsi redarguit. Nimirum, ovum fieri, ex
semine galli, & gallinæ: aut, semen ab
utrisque intra uterum transmitti: aut, ex
semine in uterum admissio, vel immisso,
foetum, eiusve partem aliquam constitui:
vel semen galli (ceu causam efficientem,
& opificem) uspiam in gallina reservari,
quod materiam [ut putat] & nutrimentum
ab ea in uterum trahat, unde foetus, quem
fecerit, augeatur. Deerunt quippe con-
ditiones, quas ipse secundum *Aristotelis*
sententiam, putat necessarias: scilicet ut
foetus fiat ab eo, quod actus est, & præxi-
stit; pullusque ab eo, quod præsens est,
& ibi loci existens, ubi pullus primum fit,
& augeatur: præterea, ut ab eo fiat, quod
immediatè & conjunctim operatur; idem-
que sit, quo pullus per totam vitam con-
servatur, & crescit. Quippe semen galli
[siue animatum, siue inanimatum fuerit,]
nihil

nihil retert [non est omnino in ovo , neque in utero , præsens & conjunctum ; neque in materia , ex qua fit pullus ; ut neque in ipso pullo inchoato , ut cum vel efficiat ; vel perficiat .

Hallucinatur etiam , cum , ab exemplo seminum plantarum & glandium , sententiam suam de semine animato illustratum it : quia differentiam ab *Aristotele* allatam , inter genituram in coitu provenientem , & conceptum primum ex utrisque factum , non agnovit , neque ovum , prius (circa ullam genituram à mare aut scemina in uterum translata) in vitellarii racemo conceptum observavit . Neque intellexit , uterum esse , aliquandiu etiam post coitum , ab omni materia vacuum ; sive ea à parentibus transmissa , sive à coitu facta , sive aliquo modo transmutata credatur . Nec denique legit , aut saltem animadvertit experimentum *Fabricii* ; nempe , ab aliquot galli coitionibus , gallinam fœcundari adeo , ut deinde per annum integrum omnia ova prolificagignat : licet interea temporis , galli semen singulis ovis fœcundandis non acceperit ; neque acceptum olim , tandiu retinuerit .

Id quidem , nemine refragante , certum est ; animallia , quæcunq ; à mare & scemina oriuntur , utrusque sexus coitu generari ; adeoq ; velut per *contagium* ali-quod præcreari . Quemadmodum Medici observant , morbos contagiosos (utpote

lepram, luem veneram, pestem, phthisin) serpere in stragani mortalium, affectusq; sibi similes in alienis corporibus, solo extrinseco contactu, excitare: imò vero interdum solo afflatu, & per *mixtura*; idque eminus, & per medium inanimatum, nihilque sensibiliter alteratum. Mirum, quod primum tetigit, generat sibi simile univocum, non tangens, neque actu existens, nec præsens, aut conjunctum; sed duntaxat quia olim tetigit. Tantæ virtutis atque efficacæ contagium reperitur. Idemque forsitan in generatione animalium contingit. Ova enim piscium, quæ foris incrementum sua sponte, absque ullo maris semine, acquirunt, (ideoque procul omni dubio sine illo vivunt) lacte maris prolifico aspersa, & forinsecus solum recta, pisciculos generant. Non interomittitur, inquam, maris semen, quod in singulis ovis, opificis munus præstet, aut corpora fabricet, aut animam inferat; sed *contagio* duntaxat quodam fecundantur. Unde *Aristoteles*, lac maris, semenve genitale in aquam effusum, modò liquorem genitalem, & fecundantem vocat; modò, virus vitale. Ait enim: *Piscis maris, semen*

Hist. ovis aspergit genitale; & quæ ova vitale idem. *l. virus contigerit, ex iis pisculi enascuntur.*

6. c. Posito itaque, ceu certo fundamento, *l.* foetus fieri per *contagium*; maxima hinc oritur difficultas: Quomodo nempe *contagium* tanti operis autor sit? & quo pa-

Est per illud, parentes sibi similes generent; aut semen maris simile univocum ei, à quo effluxit, producat? cum post tactum abierit; nec ulterius actu sit, aut tangens, aut præsens; sed corruptum, & non ens. Quomodo, inquam, non ens agat? aut non tangens, fabricet sibi simile? aut mortuum quod est, vitam alteri imperiat? idque solum, quia olim tetigit.

Falsa enim videtur, *Aristotelis* argumentatio, vel saltem manca, ubi contendit, Generationem, sine agente & patiente, cor. l. fieri non posse; nec agere & pati ea posse, 2. c. 6. quæ se mutuo tangere nequeunt: ea verò se mutuo tangere, quæ cum discretas magnitudines situmque habeant, extrema simul habent.

Cum autem luculenter constet, contactum (à non tangentibus, neque extrema simul habentibus) perniciem animalibus afferre; quidni pariter ad animalium vitam, sive generationem, tantundem præstet? Efficiens sanè in ovo, virtute plastica [quia mas tetigit solum; licet jam nec tangat, nec extrema simul habeat] foetum ad speciem & similitudinem sui effingit & fabricat. Et per tot media, sive instrumenta, potestas hæc, fecunditatis opifex, transmittitur, aut demandatur; ut nec motu instrumentorum, [veit in artis operibus] neque exemplo automatum, *Aristotelis*, sive nostrorum horologiorum; aut regni, in quo Regis mandatum ubi-

que valet; nec introducendo animam in semen, aut genituram; præfatam doctrinam tueri queas.

Atque hinc natæ plurimæ controversiæ, & problemata, de attractione magnetis, & succini: de sympathia, & antipathia: de venenis, & morborum pestilentium contagio: de alexipharmacis, & medicamentis ab occulta [vel ignota potius] proprietate juvantibus, aut nocentibus: quæ omnia videntur citra tactum operari. Et porissimum, quid sit in generatione, quod tactu momentaneo [imò nè tangens quidem, nisi per plurima media] partes pulli ovo, certo ordine per *epigenesin* efficiat, univocumque, ac sibi simile producat; idque solum, quia olim tetigit. Quomodo, inquam, id, quod non adest, & extrinsecus duntaxat tetigit, omnia pulli membra in ovo foris exposito, longeque interdum sejuncto, constituat, ordineque disponat, ac fabricet aut vitam, sive animam, speciemque ex utrisque generantibus mistam attribuat? Siquidem nihil videtur se-ipsam, ad alterius similitudinem, generare posse.

QVÆ SIT ANIMALIVM
causa efficiens; eiusque
conditiones.

EXERCITATIO L.

V T igitur aliquatenus [quantum nempe ad præsentem contemplationem]

att-

attinet] in *caussa efficiētis* notitiā penetremus ; observandum prius , quānam instrumenta , sive media ad causā efficiētem sive formatricem pertineant : In hunc autem censum veniunt , mas & fœmina , genitura etiam , atque ovum , ejusque primordium . Sunt enim mares aliqui , [pariter ac fœminæ] steriles , aut minus fœcundi . Maris quoque *genitura* aliquando magis , aliquando minus fœcunda est : quippe semen virile , ut in vesiculis seminariis continetur [nisi in spumam à spiritibus turgeat , & cum impetu profiliat] infœcundum habetur . Imo ne hoc quidem forsitan semper fœcundum fuerit . Neque etiam papulæ , aut vitelli in ovarii racemo nati , vel ova in utero , statim omni fœcunda sunt .

Fœcundum autem appello , quod [nisi alicunde impediatur] à vi efficiēte insita ad destinatum finem pertingeret ; idque , cuius gratia instituitur , assequetur . Itā *gallus* fœcundus dicitur , qui sæpius certiusque gallinas suas prægnantes , earumque ova genitiva reddit .

Gallina similiter fœcunda habetur ; quæ gignendis ovis , aut vi prolificæ à gallo concipiendæ , diutiusq; retinendæ idonea est . Papularum *racemus* , & *ovarium* ipsum fœcunda æstimantur , cum pluribus primordiis , iisque maturis , scatent . *Ovum* similiter fœcundum est , quod à subveniēte sive *irrito* longius abest , & quocun-

que

que in loco vel incubatum, vel aliter factum, in producendo pullo minus deficit.

Tale itaque pulli efficiens requiritur, quod singulis h's, virtutem eam impertiat, propter quam ista fecunda sint, & potentiam efficiendi obtineant. Quippe idem, vel saltem analogon, omnibus inest, ob quod fecunda evadunt Eademque inquisitio est, quid sit in ovo, quod illud fecundum reddit, & subventaneo discriminat; quid, in papula, & ovario; quid in femina; quid denique, in semine, & gallo ipso: &c. Quid sit in sanguine, punctoque saliente, sive prima pulli partícula genitili, unde postea reliquarum partium ortus, fabrica, & ordo promanent: Quid in pullo ipso, unde robustior, & agilior fiat, citius adolescat, aetatem salubriter degat, vitamque diuturniorem protrahat.

Neque absimilis inquisitio est, quid uterque, mas scilicet & femina (seu galus & gallina) ovo fecundo conferat; quidve ad pulli perfectionem, aut similitudinem, ab utroque proveniat; Nimirum, utrum à femina ovum; conceptus, materia, & nutrimentum à mare autem, virtus opifex; An potius, contagium aliquod protinus à coitu immittit, aut ab eo factum, vel receptum sit; quod in gallina, vel ovis permanens, materiam ovorum moveat; aut ad illorum incrementum, pullique tandem productionem.

nutrimentum à fœmina attrahat concoquat, & distribuat; An denique à mate procedat, quodcunque ad formam, animam, & fœcunditatem spectat: à fœmina autem quicquid ad materiam, constitutionem, locum, & nutrimentum attinet? Animalibus enim (quibus sexus distinctus obigit) ita comparatum est, ut cum fœmina sola fœtum generare, nutrire, & protegere nequeat; illi mas (tandem quam progenitor superior, & excellentior) à natura in operis consortium adiungatur, ejusque defectum suppleat; adeoque contagione sua ovorum subventaneorum infirmitatem corrigat, & fœcunda reddat. Nam ut pullus ex ovo progenatus, corpus suum, & animam, partemque principalem, seu genitalem, ovo accepta refert: ita pariter ovum, quicquid in eo est, à fœmina accipit; & fœmina similiter fœcunditatem suam à mate in coitu mutuatur.

Verum autem mas sit prima, & principalis causa gignendæ prolis; an vero mas, una cum fœmina, sint causæ mediæ & instrumentales ipsius Naturæ, five primæ supremi Genitoris; hic datur inquirendi occasio: estque pulchra admodum, & necessaria disquisitio; quia scientia quælibet perfecta, ex causarum omnium cognitione dependet: ideoque ad absolutam generationis comprehensionem, ab ultimo efficiente ad primum & supre-

num ascendere, eaque omnia perspecta habere oportet.

Quodnam vero sit primum illud ac supremum pulli efficiens, postea (ubi de reliquorum omnium animalium efficiente agetur) definietur. *Quale* autem id sit, nunc videbimus.

Prima igitur efficientis proprie dicti & primarii *conditio*, (ut diximus) est, ut sit fecundans primum & principale, unde media omnia fecunditatem traducem accipiant. Ex. gr. Pullus traducitur ex puncto saliente in ovo, non modo secundum corpus, sed etiam (& quidem potissimum) quoad animam: punctum saliens, sive cor, ab ovo traducitur: ovum, à femina: femina autem fecunditas à mare derivatur.

*Alter*a efficientis primarii *condicio*, ex opere facto dignoscitur; nempe ex pullo. Quippe illud efficiens primum est, in quo effecti ratio potissimum elucet. Quoniam autem efficiens omne generativum, sibi simile gignit; prolesque mixtæ naturæ est: efficiens primum quoque mixtum quid esse, oportet.

Prolem verò esse mixtæ naturæ assero, quod in ea utriusque parentis mixtura appareat tam in figura & lineamenti corporis, singularumque ejus partium; quam in coloribus, nævis, morbis, aliisque corporis accidentibus. Quinetiam in anima quoque, ejusque actionibus, & functionibus

ibus

ibus (ut moribus, docilitate, incessu, ac roce) talis quædam temperatura cernitur. Quemadmodum enim mistum simile ex elementis factum dicimus, quia horum virtutes, calor scil. frigus, humiditas, & siccitas, in uno aliquo similari corpore compositæ reperiuntur: ità similiter paterna, maternaque opera, in pulli tum corpore, tum anima, tum cæteris (quæ temperiem sequuntur, aut eidem accidunt) discernuntur. Nimirum in mulo, utriusque parentis (equæ nempe, & asini) anima, corpus, mores, & vox miscentur. Idem etiam in pullis, ex gallina & phasianoprognatis, videre est; atque in lycisca, quæ ex lupo & cane coeuntibus gignitur.

Cum itaque; pullus similitudine sui utrumque parentem referat, mistumque sit effectum; causa quoque generans primaria (cui ipse similis est) mista sit oportet. Quare quod in ovo pullum efficit, mistæ naturæ, [tanquam aliquid ex ambobus vel unum, vel compositum] & utriusque parentis opus est. Et si contingium aliquod protinus à coitu (in quo miscentur, & quasi unum animal fiunt) in fœmina alicubi vel maneat, vel oriatur; id etiam mistæ naturæ, aut potentia erit, unde postea ovum fœcundum fiat, habeaturque plasticam vim, mistæ naturæ opificem, vel instrumentum efficiens mistum, a quo pullus etiam mistæ naturæ producat.

Contagium, dixi: quia, quod *Aristoteles* censuit, experientia omnino refragatur: nempe, *partem aliquam fœtus protinus à coitu fieri*. Nec verum est, quod *Neoterici* quidam asserunt, *in ovo inesse pulli futuri animam*: non est enim anima pulli, quæ in parte aliqua corporis eius non insit. Neque anima, statim à coitu vel relicta, vel orta dici potest: aliter enim in *pregnante fœmina* duæ simul inessent animæ. Quare; donec determinatum fuerit quodnam sit efficiens ovi quod *mistæ naturæ* protinus à coitu manere debeat; liceat id nobis *contagium* appellare.

Vbinam autem *contagium* hoc in fœmina, post coitum, lateat; & quomodo idem ovo communicetur, ac traducatur; diligentior omnino disquisitionem requirit: & de ea re posthæc agemus ubi de fœminarum conceptione generatim disceptabimus. Suffecerit, interea, annotasse, efficientis primi (cui ratio futuræ proles inest) eam legem esse, ut, cum proles *mista* appareat, id ipsum quoque *mistæ naturæ* sit; & vel ab utroque parente pariter proveniat; vel ab alio aliquo, quod utriusque (scu instrumentis animatis, simul operantibus, *mistis*, coituque in unum coalitis) utitur.

Estque hæc *tertia* efficientis primarii conditio, ut instrumentis omnibus intermediis successive aut motum impertiat aut

ut aliter iis utatur, ipsum verò nulli in-
terviat. Vnde suboritur dubitatio, utrum
nullus, in generatione pulli, sit causa
efficientis primaria; an verò aliam priorem,
superiorem habeat. Videretur enim re-
rum omnium generatio cœlitus originem
ducere, atque Solis, lunæque motum
requi. Verum certius aliquid de hac re
constabit; ubi prius quid, & quoruplex
instrumentum, sive causa efficiens in-
strumentalis sit, exposuerimus.

Efficientia itaque instrumentalia sunt
diversorum generum: alia enim (autore
Aristotele) sunt factiva, alia verò activa:
alia non agunt, nisi cum priore efficiente
conjuncta, ut manus, pes, partesque cor-
poris genitales; alia, operantur, etiam
separata, ut genitura, & ovum: quorun-
dam instrumentorum nullus est motus,
aut actio, nisi quæ ijs à primo efficiente
tribuitur; alia verò propria in se habent
agendi principia interna, quibus natura
quidem in generatione motum nullum
tribuit, eorum tamen facultatibus utitur,
ijsdemque operandi normam præscribit:
non aliter, quam coquus, igne; & Medi-
cus herbarum, ac medicaminum potesta-
tibus utitur, ad sanitatem.

Semertus ut conceptam opinionem, de
anima in semine, & formatrice pulli fa-
cultate in ovo, tueatur; non ovum modò,
sed & galli semen, futuri pulli anima
præditum esse asserit: nec esse agens in-
stru-

strumentale, sed principale, proficetur.
 Quinetiam planè negat, efficiens ullum
 separatum, esse instrumentale; sed id
 solum instrumentum dici oportere, ait,
 quod efficienti primo conjungitur; id-
 que solummodo efficiens instrumenta-
 le, quod nullum alium motum, aut
 actionem habet, quam quæ ab efficien-
 te primo immititur, aut continuè &
 incessivè recipitur, cujus virtute agat.
 Eoque argumenta rejicit exemplum pro-
 jectorum, quæ vi à projiciente accepta,
 & ab eo separata, nihilominus agunt.
 Quasi verò ensis, & hasta, instrumenta
 bellica dicenda essent; missiles autem sa-
 gittæ, & glandes, non item: Rejicit quo-
 que exemplum à *Republica* desumptum;
 negatque, magistratum, consiliarium,
 aut ministrum, esse regni *instrumenta*.
 Cum tamen Aristoteles *consultorem* pro
 efficiente habeat, ministrumque, disertis
 verbis, *instrumentum* nominet. Automa-
 tum similiter exempla respuit: plura-
 que alia ait, negat, quibus semen [aut
 ovum] animatum esse, agentque non
 instrumentale, sed principale esse con-
 firmit. Idem tamen [seu veritate coac-
 tus] condiciones agentis principalis eas
 proponit, quæ sententiæ modò commemo-
 rata planè contrarium suadeant: nempe,
*Quicquid opus sive effectum se ipso no-
 bilius efficit; aut effectum sibi dissimile
 producit; non est causa efficiens principalis,*
sed

sed instrumentalis. Quibus concessis, quis non inde colligat, *Semen, & ovum, esse instrumenta*? cum pullus sit effectum ovo nobilius; idemque huic, aut *spermati* nequaquam similis sit. Quapropter ubi Vir doctissimus negat, *semen, aut ovum, esse organum*; quia separata sunt ab agente primario, falso immittitur fundamentum. Quippe, cum generans primum per varia media prolem procreet; siue medium aliquod illi conjunctum sit ut *manus, opifici*; siue ab eo separetur, ut *sagitta, ab arcu emissa*; utrumque tamen instrumentum dicitur.

Ex dictis his causæ instrumentalis conditionibus, videatur sequi; efficiens primum generatione pulli, esse gallum, vel saltem gallum cum gallina: quippe pullus iis est similis, nec efficientibus suis primis, siue genitoribus, nobilior censeripotest. Ego itaque aliam etiamnum primi efficientis *conditionem* annectam, unde fortasse constet, *marem non esse primam, sed instrumentalem duntaxat causam*. Nempe, ut primum efficiens in pulli fabrica artificio utatur, & providentia, sapientia item, bonitate & intellectu; rationalis animæ nostræ caput longè superantibus. Vtpote, in quo sit futuri operis ratio, quodque in destinatum finem agat, disponat, & perficiat omnia; partisque pulli, etiam minimas, alicujus usus & actionis gratia efformet; & non modò

ope-

operis fabricæ, sed etiam salutî, ornatui, ac defensionî ejus prospiciat. Mas verò, aut illius semen in coitu, vel post eum, ejusmodi non est, ut illi ars, intellectus, ac providentia attribui possint.

Quibus ritè perpenfis, mas videtur efficiens instrumentale, æque ac ipsius semen; & fœmina, non minus quam ovum ab ea genitum. Quare ad priorem, superiorem, ac præstantiorem causam confugiendum est; cui merito attribuantur providentia, intellectus, ars, & bonitas; quæque effecto, opereve suo tanto excellentior sit, quanto architectus operi suo præstat; quantoque Rex, ministris, aut opifex, suis manibus præcellit.

Erit igitur uterque, mas & fœmina, efficiens duntaxat instrumentale, rerum omnium Creatori, sive progenitori summo subserviens. Eoque sensu rectè dicitur, & Sol & homo generant hominem: quia solem accedentem, & recedentem, sequuntur ver & autumnus; quibus plerunque temporibus, animaliam generatio, & corruptio contingunt. Ita quidem summus Philosophus: *Prima latio ortus ac interitus causa non est, sed obliqui circuli latio: ea namque & continua est, & duobus motibus fit; nam si generatio, corruptiove futura sit semper continua, semper quippiam quidem moveri necesse est; ut ne mutationes ista deficiant; sed duobus ut nè altera duntaxat eveniat, Continuita-*

is igitur causa est, latio universi: accessus
verò & recessus, ipsa declivitas. Accedit
nim, ut interdum procul, interdum propè
existat (nempe Sol) Atque cum interval-
lum sit inaequale, motus erit inaequalis.
Quare, si ex eo generat; & quia accedit
& propè est; & quia abscedit & procul
existit, hoc idem corrumpit. Atque, si,
quia saepenumero accedit, generat; & quia
plerumque recedit, corrumpit. Contrario-
rum enim causa sunt contraria.

Ideoque Vere vigent, vernantque om-
nia; (appropinquante scilicet Sole, qui
communis pater est, & genitor; vel sal-
tem summi Creatoris in generatione im-
mediatum & universale instrumentum)
non solum plantæ, sed etiam animalia:
nec minus illa, quæ sponte proveniunt,
quam quæ maris sceminæque mutua
opera progenerantur. Tanquam adve-
niente nobili hoc astro, de cælo delabere-
tur alma Venus, Cupidinis Charitumque
choro stipata; cunctaque viventia, blando
amoris cæstro ad perennitatem sui exsti-
mularet. Vel, [ut est in fabulis] quasi
eo tempore Saturni genitalia in mare
projecta, spumam excitarent, indeque
nasceretur Aphrodite. Nempe, in gene-
ratione animalium, superat [ut Poeta
ait] tener omnibus humor, spumant, tur-
gentque semine genitalia.

Gallus igitur & gallina, Vere potissi-
mum fecundi sunt: tanquam Sol, vel

cælum, vel natura, vel anima mundi, vel Deus omnipotens [nam eodem hæc redeunt] iis causis superior ac diuinior in generatione foret. Ita Sol, & homo (idest, Sol per hominem, seu instrumentum) hominem generant. Eodemque modo Sator omnium, & gallus, ovum generant, & ex ovo pullum: accessu nempe, & recessu Solis perpetuo; qui ex divini Numinis voluntate, vel fato, gignendis rebus omnibus inservit.

Concludimus igitur, marem [licet sit efficiens prius & præstantius, quam femina] esse solum efficiens instrumentale: eundemque, non minus quam feminam, fecunditatem suam, sive generandi virtutem, appropinquanti Soli acceptam referre: proindeque artificium, & providentiam [quam in operibus ejus cernimus] non ab ipso, sed à Deo procedere. Quippe mas, in generando, nec consilio, nec intellectu utitur: neque homo parte animæ suæ rationali, sed facultate vegetativa generat; quæ non primaria & diuinior animæ humanæ facultas, sed infima censetur.

Quoniam igitur in pulli fabrica, ars & providentia non minus elucescunt, quam in hominis ac totius mundi creatione; necesse est fateamur, in generatione hominis, causam efficientem ipso homine superiorem & præstantiorem dari: vel facultatem vegetativam, sive

eam

eam animæ partem, quæ hominem fabricat, & conservat, multò excellentiorem, & diviniorem esse, magisque similitudinem Dei referte, quam partem ejus rationalem; cujus tamen excellentiam miris laudibus supra omnes omnium animalium facultates extollimus; tanquam quæ jus & imperium in illas obtineat, cuique cuncta creata famulentur. Vel saltem, fatendum est, in naturæ operibus, nec prudentiam, nec artificium, neque intellectum inesse: sed ità solum videri conceptui nostro, qui secundum artes nostras & facultates (ceu exemplaria a nobismet ipsis mutuata) de rebus naturæ divinis judicamus: quasi principia naturæ activa, effectus suos eo modo producerent, quo nos opera nostra artificialia solemus; consilio nempe, & disciplina ab intellectu sive mente acquisita.

At verò Natura, principium motus & quietis in omnibus, in quibus est; & anima vegetativa, prima cujuslibet generationis causa efficiens; movent, nulla facultate acquisita, (sicut nos) quam vel artis, vel prudentiæ nomine indigitemus; sed tanquam fato, seu mandato quodam secundum leges operante: simili nempe imperu, modoque, quo levia, sursum; gravia, deorsum feruntur. Scilicet, facultas parentum vegetativa eodem modo generat, semenque tandem ad formam foetus pertingit; quo aranea, retia sua,

N nectit:

nectit: aviculæ, nidos exstruunt, ovīs incubant, eaque tuerunt; apes, & formicæ habitacula parant, & alimoniam in futuros usus recondunt. Naturaliter nempe, & conato ingenio; non autem providentia, disciplina, aut consilio. quicquam agunt. Nam quod in nobis operationum artificialium est, diciturque ars, intellectus, aut providentia; id in naturalibus illis operibus, est *Natura*: (quæ *αὐτοδίδακτο* est, & a nemine edocta) quodque illis connatum & insitum, id nobis acquisitum. Ideoque, ad artificialia qui respiciunt, haud æqui rerum naturalium estimatores habendi sunt: siquidem potius, vice versa, sumpto à natura exemplari, de rebus arte factis judicandum est. Artes enim omnes imitatione quadam naturæ comparatæ sunt; nostræque ratio, sive intellectus, ab intellectu divino, in operibus suis agente, profluxit. Qui, cum habitu perfecto in nobis existit, quasi altera anima adventitia & acquisita, summi ac divini agentis imaginem suscipiens, operationes, sive effectus similes producit.

Quapropter, rem rectè pieque [mea, quidem sententia] reputaverit qui rerum omnium generationes, ab eodem illo æterno atque omnipotente *Numine* deduxerit, à cujus natu rerum ipsam universitas dependet. Nec magnopere litigandum censeo, quo nomine primum

hoc

hoc Agens compellandum, aut venerandum veniat, (cui nomen omne venerabile debetur) sive *Deus*, sive *natura naturalis*, sive *anima mundi* appelletur. Id enim omnes intelligunt, quod cunctarum rerum principium sit, & finis; quod æternum, & omnipotens existat; omniumque autor & creator, per varias generationum vicissitudines, caducas res mortalium conservet, ac perpetuet; quod ubique præsens, singulis rerum naturalium operibus non minus adsit; quam toti universo; quod numine suo sive providentia, arte ac mente divina cuncta animalia procreet. Quorum quædam sponte nascuntur, sine aliquo efficiente univoco; quædam, maris feminæque simul societatis operis; quædam, ab alterutro duntaxat sexu; quædam, per alia instrumenta intermedia; eaque interdum plura, interdum pauciora; quædam instrumentis univocis; quædam, æquivocis & ex accidente, generantur. Omnia verò corpora naturalia, summi eius Numinis & opera sunt, & instrumenta: suntque hæc vel naturalia solum, ut calor, spiritus, aeris putredinisve tepor &c. vel simul etiã animata: quippe animalium quoque vel motu, vel facultate, vel anima, aliquo modo utitur ad perfectionem universi, & animalium procreationem.

Ex dictis itaque aliquatenus constat, quodnam à mare in generatione afferatur

symbolum . Nempe , gallus idem ovo confert , ut ex subventaneo prolificum evadat ; quod vegetabilium fructibus tribuitur ab æstivo Solis fervore , ut maturitatem consequantur , & semina eorum fecunda fiant : idemque , quod sponte nascentibus fecunditatem affert ; & ex vermibus , erucas ; ex his , aurelias ; ex aureliis , papiliones , muscas , apes , &c. progenerat .

Ad hunc modum Sol , accessu suo , & principium motus ac transmutationis , in proventu fructuum est ; & finis etiam , dum seminibus eorum fecunditatis autor existit . Virque is Vere novo , foliorum , florum , & fructuum efficiens primum est ; ita , addulta jam æstate , maturitatis & fertilitatis seminum , est ultimum perficiens . Cui rei confirmandæ , inter alias observationes plurimas , hanc unam annexam : Arantiorum arbores quidam apud nos multa sollicitudine , & mangonio colunt ; earumque mala , quæ primo anno ad pollicis magnitudinem excrevere , sequenti æstate ad maturitatem pertingunt , cæteraque perficiuntur , præterquam quod seminibus careant .

Hanc rem accuratius pensanti mihi , videbatur oblarum ovi subventanei specimen , quod à gallina , citra maris operam , gignitur ; & sensibilia omnia in se completur , quæ in ovo prolifico deprehendas ; semine autem fecundo destituitur . Tanquam

quam idem à gallo conferatur, quo sub-
ventaneum ovum, fecundum fiat; quod
à calidarum & gionum Sole provenit, quo
illarum arborum poma cum seminibus
nascentur. Et quasi æstas *Anglicana*, pro-
creando solum fructui, (ut gallina, ovo)
sufficeret; essetque, instar foeminae, impo-
tens generatrix; in locis autem beneficio.
Solis uberiori gaudentibus, mas evaderet,
& generationem perficeret.

Verum de his hactenus à nobis obiter
actum est, ut ab ovi exemplo constet, que-
nam primi efficientis in generatione
animalium cōditiones requirantur. Quip-
pe certum est, inesse in ovo opificem; &
similiter in omni conceptu, ac primordio)
qui non modò ei a matre inditur, sed prius
etiam à patre in coitu per genituram com-
municatur; omniumque primo à cœlo, &
Sole, sive Creatore summo, eidem tribui-
tur. Manifestum pariter est, opificem
hunc in ovo, & semine quovis existentem,
parentum virtute adedò imbutum esse, ut
pullum ad illorum, non autem ad simili-
tudinem sui, fabricet; eamque mistam
etiam, tanquam ab utrisque, in coitu uni-
tis, proveniente: cumque omnia
summa providentia & intellectu peragan-
tur, diuini numinis præsentiā clarè
comprobari.

Alibi autem uberius de hac re agetur;
ubi conabimur docere, quid statim à coi-
tu in foemina remaneat, & ubinam super;

fit; simulque explicabimus (quoniam nihil protinus post coitum in cavitate uteri reperitur) quidnam sit *contagium* illud prolificum, aut conceptus primus? num corporeum quid, alicubi in *scœmina* reservatum; an incorporeum? Et num uteri conceptio, similis sit conceptioni cerebri; adeoque *scœcunditas* eo modo acquiratur, quo *scientia*? (quemadmodum non desunt argumenta, quæ id persuadeant) & veluti motus, atque operationes animales, à cerebri conceptione (quam appetitum dicimus) originem ducunt; ita pariter motus naturales, facultatisque vegetativæ operationes (ac præsertim generatio) ab uteri conceptione dependeant? Porro, quomodo *contagium* hoc prolificum missæ naturæ sit, & à mare, in *scœminatam*; indeque, in ovum traducatur? Ac denique, morborum, affectuumque omnium præternaturalium *contagium* quomodo serpat, & insensibiliter propagetur?

DE GENERATIONIS ORDINE:
ne: & primum, de particula
genitali prima.

EXERCITATIO LI.

Q Vid igitur immediatè à coitu prolifico in *scœmina* fiat, aut maneat, quod adhuc sub *contagii* nomine intelligimus,

mus, quo (tanquam infectu) foemina à mare fecunda reddita, foetum postea sua sponte generat; inferius suo loco dicitur, ubi eà de re pleniore examine, & disquisitione accuratior tractabimus. Interea temporis, quæ circa partium generandarum ordinem manifestè apparent, observatuque digna sunt, indicabimus.

Et primò quidem, quoniam per *epigenesin*, sive partium superexorientium additamentum, pullum fabricari certum est; De gen. an. l. 2. c. 1. quænam pars ante alias omnes exstruatur, & quid de illa, ejusque generandi modo observandum veniat, dispiciemus.

Rarum sanè est & in ovo manifestè apparet, quod *Aristoteles* de perfectorum animalium generatione enuntiat: nimirum, non omnes partes simul fieri, sed ordine aliam post aliam; primumque existere particulam genitalem, cujus virtute postea [tanquam ex principio quodam] reliquæ omnes partes profiliant. Qualem, in plantarum seminibus [fabis puta, aut glandibus,] gemmam, sive apicem protuberantem cernimus, totius futuræ artoris principium. Ibid. c. 1. Estque hac particula, velut filius emancipatus, seorsumque collocatus, & principium per se vivens; unde postea membrorum ordo describitur; & quæcunque ad absolvendum animal pertinent, disponuntur. Quoniam enim nulla Ibid. c. 4. pars se ipsam generat; sed, postquam generata est, se ipsam jam auget; ideo eam pri-

mū oriri necesse est, qua principium aug-
mentum contineat, [sive enim planta, sive
animal est, aquē omnibus inest quod vim
habeat vegetandi, sive nutriendi] simulque
reliquas omnes partes suo quaque ordi-
ne distinguat, & formet: proindeque in
eadem primogenita particula, anima
primario inest, lentius, motusque, & totius
vitz autem, & principium.

Ea igitur principalis particula est unde
spiritus vitalis, calorque natus ceteris
omnibus advenit; in qua Medicorum
calidum innatum, sive implantatum, pri-
mo emicat; & lar familiaris, seu focus pe-
rennis hospitatur; unde perpetuū in uni-
verſum corpus, singulasque eius partes, vi-
ta promanat; nutritio, incrementum, au-
xilium, & solamen proveniunt: denique,
ubi vita nascentibus primum incipit, &
morientibus ultimū terminatur.

Hæc certè omnia de parte prima geni-
tali vera sunt, & in generatione pulli ma-
nifestè apparent. Ideoque, ut Medicorum
quorundam malè philosophantium opi-
nionem [quæ tres partes principales, ac
primogenitas, cerebrum, cor & jecur, ex
tribus vesiculis, sive bullis, simul exoriri
astruit [plurimis observationibus motus,
rejiendam arbitror; ità neque *Aristoteli*
ipsi assentiri possum, qui Cor esse particu-
lam hanc primam genitalem & animatam
statuit. Nam revera sanguini soli privile-
gium hoc deberi existimo; is enim est, qui
primus

primus in generatione conspicitur. Idque non solum in ovo, sed in omni fœtu, animaliumque conceptu primo contingere, mox palam fiet.

Apparet, inquam, ab initio, punctum rubrum saliens, vesicula pulsans, fibræque inde deductæ, sanguinem in se complectentes. Et, quantum ex accurata inspectione discernere licuit, sit sanguis, antequam punctum saliens efformatur; idemque calore vitali præditus est, priusquam per pulsum cietur; atque ut in illo, & ab illo pulsatio incipit, ita tandem, in ultimo mortis articulo, in eodem desinit. Quippe plurimis experimentis, tum in ovo, tum alibi factis, compertum habeo; sanguinem id esse, in quo [quoad] calor vitalis non prorsus evanuit] potentia redeundi in vitam continuatur.

Et quoniam vesicula pulsans, indeque productæ fibræ, sanguineæ, ante alia conspiciuntur; crediderim rationi consentaneum, ut sanguis suis receptaculis prior sit; contentum nempe, suo continente; siquidem hoc factum est, ut ejus usui inserviat. Ideoque fibras, & venas, posteaque vesiculam, & demum cor, utpote organa recipiendo ac retinendo sanguini destinata, hujus solius transmutendi, & distribuendi gratia extructa esse, verisimile est; sanguinemque esse particulam corporis principalem.

Idque ex multis observationibus li-

N 3 quer

quet; præsertim, cum quædam animalia [eaque sanguinea] diu absque pulsu vivant; & nonnulla totam hyemem lateant, & tamen in vivis supersint, licet interea eorum corda ab omni motu cessent, & pulmones à respiratione feriantur; eorum instar, qui in syncope, lipothymia, aut affectibus hystericis, semimortui jacent cum alphyxia.

Factus itaque certior ex iis quæ in ovo & viva animalium dissectione observavi; statuo, (contra *Aristotelem*) sanguinem, esse primam particulam genitalem: & cor esse ipsius organum, circulationi ejus destinatum. Quippe functio cordis, est sanguinis propulsio; ut in animalibus omnibus sanguineis luculenter pater: idēque (in generatione pulli) est officium, pulsantis vesiculæ, quam in primis animalium conceptibus (non minùs, quàm in ovo) sæpenumero videndam exhibui scintilla minorem, micantem, & in actione sua sese constringentem, sanguinemque in ea contentum unà exprimentem, eundemque relaxatione sui recipientem denovo.

Hinc quoque apparet sanguinis principalitas, quodd pulsus ex eo ortum ducat. Cum enim duæ sint pulsationis partes, (distentio nempe, & contractio, sive diastole, & systole) horumque motuum, distentio prior sit; manifestum est, actionem illam sanguini competere; constrictionem

verò.

verò, à vesicula pulsante in ovo, (ut à corde, in pullo) propriis fibris institui; tanquam ab instrumento ei usui destinato. Certumque est, vesiculam dictam, ut & cordis auriculam postea, (unde pulsatio primùm incipit) à distendente sanguine, ad constrictionis motum irritari. Fit, inquam, diastole, à sanguine ab interno quasi spiritu intumescente: adeoque *Aristotelis* sententia, de pulsatione cordis (*fieri eam scilicet ad modum ebullitionis*) aliquatenus vera est. Quod enim in lacte ab igne calefacto, & cerevisiæ nostræ fermentatione quotidie cernimus; idem etiam in pulsu cordis usui venit; in quo sanguis, quasi fermentatione aliqua turgescens, distenditur, & subsidit: quodque in illis per accidens, ab agente externo (calore scilicet aliunde adventitio) contingit; id in sanguine, ab interno calore, sive spiritu innato, efficitur; idque etiam secundum naturam ab anima regulatur, & in salutem viventium continuatur.

Pulsus itaque à duplici agente peragitur: nempe à sanguine fit distentio, seu dilatio; à vesiculæ verò membrana in ovo, (in nato autem foetu, à cordis auriculis, & ventriculis) fit constrictio, sive systole: atque hac mutua operæ societate alternatim instituta, sanguis per totum corpus impellitur, vitæque indè animalibus perpetuatur.

Nec sanguis solum pars primigenia &c.

principalis dicendus est, quod in eo, & ab eo motus, pulsusque principium oriatur; sed etiam, quia in eo primum calor animalis innascitur, spiritus vitalis ingeneratur, & anima ipsa consistit. Vbicunque enim primum immediatum & principale vegetativæ facultatis instrumentum reperiatur; ibi quoque animam primum inesse, indeque originem sumere, verisimile est: quoniam illa à spiritu, & calido innato separari nequit.

Vtunque enim in artificialibus (ut rectè Fabricius monuit) artifex & instrumentum, sunt separata; in natura tamen operibus, conjuncta simul, & unum sunt. Sic ventriculus, epifex & instrumentum chylosecus est. Pari quoque modo, anima cum spiritu (instrumento suo) immediate conjungitur. Ideoque, in quacunque corporis parte, calor, motusque initium sumunt; in eadem quoque vita primum oritur, ultimoque extinguitur: ibidemque intimos Penates, atque animam ipsam, sedem suam posuisse, nemo dubitaverit.

Vita igitur in sanguine consistit, (ut etiam in sacris nostris legimus) quippe in ipso vita atque anima primum elucet, ultimoque deficit. Crebra enim (ut dixi) vivorum dissectione expertus sum, moriente jam animali, nec amplius spirante, eor tamen aliquandiu pulsare, vitamque in se retinere, Quiescente autem corde,

motum videas in auriculis superstitem, ac postremò in auricula dextra; ibique tandem cessante omni pulsatione, in ipso sanguine undulationem quandam, & obscuram trepidationem, sive palpitationem, (extremum vitæ indicium) reperiās. Et cuilibet cernere est, sanguinem ultimò calorem (pulsus vitæque autorem) in se retinere: quo semel prorsus extincto, ut jam non amplius sanguis, sed *crux*; ita nulla postliminio ad vitam revertendi spes reliqua. At verò, tum in ovo, (ut diximus) tum in moribundis animalibus, postquam omnis pulsatio disparuit; si vel puncto facili, vel dextræ cordis auriculæ levem fomitē admoveris; videbis illico, motum, pulsationem, ac vitam à sanguine reintegrari: modò is calorem omnem innatum, spiritumque vitalem haud penitus amiserit.

Quibus clarè constat, sanguinem esse partem genitalem, fontem vitæ, primùm vivens & ultimò moriens, sedemque animæ primariam; in quo (tanquam in fonte), calor primò, & præcipuè abundat, vigetque; & à quo reliquæ omnes totius corporis partes calore influente foventur, & vitam obtinent. Quippe calor sanguinem comitatus, totum corpus irrigat, fovet, & conservat: quemadmodum jam pridem, libello de motu sanguinis, demonstravimus.

Propterea sanguis ubique in corpore

reperitur; nec uspiam id acu pun gere, vel
 minimum scalpere queas, quin sangui-
 ocys profluat: tanquam, absque eo fo-
 ret, nec calor patribus, nec vita superesset.
 Ideoque, concentrato, fixoque leviter
 sanguine (*Hippocrates*, *Ἰπποκράτης*
φλεβῶν, nominavit) veluti in lipothymia,
 timore, frigore externo & febrium insul-
 tu contingit; videas, illico totum corpus
 frigescere, torpere, & pallore livoreque
 perfulsum languescere: evocato autem,
 rursus sanguine, per adhibita fomenta,
 exercitia, aut animi passiones, gaudium,
 nempe, iramve, huiusmodi subito omnia
 calent denuo, florent, vigent, splendent-
 que?

Quinetiam partes rubrae & sanguineae
 solae, dicuntur, calidae, ut, carnes; albae
 autem & esangues, ut nervi, ac ligamen-
 ta, frigidae appellantur. Atque ut anima-
 lia sanguinea, ex sanguinibus praepollent;
 ita quoque in partium censu, quae calore
 nativo, & sanguine liberalius perfun-
 duntur, ceteris omnibus praestantiores
 habentur. Imò verò jecur, lien, renes,
 pulmo, & cor ipsum (si sanguinem inde
 omnem expresseris, cujus praecipue gra-
 tia viscera dicuntur) expallescent illico,
 & partibus frigidis accensenda veniunt.
 Cor, inquam, ipsum, per arterias coro-
 narias, influentem unà cum sanguine ca-
 liditatem, vitamque accipit: quas eatenus
 duntaxat obrinet, quatenus illo proluitur.

Nec

Nec jecur munus suum publicum exsequitur, sine influentia sanguinis & caloris per arteriam celiacam. Quippe nullibi est caloris affluentia, citra sanguinis influxum per arterias. Ideoque in prima partium singularum conformatione, priusquam publico muneri sese accingunt, omnes exsanguis pallidæque conspiciuntur; indeque olim à Medicis & Anatomicis, *spermatice* existimabantur; & in generatione, aliquot in lacte dies absumi, dictum solitum. Ipsum jecur, pulmones, cordisque substantia, cum primum apparent, albißima sunt. Imo verò conus cordis, & ventriculorum ejus parietes, adhuc albi videntur, cum auriculæ purpureo sanguine repletæ coloratur, venaque coronaria rutilandi discernitur. Similiter, jecoris parenchyma album est, cum venarum ejus rami, & propagines, sanguine rubescunt: nec munus publicum exercet, priusquam sanguine influente perfunditur.

Sanguis denique totum corpus adeo circumfluit, & penetrat, omnibusque ejus partibus calorem & vitam jugiter imperat; ut anima primò & principaliter in ipso residens, illius gratia, tota in toto & tota in qualibet parte [ut vulgò dicitur] inesse, merito censeatur.

Tantum verò abest (quod tamen Aristoteles, & Medici omnes affirmant) ut jecur, aut cor, sit autor & opifex sanguinis

aut contrarium planè, ex pulli fabrica in ovo, aperte constet: nimirum, sanguinem ipsum potius esse auctorum cordis, & hepatis. Quod Medici quoque inopinatò videntur confiteri, dum parenchyma jecoris, quandam sanguinis affusionem esse, statuunt; quasi nil aliud esset, quàm sanguis inibi coagulatus. Existere itaque eum antequam vel affundatur, vel coaguletur, necesse est: remque ita se habere, experientia ipsa luculentè demonstrat; cum sanguis in ovo aliquandiu appareat, priusquam corporis, aut visceris alicujus vel vestigium exstet. Vbi tamen nihil sanguinis à matre (quod in vivipatis fieri, vulgò arbitrantur) ad fœtum pertingit.

Jecur piscium semper albicans cernitur, dum eorum venæ purpurascunt, & nigricant. Nostræque gallinæ, quò pinguiiores fuerint, eò jecora minora, & pallidiora habent. Virginibus cachecticis, febrique alba laborantibus, ut reliquo earum corpori, ita jecori etiam pallidus inhaeret color penuriæ sanguinis in corpore manifestum indicium. Quare jecur, & calorem, & colorem suum à sanguine mutuatur; non autem sanguis à jecore.

Ex dictis itaque apparet, Sanguinem esse partem primam genitalem, unde anima primariò emicat, & ex qua efformatur prima pars fœtus animata, principium reliquarum omnium, tum similium, tum dissimilium; quæ inde calo-

rem vitalem nanciscuntur, illique subserviunt: Cor autem in eum duntaxat finem exstructum esse, ut perpetua pulsatione, [venarum arteriarumque ministerio] sanguinem hunc accipiat, eundemque quoquoaversum per totum corpus propellat.

Patetque hoc idem luculentius, quia nec in omnibus animalibus, neque omni tempore cor pulsans reperitur; cum sanguis tamen, aut ejus analogon, in nullis unquam desideretur.

DE SANGVINE, PROUT
est pars principalis.

EXERCITATIO LII.

Certum itaque est, & ad oculum liquet, sanguinem esse partem pulli primigeniam, ac proinde genitalem: eaque omnia illi competere, quæ capite præcedenti attribuimus. Nempe, ut sit corporis tum autor, tum conservator, & pars principalis, in qua animæ sedes. Quippe [ut modò diximus] priusquam corporis quippiam visû discernitur, sanguis iam genitus & auctus est, palpitaturque [ut Aristoteles ait] intra venas, pulsuque simul De quoquoaversum movetur; solusque omnium humorum sparsus per totum corpus anima linum est. Et semper, quandiu vita servatur,

itur, sanguis unus animatur, & ferretur.

Quinimo ex vario ipsius motu, in celeritate aut tarditate, vehementia, aut debilitate &c. eum & irritantis. injuriam & foventis commodum perferentiscere, manifestum est. Ideoque concludimus, sanguinem per se vivere, & nutrir; nulloque modo ab alia aliqua corporis parte, vel priore, vel præstantiore dependere. An. verò totum corpus ab ipso dependeat, cui illud postgenitum, adjunctum, & quasi adnascendo appensum cernimus; non est hujus loci determinare. Addam solum, quod *Aristoteles* fatetur: *Profecto*, inquit, sanguinis

part. natura causæ est, ut per multa animalibus, an. tum per mores, tum etiam per sensum obve-

2.6.4 nidi Aded, ut hinc causas perpicere liceat non modo vitæ, in genere, [quippe nullum aliud calidum innatum, aut influens reperias, quod sit immediatum animæ instrumentum, præter sanguinem] sed longioris etiam, aut brevioris ævi; somni, vigilarum. ingenii, roboris &c. Namque ejus tenuitate [ait ibid. *Arist.*] & munditie, animalia sapientiora sunt, sensumque mobiliorum obtinent; Similiter, vel timida, vel animosa; iracunda, & furiosa evadunt; prout scil. sanguis eorum vel dilutus, vel sibilis multis crassusque refertus fuerit.

Nec vitæ solum sanguis autor est; sed, pro eius vario discrimine, sanitatis etiam, morborumque causæ contingunt. Quin etiam venena, quæ forinsecus nobis adve-

niunt

niunt [ut ictus venenati] nisi sanguinem inficerent, damnum nullum afferrent. Adeoque nobis ex eodem fonte, vita & sanitas profluunt. Si sanguis nimis elique Hist. sciat [inquit Arist.] agrotant. Namque in an. l. 3
 ruorem serosum abit adeo, ut quidam sudor c. 19
 rem cruentum exsudarint. Si ejus nimium affluat, obeunt. Profecto, ob sanguinisarentiam, non solum partes omnes illico corpent, sed & animal ipsum subito exinguitur. Experimenta, in sententia-
 ruius confirmationem, hic addenda non censui; peculiarem enim tractatum po-
 tulant.

Circuitum sanguinis admirabilem, & ne jam pridem inventum, video prope-
 modum omnibus placuisse: nec ab aliquo quippiam hactenus obiectum esse, quod responsum magnopere mereatur. Quapropter si *circuitus* illius causas, & utilitates addidero; aliaque sanguinis arcana pro-
 posuero [quantopere scilicet mortalium felicitatis intersit, animæque pariter ac corpori conducatur, ut proba victus ratione sanguinem purum ac nitidum conservent] crediderim sanè, me non magis novam, quam utilem, gratamque operam Philosophis Medicisque præstiturum; nec sententiam hanc tam improbabilem & absurdam cuiquam (atque olim *Aristoteli*) visum iri: De-
 Sanguinem, nempe, instar *laris familiae* an. l. 1.
 vis, esse animam ipsam in corpore; veluti c. 2.
Critias olim, alique arbitrabantur; exi-
 sti-

stimantes, sentire maxime proprium esse anima, atque hoc inesse propter sanguinis naturam. Alii verò id animam esse statuebant, quòd sua natura vim movendi obtineret; ut *Thales, Diogenes, Heraclitus, Alcmaeon*, alique.

Utrumque autem, sensum scilicet, & motum, sanguini inesse; plurimis indicium sit conspicuum: etiam si *Aristoteles* id negaverit. Enimverò, si is veritate coactus faceretur, inesse ovo etiam subventaneo animam: & in genitura, ac sanguine, reperiri divinum quid, respondens elementis stellarum; esseque omnipotentis Creatoris vicarium: si Neoterici quidam verè dicant, animalium semen coitu emissum, esse animatum: quidni pari ratione affirmemus, animam esse in sanguine; cumque hic primò generetur, nutriatur, & moveatur, ex eodem quoque animam primò excitari, & ignescere? Certè sanguis est, in quo vegetativæ, & sensitivæ operationes primò elucet: cui calor, primum & immediatum animæ instrumentum, innascitur: qui corporis, animæque commune vinculum est: & quo vehiculo, anima omnibus totius corporis partibus infuit.

Præterea, cum tam ardua sit (ut nuper vidimus) genituræ contemplatio, (quomodo, nempe, ab illa, cum providentia, arte, & intellectu divino, corporis fabrica exstruatur?) cur non æquo jure, sanguinis

ininis naturam eximiam suspiciamus ;
lemque de eo, quod de semine ; cogite-
ius præsertim, cum genitura ipsa (ut de
vo constat) à sanguine fiat ; totumque
corpus indè, (tanquam à parte genitali)
on modò originem suam ducere, sed
tiam conservari videatur.

Atque hæc quidem obiter super ea re
iximus ; de eadem alibi uberius, & accu-
tius disceptaturi. Neque hic disputan-
um censeo, utrum partis definitio san-
guini propriè conveniat ; quod quidam
egant, his maximè argumentis persuasi ;
uia non sentit, & quia in singulas corpo-
s patres influit, ut alimentum iis præ-
et idoneum. Ego verò non pauca circa
enerationis modum inveni, quibus mo-
is, iis (quæ Philosophi & Medici vulgò
el aiunt, vel negant) contrarium statuā.
I nunc solum dicam : licet concedamus,
nguinem non sentire ; indè tamen non
quitur, eum non esse corporis sensuivi-
utem, eamque præcipuam. Neque
nim cerebrum, medulla spinalis, aut
rystallinus, vitreusque oculi humor
icquam sentiunt, eas tamen corporis
ites esse, Philosophi Medicique omnes
odie uno ore consentunt. *Aristoteles* au-
m sanguinem inter partes similes re-
nsuit : & *Hippocrates* etiam, dum cor-
is animale ex partibus continentibus,
otentis, & impetum facientibus, con-
tuit ; sanguinem necessario inter con-
ntas agnovit.

Ve-

Verum hac de re plenius agetur, cum de parte, quid sit, & quot modis dicatur, disceptabimus. Interea temporis, experimentum hoc admirabile [unde corpus, membrum scilicet principalissimum, insensibile appareat] non reticebimus.

Nobilissimus Adolelcens, & Illustrissimus Vicecomitis de Montegomero in Hibernia filius primogenitus, cum adhuc puer esset, ingens ex insperato lapsu nactus est infortunium; costarum nempe sinistri lateris fracturam. Abscessus suppuratus magnam rabi quantitatem profudit; saniesque diu è cavitare amplissima manavit: uti ipse mihi, aliique (qui aderant fide digni narrarunt. Is circa annum ætatis suæ decimum octavum, aut decimum nonum, per Galliam & Italiam peregrinabatur; indeque Londinum appulit. Interea verò per amplum hiatum in pectore apertum gestabat; adeò, ut pulmones [uti creditum est] in eo cernere, attingere liceret. Id cum serenissimo Regi Carolo, cœu miraculum, nunciaretur; mox statim, ut quid rei esset perspicerem, ad Adolecentem misit. Quid factum? Cum primum accederem, videremque juvenem vegetum, & aspectu quoque, habituque corporis laudabili præditum; aliquifecus, atque oportuit, nunciatum arbitrabar. Præmissa autem, ut mos est, salutatione debita, expositaque ex mandato Regis cum adveniendi causa; omnia illico pate-

atefecit, nudamque lateris sinistri partem
mihi aperuit; ablata scilicet lamella, quam
utelæ gratia adversus ictus, aliaque inju-
rias externas, gestabat. Vidi protinus in-
gentem pectoris cavitatem, in quam faci-
lites meos priores digitos, unâ cum pol-
lice immitterem: simulque in primo ejus
ingressu partem quandam carnosam pro-
uberantem, reciprocoque extrorsum in-
torsumque motu agitatum deprehendi,
namque cautè tractavi. Attonitus rei
novitate, iterum iterumque exploro om-
nia: &, cum diligenter satis investigata
essent; certum erat, ulcus antiquum &
per amplum [citra Medici periti auxilium]
miraculi instar, ad sanitatem perductum
esse, parteque interiore membrana vesti-
tum & per marginis ambitum firma cute
nunitum. Partem autem carnosam
quam ego primo intuitu, carnem ali-
quam luxuriantem credideram, aliquem
pulmonis partem judicabant) ex
ulso, ejusque differentiis, seu rhythmis,
utrisque manibus carpo & cordi simul
dimotis) & ex respirationis collatione,
lanè perspexi, non pulmonis lobum ali-
quem, sed cordis conum esse; quem caro
turgida excrecens, ut in sordidis ulceri-
bus fieri solet, exterius, muniminis instar,
protegebat. Concamerationem istam, a
abnascenribus sordibus Adolescentis fa-
culis injectionibus tepidis quotidie libe-
bat, laminamque imponebar: quo facto,
herus

herus sanus, & ad quælibet exercitia ac itinera promptus, tuto & jucundè vitam degebat.

Responsi vice igitur. Adolescentem ipsum ad serenissimum Regem deduxi; ut rem admirabilem & singularem propriis ipse manibus tractaret, atque oculis intueretur: nempe, in homine vivente, & vegeto, citra ullam offensam, cor sese vibrans, ventriculosque ejus pulsantes videret, ac manu tangeret. Factumque est, ut serenissimus Rex, vnà mecum, cor sensu tactus privatum esse agnosceret. Quippe adolescens, nos ipsum tangere (nisi visu, aut cutis exterioris sensatione) neutiquam intelligebat.

Simul, cordis ipsius motum observavimus; nempe, illud in diastole introrsum subduci, & retrahi; in systole verò, emergere denuo, & protrudi: fierique in corde systolen, quo tempore in carpo percipiebatur: atque proprium cordis motum & functionem, esse systolen: denique cor tunc pectus ferire, & prominulum esse; cum erigitur sursum, & in se contrahitur.

Nec de altera controversia (num sanguis scilicet nutriendo solum corpori interserviat?) hæc anxie disputandi locus est. Aristoteles quidem, pluribus locis, sanguinem esse ultimum alimentum contendit; eidemque tota Medicorum schola suffragatur. Plurima tamen explicatu ardua

sua, maleque coherentia, hanc illorum sententiam consequuntur. Cum enim Medici, in physiologicis suis, agunt de sanguine; atque hunc solum ejus usum & finem docent, ut alimentum corpori suppeditet; eum ex quatuor succis, sive humoribus componunt; argumentum ejus rei a quatuor primarum qualitatum combinationibus deducunt; ac proinde asserunt, malsam sanguinis, ex utraque bile, (flava nempe, & atra) pituita, & sanguine propriè dicto, componi. Ideoque quatuor humorum genera recensent: quorum, frigidus & humidus, pituita dicitur: frigidus & siccus, melancholia; calidus & siccus, bilis; denique, calidus & humidus, sanguis nominatur. Porro, ex singulis eorum generibus, alios nutritios, [unde totum corpus constat;] excrementitios alios statuunt. Præterea, ex nutritiis illis, [ceu partibus heterogeneis] sanguinem constare autumant. Ità tamen, ut pituita sit pars crudior, quam calor natus validior possit in sanguinem laudabilem convertere. Bilem verò similiter in sanguinem transire posse, negant; licet, sanguinem faciliè in bilem; atque hanc, in melancholiam (nempe à caloris concoquentis excessu) mutari, affirmant.

Quæ si vera sunt, nullatque in iis regressus conceditur; scilicet, de melancholia, in bilem; de bile, in sanguinem: oportet fateantur, dictos omnes succos esse in

ordine ad melancholiam; atque hanc esse principale, & maximè concoctum nutrimentum. Quinetiam duplicem sanguinem agnoscant, necesse est: nempe totam simul in venis malsam, ex quatuor illis humoribus compositam; & partem eius puriorem, florentiorem, magisque spiritalem, quam strictiore sensu sanguinem nominant; quamque aliqui in arteriis separatim contineri contendunt, ac proinde aliis usibus à reliquo separatam deputant. Ideoque, ex eorum sententia, sanguis purus non est alimentum, sed commixti succi, sive potius melancholia, ad quam tandem reliqui humores pertendunt.

Aristoteles quoque, ut sanguinem alendi gratia institutum putavit; ita eundem etiam, veluti è partibus, compositum censuit. Nempe ex crassiore, & atra. quæ in

fundum pelvis, inter concrescendum, subsidit: eaque pars illi deterior habetur: Sanguis enim, inquit, si integer est, rubet, & dulcis saporis est; sed, si vel natura, vel morbo sit vitiatum, atrior cernitur. Ex parte etiam fibrosa, sive fibris, constare voluit:

isque demptis, ait, sanguis neque concrescit, neque spissatur. In sanguine præterea sanem agnovit. Sanies, inquit, sanguis incoctus est; aut quia nondum percoctus, aut quod in seri modum dilutus fuerit. Atque hunc frigidioresse, ait; fibras autem partem sanguinis terrenam esse statuit.

Quapropter (ex ejus sententia) sanguis ani-

animalium varie discrepat: adeò ut quibusdam is sit serosior, tenuior, & quasi sanies, seu ichor; ut insectis, & frigidioribus atque animalibus: quibusdam vero crassior, fibrosior, & terrestrior; ut apro, tauro, asino &c. nonnullis (vitiati scilicet temperamenti) sanguis atrior: aliis autem mundus, sincerus, & floridus, qualis in avibus, & homine præcipuè conspicitur.

Vnde constat, tum Medicos, tum Aristotelem, sanguinem ex partibus & differentiis quadantenus similibus constituere. Medici quidem humanum duntaxat sanguinem, eundemque per phlebotomiam in pelvim effusum, & coagulatum observant. Aristoteles vero cunctorum animalium sanguinem, aut eius analogon, contemplatur. Ego autem, seposita omni controversia, omnisque incommodis, quæ eorum sententiam sequuntur; ea solum, quæ apud utrosque in confesso sunt, & sensu ipso evidenter dignoscuntur, atque in rem nostram luculenter faciunt, paucis expediam; prolixius de iisdem alibi tractaturus.

Quamquam sanguis (ut monui) pars corporis dicitur, eaque primogenita & principalis; tamen si secundum totam ejus massam (ut in venis se habet) consideretur; nil verat, quo minus alimentum in se continere, & concoquere, partibusque omnibus apponere dicamus: eandemque rem, ita sumptam tum alere, tum ali-

materiam etiam corporis, & efficientem causam esse intelligamus: habereque eandem naturaliter constitutionem, quam *Aristoteles* in parte primogenita censuit necessariam; nempe, ut sanguis partim similis: constitutionis sit, partim dissimilis: ait enim, *Cum propter sensum necessario efficitur, ut fiant membra similia in animalibus; & cum vis sentiendi, & vis movendi, & vis nutriendi in eodem membro contineantur; (scilicet primogenito) sit necessario, ut membrum (quod primum principia eiusmodi tenet) & simplex existat, ut omnium sensibilium sit capax; & dissimulare, ut moveat & agat. Quamobrem, inquit, in sanguineo genere, cor tale habetur membrum; in exsanguine autem, proportionale.*

Si igitur per Cor, intelligit id, quod primum in ovo conspicitur; nempe, sanguinem, cum ejus conceptaculis, (vesiculis pulsantibus, & venis) tanquam unum idemque organum; id verissime ab eo dictum arbitror: sanguis enim, ut in ovo & vesicula cernitur, est partim similis, & partim dissimilis. Sin aliter intellexerit; quod in ovo v. situr, eum facile redarguit: siquidem cordis substantia, absque sanguine considerata (nimirum, conus ejus, & ventriculorum parietes) multo post gignitur; & tantisper alba manet, citra sanguinis perfusionem, donec cor in formam organi fabricatum fuerit, quo sanguis
per

per totum corpus distribuatur . Neque eo quidem tempore , cor similis simplici (sive constitutionis apparet , (qualis partem primogenitam deceret) sed fibrosum , carnosum , sive musculosum conspicitur ; & quidem [ut *Hippocrates* voluit] plane musculus , sive instrumentum motivum , est . Sanguini vero (ut primum conspicitur , & vesicula comprehensus pulsatur] constitutio illa , quam *Aristoteles* parti principali necessariam judicavit , manifeste inest . Quippe sanguis , dum in corpore naturaliter se habet , similis ubique constitutionis apparet . Quamprimum autem extravasatur , caloremque nativum , exiit protinus , (ceu dissimulare quiddam) in diversas partes abit .

At vero , si sanguis (ex naturæ instituto) corpori solum nutriendo destinaretur ; non nisi similis constitutionis existeret ; instar chylis , vel albuminis ovi ; aut saltem ex dictis partibus , sive succis , mistum quid esset , & vere unum : quemadmodum reliqui humores , (bilis nempe utraque , & pituita) qui tales post obitum , etiam extra conceptacula sua , permanent ; quales in vivo corpore conspiciebantur ; non autem adeo subito transmutaretur .

Quamobrem , quod *Aristoteles* parti principali attribuit , illud idem quoque sanguini proprium est . Hic enim , ut est naturale quid ; heterogeneum , sive dissimulare existens , ex succis aut partibus illis

componitur. Prout autem vivit, parsque animalis præcipua est, ex succis iis simul mixtis constans; est pars similis animata, ex anima & corpore composita. Evanescente autem [ob extinctum calorem nativum] illa sanguinis anima, substantia, huius nativa illico corrumpitur, & dissolvitur in ea, ex quibus olim constituebatur: primo scilicet in cruorem, postea in partes rubras, & albas; partesque rubræ superiores, sunt floridiores; inferius autem sitæ nigricant. Partes porro alix fibrosæ sunt, & densiores [reliquatum vinculum:] alix ichorosæ, & serosæ, quibus coagulatus thrombus innare solet. Atque in hoc serum sanguis tandem ferè totus degenerat. Partes autem istæ non insunt vivo sanguini, sed à morte solum corrupto, & jam dissoluto.

Præter jam dictas verò partes, in calidioribus & robustis animalibus, veluti equis, bobus, & hominibus quoque vivida constitutione præditis, alia sanguinis pars cernitur, quæ in eo foras educito & grumescente, superiorem rubrarum partium locum occupans, condensatur; & gelatinam ex cornu cervino, seu mucaginem quandam, aut albumen ovi crassius planè refert. Vulgus eam pituitam esse, existimat: *Aristoteles* autem, partem sanguinis crudam & incoctam nominavit.

Observavi partem hanc, tum à reliquis discrepare, tum ab ipsa serosa portione

[cui

[cui innatare cruor in pelvi coagulatus solet;] cum etiam ab urina, quæ per renes è sanguine transcolatur. Neque enim crudior, & frigidior pars sanguinis æstimanda est, sed magis spiritalis; uti arbitror, duplici præcipuè experimento motus: Primò, quodd floridæ & rutilanti parti (quam sanguinem arteriosum esse, vulgò existimant) tanquam calidior, & spiritu plenior, supernatet; locumque supremum in sanguinis disgregatione obtineat.

Deinde in venæ sectione, sanguis huiusmodi profiliens [qui plurimus abundat hominibus calidæ temperaturæ, robustis, & torosis] longiore filo impetuque vehementiore, tanquam è siphone elusus, exsistit: ideoque eum calidiorem, & spiritalem magis iudicamus; quemadmodum & genitura fecundior, spiritibus plenior æstimatur; quæ longè, valideque ejicitur.

Differt quoque plurimum hanc mucaginem, ab ichorosa & aquosa illa sanguinis parte, quæ, ceteris reliquis frigidior, in imam pelvim subsidit; duplici pariter argumento constat. Nam aquosa & saniosa pars, crudior magisque incoctus est, quàm ut in puriorem & perfectiorem sanguinem transire possit. Simul etiam crassior & fibrosior mucago, ipsi sanguinis grumo supernatans, eodem magis cocta & elaborata apparet. Adeoque in solutione sive partitione sanguinis evenit, ut mucago hæc locum supremum; sanies, infi-

rum; grumus autem, partesque rubrae [tam rutilantior, quam nigrior] spatium medium occupent.

Quoniam certum est, non modò partem illam, sed & universum sanguinem, imò verò carnem ipsam [ut in us, qui è patibulo pendent, observare licet] in sanie ichorosa corrumpi posse. Resolvuntur nempe in materiam, unde primo componebatur; ut sal in lixivium, unde ortus est. Similiter in omni cachexia, sanguis emissus copioso sero abundat: adeò, ut interdum vix quicquam grumosi appareat, sed omnis sanguis una sanies videatur: sicut in lencophlegmatia experimur, & animalibus ex sanguibus naturale est.

Si etiam, paulò post sumptum cibum, ac potum; [antequam secunda coctio absoluta fuerit, & serum per renes descendere] aut sub primos febrium intermittentium insultus, sanguinem eduxeris; saniosum eum, incoctum, plurimoque sero scatentem reperiēs. Contrà autem, si post jejunium, aut urinæ profluvium, vel sudorem copiosum, venam aperueris; sanguinem crassum (utpote sero privatum) totumque ferè in grumum condensatum cernes.

Et quemadmodum, crudecente sanguine, parum admodum istiusmodi mucaginis supernatantis reperitur; ità, si sanie illam à grumo separatam, & effusam leni foco decoxeris; eandem brevi in mucaginem

caginem hanc mutatum uti conspicies. Indicio manifesto, aquam illam, siue sanie[m] à sanguine in pelvi separatam, urinæ forsan materiam aliquam, non autem urinam ipsam esse; licet colore & consistentia talis videatur. Quippe urina coctione non densatur in fibrosam mucaginem, sed potius in lixivium: aquosa autem, siue saniosa hæc pars aliquandiu leviter cocta, in mucaginem innatantem abit: quemadmodum, vice versa, mucago istæ corruptione recrudescens, in sanie[m] colliquatione revertitur.

Atque hæcenus quidem hanc sanguinis partem, à me observatam, in scenam produxi; de eadem postea [ut & alius eius partibus ad sensum apparentibus, *Aristotelis*que & Medicorum autoritate confirmatis] uberius dicturus.

Hic, nè à proposito longius aberrem, sanguinem (cum *Aristotele*] accipiendum censeo; non ut simpliciter intelligitur, & cruor dicitur; sed ut corporis animalis pars vivens est: Ita enim Philosophus: Sanguis est calidus, quasi aquam ferventem nomine uno significemus, non vero ut subjectum calidum. Caliditas enim in eius ratione inest, quemadmodum albedo in albi hominis ratione. At eo, quæ sanguis per affectionem siue passionem est, non per se calidus est. Pari modo de sicco & humido statuendum est. Quapropter in eiusmodi rerum natura, partem calidam & humidam sunt; sed separa-

De
part.
an. l. 2
c. 2. 1

ta congelascunt, & frigida esse videntur; qualis est sanguis.

Sanguis igitur, prout est corporis pars vivens, ambigua naturæ est, & duobus modis considerandus venit. Adeoque *materialiter*, & per se, nutrimentum dicitur: *formaliter* vero, & quatenus calore, & spiritibus [immediatis animæ instrumentis] ipsaque anima præditus est; corporis lar, ac conservator, pars principalis, primogenita, & genitilis æstimandus est. Et quemadmodum ovum prolificum, materia, instrumentum, atque opifex pulli existit; Medicique omnes, utriusque sexus genituram protinus à coitu in utero mistam, causam fœtus tum materialem, tum efficientem existimant: ita meliore jure quis affirmaverit, sanguinem esse corporis materiam pariter & conservatorem, non autem solum alimentum. Quippe notum est, in animalibus, fame enectis; & hominibus quoque, qui tabidi intereunt; plurimum sanguinis, etiam post obitum, in vasis superelle. Quinetiam adolescentes, qui augentur; & senes, qui iam decreverunt, & minuuntur, proportionalem sanguinis quantitatem obtinent: prout nempe caro illis vel aucta, vel diminuta fuerit. Quasi sanguis pars corporis sit, nō autem huic nutriendo solum destinetur. Enimvero, si huic duntaxat usui interserviret, nemo fame periret, quandiu sanguinis quicquam in venis reliquum haberet: quem

ad.

admodum & lucernæ flammula non extinguitur, quandiu inflammabilis olei in ea vel minimum suppetit.

Dum autem assero, animam primò ac principaliter in sanguine residere: nollem hinc perperam concludi, omnem phlebotomiam esse periculofam, aut noxiam: vel, cum vulgo, credi; quantum sanguinis detrahatur, tantundem simul vitæ decedere; quòd sacræ paginæ, vitam in sanguine constituerint. Quotidiana enim experientia notum est, sanguinis missionem esse plurimorum morborum salutare auxiliū, & inter remedia universalia præcipuum: utpote cuius vitium, vel abundantia, maximam morborum catervam constituat; & opportuna evacuatio, à morbis periculosis, morteque adeò ipsa sæpe liberet. Quantum enim sanguinis ex arte detrahatur, tantundem vitæ ac salutis additur.

Id ipsum nos Natura docuit, quam Medici sibi imitandam proponunt: hæc enim, larga & critica evacuatione per nares, menstrua, aut hæmorrhoidas, affectus sæpe gravissimos tollit. Ideoque adolescentæ, qui plerumque victu utuntur, vitamque in otio transigunt, nisi circa decimum, octavum, aut vicefimum ætatis annum (quo tempore sanguinis copia, unâ cum corporis incremento accumulari solet) aut spontaneo per nares, vel loca inferiora effluvio; aut aperta vena, à sanguinis

324 *Quenam colligenda veniant, &c.*

onere liberentur ; plerunque febribus, variolis, capitis doloribus, aliisque morbis & symptomatis gravioribus periculosissimè agrotant. Quod respicientes *Veterinarij*, omnem ferè jumentorum medelam à venæ sectione auspicantur.

QVÆNAM COLLIGENDA
veniant, ex ductu venarum umbilicalium in Ovo.

EXERCITATIO LIII.

Sanguinem in ovo, & conceptu, antea factum cernimus: eodemque ferè tempore, receptacula eius, venæ scilicet & vesicula pulsans, manifestè apparèt. Ideoque si punctum saliens, unà cum sanguine & venis, tanquam unum idemque instrumentum, in primo fœtus exordio conspiciamus, pro corde accipiamus, (cuius parenchyma postmodum, in formatione fœtus, vesiculæ superoritur) manifestum est, cor in animalibus hoc modo acceptum, (nempe *organum* ex parenchymate, ventriculis, auriculis, vasis, sanguineq; compositum) esse revera (ut *Aristoteles* voluit) partem corporis principalem & primogenitam: cuius tamen pars prima & præcipua sit sanguis; idque tum natura, tum generationis ordine.

Partes in generatione sanguini proximæ,

Quanam colligenda veniant, &c. 325

max, sunt venæ: sanguis enim necessariò in vasis continetur. Ac propterea (ut *Arist.* observavit) *meatus duo venales* statim ab initio reperiuntur; qui postea (ut in *historia* docuimus) umbilicalia vasa constituunt.

Ex horum itaque situ, ductuque, quædam animadvertenda veniunt. Ac primò quidem, Venas & arterias omnes à corde ortum ducere: sunt enim quasi cordis appendices, aut partes quædam. Si igitur foetum (humanum, aut alium aliquem) nuperrimè natum diligenter inspexeris, dissectaq; vena cava inter auriculam dextram cordis & diaphragma, deorsum versus contemplatus fueris; comperies tria foramina; quorum maximum, & posterius ad spinam tendens, est venæ cavæ descendens; antèrius, & minus, in radicem ac truncum vasorum umbilicalium fertur; tertium, & minimum, iecur ingreditur, estque ramulorum omnium in gibbum hepatis spatiorum origo, & truncus. Unde aperte constat, venas è iecore (ut plurimi volunt) tanquam principio, nequaquam proficisci; sed à corde: nisi quis obstinatè affirmare velit, truncum venæ ab aliquo suo ramulo, non autem ramos à trunco ortum ducere.

Porro, cùm dicta vasa in ovo, in albumen pariter ac vitellum spargantur, (naturaliter, quàm plantæ radices in terram lent;] constat, utrunque hunc liquorem, pro

pro nutrimento factui esse; eundemque
per vasa illa ad hunc deferri: Idque contra

Aristotelem, qui passim asserit, pullum ex
De luteo solum per umbilicum cibum petere,
hist. constitui verò ex albumine. Absumitur
an. 1. equidem primò albumen; & vitellus ferè
6 c. 3. tandem pro cibo est, lactisque vicem in-
De iam natis animalibus supplèt. Nempe ut,
gen. quale alimentum. Natura in viviparis ani-
an. 1. malibus per ubera porrigit; tale in ovipa-
3. c. 1. ris per vitellum exhibeat. Quare accidit,
& 3. ut omni albumine absumpto, vitellus ferè
integer in ovo supersit, perfecto iam &
consummato pullo; diuque etiam post
eius exclusionem.

Aristoteles quidem decimo post nati-
tatem die, aliquid vitelli superesse reperit:
nos autem, etiam post sex septimanas, non
nihil eius, in ventre pulli, intestino affi-
zum vidimus.

Tamen ex vitello intra pulli abdomen
recepto; (qui, dum factus formatur & au-
getur, non æquè, ac albumen, decrescit;
sed ferè integer permanet, absumpto iam
utroque albumine) & venarum per ipsius
vitelli substantiam distributione; quæ om-
nes in unum truncum collectæ, in venam
Portæ perforantur; pleniorisque in iecore
coctionis gratia, partem vitelli, quam ab-
sorbeant, edelerunt: his, inquam, aliisque
similibus argumentis detectus; non possum,
non cum *Aristotele* facere, vitellum pullo
in cibum cedere, lactique analogon esse.

Non

Non integer quidem vitellus post consummatum foetum superest; nam portio illius quaedam in prima pulli conformatione eliquatur, venarumque propagines (non minus, quam albumen) recipit, per quas, iam praeparatus, foetui in nutrimentum cedit: certum tamen est, maximam illius partem absumpto iam albumini superstitem esse; eamque in ventrem pulli modò exclusi receptam, & à ramulis vena Portæ attractam, tandem in iecur deferri.

Manifestum igitur est, pullum iam exclusum, [dum adhuc tenellus est] vitello nutriri. Et quemadmodum is intra ovum, partim ab albumine, partim ex vitello alitur; praecipuè verò ab albuminibus, quæ & maiore copia adsunt, & citius absumuntur: ita similiter iam exclusus (cui omne adveniens alimentum iecur pertransit, & ibidem ulterius praeparatur) partim vitello, partim chylo ex intestinis hausto, nutritur; praesertim autem chylo, quæ plures venarum mesaraicarum ramuli ad se rapiunt; cum in vitellum una solùm Portæ propago distribuatur, & jam parva eius copia supersit. Facit scilicet natura, quod nutrices solent; quæ sentim infantes suos ablactaturæ, cibaria us interdum exhibent; quò lactis postea indigentiam facilius tollerent. Ità similiter pullus, ab alimento facilius digestionis, ad id, quod concoctu magis difficile est (nempe à vitello, ad chylum) paulatim deducitur.

Qua-

318 *Quenam colligenda veniant, &c.*

Quapropter summa ratione fit, quod ex venarum ductu in ovo percipimus. Quam primum enim pullus inchoatur, venæ solummodo in *colliquamentum* distribuuntur: quo sanguis enutritus & auctus, corpus sibi educandum adiungit. Postea autem in albumen tenuius extenduntur; unde pullus [dum adhuc gelatinam, sive mucaginem, & *galbam* refert] incrementum sumit: deinde, in albumen crassius: mox etiam in vitellum venarum ramuli porriguntur; ut eo etiam nutriatur foetus; qui denique, tenellus etiamnum existens, partim vitello [ceu lacte] intra abdomen recondito; partim pabulo, matris opera comparato, præparatoque alitur; donec ipsemet cibum idoneum quærere, & concoquere valeat. Adeo per totam generationis seriem, nascituro foetui, vario alimento, varijs digestivæ facultatis viribus respondente, Natura sapientissimè consulit. Tenteriori nempe pullo, alimentum delicatius præparatur: grandiori iam facto, firmitor victus conceditur: mox autem, cum solidiori pabulo conficiendo sufficit, duriora ei cibaria offeruntur. Ideoque factum arbitror, ut perfecta ova non modò bicolora, sed etiam duplici albumine instructa sint.

De Quod nos per rei ipsius experientiam gen. invenimus, id etiam *Aristotelis* sententiæ an. congruit, ubi ait: *Pars ejus que calida*
3c.1. *est, proprijs ad formam in membris insti-*
tuendis

Quanam colligenda veniant, &c. 329
tuendis accedit; qua autem terrestrior est,
corporis constitutionem prabet, & remotior
est. Quamobrem in bicoloribus ovibus, ani-
mal initium suae generationis à candido su-
mit, (initium enim animale in calido est)
cibum à luteo capit. Calidioribus itaque
animalibus seorsum ista habentur distin-
cta. Nempe, ex quo principium ortus, &
ex quo alimentum; atque alterum candi-
dum, alterum luteum est.

Ex dictis patet, pullum, (idque postea
de omni pariter conceptu demonstrabi-
bus (ut ab insito ovi principio, sive anima,
oritur & efformatur; ita quoque victum
sibi in ovo quaerere. Quare matre illi non
est opus; ut plantis, terra. Nec magis
verum est, cum materno sanguine nutri-
ri, aut spribus matris vivere, & cor pulli
interea feriari; quam, eundem, mater-
nis organis sentire, ac moveri; aut ejus
anima vegetari, & adolescere. Sed ma-
nifestò liquet, & ab omnibus conceditur,
foetum ali per vasa umbilicalia; meatuq;
venales in albumen & vitellum dissemi-
natos, ex his nutrimentum haurire, quod
foetui impertiant. Constat etiam pullo
jam excluso alimentum suppeditari, par-
tim à vitello, & partim à chylo; & utrun-
que per eandem venam Portae in jecur
transire; licet per diversos ejus ramulos id
contingat.

Apertum itaque est, (ut id nunc obiter
dicam) chylum, quo cuncta animalia

nutriuntur, ex intestinis per venas mesentericas deferri; nec opus esse, ut novum iter (*venas lacteas* scilicet) inquiremus, aliumve transitum in adultis comminiscamur, præter eum, quem in ovo & pullo compertum habemus. Opinionis autem hujus incommoda, alibi uberius indicavimus.

Denique, ex constitutione vasorum, umbilicalium in ovo. (quorum alia, venas; alia, arterias esse; in historia diximus) colligere licet, *dari motum sanguinis circularem*, (qualem jump i e n, in bello nostro, *de motu sanguinis in animalibus*, demonstravimus;) idque vegetandi, nutriendi, atque augendi gratia: ac propterea, venas quidem umbilicales in utrumque ovi liquorem disseminari, ut indè foetui alimoniam apportent; arterias verò etiam ad eisdem perpendere, ut caloris jugi affluentia alimentum concoquant, colligunt, & nutritioni idoneum reddant.

Atque indè evenit; ut, quocunque *vena* [eodem nomine, *arteria* quoque hic intelligendæ sunt] in albumen, aut vitellum pertingerint; partes illæ colliquatæ, diversaque a reliquis facie appareant. Quamprimum enim venarum ramuli expululant; pars albuminis superior sive exterior [cui implantantur] in colliquamentum abiens transuerter; pars autem inferior, crassa & compacta manens, in imum ovi angulum detruditur. Similiter vitel-

i quasi binæ partes (superior, & inferior) apparent; nec minus ab invicem discrepant, quàm cera liquata, à non liquata, si ve ea, quæ consistentiam pristinam servat; nimirum, pars illa, quæ venas accepit; ab altera, quæ nullis adhuc fruitur.

Hinc porò de animalis exordio, primoque inhærente ovi principio, facti sumus certiores. Quippe manifestè constar, *cicatriculam*, sive maculam, particulam esse ovi principalem, ad quam reliquæ omnes referendæ sint; cuique (si ulli, præ cæteris) debeatur, quicquid demum id fuerit, quod ovum fœcundum reddit: pull. quæ generationem ab eadem primum inchoari. Ideoque, (ut diximus) statim à gallinæ incubatione, *cicatrix* primò omnium dilatatur, augetur, & *colligamentum* constituit; in quo protinus sanguis emicat, venæ sparguntur, caloris nativi effectus, formantisque opificis opera elucescunt: quantoque altiùs venarum illarum ramusculi diffunduntur, tantò quoque latiùs vitalis facultatis indicia, propagantur, animæque vegetativæ præsentia dignoscitur. Enimvero effectus omnis, efficientis sui clarum indicium est.

Verbo dicam: *ex cicatrix* (in qua primum caloris nativi vestigium cernitur) tota generatio; *ex corde*, totus pullus; & *ex vasis umbilicalibus*, membranæ omnes fœtum involventes, quas secundinas nominamus, dependent. Ideòque concludimus

mus, Fœtus partes invicem subordinatas
esse, vitamque primum à corde mutari.

DE ORDINE PARTIVM

in generatione ex ovo, secundum

Fabricium.

EXERCITATIO LIV.

Constitutio jam, quænam pars prima
habenda sit; sanguis scilicet, cum
receptaculis suis, corde, venis, & arterijs.
sequitur, de reliquis corporis partibus
quo ordine quæque generetur, jam di-
camus.

Fabricius [cuius vestigia, in generatio-
ne pulli, sequi institimus] priusquam
partium ordinem aggreditur, actiones
quæ in ovo conspiciuntur, & quarum ope-
ra partes proveniunt, recenset; earun-
demque facultates ordine commemorat
quasi ex illis, de partium quoque genera-
tionis ordine clarius constet. Tres, inquit,

Pag. primum actiones sunt, quæ in ovo avi sup-
41 posito apparent. Prima est, pulli generatio,
secunda, ejusdem accretio; tertia, nutri-
tio nuncupatur. Prima idest generatio,
propria est ovi actio: secunda, & tertia, (vi-
delicet accretio & nutritio) maiore ex par-
te extra ovum succedunt; tamen in ovo in-
choantur, & quoque perficiuntur. Quæ
actiones, sicut à tribus facultatibus dima-
nant,

ant, generatrice, auatrice, & nutritoria;
 sic eas tria opera facta consequuntur. Ex
 generatione enim omnes pulli partes resul-
 unt; ex accretione. & nutritione, augmentum
 & nutritum pulli corpus. De pulli genera-
 tione prius agentes, scire licet, ope generatri-
 cis facultatis, pulli partes, (qua prius non
 erant) produci, atque ita ovum in pulli cor-
 pus migrare. Dum autem quavis pars in
 alteram commigrat, illam propria essentia
 commutationem subire necessarium est;
 [alioquin eadem substantia maneret;] si-
 mulque eandem, in aptam & convenientem
 naturam suam figuram, situm, & magnitudi-
 nem conformari est necesse: hisque duabus
 absolvitur procreatio substantia, commuta-
 tione, & conformatione. Immutatrix igitur,
 & formatrix facultas, harum functio-
 num causa erunt. Vna, unamquamque cor-
 poris partem, qualem cernimus, ex ovi cha-
 laza produxit; altera, figuram illi, compa-
 gemque, & situm propriis usibus idoneum
 contulit. Prima, qua immutatrix, sive al-
 teratrix appellatur facultas, tota naturalis
 est. & sine ulla cognitione agit; & calido,
 frigido, humido, & sicco assumpto, totam
 per totam chalazam substantiam alterat, &
 alterando in pulli partes immutat; hoc est,
 in carnem, ossa, cartilaginem, ligamenta,
 venas, arterias, nervos; ceterasque in ani-
 mali; aut pullo partes omnes similes; ac
 simplices convertit; easque ex proprio, inge-
 nitoque calore, & spiritu galli semen ex ovo,
 (id est

(idest chalaza) alterando, & commutando generat, creat, producitque; propriam substantiam, substantiaque proprietatem cuique impertiens. Altera, qua formatrix dicitur, quaque similes partes dissimilares efficit (iis scilicet ornatum ex apta figura, iusta magnitudine, idoneo situ, & congruo numero conferens) iam proposita longe nobilior est, & summa sapientia praedita, non naturaliter, sed cum electione, & cognitione, atque intellectu agit. Videtur siquidem formatrix facultas exactam habere cognitionem, & providentiam, tum futura actionis, tum usus cuiusque partis & organi. Atque hac de prima ovi actione, qua est pulli generatio; ad quam celebrandam, & galli semen agens, & fecundans, & chalaza, tanquam materia, substituta est. Secundo loco accretio insurgit, qua nutritione expletur; cuius facultates sunt, attrahens, retinens, concoctrix, & expultrix; denique, qua apponit, agglutinat, & tandem nutrimentum assimilatur.

Hanc autem actionum distributionem, nec rectam, nec utilem, neque huic loco accommodam censeo. Non rectam quidem; quia actiones illae, quas videtur specie, ac tempore distinctas voluisse, [nempe, ut partes primò fiant similes, ab alteratrice facultate; postea formentur, & organizentur a formatrice; deinde augeantur ab auctrice] in generatione pulli, nusquam comparent: partes enim omnes si-

mul

mul generantur, distinguuntur, & au-
 gentur. Nam licet aliter fiat, in eorum
 animalium generatione, quæ per *meta-*
morphosin constituuntur; ubi ex materia
 prius existente, satisque aucta, & præ-
 parata, partes omnes per transformatio-
 nem discernuntur & delineantur [veluti,
 cum ex eruca fit papilio; ex necydalo,
 bombyx:] in generatione tamen per
epigenesin, res longe aliter se habet; neque
 eadem fit, quod in nutritione; quæ diver-
 sam partium, operæ societate invicem
 opitulantium, diversis actionibus peragi-
 tur: ubi nempe alimentum prius attrahi-
 tur, & retinetur; postea concoquitur;
 mox distribuitur; tandemque agglutina-
 tur. Nec *similaris constitutio* fit a facul-
 tate *immutatrice*, citra omnem providen-
 tiam [ut *Fabricius* censuit;] *organica* au-
 tem, a *formatrice*, quæ cognitione &
 providentia utatur. Quippe generatio, &
 accretio, non fiunt absque nutritione; nec
 nutritio, aut augmentatio, sine genera-
 tione. *Nutrire* enim, est substituere in
 locum deperditi, quantum & quale amif-
 sum est: nimirum carnem, aut nervum,
 in locum illius carnis, aut nervi, qui pe-
 rierit. Quid autem id aliud est, quam car-
 nem aut nervum facere? Similiter, *accre-*
tio non contingit, sine generatione: corpo-
 ra enim omnia naturalia, accedentibus
 noviter iis partibus, augentur; è quibus
 antea constabant: idque fit secundum
 omnes

omnes dimensiones ; adeoque simul accrescunt, distinguuntur vnà, & organizantur.

At verò generare pullum, nil aliud est, quàm singulas ejus partes, membra, atque organa fabricare : quæ licet ordine producantur, aliæq; aliis [organa scilicet minus principalia, magis principalibus] postgenerata sint ; dum ipsa tamen organa distinguuntur, non eo ordine generatio illorum procedit, ut partes similes primùm fiant, atque organicæ postea ex iisdem componantur ; sive, ut partes componentes prius existant, quam compositum ex iis extenuatur. Quanquam enim pulli caput, & reliqua ejus corporatura [similares primùm constitutionis cum sine] mucum, sive gluten quoddam molle referunt, unde postea singulæ ordine partes efformantur : eadem tamen opera, atque ab eodem opifice, fiunt, simul, & augentur ; & propterea creverit illud glutini simile, partes pariter distinguuntur. Simul nempe generantur, immutantur, & formantur ; similes vnà existunt, & dissimiles ; & ex parvo similiti, fit organum magnum. Non alio sanè modo, atque ordine, quam ex culmo, spica, arista, & granula oriuntur, & distinguuntur : quævis arbores, dum gemulas protrudunt, ex iisdem flores, frondes, fructus, ac tandem semina explicant, & producant.

Id nos docuit diligens ovis observatio,

ex

ex rebus in eo conspicuis. Siquidem ex operibus, actiones sive operationes ipsæ dignoscuntur; ex operationibus, facultates; & ex his, opifex sive generans nobis innotescunt. Quare in generatione pulli, actiones sive facultates generantis, (quas *Fabricius* memorat; nempe, immutatrix, & formatrix) non differunt specie, aut secundum prius & posterius; sed (ut *Arist.* loqui solet) ipso esse, & ratione solum; non aut, post ortum, nutritivæ facultatis actionibus contingit, attractioni nimirum, coactioni, distributioni, & appositioni. quæ variis locis, & temporibus munia sua exequuntur. Alias enim generatrix ipsa, diversis quoque instrumentis uti, ad varias suas operationes obeundas, cogeretur.

Quare perperam *Fabricius* asserit, *Immutatricem* facultatem, virtutibus elementorum, calido nempe, frigido, humido, & sicco (tanquam instrumentis,) operari: *formatricem* verò sine his, ac diviniore quodam modo agere; quasi scilicet cogitatione, electione, ac providentia, pensum suum absolveret. Rem enim si penitus introspexisset; vidisset, tam formatricem, quam alteratricem facultatem, calido, frigido, humido, & sicco (tanquam instrumentis) uti: nec minùs divini numinis, atque artificii, in nutritivæ & immutationis deprehendisset, quam in ipsius formatricis operationibus. Quippe Natura omnes istas facultates in finem,

aliquem instituit; & ubique cum providentia & intellectu operatur. Quicquid est in semine plantarum, quod ipsum fecundum reddit, & plasticam vim in eo exercet; quodque in ovo peritissimi opificis vicem gerit; pulli partes producit, & fabricat; calefaciendo, refrigerando, humectando, siccando, concoquendo, condensando, indurando, emolliendo, colliquando, simul fingit, & auget; figura, situ, constitutione, temperie, numero, atque ordine distinguit; eandem istuc providentia, electione, & intelligentia [non minus immutando, quàm nutriendo, augendo, & formando] omnia disponit, & exequitur.

Facultates, inquam, coëtrix, & immutatrix; nutrix, & auctrix; (quas *Fabricius*, calido, frigido, humido, & sicco duntaxat, sine ulla cognitione agere voluit) non minore artificio, nec minus in destinationem finem operantur; quàm *formatrix* facultas; quam ille *futura actionis, ususque cujuslibet partis & organi, cognitionem & providentiam habere* asserit. Quemadmodum ars medica, pistoria, & coquinaria (quæ calidis, frigidis, humidis, & siccis; similibusque naturalibus instrumentis utuntur) non minus rationis usum postulant; quàm artes mechanicæ, quæ vel manibus laborant, [ut tabrilis, statuarum, & singularis] vel instrumentis aliis artificialibus operantur. Quinetiam, ut in mun-

mundo majore, *Jovis omnia plena* nobis dicuntur; ita pariter in pulli corpusculo, singulisque eius actionibus & operationibus, digitus Dei, sive Naturæ numen elucescit.

Quamobrem, si ex operationibus fas est de facultatibus iudicium ferre; vegetativa operationes potius videntur arte, electione, & providentia institui; quam animæ rationalis, mentisve actiones: idque etiam in homine perfectissimo; cujus scientiæ atque intellectus summa perfectio, in eo potissimum (*Apollinis* iudicio) consistit, ut *nescat se ipsum*.

Superior itaque, ut diximus, & divinius opifex (quam est homo) videtur hominem fabricare, & conservare: & nobilior artifex (quam gallus) pullum ex ovo producere. Nempe, agnoscimus Deum, creatorem summum atque omnipotentem, in cunctorum animalium fabrica ubique præsentem esse; & in operibus suis quasi digito monstrari: cujus, in procreatione pulli instrumenta sint, gallus & gallina. Constat quippe, in generatione pulli ex ovo, omnia singulari providentia, sapienti a divina, artificioque admirabili, & incomprehensibili, exstructa ac efformata esse. Nec cuiquam sanè hæc attributa conveniunt, nisi omnipotenti rerum principio; quocunque demum nomine id ipsum appellare libuerit: sive, mentem divinam, cum *Aristotele*; sive,

cum Platone, animam mundi; aut, cum alijs, naturam naturantem; vel, cum Ethnicis, Saturnum, aut Iovem; vel potius (ut nos deceat) Creatorem, ac Patrem omnium quæ in cælis & terris; à quo animalia, eorumque origines dependent; cuiusque nutu, siue effato, fiunt & generantur omnia.

Porro, (ut monui) hanc actionum siue facultatum animæ distributionem (quam Fabricius generationis partium ordini præmisit) uti haud rectam, ita neque utilem, aut negotio huic nostro convenientem arbitror. Neque enim ex actionum aut facultatum noticia, ad operum earum cognitionem devenimus: sed vice versa potius, ab operibus, ad facultatum scientiam ascendimus, opera enim nobis sunt, quam facultates, unde proveniunt: & partes (quas jam factas cernimus) in generatione facilius innotescunt, quam actiones, a quibus oriuntur.

Nec commodè etiam, in particulari puli ex ovo generatione, ea pensitanda aut determinanda veniunt; quæ universalem cunctorum animalium generationis observationem postulant. De hac re autem postea plusculum diceretur.

Interea vero, ut ad partium generationis ordinem accedamus, *superest*, (ait Fabricius) contemplemur, & perpendamus, quo ordine, hoc est, qua prius, quæve posterius partes & organa in ovo gignantur. In
cujus

eius indagine, duo ponenda fundamenta sunt: alterum, a corpore; alterum, à re incorporea desumptum: ut puta, a natura, & ab anima. Corporeum fundamentum appello (inquit) quod a natura corporis dependet, & fluit: & ab artefactis facile exemplum desumitur: Sicuti enim quodcunque adificium, prius fundamenta requirit, super qua universum adificium ponatur, ut sustentetur: inde parietes eriguntur, a quibus & pavimenta, & recte sustineantur; tum verò suppellex, & cetera domus ornamenta ijs appenduntur, ac stabiliuntur; ita profecto natura fabricam animalis moritur. Ossa enim, tanquam fundamenta, primum constituit, ut iis omnes corporis partes adnascantur, appendantur, constituuntur. Non cum ossa ex mollissima, & membranea substantia, primam suam habeant originem, & paulò post durissima fiant; ideo multum temporis poni oportet in generatione ossis, ut os durissimum efficiatur; idque prius gignitur. Hinc Galenus non cuiusque artificis animalis fabricam comparat, sed maxime navigio. Inquit enim, sicuti navigij fundamentum & principium carina est, ex qua costa hinc inde in circulum recurvata, & instar cratis modicè inter se distantes porriguntur, ut universa navigij fabrica ex carina, tanquam ex congruo, appposito principio postea consumetur; sic in animalis fabrica, natura per spinam porrectam, &

costas circumductas, quasi carinam, & fabrica principium congruum constitutum, totam deinde componit, & perficit molem.

Verum, hæc aliter longè se habere, experientia docet; quæ constat, ossa potius ultimò tandem fieri. Quippe artuum ossa, caluaria, & dentes, non prius nascuntur, quam cerebrum, & muscoli, aliæque partes carnosæ, sed post nativitatem, tenellis, & perfectis alias ætibus, cartilagine duntaxat, aut membranæ sunt; quæ postea, temporis tractu, & in ossa evadunt; uti ex infantium calvaria apparet, & embryonum costis, ac juncturis.

Et licet verum sit, primum corporis rudimentum, instar carinæ recurvæ, cerni; mollis tamen, mucosa, & glutinosa substantia est, nulloque modo ossis naturam, & constitutionem, aut officium refert. Quemadmodum & globuli inde penduli [capitis partibus destinati] nihil in se habent solidi; sed sunt duntaxat vesiculæ aqua limpida plenæ, quæ postea in cerebrum, cerebellum, & oculos efformantur; tandemque calvariam induunt; postquam scilicet rostrum, atque ungues, soliditatemque ac duritiem acquisiverint.

Quare supina, & iniqua est hæc Fabricii contemplatio; dum non pensitat, quid a natura in generationis ordine factum sit; sed potius, quid, ad mentem ipsius, a natura fieri debuerit: allata ad eam rem, ab ædificio arte-facto similitudine. Quasi
verò

verò natura attem imitetur, & non potius
ars naturam. Cujus rei memor, ipsemet
postea ait: *Satius fuerit dicere, artem ab* Pag.
ipsa natura didicisse, & ipsam fuisse imi- 44
tatam: quoniam, uti dicit ubique Galenus
natura & antiquior, & in operibus suis
magis sapiens, quam ars.

Et quanquam ossa, totius corporis
fundamenta sunt, sine quibus, nec stare,
nec moveri ipsum: sufficit tamen, si si-
mul cum iis partibus existent, quæ ipsis in-
nituntur. Illis enim [quæ stabilienda
sunt] nondum existentibus, frustra pa-
rantur stabilimina. Natura autem nihil
agit timerè; nec partes constituit, ante-
quam earum usus ullus sit. Sed animalia
omnia partes suas obtinent. simul ac ea-
rum actiones, & usus requiruntur. Ideo,
que primum hoc *Fabricii* fundamentum,
observationibus ipsis in ovo, & *Galenii*
similitudine innixum, planè evertitur.

Videtur propius ad veritatem collimaf-
se, ubi ait: *Alterum fundamentum par-* Ibid.
tium prius & posterius generandarum, su-
mitur a natura, hoc est, ab anima; a qua
animalis corpus regitur, ac gubernatur. Si
enim duo sunt gradus anima, vegetalis, &
sensitivus; vegetalisque est tempore, &
natura prior, cum ipsis plantis sit com-
munis: omnino organa vegetali deservien-
tia, prius generanda conformandaque sunt,
quam qua sensitiva & motiva facultati
accommodantur. præcipuè autem princì-
verò

palia, & qua rationem obtinent gubernan-
 ris. Sunt autem hac organa potissimum
 duo, jecur, & cor: jecur quidem, tan-
 quam sedes concupiscibilis, seu vegetalis,
 seu nutritoria: cor autem, tanquam orga-
 num, quod suo calore, & vegetalem, &
 quamcunque aliam facultatem vegetat, &
 perficit; ideoque cum vegetali societatem, &
 nexum validum habet. Vnde si in supposi-
 to ovo, post tres dies videas ea parte, qua
 pullus gignitur, cor palpitare, [ut Arist.
 quoque testatur;] non mireris, sed dicas,
 Cor ad vegetalem pertinere, & propterea
 primum generari. Rationi quoque con-
 sentaneum est, & jecur similiter una
 cum corde gigni, sed latere, quia non pal-
 pitat, ut cor. Nam & ipse Arist. jecur, &
 cor pari ratione in animali corpore consti-
 tui, asseverat; ita ut, si cor est, sit & je-
 cur. Si igitur jecur, & cor primo genera-
 tur; consonum quoque est, & cetera orga-
 na his duobus deservientia, cum his simi-
 liter generari, ut ratione cordis, pulmones;
 & ratione jecoris, omnia fere membra qua
 in infimo ventre consistunt.

Hæc verò longè aberrant ab ordine il-
 lo, quem in ovo conspicimus. Neque
 enim verum est, jecur una cum corde gi-
 gni. Nec valet plasma, quod allinit: late-
 re jecur, quia non palpitat. Nam & oculi,
 & vena cava, & carina, ab initio cernun-
 tur, licet non palpitent. Quidni igitur
 jecur quoque, & pulmone (si tunc tempo-
 ris

ris adsint,) citra palpitationem conspiciantur? Quinetiam ipsemet, in figura quarti duci, punctum exiguum in medio depinxit; cuius tamen palpitationem nullam indicauit; nec pro corde quidem agnovit, sed corporis rudimentum esse credidit. Quamobrem ex conjectura, solum, & præconcepta opinione, de jecoris principatu loquutus est: quemadmodum & alii [*Aldrovandus* scil. & *Parissanus*] qui cum fortè in bina puncta incidissent, nec utrumque pulsare cernerent; alterum eorum pro corde, alterum pro jecore habuerunt. Quasi verò jecor pulset unquam! nam bina ista puncta, vesiculæ pulsantes sunt; sibi que invicem alternis contractionibus respondent: veluti in *historia* indicavimus.

Quare fallitur *Fabricius*, aut fallit; dum ait, in prima statim pulli generatione, jecur, cor, venas, arterias, pulmones, & omnia membra in infimo ventre contenta generari; item carinam, hoc est, caput oculis, ac tota spina, & thorace conformari. Nam cor, venæ, & arteriæ, aliquandiu ante carinam, perfectè distinguuntur; & carina, ante oculos; oculique, rostrum, & latera, ante membra in imo ventre contenta: ventriculus quoque, & intestina, prius, quàm jecur, aut pulmones discernuntur: aliaque similiter in generatione, ordine veniunt; de quibus mox dicemus.

Fallitur etiam, cum vegetalem animæ partem, & tempore, & natura, priorem sensitiva ac motiva statuit. Quod enim, natura prius est, id ferè in generationis ordine posterius existit. Tempore quidem, vegetativa anima prior est: quippe sine illa, sensitiva anima esse non potest. Nequit enim actu existere, sine organis; cum sit *actus corporis organici*: sensitiva autem, & motiva organa, vegetativæ opera sunt: estque anima sensitiva (antequam actu existit,) tanquam *trigonus in tetragono*. Natura verò, quod principale & nobilissimum est, id primario intendit: ideoque vegetativa potentia, naturæ ordine, posterior est; utpote sensitivæ ac motivæ facultatibus subserviens.

DE ORDINE PARTIVM

in generatione ex sententia
Aristotelis.

EXERCITATIO LV.

QUæ ad generationis ordinem spectare videntur, ex Aristotele quigen. den hæc sunt: Cum conceptus institutus an. l. 2 est, facit simile ijs, qua feruntur. Principium enim primum semina quoque intra c. 4 se continent: quod potentia primò contentum, ubi secretum mox est, germen mittit, & radicem, qua alimentum assumitur:

in

incrementum enim desideratur. Sic in conceptu quodammodo, cum partes corporis omnes potentia insint, principium maxime promptum habetur.

Principium hoc in ovo (plantarum germini analogon) maculam, sive cicatriculam cum Fabricio nominavimus; eamque esse particulam principalem diximus, utpotè in quo partes reliquæ omnes potentia insint, & unde postea suo quaque ordine oriantur. In illa nempe continetur id, (quicquid demum fuerit) quod ovum fecundum reddit: ibique facultatis formatricis operatio, & caloris vegetalis effectus primum cernitur.

Macula istæ (ut diximus) statim ab incubatione dilatatur, & in circulos dispersitur; in quorum centro punctum exiguum album [instar cicatriculæ, in pupilla oculi,] sese exerit; ubi mox punctum rubrum pulsans cernitur, cum venarum sanguiferarum capillamentis: idque illico, quamprimum *colliquamentum* a nobis dictum, ex ea constitutum fuerit.

Quamobrem (addit Aristoteles) *corpri- mum actu secernitur; quod non modo sensu ita fieri constat, verum etiam ratione.* Cum enim quod gignitur, de ambobus ab- junctum jam est; se ipsum gerere, gubernare, & dispensare debet; perinde quasi filius a patre emancipatus, seorsumque collocatus. Itaque principium, idque intrinsecum haberi oportet, à quo etiam

postea ordo membrorum describatur, & quaecunque ad absolvendum animal pertinent, disponantur. Nam, si extrinsecus aliquando aderit, & post inesse incipiet; non solum dubitaueris, & quoniam tempore accedat quaesieris; sed etiam cum pars quavis distinguitur, id primum substare necesse est, ex quo & incrementum, & motus

De ceteris partibus contingat. Alibique asserit, principium illud primum, esse partem totius; & non abjectum quippiam, an. l. quod seorsum ab eo contineatur. Etenim, 2. c. i. inquit, generato jam animalis, corrumpaturne illud, an maneat? At nihil inesse videtur, quod non totius pars sit, aut planta, aut animalis. Quinetiam corrumpi, postquam vel omnes, vel aliquot partes effecit, absurdum est; quid enim efficiat reliquas? Quamobrem [potrò ait, qui ita, ut Democritus, dicunt exteriora primum animalis discerni, tum interiora; quasi lapideum aut ligneum animal condant, non rectè dicunt: res enim talis nullum in se principium habet. At animalia omnia habent, atque intra se continent. Quapropter cor primum distinctum in omnibus inspicitur animalibus, quae sanguinem habent. Id enim principium est & similarium, & dissimilarium partium. Iam enim principium id accepisse animalis, constituturque foetus decet, cum alimentum desiderat.

Quibus clarè patet, Aristotelem in animalium generatione, ordinem quendam

struiffe, & principium; cor nempe quod [instat filii emancipati] sit pars animalis primogenita, & animata, in ipso contenta, & permanens; unde non solum ordo membrorum describatur, sed animal ipsum conservetur, & dependeat; victumque ac vitam continuè accipiat; indequè, quicquid perficiendo animali est necessarium, deriveretur. Nam [ut ait Seneca] in semine omnis futuri ratio hominis comprehensa est, & legem barba, De
 & canorum, nondum natus infans habet, gen.
 Totius enim corporis, & sequentis atatis, an. l.
 in parvo, oculoque lineamenta sunt. 3. c.

Num cor autem sit hæc pars primogenita, necne; superius à nobis determinatum est. Nimirum, si Aristotelis dictum de illa parte intelligatur, quæ (in dissertationibus animalium) præ cæteris, sensu constare percipitur; [scilicet de puncto saliente, unà cum venulis sanguine referentis:] nos eius libenter amplexamur sententiam. Credimus enim, sanguinem unà cum vasis, & organis; venis nempe umbilicalibus, (quibus, ceu radicibus, alimentum attrahitur,) & vesiculis pulsantibus, [quibus ad vitam, & incrementum animalis partium distribuitur;] ante alia omnia constitui. Quippe (ut Arist. ait) eadem materia est, ex qua augetur aliquid, & ex qua constituitur primum.

Plurimum vero hallucinantur, qui diversas corporis partes diversa pariter
 ma

materia nutrirī autumant. Quasi nutritio nil aliud esset, quam alimenti idonei selectio & attractio: nulla autem requireretur in partibus singulis nutriendis concoctio, assimilatio, appositio, & transmutatio: Quæ olim erat sententia *Annagora*.

Lucr. *Principium verum qui dixit homæomeriâ*
l. 2. *Ossa videlicet è paucillis atque minutis*
Ossibus; sic & de paucillis atque minutis
Visceribus, viscus gigni; sanguenq; creari,
Sanguinis inter se multis coeuntibus guttis.

Loco Verissimè autem *Aristoteles*: *distinctio*
cit. *partium non, ut quidam opinantur, pro-*
pterea sit, quia simile suapte natura
ad simile fertur: nam præter alias mul-
tas quas ratio ista habet difficultates,
accidet, ut quævis pars similis seorsum
erectur. Verbi gratia, ossa per se, & nervi,
& carnes; si quis eam causam approbet.
 At verò, alimentum omnium partium commune est, & simile, quale in ovo albumen cernitur; non autem heterogeneum, & ex diversis partibus compositum. Ideòque, quod diximus de materia partium, ex qua fiunt; idem quoque de illa statuendum est, ex qua augentur: nempe, ex illa nutrimentum sumere; in qua partes omnes potentia quidem insunt, actu verò nullæ. Quemadmodum ex eadem pluvia incrementum capiunt omnis generis plantæ: quia aqua, quæ potentia similis erat omnibus, sic jam actu

similis, postquam in earum substantiam transmutata fuit. Tum verò amarescit in ruta, accrescit in sinapi, dulcescit in glycyrrhiza, & similiter in reliquis.

Explicat porro, quænam partes præ aliis generentur: idque, ratione à secundo *Fabricii fundamento* non aliena. Id, inquit, *cujus causa*, & *quod ejus causa*, differunt: & alterum generatione, alterum *essentia prius est*. Nempe, finis prior est natura, & essentia, quam id quod finis gratia fit; quod autem finis gratia fit, generatione prius sit oportet. Eoque argumento, *Fabricius* rectè infert partes illas omnes prius generari, quæ *vegetativa* animæ inserviunt, quam quæ *sensitiva*; quoniam illa huic subordinata est.

Postea, differentiam eorum, quæ ali cuius gratia fieri dicuntur, subjungit; Quædam scil. à natura finis gratia instituta esse, quia ea finis consequitur: quædam verò, quia instrumenta sunt, quibus finis utitur. Illa, *genitalia* appellat; hæc autem, *instrumentalia*. *Finis enim*, inquit, *quorundam posterior, quorundam prior* iis, quæ eorum causæ sunt. Nam & generans ipsum, & id, quo ad generationem utitur, prius existant oportet, quàm id, quod ex iis generatur. Ideoque partes, vegetativæ animæ inservientes, priores sunt partibus sensui ac motui ministris. Partes autem motui & sensibus dicatæ, sensitiva & motiva facultatibus posteriores sunt; utpote

in

instrumentales, quibus facultas sensitiva & motiva utitur. Quippe ex naturæ lege est, ut nullæ partes aut instrumenta constituantur, priusquam eorum sit aliquis usus; & facultas præsens adsit, quæ iis utatur. Itæ nec oculus, nec motiva organa exstruuntur; nisi fabricato prius cerebro; aut facultate præexistente, quæ videat, aut moveat.

Similiter, quoniam vesiculæ pulsantes (tanquam instrumenta) sanguinis motui ministrant; simulque tota cordis constructio & fabrica (quemadmodum in libello de motu sanguinis, diximus) instrumentalis est; (scil. ut sanguis per omnia corporis loca in gyrum perpetuum agatur;) videtur sanguis, tum generatione, tum natura & essentia, corde prius existere. Hoc enim ille utitur, ceu instrumento; idemque insuper genuit, & per arteriam coronalem etiamnum nutrit, illique calorem, spiritum, ac vitam elargitur.

Quomodo autem, ex observationibus anatomicis, universalis hæc *Aristotelis* regula, de partium prioritate, vera appareat; posterius dicemus. Interea temporis, quo pacto, secundum hanc regulam, ipsemet causas prioritatis [ut ita loquar] in generatione, sufficienter deducat, jam videbimus.

Gignuntur, inquit, *post principium* (nèpe post cor) *interiora*, prius, quàm *exteriora*; *superiora* prius, quàm *inferiora*; *par-*

tium

ium enim superiorum gratia, inferiora sunt, ut instrumenta; exemplo seminum plantarum, quæ prius mittunt radices, quàm ramos.

Natura autem, in generatione, eo ordine non utitur; neque exemplum illud est perpetuæ veritatis. Nam in fabis, ciceribus, cæterisque leguminibus; in glandibus item, & frumento; perspicuè constat, simul caulem sursum, & radices deorsum, ex eodem germine pullulascere. Et cepæ quidem, aliæque bulbosæ plantæ, sursum prius, quàm deorsum, progerminant.

Porro aliam ordinis hujus causam adnectit: scilicet *Cum natura nihil supervacaneum, nihil frustra facere soleat; constet, nec prius, neque posterius, quàm usus exigat, ab ea effici quicquam.* Nimirum, partes illæ prius generantur, quarum usus sive functio prius requiritur: nonnullæ etiam prius inchoantur, quod longiore tempore iis perficiendis opus sit; ut ita simul cum alijs, quæ citius maturantur, ad partum paratæ sint. Quemadmodum, nempe coquus fercula in coenam præparaturus, quæ [præ duritiæ sui] coctionis sunt difficilioris, aut suavem tardamque magis ebullitionem desiderant; ea foco prius admover: quæ autem citius, & minore calore præparantur, posterius aggredditur: illa etiam, quæ in prima mensa apponenda sunt, primò apparat; quæ in

secunda, ultimò. Ità similiter natura, in generatione animalium, partes humidas, molles, & carnosas (utpote quæ brevi coquantur, & formentur] serò distinguit: duras autem, & concretas, (ut ossa) quia largam evaporationem, & exsiccationem postulant, diùque earum materia incocta manet, initio statim adoritur. Nam & in cerebro, inquit, eodem evenit modo; ut primum prahumidum, multumque sit; mox humore efflato, concoctoque, corporatur magis, subsiditque & cerebrum, & magnitudo oculorum. Principio igitur caput pragraunde (respectu corporis reliqui, quod mole sua longè exsuperat) propter cerebrum; oculi grandes, propter humorem in ipsis contentum, apparent. Vltimi verò perficiuntur, quoniam cerebrum quoque egrè consistit. Serò enim à frigiditate, humiditateque vendicatur, in omnibus quidem, sed præcipuè in homine. Nam & sinciput inter ossa ultimum confirmatur; jam enim, cùm partus in lucem venit, molle hoc infantis os est.

Aliam insuper rationem addit; quod partes nempe ex diversa materia effingantur. Nobilissima quaque pars, inquit, & potissimi principii particeps, ex concocto, sincerissimo, primoque alimento gignitur; reliqua necessaria, ac illarum gratia institienda, ac deteriore, & reliquiis, excrementisque. Perinde enim natura, acque paterfamilias prudens, nihil amittere solet.

solet, ex quo facere aliquid commodi possit. Dispensatur autem in cura rei familiaris ita ut cibus optimus detur liberis, deterior servis; vilissimus sociis animalibus. Vt igitur incremento jam addito, mens advena facit hac, [idest, ut ego quidem interpretor, quæ homo adultus, acquisita mente, & prudentia, facit] sic in ortu ipso, natura [scilicet mente, & prudentia innata] ex materia sincerissima, carnem, & cæterorum sensoriorum corpora conficit. Ex excrementis (nempe analectis, sive reliquiis, quasi fragmentis) ossa, nervos, pilos, ungues, ungulas, & reliqua generis eiusdem constituit. Quamobrem hac ultima efficiuntur, cum jam suppetie excrementum natura. Ac proinde duplicem alimenti rationem statuit; alteram, nutriendi; alteram augendi: nutriens (inquit) est, quod esse præbent & toti, & partibus; augens, quod accessionem ad magnitudinem faciat.

Secundum id, quod in ovo reperimus; ubi albumen (tanquam alimentum sincerius) ad primam pulli nutritionem facit; vitellus, eidem augendo cibus est. Et tenuius quidem albumen [ut diximus] partibus primis & præstantioribus efformandis; albumen verò crassius, & vitellus, partibus dignioribus augendis, minorisque præstantiæ corporandis, inserviunt. Ait enim: Nervi etiam eo modo, quo ossa, insunt nutritur, & ex eodem, videlicet ex semina-

li excremento & nutritivo. Sed ungues, pili, cornua, rostra avium, calcaria, & si quid eiusmodi aliud est, ex cibo gignuntur ad-ventitio, & auctivo; quem tum a foemina, tum de foris sibi acquirunt. Indeque tandem cavillam reddit, cur homo (cum cetera animalia integumentis, & arnis à natura donata sint) nudus & inermis proveniat: nempe, quod partes eiusmodi ex excrementis sive reliquis constent, hominis verò sincerior materia sit, *minimumque in eo excrementum terrenum, sive in-solubile, reperiatur.*

Atque hæc quidem de generationis ordine, ex *Aristotele* recensuimus. Quæ omnia uni fundamento innixa videntur; Naturæ scilicet perfectioni: quæ in operibus suis, nihil mancum, nil superfluum admittit; sed semper, quod melius fuerit, operatur. Ideoque nullæ partes in generatione, vel antecedunt, vel subsequuntur; si eas simul gigni præstiterit. Nempe, quoties liberè, & electivè agit. Interdum enim, quasi coacta, & præter institutum, secus operatur; idque si, vel materiæ defectu aut abundantia, vel instrumentorum vitio, vel ab externis injuriis impedita, sine suo frustrata fuerit. Atque hinc aliquando evenit, ut partes finales, instrumentales prius generentur: finales appello, quæ cæteris (ceu instrumentis) utuntur.

Et quoniam partes aliæ genitales sunt, qui-

quibus natura ad aliarum generationem
 utitur; aut ad tollenda impedimenta,
 quibus manentibus, generatio rectè pro-
 cedere nequit; aliæque aliam rationem
 obtrinent: ideo accidit, ut pro materiæ
 dispositione, reliquisque requisitis, par-
 tes diversimodè aliæ aliis prius gignantur:
 & earum aliæ quidē, prius inchoentur, sed
 posterius perficiantur; aliæ prius & inchoen-
 tur, & perficiantur; aliæ vero simul inchoen-
 tur, sed seriùs perficiantur. Ac propte-
 rea, in generatione quorundam anima-
 lium, non idem semper ordo est; sed
 alius, aliùsque; in quibusdam quoque,
 nullus; sed omnes partes simul & inci-
 piunt, & perficiuntur; nempe per *metam-
 morphosin*, ut pridem diximus.

Hinc denique accidit, ut pars primoge-
 nita sit eiusmodi, in qua tum principium
 insit, tum finis; tum id cuius gratia omnia
 fiunt (nempe, *anima*;) tum id, quod est
 eius causa potissimum, & genitale. Cor
 itaque (sive, nostro arbitrato, sanguis) est
 prima animæ sedes, fons vitæ & focus pe-
 rennis, calor genitalis, ipsūque aded ca-
 idum innatum; primum partium suarum
 omnium instrumentalium efficiens, ani-
 mamque pro fine sortitum, quæ illis om-
 nibus, ceu instrumentis, utatur. Cor, in-
 quam, est, [ex sententia *Aristotelis*] cuius
 causa partes cunctæ in animalibus fabri-
 cantur; idemque earum omnium princi-
 pium simul, & opifex existit.

DE ORDINE PARTIVM

in generatione, ut ex observationibus constat,

EXERCITATIO LVI.

VT tandem sententiam nostram, de partium ordine proponamus, sicut cum ex variis nostris observationibus collegimus; visum est, totum generationis negotium [idque in omnibus animalibus] in duas fabricas dispescere.

Quarum prima est *ovi*; conceptus nempe & seminis, vel eius, quicquid sit, quod (*in sponte nascentibus*) semini proportionem respondet; sive *calidi nativi caelestis in humido primogenio*, cum Fernelio; sive cum Aristotele, *vitalis caloris in humore comprehensi*, nomine veniat. Conceptus enim (ut diximus) in viviparis, analogus est *semini & fructui* plantarum; quemadmodum & ovum, in oviparis; in sponte nascentibus, vermis; vel bulla aliqua conclusæ humiditatis calore vitali prægnantis. Quibus omnibus idem inest, unde verè semina dicantur: nempe, ex quo, & quo (tanquam materia, opifice, & organo prius existente) omne animal primo fit & nascitur.

Alterà verò *fabrica*, est *fœtus* ex semine, seu conceptu geniti, Quippe, & materia,

teria, & causa movens atque efficiens, instrumentaque operationi necessaria, prius sint oportet, quam operis quicquam inchoatum fuerit.

Ovi fabricam jampridem vidimus: ista autem scetus, [quatenus ex dissectionibus observare licuit,] in animalibus præsertim perfectioribus & sanguineis, quatuor potissimum gradibus, sive processibus perficitur: quos, pro vario generationis tempore, in totidem ordines redigemus; idemque, quod in ovo conspicitur, in omni partiter conceptu atque semine inesse demonstrabimus.

Primus processus, est partis primogenitæ, & genitalis; sanguinis scilicet cum suis conceptaculis, sive mavis, cordis cum suis venis.

Atque hæc pars, duobus præcipue causis, primò gignitur; tum quia est pars principalis, quæ cæteris omnibus, seu instrumentis, utitur; cuiusque gratia reliquæ partes factæ videntur: tum etiam, quia est pars præcipua genitalis, cæterarum origo, & autor. Pars, inquam, in qua tum principium unde motus, tum finis sit? idem, *ater, & rex*.

In huius primæ partis generatione [quæ quarto die in ovo perficitur] quamquam ordinem aliquem observare non potui; uod omnes eius particule (sanguis nempe, venæ, & vesicula pulsans) simul apparent; crediderim tamen (ut dixi) sanguinem

guinem prius inesse, quàm pulsum; & etiam
dem propterea, ex naturæ lege, priorem
esse suis conceptaculis, venis scilicet. Cordis
enim substantia & fabrica, (nempe
conus, cum ventriculis, & auriculis) ut
diu postea cum visceribus aliis generatur;
itâ quoque in eorundem classe (tertia sci-
licet) recenseri debet.

In hac constructione, venæ prius, quàm
arteriæ, sunt conspicuæ: saltem, quantum
nobis observare licuit.

Processus secundus, qui post quartum
diem incipit, est primi cujusdam *concre-*
menti, quod ego vermiculum, seu *galbam*
dixerim; (vitam enim, & motum *galbe*
obscurum præ se fert;) idque, prout in
mucosam substantiam coalescit, in duas
partes dividitur; quarum major & supe-
rior conglobata, atque in tres vesiculas
distincta conspicitur, cerebri nempe,
cerebelli, & alterutrius oculi: minor au-
tem (carinam referens) venæ cavæ supe-
rioritur, & secundum illius ductum pro-
tenditur.

In capitis fabrica, oculi primùm di-
scernuntur: mox apex albus, pro rostro,
eminet; & circumficescente uligine,
membrana obducitur.

Reliqui quoque corporis adumbratio
eodem tempore succedit. Primò, super
carinam, quasi navis latera assurgere vi-
dentur; similari quidem ab initio consi-
stentia, postea verò lineæ albiſſimæ co-

starum

starum ductum indicant. Deinde, membra motoria, pedes scilicet, & alæ exoriuntur: tandemque, carina, atque artus ei adnascentes, in musculos, ossa, & articulos distinguuntur.

Duo ista capitis, corporisque rudimenta, simul apparent & distinguuntur; at vero postea, cum crescunt, & perficiuntur corpus citius multò augetur, & efformatur, quàm caput; adeò ut hoc, quod ab initio totum reliquum corpus magnitudine superabat, eodem jam longè minus sit. Idemque pariter in fœtu humano usu venit.

Similis quoque disparitas contingit inter corpus, & artus. Nam in fœtu humano, [ab eo tempore, quo embryo longitudinem unguis digiti auricularis non excedit; donec ad ranæ, aut muris magnitudinem auctus fuerit] brachia breviora sunt, quam ut extrema digitorum super pectus extensa, sese invicem attingere possint: & minora crura, quam ut reflexa super abdomen, ad umbilicum, usque perveniant.

Quinetiam in recens natis, proportio corporis ad artus, tantisper major est, donec stare & incedere valeant. Ideoque infantes primùm pomiliones sunt, & instar quadrupedum repunt, cunctisque artubus innixi, gressum quasi tentant; incedere autem nequeunt, donec tibiæ crurumque prolixitas reliqui corporis lon-

longitudinem exceſſerit. Atque hinc fit, ut, cū primum ingredi nituntur, pro-
no corpore (tanquam animal quadrupes)
gradiantur; & vix, quantum gallus galli-
naceus, ſeſe erigere poſſint.

Ideoque inter homines adultos quoque
contingit, ut longuriones, (quibus crura,
& præſertim femora longiora ſunt) faci-
lius, ac diutius, quàm quadrati & troſſuli,
ſtare, ambulare, currere, aut ſaltare
queant.

In proceſſu hoc ſecundo, plurimæ for-
mæ facultatis actiones, ordine in-
vicem ſubſequentes, obſervantur; (quem-
admodum in automatis, ſive ultroneis
machinis cernimus; ubi rota rotam mo-
vet ſequentem: omneſque partes ex eadem
mucola & ſimilari materia oriuntur. Non
quidem, ut nonnulli Phyſici exponunt,
cū dicunt, ſimile ferri ad ſimile: verum
dicendum, partes moveri, non mutant
locum, ſed manentes, & alteraſcentes mol-
litie, duritie, colore, & reliquis partium
ſimilarium differentiis; factæ jam actū,
quæ antè erant potentia. Nemp: artus,
ſpina, reliquumque corpus, augentur ſi-
mul, & formantur; delineantur unà, &
colorantur: membrorum item oſſa, car-
nes, nervi, & cartilagineſ, quæ ſingulæ
in ortu primo ſimilares erant, & uniuſmo-
di; in progreſſu poſtea diſtinguntur,
junctæque inter ſe organa conſtituunt, ex
quibus, continuatione mutua, corpus

integrum fabricatur. Ità in capite, circum-
crescente membrana, ex aqua limpidissi-
ma, cerebrum concinnatur, atque oculi
expoliuntur.

Natura nempe ex eodem illo nutri-
mento (non autem, ut multi volunt, ex
diuerso, & cuique particulæ suo simili)
partes omnes alit, augetque ex quo con-
stituit ab initio. Scilicet, dum eandem
mucaginem, siue galbam auget, instar *fi-
guli*, materiam dividit primò; mox trun-
co, capiti, atque artubus, suas cuique
partes designat: more *pictoris*, priùs de-
lineat, deinde colores allinit: & tan-
quam *nauegus*, carinam primùm pro
fundamento substituit; postea costas, &
sternum (ceu rectum) superstruit; atque,
ut ille navim; ità natura, corporis trun-
cum fabricat, & artus appendit. In eoque
opere, partes omnes similes (puta ossa,
cartilagines, membranas, carnem, nervos,
&c.) ex eodem primitivo glutine, siue
mucagine orditur. Initio enim, crassæ
fibræ efformantur; eademque mox ner-
vosæ, postea cartilagineæ, & spinosæ red-
duntur; ac tandem in ossa indurantur, &
concresecunt. Similiter, membrana cras-
sior cerebrum investiens, primùm carti-
laginosa, deinde ossea evadit; dum
tenuis, in tunicam, atque cutem crasse-
scit. Eodemque ordine, caro, & ner-
vus, ex molli mucagine, in musculos, ten-
dines, ac ligamenta, excoquantur: cere-

Q 2 brum,

brum, & cerebellum, ex limpidissima aqua in coagulum callosum dentantur: quippe cerebrum infantium [priusquam incipitis ossa firmanantur] molle, ac diffusuens apparet; nec magis cohaeret, quam lactis coagulum.

Tertius processus, est viscerum; quorum generatio, post corporis delineationem (nempe circa sextum, aut septimum diem) in pullo discernitur; eodemque ferè tempore omnia apparent; scilicet jecur, pulmones, renes, cordis conus & ventriculi, simulque intestina. Oriuntur autem initio è venis, iisque adnascuntur, (quemadmodum fungi arborum corticibus;) primumque, ut dixi, apparent alba, exsanguia, & mucilaginosi; donec muni publico accinguntur. Intestina, cum ventriculo, primum, seu filamenta alba & tortuosa, per longitudinem alvi porrecta reperiuntur; & unà cum iis osabrefactum cernitur; à quo ad anum usque, continuo ductu, summa imis copulantur. Genitalia quoque, circa idem tempus apparent.

Haftenus autem viscera omnia, & intestina, intra corporis cavum non reconduntur, sed foris pendula, & quasi venulis atrecta, prominent: imò verò & cor ipsum. Truncus enim corporis etiamnum instar scaphæ, vel ædificii sine tecto, conspicitur: quippe necdum partibus anterioribus, (pectore nempe, & abdomine) occluditur.

Quam.

Quamprimum verò sternum apponitur, cor in pectus, seu aedificium a se exstructum sibi pręparatum, ingreditur; in eoque absconditur; &, tanquam lar familiaris, ambientis jam domus patrociniũ suscipit; eandemque, cum famulantibus sibi pulmonibus, inhabitat. Iecur postea, & ventriculus, intra hypochondria reconduntur: tandemque, intestina alvus amplectitur. Propterea in ovo gallinaceo, post incubationis diem decimum, non amplius (circa dissectionem) cor pulsans cernitur.

Sub hæc tempora, rostri apex, & ungues albissimi emergunt: simulque, in ventriculi cavitate, materia chylosa; in intestinis, excrementum quoddam conspicitur, & hepati jam inchoato fel viride adnectitur. Quibus clare patet, aliam aliquantı concoctionem, alimentique pręparationem (quarum hæc sunt excrementa) & nutritionem fieri, quàm per venarum umbilicalium propagines: subitque meritis dubitatio, quomodo bilis (secundę concoctionis excrementum) jecoris opera a reliquis humoribus secerni queat; cum ipsamet eodem tempore unà cum jecore nascatur?

Ordine jam dicto, partes interiores universim generantur: quippe, in omnibus (quę dissecui) animalibus, eodem modo, atque ordine procreantur; præsertim in perfectioribus, quadrupedibus, at-

Q 3 que

que ipso adeo homine. In quibus, secundo, tercio, & quarto mensibus, cor, jecur, pulmones, renes, lien, & intestina, inchoata atque aucta apparent, simulque colore albo prædita, quemadmodum & totus corpus abdicat. Quapropter non immerito primi illi dicuntur *in lacte* dies: viscera enim, reliquæque partes omnes, tanquam spermaticæ visuntur; præter præcipuè umbilicales.

Arterias umbilicales, post venas cognominas oriri arbitror: quòd illæ primis mensibus vix reperiuntur, & è ramis ad utrumq; crus descendentibus ortum ducant. Ideoq; haud priùs, quàm pars corporis [unde oriuntur] constituta sit, existere crediderim. Venæ autem umbilicales multò antè conspicuæ sunt, quàm quippiam corporis inchoatur.

Quæ jam dixi, ex plurimis, cuiuslibet ferè magnitudinis embryonum humanorum dissectionibus, rara habeo: quippe à magnitudine gyrini, ad septem vel octo digitorum transversorum longitudinem, diligentissimè observavi; indeque usque ad partum. Præcipuè verò, secundo, tercio, & quarto mensibus; quo tempore mutationes plurimæ contingunt, & generationis ordo luculentius apparet.

In embryone igitur humano, ætatis duorum mensium; eadem, quæ suprà in processu secundo diximus, inchoata conspiciuntur. Quippe primo mense, vix quic-

quicquam conceptus in utero exstare arbitror; saltem nihil unquam reperi. Labente verò eodem mente, conceptum rejectum sæpius vidi [similem ei, quem Ætolicina excussum *Hippocrates* memorat] ovi phasianæ magnitudine, aut columbini; eratque instar ovi excorticati, forma nempe ovali: membrana autem crassior (chorion dicta) eum ambiens, foris cum mucore albo obsita conspiciebatur, (præsertim parte obtusiore;) intus verò lubrica apparuit, aqua limpida, lentaque plena: præterea nihil inerat.

Secundo mense, ovum eiusmodi (sed maius) sæpe conspexi cum abortus indicis rejectum, lochiis scilicet ichorosis: idemque, aliquando integrum; aliquando ruptum, thrombis sanguineis opertum. Intus læve erat, & lubricum; sanguine foris adhærente: eademque forma, quam prior, comparuit. In horum rejectorum quibusdam, fœtum inveni; in aliquibus, nullum. Fœtus ille longitudine quidem unguem digiti minimi, formâ verò ranulam referebat, præterquam quòd magno capite, & pedibus brevissimis esset; instar gyrenorum, mense Iunio, cum artus primum pullulant, caudam amittunt, & ranæ imaginem induunt. Tota eius substantia alba, adeoque mollis, & mucilaginosa apparuit, ut, nisi aquæ limpidae inditam, manibus tractare non potuerim. Facies eadem erat, quæ aliorum animalium,

canis nempe, vel felis; sine labiis, largoque oris rictu ad aures usque patente.

Pleræque mulieres quarum conceptus [instar ovi subventanei] irritus & sine foetu est, tertio mensi abortiunt.

Eius ætatis abortum sæpe dissecui (ad ovi anserini magnitudinem) cui inerat foetus, omnibus suis partibus distinctus; ruditamen forma. Apparebant quidem caput, oculi, atque artus; musculi verò indistincti erant; ossa nulla, sed eorum loco lineamenta quædam alba, & veluti cartilagineæ molliores: cordis substantia albissima, cum duobus parvis magnitudinis & crassitie ventriculis, & bicipiti cono; parvos nucleos gemellos diceret:) iecur valde exiguum, atque idem album. Toto hoc temporis spatio (trimestri scilicet) vix quicquam placenta, sive hepatis uterini, conspicitur.

In omnibus huiusmodi conceptibus, (quos quidem viderim) membranam ambiientem ingenti aquosæ substantiæ copia repletam deprehendi: in qua natans embryo, tam exigua corporis mole est, ratione loci in quo degit; adeoque longo ac flexuoso umbilico gaudet; ut aquam, illam, nullo modo sudorem, vel urinam, dici oportere; sed potius (instar colliquamenti in ovo) pro nutrimento à natura constitutam, esse, sit verisimile. Nullum enim indicium reperire licuit, quo conceptum illum, sive ovum, utero adhuc con-

connexum fuisse, crederem: solummodo parte ovi huius obtusiore, externa superficies rugosior, crassiorque apparuit; tanquam placentæ jam futuræ rudimentum.

Porrò, conceptus isti mihi videbantur, quasi ova quædam, quæ intra uterum solum foverentur, propriaque indole [in]star ovi in utero gallinaceo] auferentur.

Quarto autem mense, mirum dictu quantum socius accreverit! jam enim à pollicis longitudine, ad spithamæ amplitudinem auctus est: membra quoque omnia distincta apparent, & sanguine tinguntur; artuum musculi, & ossa discernuntur; unguium etiam vestigia conspicua sunt; seque ipsum validè movere embryo incipit. Caput tamen prægrande est; facies, sine labiis, buccis, & naso; rictus oris ingens, cuius medium lingua occupat; oculi parvi, sine palpebris; membrana frontis medium, totumque verticem operiens, nondum cartilaginea, nedum ossa evadit; occiput verò duriusculum, & quasi cartilaginolum, calvariæ soliditatem jam inceptam indicat.

Genitalia quidem comparebant, verum testiculi intra abdomen (ubi femellis uterus) locabantur, manente scroto inani. Muliebria imperfecta viscebantur, uterique cum suis tubulis, formam uteri agnini bicornem referebat.

Placenta nunc auctior, uteroque affixa, conceptus ferè mediunt comprehendebat;

debat; mihiq; videbatur, quasi carnosae uteri excreſcentia, ſeu fungus: adeo, in toto ambitu, pars eius gibba, utero jam craſſiori reddito firmiter adnaſcebatur. In hanc ramuli umbilicales (ceu radices in terram) ſpargebantur: eaque mediante, conceptus nunc primum utero adneſcebatur.

Cerebrum amplum & fluidum, coagulum referebat, venis majusculis reſertum. Cordis ventriculi ambo ejuſdem magnitudinis, eorumque parietes æqualiter craſſi. In peſtoris regione intra coſtas, tria loca concava, nec multum inæqualia viſa ſunt; quorum inſimum, pulmones ſanguinolenti, ſimilique cum jecore & renibus colore, poſſidebant: medium, cor & pericardium occupabant: ſuperiorem verò partem glandula (quam *thymum* dicimus) prægrandis complebat.

In ventriculo, chylus reperiebatur; non abſimili ſubſtantia, ab aqua, in qua natat. Inerat quoque coagulum album, ſimile ſtrigmentis illis albis & mucosis, quæ obſtrix in recens natis (è cutis piceſcentum plicis) ſtatim à partu abluir. In ſuperioribus inteſtinalis, excrementi; vel chyli aliquid: in inferioribus, papaverculum. In veſica, urina reperiebatur; ſicent & bilis, in veſicula ei deſtinata. Inteſtinum cæcum (perinde ac in adultis) quaſi coli appendiculum vacuum erat, &

ſu.

superfluum, non autem, ut in alijs animalibus (nempe, porco, equo, lepore) tanquam alter ventriculus. Omentum, seu velamentum, aut nebula tenuissima ac transparens, super intestina omnia fluicabat.

Renes eo tempore non formantur in gibbum, ut in adultis; sed ex multis quasi globulis compinguntur; (quales in vitulo conspicimus, & tursione) tanquam singulis uteretur divaricationibus, ad eandem orificia, totidem globuli aut papillæ apponerentur, è quibus urinam emulgerent. Supra renes glandulæ binæ reperiuntur (ab *Eustachio* primum observatæ) plurimo sanguine scatentes; earumque vena, quam *adiposam* Anatomici vocant, non multò minor ipsa emulgente apparet: Iecur, & lien (secundum proportionem) uterque sanguine æquè plenus.

Notandum hic obiter, in omni fœtu humano vegeto & sano, lac perfectum passim reperiri; eodemque maxime *thymum* glandulam abundare. Reperitur etiam in *pancreate*, & per totum *mesenterium*, in quibusdam quasi *venis lacteis*, glandulisque inter divaricationes venarum mesaraicarum positis. Quinetiam ex infantium recens natorum uberibus aliquando exprimitur, imò sponte effluit: idque ad sanitatem facere, obstetrices aliquæ opinantur.

Et, ut clarè constet, aquam illam [quæ in conceptu abundat] non esse embryonis excrementum aliquod, sudorem nempe, vel urinam; eadem, minore copia, [pro proportionem] cernitur prope partum [quando fœtus est grandior, eoque nomine excrementi plus accumulat, cum alimento copiosiore utatur] quam primis prægnationis mensibus. Adde insuper, vesicam eo tempore urinam plenam & distentam esse. Profecto transicum illum, (quem *urachum* Anatomei appellant) urinam, ut putant, è vesica per umbilicum, educentem, nunquam invenire potui: sæpe verò observavi: vesicam manu compressam, urinam foras per penem, non autem per *urachum* profundere.

Atque hæc quidem de humano fœtu à me observata, quatenus ad ordinis partium in generatione notitiam faciunt, dicta sunt.

In quarto ultimoque processu, infimæ conditionis atque ordinis partes efformantur: nempe, quæ non simpliciter ad ipsum esse, aut conservationem animalis spectant; sed solummodo ad tutelam contra injurias externas, vel ad *ornatum*, vel *pugnam*.

Ad tutelam ejusmodi, pars extrema (cutis scilicet) potissimum instituitur, omniaque quæ ex illa oriunda sunt: nempe *cuticula*, *pilli*, *lana*, *plumæ*, *squamæ*,

crusta, testa, unguis etiam, ungulae, & siquid huiusmodi, in hunc censum veniunt. Et prudenter sanè a Natura [quæ nihil unquam frustra molitur] institutum est, ut partes illæ ultimò generentur, quarum usus non nisi post ortum, contra mala forinfecus advenientia, requiritur. Ideòque pullus gallinaceus lanugine solùm, necdum plumis vestitus prodit [ut aliæ aves, quæ ad volandum quamprimum paratæ sunt; quia ultrò citroque obambulando, pedum potiùs, quàm alarum usu victum quæritat. Similiter, anatum atq; anserum [qui natando cibantur] plumæ & alæ tardiùs perficiuntur, quam pedes: contrà, quam hirundinibus evenit, quæ volare priùs quàm pedibus uti norunt, quòd volando pabulentur.

Generatur itaque lanugo in pullo gallinaceo, post decimumquartum diem; perfecto jam fœtu, omnibusque partibus instructo. In plumarum autem exortu primo, quasi puncta quædam in cute cernuntur; postea verò plumulæ [veluti è terra, herbæ] excrescunt, tandemque explicantur, & totum corpus circumvestiant, contraque aeris inclementiam tutantur.

Differunt plumæ à pennis, forma, usu, & nascendi loco, atque ordine. Pulli enim priùs sunt plumigeri, quàm pennigeri: quippè pennæ in alis tantum, & uropygio reperiuntur; ac profundius ex ima cutis

parte,

parte, vel ex isto perioftio enascuntur, motuique inferviunt; plumæ autem è summa cute oriuntur, & ubique muniti gratia adfunt.

Vngues, pili, cornua, & similia (inquit Aristoteles) gignuntur ex cute: quo fit, ut gen. ipsa colorem pariter cum cute immutent: an. l. 2 alba enim & nigra, & vario modo di-

c. 4 versa, pro colore cutis, redduntur. Hæc autem in pullo nostro longè aliter se habent: cuiuscunque enim coloris plumæ fuerint, subiecta cutis non nisi unum exhibet. Quinetiam una eademque penna, variis interdum coloribus, miroque ordine tingitur, & ad pompam exornatur.

In humano fœtu similiter, cutis, partesque omnes catanæ, ultimo loco perficiuntur. Ideoque inter initia, nec labia, nec buccæ, nec auriculæ, nec palpebræ, nec nasus discernuntur: ultimoque omnium coalescit linea illa, qua labia superiora comittuntur.

Nascitur certè homo nudus pariter, & inermis; ut, pote quem natura animal sociale, politicum, ac pacificum voluerit; rationeque duci maluerit, quàm vi trahi. Ideoque manibus & ingenio cum dedit, ut acquisitis necessariis, semet ipse vestiret, & defenderet. Quibus enim animalibus natura robur concessit, iis arma quoque viribus consentanea attribuit: quibus autem illud denegavit, his ingenium,

nium, solertiam, miramque injurias evitandi dexteritatem largita est.

Ornamenta, ut apex, crista, palearia, & similia, quibus fastuosa animalia superbiunt; maribus potius ut plurimum tribuuntur, quam fœminis; uti etiam arma; puta dentes, cornua, calcaria, &c. quibus ad prælia utantur. Suntque hæc in maribus eo potissimum tempore conspicua, quo fœmellarum venustas, generandique desiderium eos primum urit. Juvenculis quidem defunt; senibus autem (utpote inutilia) exolefcunt.

Gallus noster gallinaceus (bellator egregius) quamprimum viribus, generandique facultate pollet; calcaribus insignitur; & crista, plumisque decoratur; quibus fœminas suas ad veneris obsequiū pelliciat; & cum aliis maribus, non quidem inanis gloriolæ aucupio, sed pro generis sui perpetuitate decerit: nempe, ut qui se suosque defendere melius possit, idem quoque cæteris ad speciei propagationem præferatur. Siquidem cuncta animalia, quæ armis instructa, & bellicera præ cæteris observamus, vel ob fœtus tutelam, aut laribula, aut victum, sed potissimum fœminas possidendi gratia, [idque generationis ergò] digladiantur: eademque victa ut pompam fastumque dimittunt, ità simul de fœminarum possessione decedunt; abiectoque animo, præ ære torpent; victor autem, fœmina;

rum præda potius exultat, victoriæ gloria jactabundus.

Neque est adscititius, aut paucorum dierum hic ornatus; sed perennis, & naturæ muneri debetur: quæ non modò animalibus (& præsertim avibus) pingendis studiola cernitur, sed & ipsos flores herbasq; mira colorum varietate exornat.

PARADOXA QVÆDAM,

Et problemata, circa hanc rem pensanda.

EXERCITATIO LVII.

HActenus de generationis ordine, à nobis dictum est: unde apparuit differentia eorum, quæ per *metamorphosin*, ab iis, quæ per *epigenesin* procreantur: item eorum, quæ ex *verme* oriri dicuntur ab illis, quæ ex *ovo*, hæc enim ex materiæ præparatæ parte corporantur, nutriuntur verò & augentur ex reliqua; illa autem corporantur ex tota materia: hæc simul augentur & formantur, ac post ortum quoque incrementum sumunt & adolefcunt; illa primùm augentur, & ex eruca crescunt in aureliam, deinde formantur & consummata nascuntur animalia, ut papilioes, bombyces, & id genus alia. Ideoque *Aristoteles* (annotante *Fabricio*) ut duplicem quodammodo ovi naturam

duplexque ovum in hoc genere constituit;
 ita duplicem ponit actionem, genitumque
 animal duplex. Etenim (inquit) ex pri-
 mis ovis, qua primordia generationis sunt,
 vermis perpetuo gignitur: nimirum ex ovis
 muscarum, formicarum, apum, bomby-
 cum &c. in quibus quid fluidum conti-
 netur, & ex eo fluido toto vermis nascitur.
 ex secundis vero ovis, qua ab ipsomet ver-
 me fabricantur, papiliones gignuntur &
 exeunt; sciuncet animal volatile, quod in
 putamine, seu folliculo, seu ovo, continetur
 & concluditur, abruptoque folliculo exit;
 ut de locustarum ovis Aristoteles prodit. De
 Denique, hæc successione partium persi-
 stuntur; illa vero (nempe quæ per meta an. l.
 morphosin fiunt) simul integra formantur. s. c.
 eodemque modo generantur, tam ea, 28,
 quæ sponte oriri dicuntur, & materiam
 suam primam, primave exordia à putre-
 dine, cæno, rore excrementis, vel parti-
 bus stirpium, aut animalium, casu for-
 tuito venantiscuntur, quàm illa quæ ex
 semine animalium congenerum prove-
 niunt. Quippe omnibus viventibus id
 commune est, ut ex semine, cæu ovo,
 originem ducant: sive semen illud ex alijs
 ejusdem speciei procedat, sive casu ali-
 unde adveniat. Quod enim in arte aliquan-
 do usu venit, id idem quoque in natura
 contingit: nempe ut eadem casu sive
 fortuito eveniant, quæ alias ab arte effi-
 ciuntur: cujus rei [apud Arist.] exem-
 plum,

Me- plum, est *sanitas*. Similiterque se habet
 taph. generatio (quatenus ex semine) quorum-
 1. 7. liber animalium; sive semen eorum casu
 6. 2. adsit; sive ab agente univoco eiusdemque
 generis proveniat. Quippe etiam in
 semine fortuito, inest principium gene-
 rationis motivum, quod ex se & per seip-
 sum procreet; idemque, quod in anima-
 lium congenerum semine reperitur; po-
 tens scilicet animal efformare. Verum de
 his postea uberius.

Ex dictis autem, *paradoxa* quadam
 expendenda veniunt. Cum enim in ovo
macula prius dilateretur; *colligamentum*
 concoquatur, & praeparetur, plurimaque
 alia (non sine providentia) ad pulli for-
 mationem & incrementum instituuntur;
 antequam quippiam pulli, vel ipsa primo-
 genita eius particula appareat: quidni
 utique credamus calorem innatum, ani-
 mamque pulli vegetativam, ante pullum
 ipsum existere? Quid enim aliud effe-
 ctus, atque operationes vitae producat,
 quam illarum causa & principium effi-
 ciens? calor nempe, & facultas animae
 vegetativae. Ideoque, non videtur ani-
 ma esse actus corporis organici vitam ha-
 bentis in potentia: talem enim actum,
 formam pulli censemus. Cui autem alii,
 quam ipsi pullo, formam inesse putemus
 aut animam? nisi formas *separatas* esse
 dicamus, aut *metempsychosin* aliquam
 concedamus.

Hoc

Hoc autem manifestissime apparet, ubi
dem animal successione formarum (ut
ait *Aristot.*) vivit: ex. gr. eruca, chrysa-
s, papilio. Idem enim esse principium
fficiens, nutriend, & conservans, in
ingulis his (sicut sub diversis formis) ne-
esse est: nisi aliam animam in puero, in
dolecente aliam, aliamque in senē con-
stituamus: aut eandem formam erucæ &
ecyali, ac papilionis & bombycis, as- Hist.
irmemus. Qua de re *Aristoteles* accu an. l.
ate scripsit; & nos postea plenius di- s. c.
temus. 19. &

Videtur præterea paradoxon, Sanguis De-
em fieri & moveri, spirituque vitali im- gen.
ui; antequam ulla organa sanguifica, an. l.
el motiva exstiterint. Nec minus novū, 3. c. 19
utque inauditum, inesse sensum ac mo-
um in fœtu, priusquam cerebrum extru-
tum fuerit: Movetur enim fœtus, con-
rahit & explicat sese, cū pro cerebro
dhuc nihil conspicuum est, præter
quam limpidam.

Adhæc corpus nutritur & augetur, an-
equam organa coctioni dicata (ventri-
culus nempe, & viscera) formantur.
Sanguificatio etiam (quæ secunda coctio
appellatur,] perficitur ante primam (in
ventriculo,] quæ chylicatio dicitur. Pri-
mæ & secundæ coctionis excrementa,
[nempe in intestinis, atque urinae ac fel-
lis vesicula] ipsis concoquentibus organis
sunt coæctanea. Denique, non modo in

vegetativa animæ parte, sed & ante animam ipsam, inest mens, providentia, & intellectus; qui cuncta statim à prima origine, ad pulli esse & bene esse, disponunt, ordinant, ac procurant; adque formam & similitudinem generantium, arte effingunt.

Ad quam prolis similitudinem quod attinet, dubitare licet, quid causæ sit, cur aliquando foetus similior patri, aliquando matri, aliquando etiam progenitoribus, iisque vel paternis, vel maternis reperiatur? præsertim, cum uno intuitu, eodemque momento, plura ova fecundentur. Est etiam hoc admirabile, virtutes & vitia, morbos quoque stigmata, & naevos, a genitoribus in posteros transferri; idque in aliquos duntaxat foetus, non autem in omnes. In genere gallinaceo, quidam generosi sunt, & ad pugnam nati; qui mori malunt, quam fugiendo adversariis cedere: eorum tamen nepotes, nisi parentibus similibus geniti fuerint, virtutem illam paulatim exuunt; secundum illud: *fortes creantur fortibus*. In plerisque aliis quoque animalium speciebus (& præsertim hominibus) observatur generis nobilitas; multæque iis animi & corporis dotes ex traduce adveniunt.

Illud sæpe miratus sum; quare, cum prolem (ut plurimum) mistam quandam fabricam, sive compositionem ab utroque

parente obrinere videamus, idque in cæteris omnibus partibus; idem tamen in genitalibus non eveniat: sed plerumque aut mas, aut fœmina nascatur, rarissimè vero *hermaphroditus*.

Denique multa insunt, antequam appareant; & quædam inter prima inchoantur, quæ postremo perficiuntur; ut oculi, genitalia, rostrum.

Dubia quoque hinc, & difficultates quædam, circa membrorum principatum, partiumve dignitatem oriuntur; in quibus sese ingenia harum rerum studiosorum exerceant. Scilicet, num cor vitam, & virtutem sanguini tribuat; an porius, sanguis cordi. Vtrum sanguis corporis gratia sit, tanquam materia, nutrimentum, aut instrumentum: an verò corpus, omnesque partes ejus, sanguinis causa, animæque primò ac principaliter in eo existentis, fabricentur. Similiter, utrùm ventriculi cordis, an auriculæ ejus præstantiores sint. Quippe has pulsare primò, & vivere, ultimoque emori, comperitum est. Præterea, num ventriculus *sinister*, qui in homine productior est, patiari etiam crassiore & carnosiore obvallatur, spirituumque origo creditur; sit præstantior, callidior, spirituosior, ac vivacior: an *dexter*, qui postremò in morte enervatur & labascit, majoremque sanguinis quantitatem intra se continet; & in quo sanguis morientium ultimè

concreffit, spiritūque ac vita destituitur
ad quem etiam (ceu principium) vena
primæ umbilicales sanguinem deferunt,
eidemque originem suam acceptam re-
ferunt.

Hæc scilicet ex observatione ordinis
generandarum partium occurrunt: atque
alia etiam, qua ex ipsis deducuntur, re-
ceptamque vulgò physiologiam haud pa-
rum turbant. Nempe [cum motum &
sensum, ante natum cerebrum adesse,
liquidò cernamus] manifestum est, non
omnem motum atque sensum à cerebro
proficisci: siquidem ex historia constitit,
in prima statim sanguinis guttula in ovo,
antequam quicquam corporis efformatur,
sensum motumque clarè elucescere. Pri-
ma quoque corporis fabrica, sive consti-
tutio (quam mucilaginosam diximus)
priusquam membra ulla discernuntur;
cumque cerebrum nil aliud, quam aqua
limpida est; si modò leviter pungatur, in-
stat vermis vel erucæ, sese obscurè mo-
vet, contrahit, & contorquet; ut sentire
ipsam, evidenter pateat.

Sunt & alia a motu sensuque deducta
argumenta; unde, non tam cerebrum
[cum *Medicis*,] quam (ex *Aristotelis* sen-
tentia) cor ipsum, esse primum princi-
pium, iudicemus.

Motus, & actiones, quas Medici ap-
pellant *naturales*, quod illæ nobis, etiam
nolentibus, contingant; neque eas mo-
derari,

derati, accelerare, retardare, aut inhibere, pro arbitrio nostro possumus; ideoque a cerebro non dependent: illæ tamen prorsus citra sensum non fiunt, sed eundem subesse indicant; utpotè à quo excitentur, irritentur, & permulentur. Nempe, in corde ipso, palpitationem, tremorem, lipothymiam, syncopen, pulsusque omnes alterationes, in magnitudine, celeritate, ordine, sive rhythmo, & similibus, a morbificis causis alterantibus, sensumque lædentibus. fieri arbitramur. Quicquid enim contra irritamenta, & molestias, moribus suis diversis nititur, id sensu præditum sit necesse est.

Ventriculus, & intestina à pravis humoribus lacerata, nauseam sæpe, ructum, rugitum, vomitum, & fluorem alvi concitant: eosque motus ut nec sistere, nec provocare, in potestate nostra situm est; ita nec sensum aliquem à cerebro dependentem novimus, qui partes illas ad actiones ejusmodi extimulet.

Mirum profectò est, quod, ab infusione antimonii epota, usu venit; quam nec gustu distinguimus, nec degluritione aut reiectione molestam sentimus; ventriculo tamen sensus quidam inest, quo noxium ab utili discernat, indeque ad vomitum provocetur.

Quin caro etiam ipsa, istum venenatum, à non venenato facile distinguit; ideoque constringit sese, & densatur; unde

de tumores phlegmonodes excitantur: ut videre est, in ictibus apum, culicis, & aranei.

Ipsemet aliquando, experiendi causa, manum acu pupugi; mox eandem acum aranei dente conficans, manum alio loco perforavi: nec potui quicquam discriminis inter duas has punctiunculas inter noscere. Erat tamen in cure, quod discerneret; quippe eodem loco, ubi venenata punctio contigerat, subito sese in tuberculum contraxit, induitque mox ruborem, calorem, atque inflammationem; rancquam ad pugnam, & nocentis mali expugnationem, se roboraret, & accingeret.

Matricis læsiones, nempe contorsio, decubitus, prolapsus, ascensus, & suffocatio, aliaque incommoda & irritamenta à cerebro, siue sensu communi non dependent; nec tamen citra omnem sensum evenire ea, existimandum est. Quicquid enim sensus planè expers est, non videtur ullo modo irritari, aut ad motum, actionesque aliquas edendas, excitari posse. Nec certè alio indicio, animatum quid & sentiens, à mortuo, sensuque carente internoscimus, quam per motum à re aliqua irritante excitatum, qui sensum continuè & sequitur & arguit.

Verùm de hac re amplius, ubi de actionibus & usu cerebri agitur disputare æquum est. Priscorum autem virorum, & antiquitatis ipsius reverentia nos mo-

net,

net, ut, quantum veritas patitur, illorum
dogmata tueamur. Neque enim decet
eorum opera & statuta temerè despiciere,
aut flocci facere; quorum prælata face,
ad Philosophiæ adyta pertingimus. Qua-
re ità censendum arbitror. Experimur
in nobis sensus potissimum quinque esse,
quibus de rebus externis iudicamus: quo-
niam autem haud eodem sensu sentimus,
quo nos sentire percipimus; (oculis enim
videmus, iis tamen non intelligimus nos
videre) sed alio sensu, organove sensiti-
vo, (sempe sensu communi interno) quo
ea, quæ per singula sensoria externa no-
bis advenerunt, dijudicamus, albumque
à dulci, & duro distinguimus; sensorium
hoc commune (cui ab externis omnibus
sensoriis species referantur) *cerebrum* es-
se, manifestum est: quod vna cum om-
nibus suis nervis, organisque externis,
iisdem annexis, adæquatam sensationis
instrumentum censetur. Estque instar ra-
dicis sensitivæ, cui fibræ plurimæ conti-
gerunt, quarum vna videt, altera audit,
tangit tertia, aliisque olfacit, & gustat.

Quemadmodum tamen actiones &
motus quidam sunt, quorum regimen
sive moderamen à cerebro non pendet, at-
que idèò naturales appellantur: ità quo-
que statuendum est, dari sensum quen-
dam tactus, qui non referatur ad sensum
communem, nec cerebro ullo modo com-
municetur; ac propterea in eiusmodi

R sensu,

sensu, non percipimus nos sentire; sed, veluti iis evenit, quibus mens agrotat, aut passione aliqua animi vehementi agitantur, ut dolorem nullum sentiant, neque ea, quæ sensibus occurrunt, animadvertant; ita pariter in hoc sensu continere credendum est: quem propterea à sensu animali distinguimus. Talem sensum in Zoophytis, sive plantanimalibus (ut herba sensitiva, spongiis, & similibus) observamus.

Quare, ut multa animalia tum motu, tum sensu prædita sunt, sine sensu communi, aut cerebro; uti lumbrici, erucæ, necydali, chrysalides, & alia: ita quoque actiones quædam naturales in embryone, nobisque etiam contingunt citra opem cerebri; & sensatio quædam fit, sine sensu. Atque ut Medici docent, *actiones naturales* ab *animalibus*, discrepare: ita pariter ratione, *tactus* quoque *naturalis*, videtur differre à sensu tactus animali, aliamque tactus speciem constituere; adeo ut iste, sensui communi, sive cerebro communiceretur; ille verò, nequaquam.

Præterea, aliud est, musculus moveri aut contrahi; aliud verò, eundem, variis contractionibus & relaxationibus, regulatus, actionem aliquam perficere, utpote, progressionem, vel apprehensionem. Certè musculi, vel organa motoria, in spasmò & convulsionibus, à causa aliqua irritante non aliter moventur, quam gal-

lus

lus aut gallina, quæ detruncato protinus capite, multis quidem pedum alarumque convulsivis motibus agitur, sed confusis omnino & irritis; quoniam potestas cerebri ablata est, & sensus communis evanuit, cujus antea moderamine, cum rhythmo & harmonia, motus illi ad progressum, aut volatum regulabantur.

Dicendum itaque arbitramur, motus omnes *naturales* a virtute cordis profluere, & ab illo dependere: *spontaneos* autem, actionemque aliquam perficientes, (quos Medici *animales* vocant) sine cerebro & sensu communi regulante, non fieri. Quemadmodum enim, sensu hoc communi, sentimus nos sentire; ita pariter sentimus nos movere; idque ordinatè, vel secus.

Veriusque hujus motus exemplum in respiratione clarè cernimus. Pulmones enim (cordis instar) motu naturali continuo sursum ac deorsum feruntur; ad rursus etiam, & frequentiore agitatione irritantur: vocem tamen proferre & moderari, sive canere, nequeunt; sine sensu communis auxilio, & quasi jussu.

Verùm istæc uberius (ubi de actionibus & usu cerebri, animæque contemplatione agitur) tractanda veniunt. Hæc autem, hic obiter dicta sunt, ut reverentiam clarissimis Præceptoribus debitam servandi studium, & voluntatem nostram significaremus.

DE NVTRITIONE PVL-
li in Ovo.

EXERCITATIO LVIII.

Quam non sit temerè negligenda Veterum autoritas, vel hinc apparet: fuit olim celebris opinio [quam tamen, tanquam erroneam, plerique hodie rejiciunt; & *Fabricius*, ceu deliramentum, stultamque opinionem, impugnatum] *Embryonem in utero materno sugere*. *Democritum*, *Epicurum*, atque *Hippocratem* astipulatores. Et *Hippocratis* quidem ratio duobus potissimum & 134 nititur argumentis; nam, inquit, *nisi fu-*
xisset, quomodo excrementa faceret; aut
protinus a partu surgere novisset? *Atque* hujus quidem perantiqui & cernat. leberrimi Viti in nuda verba alias jurare
puer. solent, sufficitque in aliis rebus, *αὐτὸς ἐν*: hic verò (quod receptæ vulgò sententia dissentanea afferat) *Fabricius* non modò affirmantem, sed & argumenta producentem aspernatur. Hanc igitur *Hippocratis* sententiam, num observationes nostræ, de generatione animalium, necessariam, nedum probabilem faciant, peritissimorum Anatomicorum, & doctissimorum Medicorum judiciis relinquitur.

Om-

Omnes profectò fatentur, foetus, dum in utero est, copiosam aquam innatare, [nos, in ovi historia, liquorem hunc, *colligamentum* nominavimus;] eandemque sudorem, & humorem excrementitium foetus esse, Neoterici asserunt; huncque usum præstare aiunt, ut in ea natans foetus, [interea dum mater currit, saltat, aut alio aliquo violento motu agitur] uterum non offenderet, vel ipsemet ad circumposita ossa allisus, aut foris percussus læderetur; præsertim, cum eo tempore membra ejus tenella & infirma sint.

Fabricius, alias præterea istius aquæ Pag. utilitates adnectit; nempe, ut vias omnes 137. circumquaque madefaceret; ac lubricas redderet, collumque matricis ad maximam dilatationem facile ac promptum efficeret; eaque omnia, inquit, non minus efficit crassum illud ei respondens tertia coctionis album excrementum, unctuosum ac pingue oleosumque, antiquitus neglectum. Quod etiam & illud præstat, nè sudor, qui interdum acris ac salsuginosus segregari potest, tenellum foetus corpus erodat.

Agnosco libenter utilitatem ab omnibus positam; scilicet, ut tenellus foetus à subitaneis & violentis matris moribus indemnis sit, tutò aded in alijs *vespertilionum*, uti vocant, appenditur, & copiosa aqua circuncingitur. ut facilè quovis (etiam violento) motu maternæ latera (propter attrinque collocata retinacula)

tangere nequeat; saltem, liquor iste circumambiens in medio libratum ab omni externo nocumento protegat. A Fabricio autem, quemadmodum in aliis plurimis, ita hic quoque ut seorsum sentiam, observationes meæ faciunt: quippe liquorem illum, quem diximus, fœtus sudorem non esse, certus sum. Nec crediderim, aquam istam commoda illa præstare in partu, quæ ipse memorat: multò verò minus, liquorem hunc acrem & saluginosum esse adeò, ut unctuofo munimento fœtui opus sit; præsertim ei, qui lana, pilis, vel plumis induitur. Est enim probi saporis, & similis lacti aquoso; ac proinde statim à partu, omnia ferè vivipara eum absorbent, jamque natos fœtus lambendo detergunt; humoremque quem auferunt, avidè devorant; cum fœtum excremēta nē attingant quidem.

Fabricius, aquam hanc acrem & saluginosam dixit, quòd illam sudorem esse crederet. At quid, obsecro, incommodi pullo jam plumis vestito sudor afferat? si modò sudantem pullum unquam viderit. Neque, opinor, dixerit, usum illius aquæ in ovo esse, ut sua humiditate ac lubricitate, pulli partum acceleret. Quantò enim scior, & vetustior ovi cortex fuerit, tanto etiam fragilior, ac friabilior evadit. Denique, si sudor pulli esset, is prope exclusionē abundaret magis; quò enim grandior est fœtus, & uberiori alimento utitur,

cō plus sudoris quoque excernat necesse est. At verò paulò ante exclusionem pulli ex ovo [nempe circa diem decimum novum, aut vicesimum] nihil omnino ejusmodi humoris cernitur; quippe paulatim, crescente pullo, absumitur; ut inde *alimentum*, potius, quàm *excrementum* esse, [si modò rem rectè perpenderit] existimare debuerit: præsertim, cùm dixerit, pullum in ovo respirare, vocem edere, sive pippire; quod certè aqua circumdatus neutiquam præstiterit.

Sed neque in facilitando, lubricandove partu (uti obstetrices expertè probè norunt) humiditates istæ aquosæ in secundinis, ut *Fabricius* voluit, magnopere profunt. Partes enim vicinæ circa id tempus, quasi maturitate quadam sui, [citra illius aquæ profusionem] laxantur; præsertim illæ, quæ maximo solent esse impedimento; nempe, ossa pubis, & coccygis; circa quæ præcipua in expediendo partu obstetricis cura versatur: minus enim, unguentis emollientibus partes carnosas oblinere studet, nè lacerentur; quâ coccygi extrudendo sedulò operam navat; idque si manu non possit, *speculo matricis* periti chirurgi manu procurat; hujus enim instrumenti triplicis latere, uno ad coccygem applicato, reliquisque duobus ad ossa pubis, per vim loca illa distendit. Nam proditurus infans, cum se verit, caputque deorsum præcipitat, os

uteri laxat & aperit; descendens verò, si ad coccygis apicem impeerit, hæret, ægreque prodit foras; non sanè sine sui-ipsius, foetantisque discrimine. Naturæ autem instituto laxari & emolliri partes illas manifestum est. Nam si immisso digito, orificium matricis molle, & laxum obstetrix invenerit, appropinquantis partus signum æstimat certissimum, etiam antequam aquæ proruperint. Imò verò (experta prodimus) si quicquam vel post partum remanet ejciendum, vel alio quovis tempore inest, quod uterus expellere conetur, orificium eius tum inferius prolabitur, tum etiam molle & laxum repetitur: sin autem illud post partum sursum retractum, & duriusculum inveniatur, salubritatis hoc est indicium.

Simili quoque experientia edoctus assero ossa pubis sæpe ab invicem in partu laxari, emollito eorum cartilaginosa connexu, totamque hypogastrii regionem ad miraculum usque ampliari; non quidem ab aquosæ substantiæ profusione, sed sua sponte, ut fructus maturi excludendis suis seminibus solent hiscere. Quantopere verò coccyx partum remorari soleat, patet in quadrupedibus, quibus cauda appenditur: tales enim nequeunt, vel foetum excludere, vel ani excrementa emittere, nisi caudam sustulerint; quam si manu prehensam depresseris, stercoreis exitum prohibebis.

Quin;

Quinetiam partus naturalissimus habetur, cum foetus & secundinae una cum aquosa substantia (ceu ovum integrum) prodeunt. Nam si istae illaesa fuerint, & aqua non profluxerit, contingit partes circumjacentes à parturientis nixibus magis distendi, ac dilatari; tensione scilicet membranarum: quo fit, ut foetus minore conamine, citiusque elabatur, ac prorepat; licet id maiore matris cum dolore eveniat. Quo casu novimus, parturientes interdum ab ingenti distensionis molestia, membranarum ruptura, (sive obstetricis unguibus, sive forcipis opera ea contingat) effluente subito aqua, plurimum levari.

Narrant quoque harum rerum gnaræ obstetrices, si quando, ante debitam uteri apertionem, omnis aqua simul effluxerit, foetantem in partu diutius morari, ac difficilius fieri puerperium, quod contra tamen eveniret, si modò (ut *Fabricius* voluit) præcedentes aquæ, emolliendo & lubricando tantopere proficerent.

Porro humorem illum, quem nos *colligamentum* appellavimus foetus sudorem non esse, liquidò constat, tum in ovo, tum cæteris etiam animalibus: quippe, adest, priusquam quippiam foetus constituitur, aut vestigium ejus ullum exstat. Imò verò quamprimum foetus conspicitur, & etiamnum totus mucilaginosus ac peregrinus est; tam ingens tamen aquæ hu-

Jus copia cernitur ; ut tantilli corporis tantum excrementum dari, planè impossibile videatur .

Accedit præterea , quod venarum umbilicalium fibræ , in istius aquæ amplectentem tunicam spargantur & terminentur ; petinde atque in ovi albumina , & vitellum : ut inde clarè constet , (modò rem ipsam , prout est , verè æstimaverimus) humorem illum , alimentum potius , quàm excrementum , censendum esse .

Verisimilior itaque mihi videtur sententia Hippocratis , quàm Fabricij & aliorum Anatomicorum , qui liquorem illum , pro sudore habent . Noxamque fœtui asferre statunt . Crediderim , inquam , colliquamentum hoc , aquamve , in qua natat fœtus , ei pro alimento inservire ; partemq; ejus tenuiorem & sinceriorem , intra venas umbilicales haustam , primogenitas fœtus partes constituere , & augere ; ex reliquo autem , cœu lacte , per suctionem in ventriculum deglutito , ibidemque cocto , sive chylicato , & venarum mesaraicarum opera attracto , novellum embryonem nutriri , & crescere . Idque ut credam libentiùs , faciunt argumenta quædam non invalida , quæ nunc dicam .

Quamprimum fœtus perfectionem aliquam nanciscitur , membra protinus mover , & organorum motui destinato-

ram actiones anspiciatur. Videmus autem pullum in ovo, intra aquam os aperire; quare necesse est, humorem in fauces lapsum deglutiatur. Quicquid enim intra fauces, ultra linguę radicem, ad gulę summitatem pertigerit; id nullum animal [citra vomitum] regerere posse certum est. Ideoque veterinarii, qui potiones Medicatas, aut morsellos, pilulasve jumentis exhibent, prehensa eorum lingua, ultra hujus protuberantiam, ad radicem ipsam ingerunt; quo fit, ut, easdem quin devorent, evitare nequeant. Et si quis nostrum, pilulam aliquam digito suo ad radicem usque linguę intromiserit, expectietur subitò ad deglucitionem ejus compelli, nisi eandem vomitus impetu repulerit. Quamobrem si embryo in humore dicto natans, os suum aperit; necesse profectò est, aquam fauces ingredi; & si alios musculos movet, quidnè credamus, eundem pariter & faucium organum usum, liquorem illum absorbere.

Quinetiam certum est, intra pulli ingluviem [talisque prorsus in omnium embryonum ventriculis cernitur] substantiam quandam colore, sapore, & consistencia dicto jam liquori persimilem reperiri; eandemque in ventriculo aliquantulum coctam, lac coagulatum referre; quam etiam, chyli specie, in primis intestinis deprehendimus, inferiora autem intestina excrementis stercoreis repleta.

sunt. Similiter in viviparorum foetibus; intestina crassiora consimili excremento replentur, quali eadem, cum lacte vescuntur, abundare cernimus. In ovibus etiam alijsque bisulcis, manifesta insunt scybala.

Circa diem decimumseptimum, in pullo, prope anum, stercora evidenter reperi; quin eadem quoque foras intra secundinas egesta, paulò ante partum conspicatus sum. Idemque Volcherus Coiter diligens & peritus dissector, à se observatum meminit.

Quid dubitemus igitur affirmare, foetum in utero sugere; & in eo fieri *chyli-*
ficationem: cum eius manifesta adsint, tum principia, tum rejectamenta?

Præterea, cum eo tempore vesicam utranque, bile, & urina [quæ secundæ coctionis excrementa sunt] plenas videamus; quidni pariter coctionem primam, chyli-*ficationem* nempe, præcessisse judicemus?

Embryo itaque per os victum quærit, & fugit. Idque faciliè deprehenderis, si ei statim ab utero exesto digitum in eos immiseris. Quod, teste *Hippocrate*, nequam faceret, nisi prius in utero suxisset. Videmus enim nuperos foetus, tendendo primum, & periculum faciendo res omnes aggredi: nempe, membra movere, incedere, & vocem proferre: quæ postea diutina assuetudine edocti, promptè &

accu-

accuratè peragunt. Fœtus autem quamprimum in lucem editur, imò verò priusquam natus est, fugit: tanquam id in utero jam pridem egisset. Quippe experti sumus, cum in partu hærentem, antequam ejulare, aut respirare possit, digitum ori admotum apprehendere, & sugere.

Quinimo recens natus, suctionem accuratius molitur, quam adultus, aut ipsemet per aliquot dies desuetus, queat. Neque enim infans papillam labiis comprimens fugit, ut nos, absorbendo; sed quasi deglutire vellet, totam in fauces usque attrahit, linguæque & palati auxilio, tanquam manducando, lac emulget; majore profectò conatu, atque arte, quam adultus possit. Didicisse igitur longa consuetudine videtur, antequam natus esset; quod desuetudine tam brevi didicere post nativitatem experimur.

His, aliisque id genus observationibus, verisimile fit, pullum in ovo duplici modo nutriri; per venas nempe *umbilicales*, & *mesaraicas*, per illas, alimentum probè confectum aurit, unde sanguis, & partes primogenitæ constituentur, & cre-scant; per has, chylum trahit, in reliquarum partium fabricam, & augmentum.

Quomodo autem contingat, ut idem agens, ex eadem materia, diversimodè nutritionem instituat, (cum natura nihil agat frustra] ratio forsitan in occulto la-

ter. Dabimus tamen operam, ut eadem pateat.

Quæ per umbilicales venas attrahitur, purior & sincerior pars est. Colliquamentum verò reliquum, in quo natat fœtus, est veluti lac crudum, & purissima sui parte privatum. Sincerior itaque pars, concoctione ulteriore non indigit, quæ reliqua opus habet; ac propterea in ventriculū portò recepta, in chylum transiit. Simile huic est lac crudum, & aquosum, quale in mammis statim post partum cernitur. Quippè albumen ovi colliquantum, & lac aquosum sive crudum in uberibus, ejusdem planè coloris, saporis, & consistentiæ apparent. Primus enim lactis proventus, serosus & aquosus est; & mulieres aquam prius è mammis exprimunt, quam lac in albedinem coctum, & perfectum.

Ac propterea colliquamentum in pulli ingluvie repertum, est lac quoddam crudum: idem verò in ventriculo coctum, album & coagulatū cernitur. Similiter in viviparis, antequam lac in mammis coquitur, quasi res quidam, & colliquamentum apparet; è contrà verò, *colliquamentum*, postquam in ventriculo coquitur, lactis faciem induit. Ità fit, ad mentem *Aristotelis*, ut ex tenuiore, & sincera magis portione, primæ & principales partes condantur; ex reliqua autem deteriore (per novam in ventriculo coctionem) elaborata, augeantur; simulque aliæ sequioris.

quioris ordinis constituentur. Sic Natura, seu benigna ac indulgens mater, abundare potius superfluis, quam in necessariis deficere maluit. Aut potius rationi consentaneum esse, dicendum est, ut fœtus jam perfectior, perfectiore quoque modo [per os scilicet] enutriatur, alimentumque perfectius. & duobus præcedentibus coctionibus purius redditum (utpote à duobus excrementorum generibus defæcatum) hauriat. Initio quidem, per umbilicales radices alitus, plantæ vitam quandam degit; unde corpus crudum, album, atque imperfectum conspicitur; & plantæ instar, immobile atque inertis manet. Quamprimum verò per eos eodem alimento ulterius elaborato fruitur, quasi spiritu diviniore gaudens, & sublimiore exultans vegetationis gradu, *MUCA* go dicta in carnis naturam transit, motiva organa distinguuntur, spiritus locupletantur, motumque orditur; nec jam amplius, plantarum more, per radices; sed, animalis instar, per os nutritur, & illius vitam degit.

DE TOTIVS OVI
utilitatibus.

EXERCITATIO LIX.

E Narratis jam mutationibus iis, & processibus, qui in ovo gallinaceo ad fœtus

foetus productionem requiruntur; *Fabricius* ad totius ovi partiumque eius utilitates progreditur; nec solum ovi gallinacei, sed & reliquorum omnium. Quæritque una, cur quædam ova heterogenea sint, & ex diversis partibus composita; alia verò homogenea, & similia? qualia sunt ova insectorum, eorumque quæ ex toto ovo oriuntur (nempe per *metamorphosin*) non autem ex parte eius gignantur, ex parte verò nutriuntur, ut priora.

Mihi autem de ovibus omnibus generatim agere, non est animus; (quod nondum eorum historiam exposuerim:) sed ovorum gallinaceorum duntaxat, eorundemque partium utilitates proponam. Quæ omnes eo spectare debent, quò totius ovi actio; quam pulli generationem, & augmentationem esse, *Fabricius* verè innuit.

Atque inter ea (quæ totum ovum spectant) figuram, quantitatem, & numerum ovorum recensuit. Figuram ovi rotundam ait, ut in minimo spatio, tota pulli moles contineatur; propter quam causam Deus rotundum mundum fecit, ut omnia I. 10. completeretur: atque ob eandem causam, de us, hac figura (teste Galeno) natura semper par, existit amicissima, & convenientissima. Præterea, cum non habeat angulum externis injuriis expositum, ideo tutissima est, & ejusdem exclusionem opportunissima. Causa itaque assignanda erat, cur gallinarum

ova non sint sphaerica, (proinde atque piscium, vermium, & ranarum) sed oblonga, & acuminata. Quid sit nempe, quod in his figuræ perfectionem impediat. Figura mihi quidem videtur nullius esse ad pulli generationem efficaciar, sed talem accidentaliter contingere; eoque magis, quod tam varia formarum discrimina, etiam in ovis gallinaceis spectentur. Variant scilicet pro uteri figura, a quo [ceu proplasmate, ut diximus] formam mutantur.

Aristoteles quidem ait, ova oblonga, scæ. *Hist.*
 minas; rotundiora autem, mares producere. *an. l. 6*
 re. Ego verò super hac re nihil adhuc. *2*
 explorari habeo. Quin *Plinius* contra *L. 10*
 rium asserit; Fæminam, inquit, edunt, quæ. *52*
 rotundiora gignuntur, reliqua marem. Profectò si certi aliquid in hac re contingeret, quædam gallinæ semper mares gignerent, aliæ fæminas: siquidem quorundam ova omnia unius formæ sunt; nempe vel rotunda, vel fastigio acuminata. Et oblonga potius mares producerent, nam illa perfectiora, magisque concocta habentur; eademque propterea gratioris saporis putavit *Horatius* *Plin.*
Flaccus. *ibid.*

Rationes pro ovorum figuris a *Fabricio* allatas, quod invalidæ sint, lubens prætereo.

Magnitudinem ovi quod attinet, ea amplitudini fœtus ex eo generandi conducere

ducere videtur; quippe magnarum galli-
 Ib. l. 8 narum, grandia ova cernimus. Cocodri-
 25 lus tamen parit ova, quanta anseres; nec
 aliud animal ex minori origine in maiorem
 crescit magnitudinem. Verisimile autem,
 ovi amplitudinem & liquorum in eo co-
 piam, non nihil ad fecunditatem facere:
 quoniam perpaucilla ova (centenaria dicta)
 omnia infœcunda cernimus.

Ovorum numerus eandem utilitatem
 præstat, quam conceptuum copia in
 viviparis solet. Quippe hoc pacto speciei
 consulitur perennitati. Natura enim iis
 ferè animalibus numerosos fœtus largitur,
 quæ viribus animisve imbecillia, ab alio-
 rum injuriis ægrè se tutantur: adeoque
 vitæ breviteratem, copiosa prole compen-
 sat. Tribuit hoc avium generi natura,
 inquit Plinius, ut fecundiores essent fuga-
 ces earum, quàm fortes. Cum enim gene-
 ratio quælibet se periculis gratia à natu-
 ra instituatur, frequens iis contingit, quæ
 brevioris ævæ sunt, & externis injuriis ob-
 noxia, ne species deficeret. Ideoque aves,
 quæ robore pollent, & ex raptu vivunt,
 adeoque diuturniore ac securiore vita,
 fruuntur, rarò plùs quàm bina ova edunt.
 Columbæ quidem, turtures, & palumbes,
 bina duntaxat ova simul incubant: sed nu-
 meri defectum frequentia compensant; &
 decies enim quotannis pariunt. Multùm
 itaque generant, licet non multa.

DE VITELLI ET ALBUMINUM UTILITATIBUS.

EXERCITATIO LX.

Orum, inquit Fabricius, propriè dictum, ex multis partibus componitur; quia est organum generantis, & Galenus passim quodlibet organum ex multis partibus constare prodidit. Quæ ratio dubitandi ansam præbet, an non cuiuslibet ovo competat, esse heterogeneum: quoniam omne ovum est organicum. Et profectò quodlibet ovum videtur ex partibus diversis constitui; etiam insectorum, & piscium: quippe, membranis, involucris, ac munimentis constant; & materia contenta, constitutione dissimilari hand prorsus destituitur.

Idem porro verè quidem statuit, cum Galeno, *Partes alias in ovo, præcipuum instrumentum actionis esse; alias poni, tantquam sine quibus actio fieri non potest; alias ut melius actio fiat; alias denique, ad horum omnium tutelam & conservationem comparatas esse.* Sed fallitur, cum ait, *Si de prima actione loquamur, quæ est pulli generatio, præcipua causa est semen & chalaza, quia hæc dua sunt præcipua pulli generationis causa: quarum semen, efficiens causa constituitur; chalaz autem*

tantummodo materia est. Quippe ex sententia Aristotelis, necesse est fateatur, intra ovum esse, quod generat. Semen autem galli ovo inesse, negat. Nec minus hallucinatur circa materiam, ex qua, seminis opificio, pullus corporetur. Nam neque ex ambabus chalazis, nec alterutra earum, pullus fit; ut in *historia* constitit. Nec generatio pulli fit per *metamorphosin*, sive delineationem & divisionem chalazæ, sed per *epigenesin*, quemadmodum explicuimus. Neque chalaza principaliter à semine fecundatur, sed potius cicatricula, sive *ovi oculus* à nobis dictus; ex quo aucto fit *colliquamentum*; deinde in isto, & ex isto, sanguis, venæ, & vesiculæ pullantes, tandemque corpus integrum constituitur. Quinetiam (iplomet fatente) semen galli, uterum gallinæ ne ingreditur quidem & tamen ova non modò jam facta, sed & postmodum formanda pariter fecundat.

Ad secundam ovi actionem (quæ est pulli nutritio & augmentum) albumen, & vitellum retulit. Vitelli verò, inquit, & albuminis quantitas constituta est, ut melius illa actio fiat, & ad pulli absolutiorem, & justum incrementum sufficiat. Ovi cortex, & membrana, ad totius ovi, simulque actionis tutelam posita sunt. Vena verò, & arteria alimentum deferentes, erunt tanquam sine quibus actio, id est, augmentum & nutritio fieri non posset. Incertum

tum autem, nullum intellexerit vasa umbilicalia foetus, an venas & arterias matris, unde ovum augeatur. Pari vero ratione, uterus atque incubatio, ad hanc ultimam classem referenda erant.

Accedimus itaque ad ovi liquores, albumen nempe & vitellum; hi enim, praeter ceteris, foetus gratia instituuntur, & in iis potissimum secunda ovi actio spectabilis est.

Ova gallinarum bicolora sunt, & binis liquoribus constant, qui seorsum à se invicem membranis dissepuntur; idemque quoniam duplici venarum umbilicalium propagine distinguuntur, [quarum una ad vitellum, altera ad albumen abit] variae quoque naturae esse verisimile est, ac proinde usus etiam & utilitatis diversae. Luteum ovorum, inquit Aristoteles, atque albumen contrariam naturam obtinent; huius non solum colore, sed etiam potestate. Luteum enim à frigore densatur: albumen non densatur, sed magis liquefit. Contra, ab igne spissatur albumen; luteum non spissatur, sed molle permanet, nisi peruratur. Et elixando, quam assando, plus concrefcit, atque fccatur. Vitellus ab incubitu jam calefcens, redditur humidior; fit enim tanquam cera fusa, aut pinguedo liquefcens: unde etiam spatium amplius acquirit. Paulatim enim, ut foetus augeatur, albumen absumitur, & crassefcit: vitellus autem è contrà, perfecto jam foetu, nihil penè

penè magnitudinis suæ amississe cernitur ;
sed liquidior solum & humidior conspicitur,
cum foetus jam alvo regi incipit.

Diversitas autem hujus causam Aristoteli hanc reddit : Cum avis intra se pergen. ficere nequeat, cibum unà parit in ovo.
an. 1. Viviparis enim cibus in alia corporis parte
3.c.2. paratur, quod lac vocatur, videlicet in
mammis. At avibus hoc idem in ovo natura constituit ; sed contrà quàm homines putant, & Alcmaeon Crotonienses ait : non enim albumen ovi lac est, sed vitellus. Nam cum foetus viviparorum, dum matri adhæret (ceu planta, terræ) ab utero ejus primum alimentum trahat ; post partum autem, extra uterum locatus, è mammis lac sugat, unde adolescat : pullus, utriusq; alimenti analogon in ovo invenit : quod nempe viviparorum uterus in parente sit ; in oviparis autem è contrà, parens potius in utero esse dicendus sit. Est enim ovum tanquam uterus expositus & ablegatus, mammæque quasi vicariæ in eodem reperiuntur. Pullus, inquam, in ovo primum albumine nutritur ; hoc verò assumpto, vitello postea (tanquam lacte) alitur. Ideòque propago umbilicalis, quæ albumen adit, confecto eo, fatiscit & abrumptur ante partum, nullumque tandem vestigium sui relinquit, (cum in viviparorum tertus umbilicus permaneat) sed evanescit, antequam venter inferior abdomine claudatur, Propago autem al-

tera, quæ luteum petit vnâ cum isto (circuncluso abdomine) in ventrem reconditur, victusque inde tenello fœtui depro-
mitur: donec scilicet, firmato rostro, ci-
bum sumere & frangere possit; ventricu-
lusque ingestum cum comminuere, ac
digerere valeat. Quemadmodum vivi-
parorum fœtus, lacte ex ubere vescitur,
donec dentibus instructus fuerit, quibus
cibaria masticando conterat. Pullo enim
(ut diximus) vitellus pro lacte est: ovum-
que gallinaceum [quoniam & uteri, &
uberis vices subit] liquore bicolore, albu-
mine nempe atque luteo donatur.

Et dictorum quidem liquorum discri-
mina omnes fatentur. Ego vêtò, ut pri-
dem dixi, in ovo diversa quoque albu-
mina observavi, membrana intersepiente
distincta, quorum exterius, aliud intra
se complectitur; quemadmodum vitellus
ab albumine continetur. Eademque etiâ
diversæ naturæ esse monui; quoniam &
loco, & ambiente membrana, ab invicem
distinguntur, quasi usibus similiter di-
versis inserviant. Ambo tamen nutritio-
nis gratia instituta sunt: eorumque exte-
rius primò absumitur; utpote in quod,
venarum umbilicalium (albumina ad eun-
tium) propagines priùs disseminantur,
quam in crassius alterum; quemadmodum
eadem albumina priùs adeunt, quàm vi-
tellum, quem istæ complectuntur, & un-
de pullus novissimè alitur.

Verùm hac de re inferius plura: ubi modum exponemus, quo foetus viviparorum in utero formentur, & augeantur; simulque demonstrabimus, eisdem omnes ex ovo ortum ducere, duplicique nutrimento albugineo in utero vevesci. est enim eorum alterum tenuius, & intra ovum (sive conceptum) reperitur; alterum verò per vasa umbilicalia è placenta uterique cotyledonibus, emulgetur. Quod in dicto conceptu continetur, colore, & consistentia, albumen tenuius refert, est nempe lentum, liquidum, & pellucidum, planeque ei simile, quod in ovo *colligamentum* nominavimus, in quo foetus, natus, & quo demùm ore pascitur. Quod verò foetus vasorum umbilicalium ope, ab uteri placenta trahit, densius est, & mucosum, crassiorique albumini persimile. Vnde liquidò apparet, foetum in utero, non magis sanguine parentis ali, quàm lactentem postea, aut pullum in ovo; sed nutriri materia albuginea, in placenta concocta, oviq; albori non absimili.

Nec profecto utilis minùs, quàm admirabilis est providentiæ divinæ contemplatio; quàm Natura, in gignendis, augendisq; foetibus (eorum quasi ætati, viribusque prospiciens) alimentum singulis præstat idoneum: his nempe concoctu faciliorem, illius difficiliorem victum accommodans. Prout enim robur, & vimque cibos digerendi uberiorem foetus

acquirat; ita pariter crassius ei duriusque alimentum suggeritur. Idque etiam in diverso animalium lacte observare est; editis enim nuper foetibus, lac matri tenuius, faciliusque transmutationis contingit; temporis autem processu, viribusque foetus jam auctis, crassius indies, & caseosum magis evadit. Ideoque mulieres molliores & delicatulae, quae ipsae foetus suos non lactant, sed alienis uberibus nutriendos tradunt, male profecto eorum saluti consulunt; cum enim nutrices adscititiae, robustiore plerumque sint corpore, & habitu duriore praeditae, lactique vetustiore, & caseoso magis, coctumque proinde difficiliore, abundant; fit saepe, ut infantes talibus parentibus oriundi, lac ejusmodi (praesertim dentitionis tempore) non ferant; sed cruditatibus, lactisve corruptione, febris, fluore alvi, vomitu, intestinorum torminibus, tussi, insultibus epilepticis, aliisque similibus malis infestentur.

Quod Fabricius asserit, rationibusque Pag. quibusdam confirmare nititur, nempe, 34 materiam pulli ex chalazis constitui; id nos supra in *historia* rejecimus, simulque manifestum fecimus, substantiam pulli, primaque ejus stamina efformari, integris adhuc, & immutatis chalazis, locoque etiam ab iis diverso.

Nec verum est, *chalazas* (quas semen Pag. galli fecundas reddidisse autumat) vicem 54

- Pag. seminis subire, ut ex iis pullus oriatur.
 57 Neque chalaza, colore, substantia, aut corporis proprietate, ut ille voluit, semini ita persimiles sunt, aut fetus similitudinem adeo referunt in ovo cocto, ut jure partes omnes spermaticas appellatas inde procreari, censendum sit. Sed potius colligamentum à nobis dictum, sive partem albuminis tenuiorem, liquatam & coctam, seminis naturam referre, ejusq; vicem subire oculis credendum est.

Supina itaque est illa venerandi Senis contemplatio: Cùm universa animalis substantia ex duobus corporibus inter se valde diversis, quinimo contrariis, constituitur; nimirum calidis, & frigidis; (calida sunt partes omnes sanguinea, & rubra, ut jecur, cor, lien, venes, pulmones, denique carnosum omne ac masculinum genus: contra verò frigida sunt partes alba, & exsanguis, ut ligamenta, nervi, ossa, cartilagines, cerebrum, spinalis medulla, vena, arteria, membrana; & membranosa omnia corpora, ut ventriculus, intestina, uterus, pericardium, & si qua alia sunt) duæ diversa hæ partes proculdubio diversum inter se, sed sibi quoque simile expostulant alimentum; si modò verum est, ex iisdem nos nutrim, ex quibus constamus. Merito itaque spermatica, frigida, & alba, alimentum album & frigidum; sanguinea verò rubra & calida, rubrum & calidum alimentum postulabunt. Merito
 si.

similiter ad frigidas, albas, & exsanguis
nutriendas partes, candidus ovi liquor, vi-
delicet albus, frigidus, & exsanguis; ad
calidas vero & sanguineas, vitellus, utpu-
ta calidus liquor, ruber, & sanguineus,
substitutus est. Sia enim omnes animalis
partes, conveniens & familiare alimentum
sibi procurabunt, & attrahent. Nequa-
quam enim concedimus, binos in ovo li-
quores reperiri, ut diversis partium gene-
ribus nutriendis inserviant. Quippe jam-
pridem diximus, Cor, pulmones, renes,
lienem, jecur, musculos, ossa, ligamen-
ta, cæterasque corporis universi partes,
albedinem ab initio induere, & exsan-
gues apparere. Quinetiam ex prædicta,
Fabricii sententia sequeretur, Cor, pul-
mones, jecur, lienem &c. non esse partes
spermatikas, sive è semine oriundas; (quod
ille tamen nullo modo concesserit) quo-
niam illa postmodum sanguine nutriun-
tur, & crescant: siquidem ex eodem quæ-
libet restum nutritur, tum constat; cum
nutritio sit substitutio consimilis substan-
tiæ, in locum deperditæ.

Nec minùs illi responsu arduum, quo-
modo (absumpto jam albumine in ovo)
partes frigida & albæ (nempe ligamenta,
ossa, cerebrum, spinalis medulla &c.) ex
vitello porro nutrantur, & crescant? cum
hic sit illis alimentum non minùs in ido-
neum, quàm albumen partibus calidis,
rubris, & sanguineis.

Imò verò ex præfata sententia concludendum foret, partes calidas & sanguineas; postgenitas esse, sive ultimò enasci: carnem scilicet post ossa; jecur, lienem, & pulmones, post ligamenta & intestina: frigidasque pulli partes, priùs constari, & adolescere, interea dum albumen absorbetur; calidas autem postea gigni, cum vitellus in earum nutrimentum cedit, & immittitur: certumque esset, non omnes partes ex eodem candido liquore ortum ducere. Hæc tamen omnia, oculata experientia falsi redarguit.

Addo insuper hujus rei aliud argumentum: Piscium cartilagineorum (nempe rajæ, pastinacæ, & caniculæ) ova bicolora sunt, & vitellum satis coloratum habent; cum tamen eorundem piscium omnes partes (ipsa etiam jecorum parenchymata) albæ, exsanguis, & frigidæ appareant. Contrà autem, vidi genus quoddam gallinaceum, cujus statuta ampla, color pennarum nigricans, caro sanguine statuta, jecur rubicundius; eorum tamen ova (etiam fecunda) vitellos pallidissimos habebant, nec plus hordei maturi, stipula coloratos.

Verbis proximè sequentibus, videtur
 Pag. quæ modo dixerat, retractare; cum ait:
 55 Vnum autem admirari tum in vitello, tum
 in albumine oportet; quod, cum nullum eorum sanguis sit, ita tamen natura sanguinis propinqua sint, ut modicè omnino à
 san-

sanguine distent, & parum absit, quin
interque liquor sanguis sit: quare & exi-
guo labore, levique concoctione in sangui-
nem vertuntur. Et ideo videre est venas
& arterias, in albuminis & vitelli mem-
branas propagatas, perpetuo sanguine refer-
tas: albumen autem & vitellum in sua
natura consistere, sed simulatque à vasis
utraq; substantia exsurgitur, in sangui-
nem migrare; adeo eorum substantia pici-
na sanguini est.

Cum itaque, certum sit, sanguinem
non minùs in propaginibus venarum per
albumen sparsis reperiri, quam in iis quæ
vitellum adeunt; & utrumque liquorem
sanguini adeo vicinum esse, ut facili ne-
gorio in eundem commigrent; quis (ob-
secro) dubitet, sanguinem, & proinde
partes quoque omnes sanguineas, albu-
mine pariter, ac vitello nutriri, & cre-
scere.

Ille verò mox parat subterfugium.

Quamquam autem, inquit, hæc vera sunt, ibidi-
existimare tamen oportet, hanc substan-
tiam, quæ vitello & albumine à venis
exsurgitur, eo modo esse sanguinem, quo chy-
lus in mesentericis venis; in quibus nil aliud
conspicitur, quam sanguis; eum tamen
chylus umbram tantum sanguis suscepit,
perficiatur autem in jecore; sic substantia
ab albo & luteo exsucta, in venis statim
sanguinis umbram contrahit &c. Esto: sub
hac umbrâ tamen latitans, non solvit du-
bium.

bium, Cur nempe sanguis, partesque sanguineæ, ob rationes dictas, non æquè ab albumine, atque è vitello nutrantur.

Si equidem asseruisset, partes calidiores, ex eo sanguine (vel alimento in sanguine contento, chyloque analogo) potius enutriti, qui ex vitello, quam qui ex albumine attrahitur; frigidæque contra, ex eo potius, quem ab albumine venæ apportant, quàm a vitello; me profectò haud magnopere habuisset adversarium.

Vnum in hac re eum malè habet; quomodo scilicet sanguis in ovo efficiatur; sive, à quo opifice uterque liquor in sanguinem materetur, nondum existente jecore? Non potuit enim dicere, illum in ovo à materno sanguine profuisse. Ait vero, *Hic sanguis potius in venis, quam in jecore elaboratur, & coquitur; evadit autem os, cartilago, caro &c. in ipsis partibus, ubi exactè, coquitur, & assimilatur.* Nec quicquam præterea addit; neque indicat, à quo coquatur, elaboretur, fiatque sanguis perfectus in venulis tam albuminis quam vitelli, nondum (ut dixi) existente jecore, aut corporis particula aliqua, quæ ipsum vel coquat, vel elaboret. Et cum priùs dixerit, frigidæ ex albumine, calidæ autem & sanguineæ ex vitello nutriti; disti immemor, hic planè contrarium statuit: eundem nempe sanguinem, in os, cartilaginem, carnem, cæterasque partes evadere.

Silen-

Silentio autem præterit difficultatem maximam, & Medicorum animos non leviter torquentem: nimirum, quomodo jecur sit origo & opifex sanguinis; cum hic non solum in ovo reperiatur, ante natum aliquod viscus; sed & ipsi Medici doceant, viscerum omnium parenchymata, esse sanguinis duntaxat affusiones? Estne opus, autor sui opificis? Si hepatis parenchyma sit ex sanguine, quomodo illud hujus caussa fuerit.

Similis comaris sunt, quæ sequuntur: Est, inquit, & alius albuminis usus, quo à vitello fuit segregatum; ut scilicet in albumine foetus innatet, & ita sustentetur. nè deorsum suapte pondere vergens, ad unam partem inclinet. & vasa trahantur, rampanturque; ad quod præstandum, tenacitas & puritas albuminis confert. Etenim si in vitello degeret foetus, facile deorsum in profundum descenderet, cum vitelli etiam ruptione. Iejune admodum! Quid enim, obsecro, albuminis puritas sustentando foetui confert? aut quomodo tenuius albumen facilius eum sustinet, quam vitellus crassior & terrestrior? vel unde, quæso, nè deorsum labatur, periculum est? cum ovum incubatum semper in latus decumbat, ut nec adscensus pulli, nec descensus aliquis metuendus sit. Natate quidem non solum pullum, sed & foetus omnes (dum formantur) certum est; sit autem istuc in colliquamento à nobis di-

Et, non in albumine, aut vitello: causamque ejus rei alibi diximus.

Scribit Aristoteles (inquit) ascendere vitellum ad obtusorem ovi partem, cum pullus concipitur. Hoc propterea fit, quia ex chalaza pullus corporatur, qua vitello adheret; unde vitellum, qui in medio est, sursum attolli oportet ad latioremi ovi partem; ut inibi gignatur, ubi cavitas naturalis adest ad pulli salutem perquam necessaria. At vero chalaza magis albumini, quam vitello adnectitur.

Ego autem ascensus ejus causam hanc affero: Macula, sive cicatricula in vitelli tunica apparens, ob colliquamentum spirituosum ei innatum, dilatur; amplioreque propterea locum requirens, versus obitum ovi cacumen tendit: similiterque vitelli & albuminis portio colliquata distenditur, & jam cocta ac spiritalis reddita, cæteris partibus crudis supernatat: quem admodum particula aquæ in vase calefactæ, è fundo sursum properant: quod Medicis omnibus compertum, qui utinam crassam ac turbidam aquæ ferventis balneo immittentes, superiorem ejus partem primò claram & transparentem fieri norunt. Exemplo res fiet manifestior: Nota ferè omnibus est *machina*, ad risum & jocum potius, quam usum aliquem comparata: nempe in sphaera vitrea, aqua limpida maximam partem plena, complures globuli vitrei solo aere pleni,

pleni, summæ illius aquæ superficiei innatant; eandemque ob levitatem, varia simulachra (putà Cupidinem phætreatum, quadrigas Solis, centaurum armatum, & similia) fundum alias petitura, mutuo adnexu sustentant. Ità pariter oculus pulli à me dictus, sive colliquamentum primum, ab incubantis calore, virtuteque genitili dilatatum, ideoque levius factum, summa perit, & vitellum (cui adhæret) secum vna attollit. Hinc albumen crassius ei locum cedit, chalazæq; ad ovi latera feruntur; quod cicatricula illa in vitelli latere olim sita, nunc recta sursum tendat.

DE CÆTERARVM OVI partium utilitatibus.

EXERCITATIO LXI.

Cortex durus & densus est, ut liquores, pullumque in eodem hospitantes ab iniurijs externis tueatur. Fragilis tamen est, præcipuè parte obtusiore, & instante pulli exitu; nè scilicet hujus exclusioni moram afferat. Porosum etiam esse, constat: dum enim (præsertim recēs) ante ignem coquitur, sudorem quasi per poros guttatim emittit. Sunt autem hi pori, utiles ad ventilationem; utque calor incubantis facilius penetret; & pullus

S s aerem

aerem extrinsecus attrahat : Spirare enim in ovo ante partum , vocemque edere , cœtum est ; ut pridem diximus .

Membranæ humoribus continendis inserviunt ; ac propterea pari cum his numero constant . Ideoque & colliquamentum , quamprimum oritur , propria statim tunica vestitur ; quàm *Aristoteles* his verbis indigitavit : *Membrana etiam, fibris distincta sanguineis , jam candidum liquorem circumdat &c.* Instante autem , jam pulli exitu , absumptisque albumine & colliquamento , membranæ omnes (præter eam , quæ vitellum ambit) exsiccantur , & evanescunt : illa verò , vnà cum vitello , intra pulli peritonæum retrahitur , & abdomine occluditur . Harum membranarum duæ toti ovo communes sunt , quod immediatè sub cortice comprehendunt ; reliquæ tum albumini , tum vitello , tum colliquamento propriæ : omnes autem & conservationi , & distinctioni partium , quas amplectuntur , inserviunt . Communium exterior , quæ cortici adhæret , durior est ; ne ab ipso patiatur injuriam ; interior vero lævis & mollis , nè liquores lædat : pari nempe ratione , quæ meninges cerebrum à cranii incumbētis aspredine tutantur . Membranæ interiores , & propriæ , liquores suos (ut dixi) continent , & distinguunt : unde tenues valdè , pellucidæ , & fragiles sunt .

Fabricius magnam quidem laudem &

dignitatem *chalazis* attribuit, (utpote è quibus pullum fabricari censuerit) maculam autem, sive *cicatriculam*, vitelli tunicae adnatam, nullius planè usus esse statuit ; sed eam duntaxat pedunculi, in vitellario sive superiore gallinae utero, a vitello abrupti *vestigium* existimat. Scilicet [ex eius sententia] per dictum pedunculum, sive vasa eum permeantia, vitellus olim alimentum hauriebat ; eodem vero jam à gallina non amplius enutrito, abruptoque, manet solum prioris conjunctionis, & beneficij vestigium.

Ego verò è contrà sentio, nullum esse alium chalazarum usum, præter eum, quem dixi : nempe, ut sine tanquam *poli istius Microcosmi*, & connexiones omnium membranarum convolute in vicem, & contortæ, quibus liquores non modo suis quique locis conserventur, sed debitam quoque in vicem positionem retineant. *Maculam* autem jam dictam maximi esse momenti, mihi certo constat ; utpote quæ principale ovi centrum sit, in quo calor initus nidulatur, & ex qua, ceu scintilla prima ; anima ipsa accenditur ; cujus denique gratia, cæteri omnes liquores, eorundemque inuolucra extructa, sunt : quemadmodum suprà nobis dictum est.

Olim quidem existimavi, cum *Fabricio*, cicatriculam hanc esse pedunculi abrupti *vestigium* : postea vero ex accurata

ta inspectione contrarium edoctus sum; nempe pedunculum, à quo vitellus pendet, non in hujus exiguum aliquem locum inferi, [quemadmodum pomis & prunis contingit] indèque connexionis adhuc superesse vestigium; sed eundem, antequam vitellum attingit, è racemo in orbem (tubæ instar) dilatari; ut vitelli horizontem, sive circulum bipartientem (non aliter, quàm tunica amphiblistroides, oculum) amplectatur; adeò, ut pars superior vitelli, sive hemisphærii, quæ racemum spectat, à pedunculi contactu & coherentiâ prorsus libera sit; in cujus tamen cupulæ, sive scaphii parte superiore (aliquantulum autem à latere) dicta macula locatur. Pedunculi igitur à vitello abrupti vestigium dici nullo modo potest. Quantum verò in generatione commodi hæc macula apporet, in *historia* jamdudum innouit.

Supereft modò, ut, *Fabricium* prænonstratorem, olimq; præceptorem meum sequens, *cavitatis* illius, in obtusa ovi parte, utilitates ostendam.

Is quidem pluribus verbis, *cavitatis* istius commoda, pro variâ ejusdem magnitudine, prosequitur. Ego verò paucis agam: Aerem intra se continet; Ideoque utilis est ad ovi ventilationem; ad pulli perspirationem, refrigerium, & respirationem ac denique ad loquelam. Vnde *cavitas* illa primò exigua, mox major, ac

Ovum esse primordium, &c. 421

demum maxima conspicitur; prout nempe varii jam dicti usus postulaverint.

Atque hactenus de generatione ovi & pulli, singularumque ovi partium utilitatibus, egimus: ad cuius narrationis exemplar, de cunctis oviparorum generibus judicandum est. Reliquum jam est: ut de viviparorum pariter generatione, ad exemplum unius alicujus perfectè cogniti, dicamus.

OVVM ESSE PRIMORDIVM
commune omnibus animalibus.

EXERCITATIO LXII.

A Nimalia, inquit Arist. cum stirpibus commune habent, quòd alia semine, alia sponte oriantur: ut enim stirpes, vel semine stirpium aliarum proveniunt, aut Hist. sponte erumpunt, primordio quodam constan. 1. tracto ad ortum idoneo; quatum alia ex 3. c. t. terra alimentum sibi hauriunt, alia in stirpibus aliis nasci solent: sic & animalia quadam per forma cognatione generantur; nonnulla sponte, nullo cognationis semine antecedente, oriuntur; quorum aliqua ex terra vel stirpe putrescente (ut complura insecta) generantur: alia in ipsis animalibus, atque ex eorum partium excrementis gignuntur. His autem omnibus (sive sponte, sive ex aliis, sive in aliis, vel

par

partibus, vel excrementis eorum, putrescentibus oriantur) id commune est, ut ex principio aliquo ad hoc idoneo, & ab efficiente interno in eodem principio vigente, gignantur. Adeo ut omnibus viventibus primordium insit, ex quo, & à quo proveniant. Liceat hoc nobis *primordium vegetale* nominare: nempe, substantiam quandam corpoream, vitam habentem potentia; vel quoddam per se existens, quod aptum sit, in vegetativam formam, ab interno principio operante, mutari. Quale nempe primordium, ovum est, & plantarum semen; tale etiam viviparorum conceptus, & insectorum *vermis* ab *Arist.* dictus: diversa scilicet diversorum viventium primordia: pro quorum vario discrimine, alii atque alii sunt generationis animalium modi; qui tamen omnes in hoc uno conveniunt, quod à primordio vegetali, tanquam è materia efficientis virtute dotata, oriantur: differunt autem, quod primordium hoc, vel sponte & casu erumpat; vel ab alio præexistente (tanquam fructus) proveniat. Vnde illa, sponte nascentia; hæc, è parentibus genita, dicuntur. Atque ista denuo à partu distinguuntur: sunt enim alia, ovipara; alia, vivipara; quibus *Arist.* *vermian.* para accenset. Si vero, prout res ad sensum se habet, distinguere liceat, partus duæ solum sunt species: siquidem omnia animalia, aliud animal vel actu pariunt, vel

Ovum esse primordium. &c. 413

vel potentia, Quæ actu animal pariunt; vivipara dicuntur; quæ potentia, ovipara. Quodlibet enim primordium potentia vivens, nos (cum Fabricio) ovum appellandum judicamus; vermemque Aristoteli dictum, ab ovo minimè distinguimus: tum quia ad oculum sic apparet, tum etiam quia rationi id videtur consonum. Primordium enim vegetale, quod potentia vivit, est etiam potentia animal. Nec Gen. distinctio illa, quam Arist. affert inter an. l. 3 ovum & vermem, admittenda est: ovum c. 9. enim appellat, ex cuius parte fit animal; Hist. quod autem, inquit, totum mutatur, nec an. l. ex parte ejus animal gignitur. id vermist. c. 5. est. Hoc autem inter se conveniunt, quod sint ambo partus non viventes, sed potentia solum animalia; ambo itaque sunt ova.

Quin ipsæ Aristoteles, quos alicui. Hist. bi vermes dixit, eos alibi ovi nomine ap. an. l. pellat. Et de brutis agens, corrumpuntur, s. c. ait, eorum ova Autumnæ, cum multi im- 29 bras ingruunt. Idemque de cicadis loquens Ibid. cum in terra, inquit, creverit vermicu- c. 30. lus, sit tettigometra paulòque post, scæna à coitu suaviores; habent enim ova candida. Imò verò, ubi vermem ab ovo distinxerat, addit: omne autem hoc vermi- Gen. culi genus, ubi sua magnitudinis finem re- an. l. ceperit, quasi ovum efficitur, indarescit 3. c. 9. enim putamen eorum, & transper immota redduntur; quod in vermiculis apum, & quæspæ

414 *Ovum esse primordium, &c.*

vesparum, atque etiam in *erucis* apertum est. Et profecto cuilibet videre licet, *aranearum*, *bombycum*, cæterorumque insectorum primordia, non minus in ovorum censu habenda esse; quam crustaceorum, ac mollium, & reliquorum piscium ferè omnium: quæ actu quidem animalia non sunt, ex illis tamen animalia procreantur. Quoniam igitur, quæ actu animal producunt, *vivipara* dicuntur; ea certè, quæ potentia animal pariunt, vel generali nomine carent, vel *ovipara* dicenda sunt: præsertim cum talis partus, sit primordium vegetale, plantarum seminibus analogum, quale etiam ovum habetur. Concludendum igitur, omnia animalia vel vivipara esse, vel ovipara.

Quia autem oviparorum plures sunt species, propterea etiam variæ sunt ovorum differentiæ. Neque enim quodlibet primordium, cujuslibet animalis formæ recipiendæ idoneum est. Quanquam itaque ova universaliter sumpta non differunt; quia tamen alia sunt perfecta, alia imperfecta, meritò distinguuntur. Perfecta dicimus, quæ in utero absolvuntur, debitamque in eo magnitudinem ante partum obtinent; qualia sunt pennatorum: imperfecta autem vocamus, quæ præmaturè excluduntur, magnitudinemque absolutam nondum adeptæ sunt, sed foris post partum augentur; ut piscium, orn-
sta-

statorum, & mollium: similiter & insectorum primordia (quæ ab *Arist.* vermes appellatur) ad hanc classem referenda sunt; ut & eorum, quæ sponte oriuntur.

Præterea, licet perfectorum ovorum alia bicolora sint, ex albumine nempe & vitello composita; alia tamen unius duntaxat coloris sunt, & albumine solum constant. Similiter imperfecta ova, alia sunt propriè dicta, è quibus perfectum animal procreatur, ut piscium; alia impropriè dicta, unde animal imperfectum oritur, nempe vermis, vel eruca: medium scilicet quoddam, inter ovum perfectum, & imperfectum: quod respectu ovi, sive ipsius primordii, animal est motu sensuque præditum, sequè ipsum nutritiens; respectu verò muscæ, aut papilionis, cujus est potentia primordium, tantquam ovum repens, & se ipsum augens reputandum est; qualis eruca, quæ debitam tandem magnitudinem adepta, in chrysalidem, sive ovum jam perfectum mutatur, & à motu cessans, ovi instar; potentia est animal.

Ad eundem modum, quanquam alia ova sunt, è quibus totis (per *metamorphosin*, sive transformationem) perfectum animal producitur, nec ex reliqua ovi materia alitur, sed statim foris sibi pabulum parat; alia vero, ex quorum parte aliqua foetus fit, & nutritur ex reliqua; quanquam (inquam) tam variæ sunt ovorum dispo-

differentia, nihil obit at tamen, quo minus ova dicenda sunt, quos *Arist.* vermes appellat, (si modò è rebus, quæ sensu ac ratione nobis constant, judicium ferre liceat;) cum sint omnia primordia vegetativa, non actu quidem sed potentia animalia, vereque animalium semina, plantarum seminibus analoga; veluti jamdudum de ovo gallinaceo demonstravimus. Sunt igitur omnia animalia, vel vivipara, vel ovipara; quòd vel vivum animal actu pariant, vel ovum (sive primordium,) non actu sed potentia animal.

Generatio igitur *oviparorum* omnium, ad exemplum ovi gallinacei referri potest, vel ex eodem saltem non difficulter elici; quòd eadem, quæ in illius *historia* dicta sunt, in cæteris quoque *oviparis* reperiantur. Quibus autem singula inter se differant, aut convenient; idque vel genere, vel specie, vel analogia; postea dicetur, cum de insectorum, sponteque nascentium generatione acturi sumus. Quoniam enim generatio quælibet, ad formam cujusque animalis adipiscendam via est; prout animalia quæque, alia aliis similia magis, vel ab invicem discrepantia fuerint, adeò ut partes eorum nec specie, nec genere convenient; ità similiter in eorundem generatione usu venit. Quippe natura perfecta, sibi in operibus suis consona, ad similes usus & actiones, partes quoque consimiles instituit; pariterque

terque ad eundem finem, eandemque formam adipiscendam, eadem via progreditur, eademque semper methodo in gerendis rebus insistit.

Quapropter in ovo cujuscunque penati animalis perfecto & bicolore (ex vitello nempe & albumine composito, corticeq; donato) ut easdem partes, ita eodem quoque modo atque ordine, foetus omnes gigni & fabricari (quo in ovo gallinaceo) observavimus. Ead emque similiter notanda in ovis serpentum, & quadrupedum *oviparorum*, ut testudinum, ranarum, & lacertorum; utpote è quorum ovis perfectis & bicoloribus, foetus eodem modo (quo ex aliis ejusdem generis) formentur & producantur. Nec plures ab hac ratione longè absunt. Quomodo autem araneæ, & crustacea, ut astaci & gammarii; molliumque genus, ut sepia & loligine, ex ovis suis proveniant; quo pacto etiam ex ovis insectorum, vermes atq; crucæ primum erumpant, è quibus postea in chrysalidas sive aurelias (tanquam in nova ova) denuo regressis, musca tandem vel papilio enascitur; quomodo, inquam ista in generatione sui ex ovis, à gallinaceis differat, suo loco videbimus.

Quaquam deniq; ova omnia bicolora, haud eodem modo generantur, & fecundantur; sed quædam ex coitu maris & feminae, quædam alio modo prolifera redduntur, ut *piscium*; & licet ovorum etiam

418 *De Generatione viviparorum.*

etiam in crescendo modo, aliquod discrimen sit, quoddam alia intra parentem, alia foris nutrantur & augeantur; nihil obstat tamen, quod minus ex ovo quolibet (dummodo perfecto) foetus ad eundem modum generetur; quo pullus ex gallinaceo nascitur. Quare sufficit ad reliquorum omnium *oviparorum* generationem cognoscendam, explicata ovi gallinacii historia; & ad eorum etiam notitiam, quæ inde (ceu consecraria) necessariò deducuntur.

DE GENERATIONE

Viviparorum.

EXERCITATIO LXIII.

DE *oviparorum* quidam generatione, actum est à nobis hæcenus. Reliquum est, ut de altera partus specie (*viviparorum* scilicet); observationes nostras proferamus: ubi plurima quoque eadem, quæ in ovo consideravimus, indeque pensitanda deduximus, denuo describenda veniunt. Quæ licet *paradoxa* sint, & receptæ hæcenus de generatione opinionum contraria; eadem tamen, nisi me animus fallit, veritati planè congrua apparebunt.

Inter *vivipara* autem, principem locum homo obtinet, animalium omnium

per-

De Generatione viviparorum. 425

perfectissimus: deinde (ut a notioribus
progrediamur) animalia quæ nobiscum
degunt, passimque obvia sunt, annume-
randa veniunt; (quorum alia sunt *solidi-
peda*, ut equus, asinus: alia, *bisulca* ut
bos, capra, ovis, porcus, cervus: alia
fissipeda, seu digitatis pedibus, ut canis,
felis, cuniculus, mus, & hujusmodi alia)
ex quorum generationis modo; de reli-
quis omnibus viviparis judicium institua-
tur. Quare [ut in ovis fecimus] unum
aliquod genus primò, tanquam cetero-
rum omnium exemplar, proponam. s.
quod, utpote notissimum, reliquis lucem
afferat, & norma sit, ad quam alia omnia
per analogiam quandam referantur.

Cur ab ovo *gallinaceo* reliquis etiam
ovis documentum sumerem, jam pridem
dictum est: nempe, quòd illud parvo ve-
niret, & ubique obvium esset; eoque no-
mine & nobis in rem ipsam accuratius in-
quirere liceret, & alii dictorum veritatem
faciliùs tutiusque explorare possent.

In viviparorum autem generatione
cognoscenda, eadem facilitas non occur-
rit: ab humani enim uteri dissectione ferè
omnino excludimur; in equis verò, bo-
bus, capris, cæterisque pecoribus, ali-
quid ad hanc rem experiri, citra ingen-
tem laborem & impendium haud exi-
guum, non licet. In canibus tamen, cu-
niculis, felibus, & hujusmodi aliis, qui
veritatis indagandæ studio tenentur, po-
terunt

terunt eorum, quæ à nobis dicentur, periculum facere.

Fabricius ab Aquapendente, tanquam omnis viviparorum conceptus ovum, quoddam esset, ab hoc (ceu universali generationis exemplari.) Tractatum suum auspicatur; interque alias hujus sui consilii causas, hanc potissimum reddit, *Quod ovi contemplatio latissimè pateat*; quippe maxima animalium pars, inquit, ex ovis gignitur. Nos verò, in observationum harum vestibulo, cuncta animalia quodammodo ex ovo nasci affirmavimus. Quippe quo modo, ordine, ac ratione pullus ex ovo fabricatur, & producit; eodem pariter, ex conceptu præexistente, viviparorum foetus proventiunt. Vna scilicet, atque eadem est utrobique generationis species; & utriusque exordium, ovum dicitur, vel saltem analogia quamdam tale habetur. Nempe, ovum est conceptus foris expositus, unde pullus procreatur; conceptus, est ovum intus manens, donec foetus debitam in eo perfectionem acquisiverit: cætera verò conveniunt; sunt enim primordia vegetabilia, & animalia in potentia. Quare eadem illa theoremata, & confectanea (licet paradoxæ) quæ suprà in ovi historia deduximus, de omnium pariter animalium generatione verissima sunt. Confessa enim res est & manifesta, foetus omnes, etiam humanos, ex conceptu, (ceu primordio quo-

quodam] procreari. Ratum itaque hoc
 esto: Quod in sponte nascentibus, pri-
 mordium; in plantis, semen; & in ovipa-
 ris, ovum dicitur; [nempe substantia cor-
 poreā, ex qua per internum principium
 moyens, & efficiens, vel planta, vel ani-
 mal produciuntur;] hoc idem in viviparo-
 rum generatione, primus conceptus est:
 idque tum sensu ipso, tum ratione com-
 probabimus. Quod antea de ovo affirma-
 vimus, nempe esse sperma & semen ani-
 malium, plantarum semini analogon:
 idem nunc de conceptu asserimus, qui re-
 vera animalium semen est, & proinde
 etiam ovum dicitur. Quippe verum semen
 [ex Aristotelis sententia] est, quod ex am-
 bobus coeuntibus originem trahit; & utrius-
 que sexus virtutem obtinet; quale semen
 plantarum omnium est, & animalium
 quorundam, in quibus sexus distinctus
 non est: velut id, quod ex mare, & foemina
 primum miscetur, quasi conceptus promi-
 scus quidam, aut animal; hac enim jam
 habent, quod ex ambobus requiritur: ma-
 teriam scilicet alendo foetui idoneam, &
 plasticam, sive formatricem, opificem-
 que virtutem. Ita similiter conceptus, est
 utriusque coeuntium maris & foeminae
 fructus, atque futuri foetus semen: ab ovo
 igitur non discrepat.

Ibid.

Quod autem a generante proveniens,
 causa est, qua prima obtineat principium
 generationis (scilicet efficiens) genitura di-

ei debet, non autem semen; [ut à vulgo, & philosophis quoque hodie perpétam appellatur] quia non habet, quod ab utrisque coeuntibus requiritur, nec plantarum semini est analogum. Quicquid verò id possidet, & plantarum semini respondet; illud etiam ovum, & conceptus dici meretur.

Hist. Quinetiam definitio ovi, ab Aristotele an. l. tradita, conceptui planè convenit. Ovum, l. c. 5. inquit, id ex foetibus perfectis vocamus, cuius ex parte principio animal consistit; reliquum verò alimentum ei, quod gignitur, est. Idem autem conceptui quoque commune esse, postea ipsius oculis testibus, ex viviparorum dissectionibus constabit.

Poriò, quemadmodum pullus ex ovo, incubantis, vel alterius cujuscumque externi caloris blando foris, excluditur foras; ità similiter foetus, ex conceptu in utero, suavi matris calore producit. Dicam paucis: quod ovipara animalia sinu, & incubatu; id vivipara utero, & amplexu interiore præstant. Cæterum, quod ad procreationem attinet, foetus eodem modo & ordine ex conceptu producit, quo pullus ex ovo. Hoc solum interest, quod in ovo, quicquid ad constitutionem pulli, ejusque augmentum requiritur, id simul adsit; conceptus autem (postquam foetus ex eo constitutus est) ad sui incrementum, plus insuper alimenti ab utero matris trahat, unde una cum foetu augeatur. Ovum

etiam

etiam, crescente pullo, inanitur; alimentumque quod in eo erat, absorbitur; nec pullus novum à matre nutrimentum accipit: viviparorum autem foetus aliud denique invenit, & lacte insuper vescitur. Piscium tamen ova mutuato aliunde alimento, augentur; insectorum etiam, crustatorum, ac mollium ova, foris habent unde crescant; nec minus tamen ova appellantur, & revera sunt: similiter & conceptus, ovi nomen, meretur, licet aliunde, ad incrementum sui, varium alimentum genus hauriat.

Cur animalia quaedam sint ovipara, & non omnia vivos foetus pariant, Fabricius hanc causam reddit; Quod scilicet avium volatui, ova (si ad pullorum exclusionem in utero detinerentur) suo pondere obessent. Serpentum quoque versatilem motum ovorum multitudo impediret. Testudinibus, ovorum copiae & incremento, locus idoneus intra arcte circumductam testam deest. Nec piscium, venter, tot ovorum incremento sustinendo sufficit. Ideoque necesse habent, ova etiamnum imperfecta exponere. Quasi maxime naturale sit animali, conceptum in se eoque retinere, ac fovere, donec foetus perfectus fuerit; & natura inter dum, seu coacta, in quorundam ovorum prematuro partu, alimento iis forinsecus quaesito provideat.

Quod autem ad procreationem foetus

T

spe.

spectat, omnia animalia eodem modo ab oviformi primordio generantur, (oviformi, inquam; non quòd illud figuram ovi referat, sed quòd constitutionem, & naturam ejus possideat;) siquidem in eorundem generatione hoc solenne est, ut primordium vegetale[ovi naturā referens, & plantarū semini proportionē respondens] præexistat, ex quo fœtus producat. Estq; hoc in omnibus, vel ovum, vel oviforme quid, quod scilicet naturam & conditiones ovi habeat; quas, etiam plantarum, semina cum animalibus communes obtinent. Ideoque primordia quorumlibet animalium, dicuntur semina, & fructus; ac similiter, omnia plantarum semina, conceptus & ova aliquo modo appellari possunt.

De Ad hunc sensum Aristoteles: *Qua intra se pariunt animal, iis quodammodo an. l. post primum conceptum oviforme quiddam*
 3. c. 9. *efficitur: humor enim in membrana tenui continetur, proinde ac si ovi testam deiraxeris. Quamobrem depravationes conceptuum, quæ per id temporis accidunt fluxus vocant. In mulieribus potissimum isti fluxus observantur, cum primo, aut secundo mense abortiunt; quales sæpissime eo tempore rejectos vidi; talemque Hippocrates ex tibicina saltu decussum, & prolapsum retulit. Inest igitur in utero omnium animalium conceptus primus, sive primordium; quod, teste Aristotele, est*
 ve-

veluti ovum membrana obtectum cui putamen detractum sit. Idque ex dicendis con-
stabit luculentius. Interea verò concludi an. 1.
mus cum Philosopho: Omnia tum nata 7.C.7.
litia, tum pedestria, tum volatilia; sive
animalis, sive ovi forma proveniunt, simili
modo gignuntur.

HISTORIA GENERATIONIS

Cervarum, & Damarum, seu reliquorum viviparorum exemplar, ponitur: factique ratio redditur.

EXERCITATIO LXIV.

Serenissimo Regi Carolo, quamprimum excessit ex ephebis, mos erat, animi à curis gravioribus laxandi, firmandæque valetudinis gratia, singulis ferè septimanis feras venari; præcipuè cervos, & damas: cujus generis nemo in orbe Princeps pluri vel in saltibus sylvisque errantes, vel intra septa, ac vivaria conclusos in hunc finem aluit. Tribus quidem æstivis mensibus, mares jam obesos, esuique jucundos; autumno verò & hyeme, pari temporis spatio foemellas venabatur. Hinc nihil [quo tempore foeminae libidinantur, maresque admittunt, concipiunt, & utero novos foetus gerunt] eas dissecandi quotidie facta est copia; partesque omnes, præsertim genitales intueri,

atque observare, quoties vellem, liborẽ
licuit.

Nos igitur viviparorum omnium generationem, ex cervarum & damarum historia, tanquam exemplari maxime comodo, explorabimus. Idque ad eandem normam, qua suprà in ovi gallinacei historia, reliquorum quoque oviparorum generationem expendimus. Non quidem istuc privato aliquo consilio, easdemque ob causas, propter quas ova gallinacea ad hanc rem prætulimus, hoc genus animalia in exemplum adduximus; sed, quod summi Principis [cui eram Medicus, qui-
que & ipse harum rerum indagine delectabatur, mihiq; de repositis attestari non dedignatus est] favore, ac manifestia, ingens eorum copia, simulque frequens dissecandi opportunitas, inquirendique libertas suppeterent.

Libet itaque cervarum & damarum historiam, ex plurimis à me annorum aliquot serie factis observationibus compositam, & tanquam mihi notissimam, vnde de cæterorum quoque viviparorum generatione certi aliquid statui possit, proponere. Quam dum fideliter persequimur, quæ in alijs quoque animalibus, bisulcis nempe, solidipedibus, fissipedibus, homineq; adeo ipso, notatu digna, vel casu obiter, vel institutis in eam rem dissectionibus, sese obtulerunt, omnia bona fide referemus; seriemque formationis
fœtus,

foetus, secundum varios in ea naturæ progressus, enarrabimus.

DE CERVARVM, ET

Damarum utero.

EXERCITATIO LXV.

DE generatione, & formatione cervarum, ac damarum acturo, de loco primùm, sive utero dicendum est; (quem admodum supra in gallinæ historia fecimus) quo cætera postea facilius, rectiusque intelligantur. Hac enim ratione potissimum historia fabulæ præcellit; quod ea, locis, & temporibus præfinitis, res gestas enarrat; certioreque propterea tramite ad sapientiam deducatur.

Ut autem cervarum uterus nobis clarius innotescat, fabricam ejus, exemplo sumpto ab utero muliebri, tum externam; tum internam explicabimus. Homo enim animalium consummatissimus, ut partes reliquas omnes, sic *generales* etiam perfectiores obtinuit. Ideoque partes uterinæ in muliere distinctæ magis apparent, nobisque etiam (ob Anatomicorum in hac re industriam) melius cognitæ habentur.

In cervarum igitur & damarum utero, plurima quidem occurrunt, quæ eadem in muliebri quoque utero reperias; quædam vero discrepant. In-

externo orificio, nec labra, nec clitoris, nec nymphæ adsunt; sed duntaxat orificia duo (alterum urinæ, pectinis ossi adjectum; alterum vulvæ, inter anum & urinæ meatum) reperiuntur. Cuticula membranosa (qualem in gallina observavimus) deorsum ab ano protensum, velabrum operit, suppletque usum nympharum & labiorum pudendi, ad tutelam contra injurias externas. Velabrum hoc à femina, dum coit, aliquantulum retrahitur; vel saltem à maris pene, cum vulvæ orificium ingreditur, sursum propellitur.

Divisa, in cervis & Damis, ossis pubis commissura; cruribusque multum diductis, illico (non aliter, quam in muliere) conspectui sese offerunt, vesica urinaria, vagina uteri, seu vulva (quam verum maris ingreditur) cervix uteri, huiusque situs; suspensoria item ligamenta, cum venis, arteriis, & testiculis sic dictis; cornua uteri etiam in hoc animali, præ cæteris uteri partibus, notanda veniunt.

Vasa autem præparantia dicta, & deferentia, vel ejaculantia, hic non invenias; nec (quod sciam) in alia aliqua femina visuntur; & Anatomici (femina in coitu semen emittere rati) ea in muliere sollicitè nimis inquirunt: quippe omnibus non contingunt, & in quibus insunt, nunquam eodem modo reperiuntur. Quamobrem verissimum videtur, quod etiam (utî monui) mulierum major pars

asce.

afferit; ipsas nempe in coitu semen non effundere. Et licet salaciores quædam humorem aliquam in coitu emittant; eum tamen secundum semen esse, aut ad conceptum necessariò requiri, non arbitror: plurimæ enim sine ejusmodi effusione (& nonnullæ quoque citra voluptatem aliquam) concipiunt. Sed de his plura alibi.

Vulva sive vagina uteri, quæ ab externo pudendi ostio, ad internum matricis orificium extenditur; in dama, pariter ac muliere, inter vesicam urinariam, & intestinum rectum locatur; marisque genitali, forma, amplitudine, & longitudine respondet. Eadem dissecta, oblongis intus rugis sulcisq; hians ad facilem dissolutionem, lentoque humore lubrica cernitur. In fundo ejus, orificium angustissimum & occultum conspicitur: principium nempe cervicis uteri, per quod, quicquid ex uteri cavo propellitur, foras emanat. Est hoc orificium illud, quod in muliere gravida & virgine, arctè adedò connivens, & sigillatum, conclusumque Medici affirmant, ut specilli, sive aciculæ tenuissimæ apicem non admittat.

Sequitur uteri cervix, sive processus, transicusque longior, ac rotundior multò, quàm in muliere; fibrosior etiam, crassior, & nervosior, à vulvæ fundo ad uterum usque protensus. Cervice hac secundum longitudinem rescissa, videas non modò ingressum ejus exteriorem, in

vaginæ fundo conspicuum, arctè connivere, firmiterque conglutinati, adeo ut nè aer quidem inflatus, in uteri cavitatem penetrare queat; sed & quinque alias consimiles angustias ordine collocatas, firmeque contra omnem extraneæ rei ingressus constrictas, & mucagine glutinosa sigillatas: quemadmodum & mulieris uteri orificium angustissimum flavescen- te glutine obstruitur. Tales etiam angustia in cervice uteri ovilli, vaccini, & caprini [Fabricio quoque observatore] reperiuntur, arctè omnes conclusæ, & ingressum quemlibet præcludentes. Quinque autem hi recessus, distinctissimè in cerua & dama conspiciuntur, ceu totidem officia uteri constricta & conglutinata; quæ merito credas munimenta adversus cuiuslibet rei introitum. Vsq̃ue adeo Natura videtur providisse, ut, si quid casu, sicut vi aliqua foramen primum per- rumperet, idem tamen in secundo siste- retur: & sic porro in reliquis cautum est, nè quippiam omnino uterum subeat. Scylus tamen è cavitare uteri foras emissus, dicta foramina facile recludit, & egreditur. Debit nempe statui, sanguini men- struo, aliisque humoribus excernendis via patefcere; rerum autem externarum, etiam minimarum, [aeris puta, aut semi- nis] ingressui, omnino præcludi.

In aliis omnibus animalibus, orificium illud uteri eodem modo oclusum repe- ritur,

zitur, quo in muliere solet; in qua fores-
has rectè adeo interdum clausas novi-
mus, ut menstrua; lochia, aliive humo-
res, ob denegatum iis exitum, in utero
retenti, symptomata hysterica sævissima
excitaverint; ac propterea instrumentum
ad hanc rem idoneum excogitare opus
fuerit, quo aperto hoc uteri meatu, in-
tus stagnantia foras profluerent, & prædi-
cta accidentia dissiparentur; tum etiam,
ut injectiones in uteri cavitatem penetra-
rent, quibus ego ulceribus matricis inter-
nis, & sterilitati quoque aliquando mede-
lam attuli.

Uteri cavitas, in cervix & damis, mini-
ma est; uti & substantia ejus magnitudine
& crassitie exigua. Quippe uterus, in il-
lis animalibus, est tanquam vestibulum;
sive propyleum, in cujus cavitate, iter
utroque apertum, dextrorsum & sinistror-
sum in cornua deducit.

Aliter enim se habent partes istæ in cæ-
teris ferè omnibus animalibus sanguineis,
atque in muliere; in qua, pars uteri præ-
cipua est corpus ejus; cervix autem, &
cornua (cæu appendices) vix conspiciun-
tur. Cervix nempe brevis est; cornua
pusilla, & quasi processus teretes, sursum
ab uteri fundo, tanquam binæ tubæ, pro-
tenduntur; quas Anatomici vulgò *vasa*
ejaculatoria esse arbitrantur. In cervi-
a, & dama, ut & cæteris quoque vi-
viparis sanguineis [præter mulierem, si-

T s miam,

miam, & solidipedum genus] pars generationis præcipua, non est uterus, sed cornua. Scilicet in muliere, & solidipedibus, uterus est locus conceptionis; in cæteris autem, conceptus in cornibus perficitur. Ideoque Autores passim, cornua ista in aliis animalibus uteri nomine appellant; dicuntque, *uterum* quibusdam animalibus *bipartitum* esse, quibusdam verò minimè; eo vocabulo conceptionis loca intelligentes, quæ *cornua* sunt, in quibus omnia ferè animalia vivipara, præsertim multipara, concipiunt; ad quæ etiam omnes venæ & arteriæ uterinae feruntur; quibusque reliquæ partes genitales subserviunt. Quare & nobis liceat, in eorum animalium generationis historia, tum uteri, tum cornuum nominibus promiscuè uti.

In muliere, ut dixi, duæ *tubæ* propè cervicis uteri exortum in cavitatem ejus perforatæ, non habentur vulgò cornibus analogæ, sed à nonnullis Anatomicis, *vasa spermatica*; ab aliis, *spiramenta uteri*; ab aliis, *vasa semen deferentia*, aut *reservantia*; censentur. Tanguam essent de genere vesicularum seminalium; cum tamen revera cornibus uteri cæterorum animalium proportionè respondeant; ut liquidò patet, ex situ, connexione, amplitudine, perforatione, similitudine, atque etiam officio: quemadmodum enim alia animalia [ut jam dictum est] semper in cornibus concipiunt; ità aliquando etiam

etiam mulier reperta est, quæ foetum in cornu, sive tuba illa gereret; ut doctissimus *Riolanus* ab aliis observatum meminit, & nos etiam propriis oculis conspeximus.

Cornua ista in communem cavitatem desinunt, quæ [tanquam porticus, aut Antr. vestibulum] utriq; præfigitur; & in cerv. l. 4. c. vis, utero muliebri analogæ est; quemadmodum mulieris *tuba* dictæ, earum cornibus proportionem respondent. Nomen autem à formæ similitudine sortuntur: quemadmodum enim arietis aut hirci cornua, basi sunt ampla; & antrosum protuberantia, retrorsum incurvata cernuntur; ita similiter & hæc uteri cornua [in cervis & damis] ortu suo ampla sunt, paulatimque sursum, versus spinam reflectuntur. Atque ut illorum cornua, à parte antica inæqualia, tuberosa, & rugosa sunt; à postica verò parte, lævia apparent: sic uteri cervarum cornua, infra quidem cellulis quibusdam protuberantibus rugosa sunt, ad coli intestini modum, supra verò [quæ spinam spectant] lævia; & æqualia, ac quasi tænia ligamentosa, astricta recurvantur; sensimque, cornuum instar, gracilescunt. Si quis intestinum vacuum [quali, sarciminibus faciendis, coquus utitur] tænia ab uno latere secundum longitudinem contractū, caperatum, & coarctatum tenuerit; idem ex adverso latere [ad formam intestini

T 6. colli]

colli] in cellulas corrugatum cernet. Talis est fabrica cornuum uteri cervarum, & damarum: in aliis verò aliter se res habet; nam vel majoribus cellulis, vel nullis constant. Licet autem in cervarum & damarum cornibus plures sint cellulae, non omnes tamen uniusmodi sunt magnitudinis, sed prima cæteris longè major est, in qua potissimum conceptus continetur.

Quemadmodum in muliere, uterus, ejusque tubæ, [seu cornua] cum reliquis ad eum pertinentibus, ossi pûbis, dorso, circumjacentibus partibus alligantur, mediante lata & carnosa membrana, [tanquam vinculo suspensorio] quam Anatomi *vespertilionum alas* nominant; quòd uterus hoc modo suspensus *vespertilionem* cum expansis alis referat: ita similiter in damis & cervis, cornua uteri utrinque cum testiculis, omnibusque uteri vasibus, circumvicinis partibus [præsertim dorso] crassa membrana annexantur; inque ea partes omnes dictæ suspenduntur; idemque officium partibus uterinis præstat, quod *mesenterium* intestinis, & *mesometrion* utero gallinæ. Nam ut à mesenterio, venæ & arteriæ mesaraicæ ad intestina derivantur; ita quoque vasa uterina per dictam membranam disseminantur: in qua etiam vesiculae quædam utrinque, & glandulae cernuntur, quas Anatomi vulgò *testiculos* appellant.

Sub

Substantia cornuum uteri cervarum & damarum, est cuticularis, sive tunica carnosâ [qualis intestinorum] venulis quibusdam gracillimis conspersa. Poteris eam, more Anatomico, in plures tunicas dispartire, diuersosque fibrarum ductus obseruare, ad motus & actiones varias obeundas utiles, retentionem scilicet, & expulsionem. Quippe cornua ista, instar lumbricorum terrestrium, sese moventia sæpius conspexi; sicut cuilibet licet, recter occiso animali, apertoque confectim abdomine, intestina sese undoso motu contorquentia clarè cernere; quo[rum]tanquam circumdato annulo strictiore, & depresso digitorum opera, constrictio fieret) chylum & excrementa ad inferiora promovent.

Venæ uterinæ omnes [ut in muliere] originem è vena cava, prope emulgentes, ducunt: arteriæ verò (quod illis etiam, cum muliere, commune est) è ramis arteriæ magnæ descendentiæ cruralibus oriuntur; & quemadmodum in muliere gravida, vasa uterina sanguinea plura, & maiora sunt, proportionè, quàm in reliquo ejus corpore; ità quoq; cervis & damis pregnantibus usu venit. Arteriæ autem, (contrà, quàm in cæteris partibus) multò, quàm venæ, numerosiores sunt; eademque inflatæ, vicinas venas pariter distendunt; quod illis, ab inflatis venis, vicissim non contingit. Hoc ipsum quoq;

que à D. Riolo observatum video; est-
que validum argumentum pro *circuitu*
sanguinis, à me invento; dari enim tran-
situm ab arterijs in venas, non autem re-
tro è venis in arterias, luculenter probat:
suntque plures arteriæ, quam venæ; quòd
copioso alimento ad nutriendum foetum
opus sit, ejus reliquias pauciores venæ
regerant.

Testiculi in his, ut & ovibus; captis, ac
bisulcis omnibus, visuntur quidem, sed
sunt quasi parvæ glandulæ, quæ prostaticis
potius, aut mesenterij glandulis propor-
tione respondent, (quarum usus est, sta-
bilire venarum divaricationes, & humo-
rem lubricandis partibus conservare)
quam semini, eique prolifico concoquen-
do, coitusque tempore profundendo, in-
stitutæ sunt. Sumque egomet hujus sen-
tentia, tum ob alias rationes plurimas
alibi allatas; tum maximè quod coitus
tempore (quando maribus testiculi tur-
gent, & hamote seminali replentur) in
cervis, & damis, ceterisque viviparis omni-
bus (in quibus reperiuntur) uteri cornua
immutentur; testiculi autem dicti (tanquā
ad generationem nihil facerent) nec tur-
geant; nec quicquam à solita constitu-
tione (sive ante coitum, sive post ipsum)
varient; neque ullo indicio, utilitatem
aliquam vel ad coitum, vel ad generatio-
nem afferant.

Dictu mirum, quanta maribus (in tal-
parum

parum, & murium majorum genere) coitus tempore, tum in vesiculis seminatiis plurimum distentis, tum etiam in testiculis, abundet genituræ copia; quod etiam in gallo gallinaceo antea observavimus) & quam ingens mutatio in utriusque sexus genitalibus cernatur; cum tamen glandulæ, (quas scemellarum testiculos arbitrantur) citra variationem ullam, pristinam faciem servant.

Quæ hætenus circa uterum, eiusque cornua, in cervis & damis notavimus, cæteris quoque viviparis maximam partem conveniunt; licet in muliere discrepent; quod hæc in utero concipiat, illa verò omnia in cornibus, præter equam, & asinam; quæ tamen ipsæ licet in utero conceptum gerere videantur, is tamen conceptionis locus, cornu potius naturam & constitutionem, quam uteri, refert: locus enim ille non est bipartitus, sed oblongior, & ab utero discrepans, tum situm, tum connexionem, tum fabricam, & substantiam; magisque utero superiori, seu processui uteri gallinæ (ubi ovum crescit, & albumine cingitur) comparandus est, quam utero muliebri.

DE CERVARVM, ET Damarum coitu.

EXERCITATIO LXVI.

Historia uteri cervarum, & damarum ita se habet. Vbi, quæ ad genera-

sio.

tionem videbantur necessaria, patetis expeditum: nempe conceptionis locum, quæ huius causa fabrefacta sunt. Restat, de loci huius actione & functione, coitu scilicet & conceptu, jam dicamus.

Damæ & cervæ, uno solum statoque anni tempore mares admittunt; nempe sub medium Septembris, post festum Sanctæ Crucis: pariuntque post medium 1.8.c. Iunii, circa festum Divi Ioannis Baptista.
30 Gerunt itaque utero novenis mensibus, non autem octonis, ut *Plinius* voluit: saltem apud nos parere solent nono mense postquam primum coierunt.

Coius tempore, mares fœminis aggre-
gantur; alias verò secedunt ab invicem; maresque [præsertim seniores cum ma-
ribus; fœminæ, cum fœminis, & mari-
bus junioribus degunt, & pascuntur. Mense circiter integro libidinis deside-
rium exercent: cuiusque initium, si tem-
pestas sicca fuerit, tardius; sin pluviosa,
citius auspiciantur. Ideoque in Hispania
ut intellexi] raro coeunt antè Octobris
Calendas: quod imbres illic haud prius
ingruant. Durat autem rarissime, apud
nos, eorum coitus ultra medium Octo-
bris.

Eodem tempore, furore libidinis se-
viunt; canes, hominesque adoriuntur:
alias verò timidi valdè, & imbelles sunt;
ac vel a minima caniculæ latratu, sese
continuo in fugam proripiunt.

Qui-

Quilibet mas fœmellas suas omnes novit, nec aliquam errare patitur à grege suo, sed cursu facto, palantem ocius reuocat; interque conjuges obambulat zelotes; crebrò circumspectat, gregemque proprium circumagit, diligens custos. Si fortè fœminam alienam offenderit, non ardentè eam insequitur, sed abire sinit: sin autem mas alter ad hujus gregem venerit, statim occurrit obviam, & intonat cornua.

Cerva (uti & dama) inter castiora animalia censetur: agrè enim maris initum patitur, [quippe, tantum instat, cum impetu coitum peragit] & nisi vi compulsa, aut fatigata, congressum repudiat. Quæ etiam causa videtur aggregationis fœmellarum ad proprios mares, eosque seniores, & potentes armis: adventante enim mare alieno, coitumque appetente; ad proprium illico maritum, gregemque confugiunt, tanquam ad asylum, ut castitatem suam & pudicitiam tueantur.

Si fortè mas junior cœlebs fœminatam solivagam repererit, accurrit ocyùs, & persequitur, cursuque fatigatam, & jam amplius aufugere nequentem conscendit, & per vim comprimit.

Mares seorsum quilibet loca sibi parant coeundi, (Angli dicimus, *sheir rutting place*;) fodiunt scrobes scilicet, aut loco acclivi adstant, amasiasque suas vicissim ad se venire cogunt. Quæ coitura

est, posteriores pedes in scrobem [in hoc paratam] demittit, fidemque, (si opus sit) clunes aliquantulum depremittit; quo fit, ut insiliens mas, unico initu (taurino more) eum protrudens verberet, coitumque absolvat.

Veteres, & robusti mares, plures in grege suo fœmellas habent; juvenes, & infirmi, pauciores. Aliis, deni; quin deni, aliis associantur. Custodes aiunt, altero, vel tertio saltem coitu saltem coitu impleri fœminam: ea verò simul, ac prœgnans evaserit, marem denuo non admittit.

Mas, postquam fœmellas suas implevit, deservescit; simulque timidior factus, ac macilentior, gregem deserit; vagatur solus; avidèque pascitur, ut attritas vires resarciat: nec fœminam aliquam postea toto anno aggreditur.

Mori ad coitum maturo, pilli in guttore & collo nigricant; ejusdemque coloris est præputii extremitas, quæ etiam putret, & vehementer fœtet. Fœminæ marem raro patiuntur; & non nisi noctu, locisve obscuris; qualia ob eam causam à matibus in connubia eliguntur. Si isti invicem (ut fit) prælia commiserint, victi fœmellæ omnes victori in possessionem cedunt.

DE CONSTITVTIONE,
sive immutatione uteri Cer-
varum, & Damarum,
mense Septembris.

EXERCITATIO LXVII.

Accedimus jam ad partium genita-
lium foeminarum post coitum im-
mutationem, & conceptionem ipsam.
Mense itaque Septembris, cum primū
foeminae incuntur, earum uterus (cornua
intelligo, sive conceptionis locum) paulō
carnosior, & crassior; mollior etiam, &
renerior conspicitur. In cavitate utriusq;
cornu, (parte illa, quæ, tanquam tænia,
caperata est; nempe quæ spinæ obiiicitur;
carunculæ quinque, ceu verrucæ mol-
les, aut papillæ ordine dispositæ, protu-
berant: quarum prima reliquis major,
cæteræque suo ordine continuo minores
sunt; quemadmodum & ipsa cornua
perpetuo ductu versus extremum cacu-
men tenuantur. Earum aliquæ, ad digitū
crassioris amplitudinem (quasi caro fun-
gosa luxurians) excrescunt: quæ alijs al-
bidiores, aliis rubicundiores visuntur.

Circa diem Septembris vicesimum
sextum, aut vicesimum octavum, [ut
etiam postea in Octobri] uterus crassior
redditur, & carunculæ, jam tumidiore,
mu-

mulierum papillas referunt: lacti profundendo paratas crederes. Abscissa harum summate, (ut ablata extrema superficie, interiorem constitutionem dignoscerem) easdem ex innumerabilibus punctis albis compactas, tanquam ex totidem setis cum mucosa aliqua visciditate erectis, conspicabar: factaque inter pollicem & indicem à radicibus sursumversum contractione, è singulis punctis minima sanguinis guttula prodijt. Vnde diligentiore postea indagine intellexi, totidem arteriolarum capillamenta esse.

Tempore coitus itaque vasa uterina, (præsertim arterias) plura, & conspectiora observavi. Quamvis (ut supra monui) testiculi qui dicuntur, neque ampliores, nec repleti magis quam antea, nec à pristina sua constitutione mutati appareant.

Vteri (scilicet cornu) cavitas, & interior superficies (quam cellularum parietem dicas) haud aliter, quam interior ventriculorum cerebri concameratio, aut raro glandis intra præputium, tactu mollißima & levissima apparet. In illa verò nec sperma maris, nec aliud quippiam ad conceptum spectans (sicet accuratam per Septembris atque Octobris menses totos dissectionem instituerim) invenire unquam potui. Mares tamen interea quotidie coitum celebrabant, egoque scemellas quamplurimas dissecabam. Etque hoc ipsum mihi multorum annorum ex-

perientia compertum. Vidi quidem in nonnullis, carunculas inter se vicinas adeo, ut quasi protuberantiam quandam continuam, ex quinque simul junctis, præ se ferrent. Cum autem, periculo sæpius facto, nihil aliud intra uteri cavitatem occurreret; ceppi primum dubitare, num maris semen ullo pacto (injectione scilicet, aut attractione) conceptionis locum posset ingredi? tandemque, iterata sæpius inspectio sententiam hanc mihi ratam fecit. Nihil profus seminis ad ea loca per-tingere.

QVID IIS EVENIAT
mense Octobris.

EXERCITATIO LXVIII.

PLurimis quidem dissectionibus men-
se Octobri, tum ante finitum earum
coeundi terminum, tum etiam postea,
institutis; nunquam tamen in uteri cavi-
tate, aut ejus cornibus, semen, aut san-
guinem, alterius-ve rei vel vestigium,
quidem reperire licuit. Uterus solum ma-
jor, & aliquantulum crassior, carunculae
quoque tumidiore, ac floridiore conspi-
ciebantur: è quibus, facta digitis expres-
sione validiore, minimæ sanguinis guttu-
la emanabant: quemadmodum è gravi-
darum papillis, quarto prægnationis
men-

menſe, lac aquoſum exprimi ſolet. In
unius quidem, aut alterius utero præter
naturam extenuato, inveni putrilaginem
quandam viridem, & ichoroſam, abſceſ-
ſus inſtar, cavitatem ejus replentem; cæ-
tera tamen, damæ illæ ſanæ erant & ob-
eſulæ; non minùs reliquis, quas ſimul re-
center maſtatas inſpeximus.

Circa Octobris finem, & principium
Novembris, finito jam tandem coitu,
fœmelliſque à marium conſortio diſce-
dentibus; cœpit uterus (aliis priùs aliis
poſteriùs) minorem molem præ ſe ferre,
atque interioris cavitatis paries, ceu infla-
tus, tumefieri; namque, ubi cellulæ nu-
per erant, ibi nunc globuli interiùs extur-
berabant, qui cavitatem fere omnem op-
plebant; adeò ut latera ſeſe mutuò tan-
gentia & quaſi agglutinata conſpiceren-
tur, nihilque inter ſe ſpatii relinquerent.
Nempe, ut puerorum labia (dum ſavos
depeculantur, ut mella liguriant) apum
ſpiculis iſta, tument, inflantur, oriſque
hiarum arctant; ità pariter uteri dama-
rum interior ſuperficies turgescit, molliſ-
ſimaque & pulpoſa ſubſtantia [qualis ce-
rebri eſt] cavitatem implet, & carunculas
involvit. Atque iſtæ quidem carunculae
nihilò majores, ſed albidiores tantùm,
& quaſi aqua calida maceratæ videbantur;
quales lactantis papillæ, ſtatim ab infan-
tis ſuctu, conſpici ſolent. Sanguinem ve-
rò ex illis, ut antea, digitorum compres-
ſione

sione elicere non potui.

Interior ista uteri superficies tuberibus inflata, adeò nunc tenera, delicata, & laxa vis evasit, ut nihil suprà. Credas equidem, ventriculorum cerebri mollitiem adesse; digitumque ei admovens, nisi oculos consulueris, vix percipias te eam tangere. Iamque aperto, statim post interneccionem, uteri sinu; undosum, ac testudineum motum sæpe vidi (qualis in ima parte cochleæ, aut limacis, dum respicit, conspicitur) quasi uterus esset animal in animali, inotumque proprium exerceret. Ejusmodi intestinorum motum (ut modò dictum est) in vivorum dissectione sæpe conspicatus sum: eundemque visu, & tactu, in vivis canibus & cuniculis (etiam integris) experiri licet. Similem quoque motum in marium testiculis, & scroto observavi; novique mulieres, quibus palpitaciones ejusmodi, pro spe gravidationis, imposuerint. Num autem uterus muliebris, in hystericis symptomatibus (ascensu nempe, descensu, & contortione) tali motu, sive agitatione palpitet, necne; atque utrùm cerebri quoque in suis conceptionibus similiter moveatur; quæ sita ut arduum, ita haud indignum censeo.

Paulò post, dicta interioris tunice uteri extuberantia fatiscere, (ac si madore perfunderetur) & paulatim fidere, atque extenuari cœpit: quinetiam nonnullis,

sed

ed raro, purulenta quædam materia (sudoris in modum) adhærebat; qualis in vulneribus, aut ulceribus cerni solet, cum *concocta* dicuntur, ac pus reddunt album, læve, & æquale. Visa primum hac materia; dubitabam, num maris semen esse, an ex puriore illius parte concoctum quid arbitrarer. Quoniam autem eam rarissimè, & in paucis admodum conspicabar; & jam viginti diebus præterisset cum maribus consuetudo; materiaque ipsa non esset lenta, viscida, aut spumosa, (quale semen deprehenditur;) sed magis friabilis, & purulenta, ad flavedinem tendens apparebat; potius casu aliquo, vel à sudore, ex nimio cursu antè necem defatigatis, eam contigisse iudicabam: quemadmodum in grayedine, tenuior catarrhi materia in mœcum densata flavescit.

Hanc in utero mutationem cum sæpe serenissimo Regi (tanquam primum prægnationis indicium) obtulissem; simulque ostendissem, nihil etiamnum seminis aut conceptus in uteri cavo reperiri; Ipseque pluribus idem, seu rem miram, communicasset; orta demum est controversia: Custodibus, & venatoribus asserentibus primum, argumento esse, tardam fore conceptionem; & defectum imbrium causabantur. Postea verò, cum coeundi tempus præterisse cernerent, egoque idem usque assererem; constanter

affir-

affirm
me Ro
alici
nec
ni, to
fistern
semine
que pro
manere
Qu
exper
nissim
niam i
dus,
danas
ab omi
morisq
Hamp
nempe
ejus lep
curio,
exper
basia
gestione
nondum
fecui, vi
ueris sup
preceden
dam) p
stato ter
In ca
mis ani
proptus

affirmabant, & me deceptum esse, & me Regem ipsum; debereque necessario aliquid conceptus in utero reperiri: donec propriis oculis rem, ut erat, perscrutati, summa cum admiratione de lire dissisterent. Medici, autem absque maris semine superstite conceptum fieri, nihilque protinus à coitu secundo in utero remanere, inter *admirata* referebant.

Quò clariùs igitur hoc tanti momenti experimentum posteris constaret; serenissimus Rex, experiendi causa (quoniam in omnibus idem concipiendi modus, & tempus est) duodecim circiter damas sceminas, circa initium Octobris, ab omni marium consortio segregavit, murisque inclusas in vivario suo edibus Hamptoniensibus vicino detinuit; loco nempe, cui *Cursus* nomen; quòd intra ejus septa, ferarum immixtarum veloci cursu, canum insequentium pernecitatem experiantur. Nè verò quis causaretur; has ità seclusas, semen ex ultimis congressibus retinuisse, (coitus enim tempus nondum præterierat) earum aliquas dissecui, vidique, nihil seminis in ipsarum uteris superesse: cum reliquæ tamen ex præcedente coitu, (seu contagio quodam) prægnantes fuerint, foetusque suos statò tempore pepererint.

In canibus, cuniculis, aliisque plurimis animalibus, expertus sum, nihil prorsus in utero post coitum, per aliquot

dierum spatium reperiri. Adeo, ut exploratum habeam, in viviparis quoque (quod suprà de Oviparis constitit) nec ex spermate maris, aut fœminæ, in coitu projecto; nec ex ambobus simul mistis (ut Medici volunt) oriri fœtum; neque ex sanguine menstruo, tanquam materia, (ut *Aristoteles* censuit,) neque protinus à coitu, conceptus aliquid necessariò constitui. Et proinde haud verum est, in coitu prolifico, materiam aliquam in utero paratam adesse, quam masculi seminis virtus [coaguli instar] coquat, coagulet, & efformet; vel in actum generationis deducat; aut, resiccata extrinsecus superficie, membranis includat. Nihil enim omnino per dies complures [nempe ad duodecimum Novembris] inesse cernitur.

Paret insuper, non omnes fœminas, dum coeunt, semen in uterum profundere; neque enim in damâ, aut cervâ, aliisque plurimis viviparorum generibus, ullum est, vel menstrui sanguinis, vel seminis indicium. Quid autem sit, quod à mulieribus petulcioribus in coitu, cum virium resolutione, ac voluptate, non minus quam à viris, profluit; & an necessario ad conceptum faciat; utrum à testiculis proveniat; an sit semen, & num prolificum; alibi à nobis dictum est.

Atque hæc dum agimus, ignoscant mihi niveæ animæ, si [summarum injuriarum

rum memor) levem gemitum effudero .
Doloris mihi hæc causa est : cum inter
nuperos nostros tumultus , & bella plus-
quam civilia , serenissimum Regem (id-
que non solum Senatus permissione , sed
& iussu) sequor ; rapaces quædam manus ,
non modo ædium mearum supellectilem
omnem expilarunt ; sed etiam (quæ mi-
hi causa gravior querimoniarum) adversaria
mea , multorum annorum laboribus par-
ta , è musæo meo summanarunt . Quo fa-
ctum est , ut observationes plurimæ (præ-
sertim de generatione Insectorum) cum
reipublicæ literariæ (ausim dicere) detri-
mento , perierint .

QVID IN VTERO DAMARVM
contingat, mense Novembri .

EXERCITATIO LXIX.

Circa diem Novembris duodecimum,
aut decimum-quartum, aliquid pri-
mum in uteri damarum cavo , ad futu-
ram prolem pertinens reperiri , plurimo-
rum annorum experientia edoctus , vere
testor .

Memini quidem , anno salutis 1633.
conceptionis signa , sive exordia , paulo
citius apparuisse ; quod tempestas nubi-
la , & pluviosa esset . In cervis etiam , quæ
sex septemque diebus prius , quam damæ ,

V 2 coeunt,

coeunt; octavo, vel nono circiter Novembris die, aliquod semper futuri fetus vestigium deprehendi. Quid autem illud sit, & quomodo iuchoetur, jam dicam.

Paulo antequam quippiam discernitur, uteri sive cornuum substantia minor apparet, quam cum primum libidinabatur; albæque carunculæ flaccidiores sunt [ut ante monui] & interioris tunicæ proeuberantia subsidit aliquantulum, corrugatur, ac madescit. Circa tempus enim prædictum, per mediam utriusque cornu atque etiam uteri cavitatem, mucosæ quædam filamenta [tanquam araneorum telæ] ab ultimo sive superiore cornuum angulo dicuntur; quæ simul junctæ, membranosa ac mucilaginosam tunicam, sive manticam vacuum referunt. Atque ut plexus Choroides per cerebri ventriculos traducitur; ita sacculus iste oblongus, per torum utriusque cornu, intermediique uteri cavitatem protelatur. In quo ductu, intra rugas fatilcentis tunicæ interioris sese insinuans, inter prædictas globulosas extuberantias tennes fibras implicat; ad eum prorsus modum, quo pia mater intra cerebri gyros se abscondit.

Post diem unum, aut alterum, mantica hæc impletur aquosa, alba, lenta, & albuginea materia; longumque sarcimen humore isto plenum refert. Lentore quidem suo exteriore, uteri lateribus continetur

mentibus

Quid in utero Damarum, &c. 467
mentibus aliquantulum adhaeret; ita ta-
men, ut facile ab iis separari queat: quip-
pe in uteri angustia (ubi constringitur,
dum eam pertransit) arrepta illa, ex utro-
que cornu integra educitur, modo caute
actum fuerit.

nentibus aliquantulum adhæret; ita tamen, ut facile ab iis separari queat: quippe in uteri angustia (ubi constringitur, dum eam pertransit) arrepta illa, ex uteroque cornu integra educitur, modo caute actum fuerit.

Est hic cervarum, & damarum conceptus primus. Et quoniam naturam, atque conditionem ovi obtiner, convenitque ei definitio ovi ab *Aristotele* tradita, Hic nempe *cujus ex parte animal gignitur; reliquum cibus ei, quod gignitur est*: quoniam etiam futuri foetus primordium existit; propterea quoque animalium horum ovum dicitur: secundum illud Philosophi, *Qua intra se pariunt animal, iis quodammodo post primum conceptum oviforme quiddam efficitur*. Humor enim in membrana tenui continetur, perinde quasi ovi testam dētraxeris: quamobrem depravationes conceptuum, quae per id temporis accidunt, fluxus vocant. Est igitur (ut supra de ovo diximus) conceptus iste, vere sperma, sive semen, utriusque sexus virtutem in se complectens, & plantarum semini analogum. Ideoque *Aristoteles*

Hist. mulierum conceptus primos describens, an. 1. ait esse, *veluti ovum membrana obiectum*, 7.c. 7 *cui putamen detractum sit*: qualem Hippocrates è tibia profuxisse memorat; nosque etiã mulieribus sæpe secundo mense decidisse vidimus, ad ovi columbini molem, sine fœtu; aliquando etiã ad phasiani, vel gallinacei ovi magnitudinem: atque hoc tempore, embryo intus longitudine unguis digiti minimi fluitans cernitur. Membrana vero conceptum obtegens, placentam annexam nondum obrinet, neque utero affigitur: sed solummodo parte sui superiore & obtusiore, quasi musco renui, aut lanugine quadam vestita, accrescentis jam placenta rudimenta exhibet: interior autem superficies, lævis & lubrica existens, plurimis vasorum umbilicalium propaginibus referta cernitur. Tertio mense, ovum hoc, anserinum magnitudine superat, atque embryonem perfectum duos digitos transversos longum amplectitur. Mense quarto, struthionis ovo grandius visitur. Atque hæc in abortibus (crebro factis dissectionibus) diligenter observavi.

Ad hunc, inquam, modum damæ & cervæ, licet per mensem integrum (atque amplius) à coitu, nihil sensibile in utero habeant, quodam tamen veluti contagio affectæ, conceptus huiusmodi & primordia (quemadmodum plantæ,

se-

femina; arboreſque, ſuos fructus) ovo-
rum inſtar producant: quæ circa diem
decimum octavum Novembris, aut (ad
ſummum) viceliſimum primum, perfi-
ciuntur; idque interdum in dextro cor-
nti, aliquando in ſiniſtro, nonnunquam
in utroque; habentque in ſe materiam
colliquatam, transparentem, & cryſtal-
linam (quam, in ovo gallinaceo, *colli-
quamentum* ſive *oculum* nominavimus)
propria tunica tenuiſſima atque orbicula-
ri contentam, humoreque eo, in quo po-
ſtea conceptus natus, longe puriorem; in
cujus medio, fibræ ſanguineæ, & pun-
ctum ſaliens (primum futuri fœtus fun-
damentum) citra ullam præterea cujuſli-
bet rei præſentiam, clare diſcernuntur:
eſtque hæc prima pars genitalis. Quæ
denum conſtituta, anima non modo ve-
getativa, ſed & motiva jam ineſſe dicitur;
a qua cæteræ omnes fœtus partes, ſuo
quælibet ordine, generantur, efforman-
tur, & diſponuntur, vitamque ſuſcipiunt:
eodem præſus modo, quo pullum ex ovi
colliquamento fabricari diximus.

Ambo iſti humores omnibus vivipato-
rum conceptibus inſunt: eoſdemque plu-
rimi pro fœtus excrementis habent; dum
alterum quidem, urinam; alterum vero,
ſudorem ejus eſſe arbitrantur. Cum ta-
men nihil tetri ſapiant, & conceptui ſem-
per manifeſte inſint, priuſquam quic-
quam fœtus diſcernitur.

Tunicarum, utrumque humorem am-
bientium, exterior, *Chorion*; interior,
amnium appellatur. Nec plures his dua-
bus reperias. Illa totum conceptum invol-
vit, & per utrumque cornu extenditur:
hæc in priore aqua natans, in alterutro
duntaxat cornu continetur; nisi ubi ge-
mini fœtus adfuerint; quo casu, utrius
una inest; quemadmodum in ovo gemel-
ifico, bina colliquamenta: adeo ut, ubi
bini fœtus fuerint, ambo in uno eodem-
que conceptu communi, tanquam uno
ovo cum binis aquis suis crystallinis con-
tineantur. Exteriorem membranam ali-
cubi si dissecueris aqua turbidior statim
omnis ex utroque cornu effluit; crystalli-
na vero, quæ in interiore amnio est, non
simul elabitur, nisi & ipsum quoque aper-
tum fuerit.

Vena, quæ primum in humore crystal-
lino intra amnium conspicitur, è puncto
saliente originem trahit; atque umbilica-
lium vasorum naturam, & officium su-
bit; paulatimque auctior reddita, in alias
quoque ramificationes, per colliquamen-
tum sparsas, protelari cernitur: ut certo
constet, nutrimentum sub initia à solo
colliquamento (in quo fœtus natus)
hauriri.

Punctum hoc in utero dissecto adhuc
palpitans, serenissimo Regi videndum ex-
hibui; parvum adeo, ut (nisi beneficio
radiorum Solis oblique illustrantium,) &

Quid in utero Damiarum, &c. 465

motum ejus tremulum cernere non poterit.

Colliquamentum integrum, atque tepidæ claræ in vase argenteo vel stanneo inditum, punctum aliens intuentium oculis perbelle exhibet. Eique, sequentibus diebus, macago, instar vermiculi, galbæ forma, adjacet, (nempe corporis futuri primordium) in duas partes divisa; ex quarum altera, truncus formatur; ex altera, caput: eodem plane modo, quod de ovo gallinæ ante retulimus. Spina, instar carinæ, paululum inflexa; caput, ex tribus vesiculis, sive globulis parvis, imperfecte compositum cernitur, & in aqua crystallina natans, crescit continuo, figuramque debitam adipiscitur. Hoc solum interest, quod oculi in oviparis, quam in viviparis, majores multo & conspectiores sint.

Post sextum & vicesimum Novembris diem, fœtus corpore propemodum perfecto cernitur; atque indiscriminatim, quibusdam in dextro, quibusdam in sinistro cornu, reperitur; quibus autem gemelli fœtus contingunt, is in utrolibet cornu unus adest.

Eodem tempore, mas à fœmina genitalibus suis facile distinguitur; quæ in embryone humano conspicua sunt, simulque arteria aspera discernitur.

Marem & fœminam (prout casus tul-
lit) modo in dextro, modo in sinistro

cornu in venias. Sæpius tamen foeminam in dextro, in sinistro marem observavi: idque frequenter in damis, quæ gemellos utero gerebant (aliquando etiam in ove) mihi videre contigit. Vt certum sit, constitutionem aliquam, aut virtutem lateris propriam, sexui discriminating nihil conferre. Neque enim uterus est fabricator aut formator foetus, nec quidem mater ipsa; magis, quam gallina pulli, in ovo cui incubat. Quemadmodum enim pulvis, ab interno agente & formante, in ovo fabricatur; ita foetus similiter ex hoc damarum ovo conficitur.

Miratur aliquis, tam brevi temporis spatio à primo sanguinis punctique saequentis ortu, foetum intra *annuum* formari, integreque perfici. Enimvero circa diem decimum nonum, aut vicesimum Novembris, punctum illud primo comparat: circa vicesimum primum, aut postridie ejus, vermiculus sive galba informis conspicitur: sex autem septemve inde diebus, foetus adeo perfectus discernitur, ut marem a foemina (membrorum genitalium ope) internoscere, pedesque formatos, ungulas filas, mucosas, parumque flavescences videre plane liceat.

Quamprimum foetus formari incipit, & crescere; substantia uteri plurimum extenuatur: contra quam in muliere ulvenit, cujus uterus indies, prout foetus increverit, crassior & carnosior evadit.

Quip

Quippe in cerva & dama, quanto magis embryo augetur, tanto propius etiam earum uteri cornua ad intestini formam accedunt; illudque cornu præcipuè (in quo fœtus continetur) sacculum refert, licet amplitudine & capacitæ sui, alterum exsuperet.

Ovum hoc, sive conceptus, nuspiam hætenus matris lateribus adhæret vel adnascitur (quanquam fœtus jam perfectus cernitur) sed facili negotio integrum eduxeris: quemadmodum in ove expertus sum, quæ fœtum pollicis fere longitudine in utero gestabat. Quapropter manifestè constat, fœtum adhuc solo albumine nutriti intra conceptum incluso: sicuti in ovo gallinaceo evenire, supra notavimus. Venarum enim umbilicalium ore, intra conceptus albumen, & vicinos humores, eorumque tunicas obliterantur; nuspiam autem adhuc utero annexa sunt, licet per eas venas solas alimentum fœtui subministraretur. Et quemadmodum in ovo, venarum propagines in colliquamentum, (ceu plantarum radices in terram) primò sparguntur; posteaque ad tunicam exteriorem (*chorion* dictam) tendunt; pabulique sui gratia, quoquo versus per humorem albugineum in extrema membrana, contentum infinitis furculis ramificantur: ita pariter in abortu muliebri, venas in *Hist.* *chorio* conspicuas observavi: *Aristote.* an. l. *lesque etiam, membranam illam venis* 7.c.7.

Esferam dixit.

Si unus fetus fuerit, illius vasorum umbilicalium distributio ad utrumque cornu (ramulis quibusdam per uteri cavitatem diductis) protenditur, ut utrinque alimentum hauriant. Sin bini ad fuerint (in singulis nempe cornibus unus;) uterque vasa sua umbilicalia in illam solum conceptus partem disseminat, quæ proprio suo cornu responder: nimirum dexter fetus, è dextra conceptus parte victum quærit; sinister, è sinistra: cæteraque etiam similiter conceptus geminus cum ovo gemellifico sese habet.

Sub finem igitur Novembris, partes omnes clarè ac distinctè dignoscuntur; fetusque jam magnitudine fabæ majoris, vel nucis moschatæ apparet; occipite quidem promirulo, ut in pullo; sed oculis minoribus. Os ad utramque auriculam hians cernitur: buccæ enim & labia ultimo perficiuntur, utpote partes cutaneæ. In omnibus inquam foetibus (etiam humano) paulo ante partum, oris rictus, sine labiis & buccis, ad utramque aurem protensus cernitur. Eandemque ob causam, nisi fallor, multi nascuntur cum labro superiori fisso. (Angli, *hare-lips*, i. e. leporina labia habentes nominant; qualia scilicet lepori, & camelo sunt) quia in foetus humani formatione, superiora labra tardissime coalescunt.

Fœtum magnitudine fabæ majusculæ,

intra tunicam *Amnion* transparentem, in purissimo suo pabulo natantem, vasi argenteo aqua limpidissima pleno saepe in didit; hæcque potissimum notatu digna observavi. Cerebrum albumine ovi paulo crassius (tanquam lac mediocriter coagulatum) rudique forma, sine calvaria, intra ambientem undique membranam continetur. Cerebellum, in apicem prominens, sicut in pullo. Cordis conus albicat; cæteraque omnia viscera [ipsumque adeo hepar] alba sunt; & quasi spermatica. Truncus venarum umbilicalium ex corde oritur, jecorisque gibbum transiens, in venæ Portæ truncum perforatur; indeque paululum progressus, & in plurimas propagines dispersitus, per *colligamentum*, & tunicam *Chorion* [ut dixi] innumerabilibus furculis diffunditur. Lætera utrinque à spina ascendunt; unde thorax quasi cymba aut navicula apparet, priusquam cor, & pulmones intra ejus ambitum reconduntur: perinde omnino ac in pulli formatione evenire diximus. Quippe intestina, cor, aliaque viscera, plane conspicua sunt; videnturque corporis veluti appendiculæ; donec obducto antè thorace, atque abdomine, (tanquam superstructo ædificii hujus tecto) intra eorundem cavitatem ocluduntur. Eodem tempore, latera utrobique, tam pectoris, quam alvi, alba, mucilaginosæ, & quasi similis constitutionis visuntur.

470 *Quid in utero Damarum, &c.*

tur; nisi quod per interiora pectoris, exiles quædam & capillares lineæ candidissimæ occurrant; quarum indicio, inter futuras costas, partesque lateris carnosas distinguimus.

Vidi etiam aliquando in consimilibus ætatis conceptionibus ovillis fœtus geminos, (interdum unum duntaxat) qui digitum transversum longitudine æquabant: forma iis erat minimæ laceitula; magnitudo, vespæ, aut erucæ: spina dorsii in orbem flectebatur adeo, ut caput propemodum ad caudam pertingeret. Uterque separatim in aqua limpida peculiari intra *Amnium* natabat; ejusdemque magnitudinis (tanquam ab uno initu, conceptuque nati essent) conspiciebantur.

Quamvis enim alter in dextro cornu, in sinistro alter reperiretur, ambo tamen in eadem mantica, eademque aqua exteriore (ac proinde in eodem ovo) continebantur. Os amplum; oculi vero puncta erant ex gua, & vix conspicua; contra, quam in avium genere contingit. Præcordia quoque illis nondum intra corporis cavitatem conclusa, sed foris pendula cernebantur. Exterior membrana, Chorion dicta, utero minime adhærebat; adeo, ut conceptum integrum extrahere licuerit. Simul etiam in eadem tunica, infinitas ramorum umbilicalium propaggines (utero nusquam alligatas) conspicebat; quemadmodum in cervis observamus;

Quid in utero Damarum, &c. 476

vimus; eodemque prorsus modo, quo extimam ovi gallinacei tunicam supra descripsimus: Aderant solum bini humores, totidemque hos continentes tunicae: quarum Chorion per utrumque cornu protendebatur, plenumque aqua turbidiore, ovum, sive conceptum efformabat: tunica vero Amnios pene invisibilis (qualis oculi arachnoides) humorem crystallinum amplectebatur, in quo foetus ovilius natabat.

Humor intra Chorion, ad alterum centupla (nè dicam, millesima) proportionem erat; licet ipse humor crystallinus in Amnio ea copia esset, ut nemo illum tantilli foetus in ipsa natantis sudorem esse, jure suspicari posset. Quinetiam limpidus valde, nulloque malo odore, aut sapore imbutus apparuit; sed [veluti in cervis & damis observavimus] omnino lac aquosum videbatur, nihilque excrementitiae pravitaris obtinebat. Adde etiam, si humor iste de excrementi natura esset, deberet ipse quoque, crescente quotidie foetu, auferere. Ego verò in conceptu ovillo planè contrarium expertus sum; quippe paulò ante partum vix quicquam ejus reperitur. Ideòque alimentum potius, quam excrementum esse crediderim.

Tunica uteri ovilli interna, innumeris carunculis (ut coelum, stellis) rota insigniebatur: erantque oculis cancri, à no-

bis dictis, non abfimiles, sed minores; & tanquam verrucæ penfiles, glandulosæ, ac albæ, inter tunicas uteri hærentes, conceptum versus nonnihil excavabantur; (contra quam cervis & damis evenit; in quibus illæ foetus versus extuberant:); quin etiam sanguine turgebant; earumque interior superficies, quæ conceptum respicit, punctis nigris sanguineis plena conspiciebatur. In hæc carunculas, venæ foetus umbilicales nondum inferebantur; nec conceptus ipse utero adhærebat.

Allantoidem, quam prædicant, tunicam à Chorion distinctam, in ovillo conceptu non invenio; sed postea (foetu grandi ore facto) cum ovum sive conceptus utero adnascitur, venæque carunculis infeminantur; Chorion ulterius protenditur, & utrinque in extremitatibus ejus, [tanquam appendicibus] humor quidam flavedine tinctus (excrementitium dixeris) seorsum cernitur.

Conceptus muliebris, primis gestationis mensibus, ab ovo vix quicquam disterepat. Vidi enim, ante natam placentiam, humorem album (tentiore ovi albumini similem, ovoque columbino, imo phasiani, magnitudine aliquando parem) intra membranam subtilem contineri; in quo embryo, longitudine unguis digiti auricularis, ranulæ instar, conspiciebatur: nempe, corpore lato; seisso ore; cruribus, & brachiis, seu florum apicibus, noviter

pro-

Quid in utero Damarum, &c. 473

protrusus; occipite prominente, sive
potius vesicula reliquo capiti appensa,
qualem in pullo futuri cerebelli exor-
dium diximus.

In alio conceptui muliebri, dierum
circiter quinquaginta, ovum erat, galli-
naceo ovo aut gallinæ Indicæ æquale.
Fœtus longitudine fabæ majusculæ vise-
batur, cum capite prægrandi, quod cere-
bellum, tanquam crista, supereminebat;
cerebrum autem ipsum, lacti coagulato
erat simile. Craniij vice, membrana coria-
cea, & aliquibus locis cartilaginosa, per
frontem ad narium radices dividebatur.
Rostrum apparuit caninum. Auriculæ
nullæ; neque item nasus: arteriam aspe-
ram tamen in pulmones descendentem,
penisque rudimentum discernere licuit.
Ambæ cordis auriculæ, tanquam oculi
nigricantes, cernebantur.

In muliere quadam ex febre mortua,
embryonem hermaphroditum ejusdem
ferè magnitudinis reperi. Pudendum ei erat
quale cuniculo: labia, præputium; nymphæ,
glandem referebant. Visum est quoque
parte superiore penis exordium; & utrinq-
ue, pro testiculis, scroti laxior cutis ade-
rat. Uterus autem perexiguus, uteri ovil-
li, vel talpæ effigiem, cum duobus corni-
bus, exhibebat. Et quemadmodum pro-
stata glandulæ juxta pueri penem loca-
bantur; ita similiter testiculi visendæ ma-
gnitudinis cornibus istis adiacebant.
Adeoque

474 *Quid in utero Damarum, &c.*

Adeoque foris, sexum virilem potius; in-
tus autem, muliebrem magis præferebat.
Vterus matris ingens apparuit, cum vesti-
ca urinaria, seu appendice, adjuncta;
contra autem in fœtu, vesica magna cum
annexo utero perexiguo sese obtulit.

Dicti omnes muliebres conceptus, ovīs
similes, rugosa foris superficie erant, &
quasi gelatina aut glutine quodam obli-
nebantur: eodemque tempore, nec pla-
centa apparuit, neque aliqua cum matri-
ce unio; aut vasorum umbilicalium, per
ipsam conceptus superficiem sparforum,
in uterum insertio.

Quaquam in eodem cervarum & da-
marum conceptu, plures fœtus (ceu pul-
li, in ovi gemellifici eodem albumine) re-
periuntur; uti etiam in ovibus, capris,
alijsque bisulcis evenit: res tamen in ca-
nibus, cuniculis, suisque, cæterisque vivi-
paris & multiparis animalibus, aliter se-
habet; in quibus fœtus quilibet, binos
humores, & utramque tunicam peculia-
res sortitur.

In canibus, per totum cornu ductum,
varij nodi sunt; in quibus totidem humo-
res continentur; & in singulis eorum, sin-
guli fœtus. In lepore, & cuniculo, multi
globuli, quemadmodum in serpentibus
ova, tanquam armille ex pluribus succi-
ni globulis filo unitis, conspiciuntur. Et
leporinus quidem conceptus, glandi-
quercinæ per similes est; dum eum placen-
ta,

ta, admodum cupulæ, complectitur; humoresque in tunicis conclusi, ceu glandes, propendent.

CONCEPTVS CERVARVM,
& Damarum ut se habeat, mensis
se Decembri.

EXERCITATIO LXX.

P Rincipio Decembris, auctior jam & perfectior fœtus conspicitur: digiti nempe longitudine. Cor, cæteraque viscera, & intestina, quæ antea foris appensa cernebantur, in corporis cavum absconduntur; ut ea, citra sectionem, intueri, cordisque pulsus distinguere nequeas.

Conceptus, sive ovum, mediantibus in utrolibet cornu quinis carunculis (quarum sæpe antea meminimus,) utero tandem in locis copulatur, & adnascitur; non adeo valide tamen, quin facili conatu avelli queat. Quod ubi factum est, in exteriori Chorii superficie, qua utero per dictas carunculas adhærebat, vestigia harum inæqualia, lentore quodam viscosa & rugosa conspiciuntur: quasi eodem glutine adhæso, sive conjunctio facta foret. Iamque tandem natura, atque usus istarum caruncularum innotescit: nam quæ prius [tanquam fungi, aut verrucæ] uteri lateribus adnatæ cernebantur; nunc

con-

476 *Conceptus Cervarum, &c.*

conceptui annexæ, vicem supplent placenta, sive hepatis uterini (in muliere,) eodemque officio funguntur. Præstant nempe usum papillarum, unde fœtus, opere valorum suorum umbilicalium, alimentum à matre suppeditatum. trahat; uti ex sequentibus palam fiet.

Magnitudo & capacitas uteri (quo nomine, cornua intelligimus; loca nimirum conceptionis) pro incremento fœtus, augentur; ita tamen, ut cornu illud, in quo fœtus hospitatur, altero majus sit.

Conceptus (aut ovum) est in ijs unicus; sive fœtus singularis, sive plures indoriantur. Idemque in utrumque cornu protenditur: adeo, ut duplex fœcimen, vel unicum potius & in medio sui confectum, videatur; quemadmodum supra à nobis dictum est: quippe ex alterius lateris ultimo cornu tenuis ac teres prodiēs, sensim augetur, diduciturque ad eum locum communem, qui in muliere uterus dicitur, & matrix; (quod ea parte, foemina mater fiat, fœtum concipiendo, & fovendo;) ubi tanquam per isthmum transiens, restringitur, denuoque in altero cornu dilatus, ad illius extremum protenditur; ubi (veluti in principio sui) gracilior factus, desinit. Conceptus itaque hujusmodi, modo integer extrahatur, mantice (*Angli nominant avvallet*) aqua utrinque plenæ similis est: indeque unica hæc chorion, dicitur etiam *allan-*

toidei.

roides; quod istorum animalium conceptus, intestinum inflatum infarctum, &c. medioque sui coarctatum referat.

In embryo hoc tempore dissecto, interiora omnia distincta & perfecta conspiciuntur: præsertim ventriculus, intestina, cor, renes, & pulmones; qui etiam in lobos divisi sanguinolenti apparent, formamque debitam nacti sunt. Color autem his rubicundior est, quam iis qui aerem aliquando inspirarunt; quod pulmones, ab eo dilatati, albedinem induant.

Eoque indicio facile internoveris, matrisne vivum, an mortuum foetum pepererit: illico enim ab inspirato aere, mutatur pulmonum color; qui, etiam post repentina fata, idem permanet.

In foetu foemineo, testes (improprie sic dicti) juxta renes, in uteri suspensorio, utrinque ad fines cornuum, positi sunt; majoresque proportionem, quam in adultis; &c. caruncularum instar, albæ visuntur.

In foetus ventriculo, materia aquea (non abfimilis ei, in qua natat) reperitur; sed turbidior paulo, minusque transparent: quale lac est, cum primum prægnantibus mulieribus, circa quartum aut quintum mensem, è papillis emulgetur; vel serum albidius, quod nos *urkise* possumus dicimus.

In intestinis superioribus, chylus eadem materia cocta abundat. In colo

autem, excrementa virescentia, & formata scybala apparere incipiunt.

Vrachum non invenio perforatum; nec differentiam aliquam tunicae *allantoïdis* (quæ urinam continere dicitur), à *chorio*: neque urinam in *secundis* reperio, sed in vesica, eamque copiosam. Vesica ipsa oblongior, inter arterias umbilicales, è ramis arteriæ magnæ descendentes ortas, sita est.

Iecur rude est, & propemodum informe; ac, quasi aliquid præter naturam esset, videtur solum rubicunda & sanguinolenta effusio. Cerebrum nonnihil figuratum intra membranam crassiorem continetur. Oculi sub palpebris occulti latent; hæque adeo invicem conglutinatæ sunt, arteque cohærent (veluti canibus mox ab ortu evenit) ut eas disjungere, oculosque aperire vix potuerim. Pectoris ossa, & costæ jam sensim durescunt: musculorum quoque color, ex albo in sanguineum transit.

Institucis per hunc mensem plurimis dissectionibus, factus sum quotidie certior, carunculas illas placenta uterinæ officio fungi: eademque jam rubicundæ ac turgidæ, nucis juglandis magnitudine reperiebantur. Conceptus, quem antea mucoris solum ope carunculis adhærere diximus, jam vasorum umbilicalium ramusculos, in ipsas carunculas (ut plantæ radices suas in terram) inse-

rit,

rit, quibus utero agglutinatur, & adha-
scitur.

Sub finem Decembris, foetum spitha-
mæ longitudinis, sese valide moventem,
calcitrautemque vidimus. Os, ac fauces
aperiebat, clauderetur. Cor, in peri-
cardio situm, dissectoque pectore con-
spicuum, manifeste, fortiterque pulsa-
bat. Ventriculi tamen ejus, uniformes
erant, & magnitudinis ejusdem, parique
cacumine (ceu bicipiti cono) constabant:
parietum quoque crassities æqualis appa-
ruit. Quinetiam liquido vidimus, cordis
auriculas (quæ hoc tempore, tanquam
vesicæ maiusculæ, sanguine replebantur)
post quam cor ultra pulsare desisset, mo-
tum tamen suum diutulæ continuare.

Interiora omnia, quæ nuper quidem
perfecta erant, nunc ampliora, & con-
spectiora sunt. Calvaria partim carti-
laginea, partimque ossæ est. Ungulæ
flavescentes, flexiles, ac molles ut adul-
torum, aqua calida, emollitæ) con-
spiciuntur. Carunculæ quoque, maxi-
mæ (ceu fundi grandiores) per totam
uteri cavitatem extenduntur, placentæq;
vicem plane subeunt: propagines enim
complures amplæque venarum umbilica-
lium in illas penetrant, ut alimentum
inde fœtui nutriendo hauriant: quemad-
modum, in jam natis, chylus per venas
mesaraicas in jecoris portas transfertur.

In quocunque hujusmodi conceptu,
unicus

unicus solum fœtus efformatur; eius vasa umbilicalia ad omnes carunculas (rum ejusdem, tum etiam oppositi lateris) derivantur; in quo autem bini fœtus adsunt, eorum utriuslibet umbilicalium ramificatio, non ultra ejusdem lateris carunculas portigitur.

Venæ umbilicales minores versus fœtuum tendentes, dum cœunt, in alias majores desinunt; eademque similiter ulterius progressæ, & unitæ, in alteras majores; tandemque duos truncos constituunt; qui simul juncti, sanguinem in venam cavam & Portam regerunt. Arteriarum verò umbilicales (è ramis arteriarum magnæ descendenti oritæ) duæ sunt, perquam exiguæ, nec, nisi ob pulsum, conspicuæ: eademque ad ambitum conceptus (scilicet ad conjunctionem placentæ, sive caruncularum, cum venarum propaginibus) diductæ, in capillares primum, ac demum in invisibiles obliserantur.

Quemadmodum in utero, vasorum umbilicalium extrema in carunculas terminantur; ita similiter extra eum, vasa uterina [quæ copiosa, & larga sunt] sanguinem à matre versus matricem [mediante suspensoriorum ductu] deferentia, in easdem carunculas forinsecus desinunt. Notandum etiam: vasa interiora ferè omnia, venas esse; exteriora vero plurima, esse arteriarum propagines. In placenta muliebri, statim a partu [si rem

pro-

probè inspexeris] arterias multò plures, quam venas, majoresque, cum infinitis propemodum surculis quoquoersum ad extremum usque ambitum eius diductis ac disseminatis reperies. Sicut etiam in simili lienis fungoso parenchymata, arteriarum numerus, quam venarum, major est.

Tendunt, inquam, vasa uterina exteriora ad matricem; non autem ad testiculos, in dicto suspensorio locatos; ut aliqui arbitrantur.

In gibba sive convexa caruncularum partæ, quæ conceptum spectat, miram. Naturæ observavi solertiam: in plurimis nempe cavitatibus & cotyledonibus, sive acetabulis exterius hiantibus, materia, alba & mucilaginosa reperiebatur; quæ [ut mel, favos] carunculam totam implebat; eratque colore, consistentia, ac sapore albumini ovi persimilis. Conceptum vero à carunculis istis si avulseris; videas illico ex singulis cotyledonibus, & favis, eorundemque mucore, totidem surculos, sive capillares vasorum umbilicalium ramusculos [tanquam filamenta oblonga] simul extrahi: quemadmodum herbas è terra evulsas, radices suæ comitantur.

Vnde clare constat, vasorum umbilicalium extrema, nullo modo cum vasis uterinis per anastomosin conjugi; neque sanguinem ex illis haurire; sed in muca-

X gine

432. *Conceptus Cervinarum, &c.*

gine ista terminati, atque obliterari, indeque sibi alimentum sumere; eodem prorsus modo, quo antea ex humore albugineo intra conceptus tunicas comprehenso, victum quaritabant. Et quemadmodum in ovo gallinaceo pullus per vasa sua umbilicalia ex albumine alitur; sic etiam foetus in damis & cervis, ex consimili in his cellulis reservato albumine, nutritur, non autem ex sanguine.

Quapropter merito carunculas has, vel hepar uterinum, vel mammas uterinas dixeris: nempe organa albuginosa isti alimento concoquendo, venarumque attractioni preparando idonea. Ideoque quibus viviparis, carunculae, & placenta defunt [ut equis, & porcis] eorum foetus, ad partum usque, humoribus duntaxat intra conceptum repertis enutriantur; neque usquam illorum conceptus utero adnascitur.

Manifestum itaque est, in illis, atque etiam in his [ceterisque forsan omnibus] animalium viviparorum speciebus, embryonem non aliter in utero, quas pullum in ovo, sustentari; ex eadem scilicet materia alibili, specieque simili albuminis nutrimento. Enimvero ut in ovo, vasorum umbilicalium fines in albumine & vitello terminantur; ita pariter in cervis & damis, aliisque, quibus huiusmodi carunculae insunt; ultima vasorum umbilicalium officia, in humores, qui intra

con-

conceptum continentur; inque albumen, quod in acetabulis cotyledonibusve istis est, aperiuntur, & desinunt. Idque etiam inde porro cognoscitur, quod extrema umbilicalium filamenta, cum & prædicto mucore extrahuntur, alba omnino conspiciantur; firmo argumento, eadem colliquatam hanc mucilaginem duntaxat, non autem sanguinem absorbere. Idemque experimentum possis [modo cupias] in ova instituere.

Placenta muliebris, gibba sui parte, qua utero adhæret, plurimis tuberibus inæqualis est; videturque istorum opera, eidem adnasci. Adeo, ut non ubique uterò affigatur, sed ijs solum locis, ubi vasa in eum porrecta nutrimentum eliciunt, & in quibus propterea vasorum quasi fines abrupti cernuntur. Num autem dictæ vasorum extremitates sanguinem ab utero exsugant, an potius concoctum quid albumine simile, quale in cervis & damis reperiri diximus, nondum exploratum habeo.

Denique [ut prædicta veritas certo constet] si carunculas illas digitis compresseris; ex earum vna aliqua [tanquam ex papilla] succi istius alibilis facile cochlearis mensura emulgeretur: idque nullo apparente sanguine; quem attrectatu, etiam valido, nunquam elicueris. Quinetiam caruncula sic emulsa atque inani-za, compressæ spongiæ instar contrahi-

etur, & necesse sit; plurimisque foraminibus pertusa cernitur. Adeo, ut omnibus indiciis pareat; carunculas istas esse ubera uterina, sive albuminis nutritii conceptacula, & promptuaria.

Finito Decembri, caruncula minus firmiter, quam antea, utero adherent; parvoque negotio ab eodem disjunguntur. Imo, quo grandior fœtus fuerit, partuique vicinior; eo facilius etiam caruncula istæ ab utero recedunt: tandemque (ceu fructus maturior, ab arbore] sua sponte, tanquam ad conceptum attinentes, ab utero delabuntur.

His ab utero separatis; videas, in earum relictis vestigijs, arteriolarum adeuntium puncta sanguinem fundere. Sin verò ab ipsius carunculis conceptum avulseris, sanguis ex illis non emanat, verum; contra, è vasorum solum finibus ex conceptu prodeuntibus effluit: licet rationi magis consonum videatur, sanguinem potius ex carunculis, quam ex conceptu in eorum ab invicem divulsione, effusum iri. Cum enim illæ plurimis arteriarum ramulis ab utero prodeuntibus scateant, sanguinemque alendo fœtui depromere creantur; easdem etiam copioso sanguine abundare oportuit. Verum; ut dixi, sanguinem, ne multæ quidem aut compressæ, emittunt: quippe non tam illo, quam albumine plenæ sunt; neque illius organa concoctricia videntur, sed huius
promptua-

promptuaria. Ut manifestum sit, fortum in utero non ali sanguine materno, sed albumine huiusmodi commodè apparato. Fortitan, neque adulti etiam sanguine nutriuntur; sed quiddam sanguini commistum, illis commune ultimamque alimentum est: ut alias fortassis in physiologia, & peculiari de sanguine disceptatione dicetur.

Suspectus mihi est plurimum, locus L. de Hippocratis, ubi ait: *Quibus acetabula nat. mioris plena, abortiunt.* Iste enim non mul. est excrementum, & abortus causa; sed de nutrimentum, & origo vitæ. Sed Hippo. morbo-erates forte alia acetabula intellexit: in vulg. muliere enim non reperiuntur; neque, & s. ejus placenta materiam aliquam huiusmodi in cavitatibus ullis sensibiliter distinctam continet.

Medici recentiores, ex *Arabum* sententia, tres humores alibiles commenti sunt; rorem nempe, *gluten*, & *cambium*; quos *Fernelius*, succos nutritios nominavit. Quasi voluerint, corporis nostri partes non sanguine, ceu alimento ultimo, immediate nutriri; sed secundarijs istis humoribus: quorum primo, *roris* instar particulæ omnes, etiam minimæ, undique aspergantur; hic coctione ulteriore crassior redditus, partibusque adhaerens, *gluten* dicitur; tandemque virtute loci mutatus, & assimilatus, *cambium* appellatur.

Poterit aliquis, ad illorum mentem ;
 materiam hanc in acetabulis repertam ,
 gluten sive albumen nutritium nomina-
 re ; dicereque , eandem [utpote alimen-
 tum ultimum singulis foetus partibus de-
 stinatum) albumini , aut vitello ovi ana-
 logam esse ; & conceptum ipsum ovo ,
 demptò cortice , respondere . Nam
 quemadmodum nuper , cum *Aristotele* ,
 diximus , vitellum esse lacti analogum ;
 Ita similiter à ratione non alienum credi-
 mus , materiam hanc , in placenta uteri-
 nae cotyledonibus sive acetabulis conclu-
 sam , foetui lactis vicem supplere , quan-
 diu in utero hospitat ; adeoque caru-
 culas illas esse veluti ubera interna ; ma-
 teriamque alibilem inde (post partum) in
 mammas transferri , & lactis naturam in-
 duere ; ut foetus , hoc pacto , eodem victu
 foris fruatur , quo intus gaudebat . Ideo-
 que inter oviparorum ova bicolora (è vi-
 tello nempe , & albumine composita) at-
 que ova (sive conceptus) viviparorum
 animalium , hoc solum interest ; quod in
 illis , vitellus [qui est cibus secundarius]
 intra ovum pareretur , statimque à partu , in
 ventrem pulli reconditus , pro victu repo-
 natur ; in his autem succus ille nutritius
 ante partum , in acetabulis conservetur ,
 post partum verò , ad mammas deferatur .
 Adeo , ut pullus quasi lacte intus conclu-
 so alatur ; viviparorum autem foetus , idem
 è matris uberibus depromat .

Post

Post Decembrem, mensibus Ianuario, Februario, & sequentibus, cum nihil novi, aut notatu digni eveniat, de quo non sit dictum prius; (præter pilos, dentes, cornua, & similia;) sed ea omnia auctiora solum appareant, generationis, vero negotium minus spectent; visum est, de ijs impresentiarum nihil dicere.

Eodem tempore, conceptus ovillos plurimos dissecui; qui (perinde ac damarum) per utrumque uteri cornu extensi, figuram quoque manticæ, aut duplicati sarciminis referebant. In aliquibus, binos foetus reperi; in alijs, duntaxat unicum, eumque omni lana nudum, oculisque arcte adeo oclusis & agglutinis, ut palpebras aperire non potuerim; ungulæ tamen aderant. Quibus bini foetus contingebant, ii in diversis cornibus reperiebantur; & quidem promiscuè, nullo observato ordine, mas interdum in sinistro, femina in dextro; aliquando, contrà, inerant; ambo autem semper eodem conceptu communi, eademque exteriore membrana chorio comprehendebantur. Cujus extrema utrinque ad finem cornuum, quasi bilic foecremento tincta, apparebant; videbanturque turbidi aliquid, & excrementitij in se habere.

Carunculae (sive placentulae) plurimae, & magnitudinis variae reperiebantur; contrariae etiam, quam in damis & cervis; figurae: quippe in ovibus, quasi

fungus rotundus, abrupto pedunculo, inter uteri tunicas continetur : ejusque pars gibba, utero ; (quod etiam vaccino conceptui commune est) concava autem (quæ & lævis) sævi obvertitur : majores quoque ramuli ad partem hanc concavam feruntur ; quemadmodum etiam interiori placenta muliebris parti contingit. Eadem vasorum umbilicalium propagines, carunculis annexæ, firmiter adeo adnascuntur ; ut, eum divellere eas cuperem, pars gibba à tunica uteri interiore abrumperetur potius, quàm à conceptu recederet : contrà, quàm in cervix & damis evenit ; quarum membrana, chorion facile à caruncularum coryledonibus avellitur ; quibus etiam pars caruncularum convexa, conceptui juncta, separabilis est ; concava verò pars, vel potius radix, siue pedunculus, firmiter utero adhæret. Cæteroquin, idem utrobique officium, eademque acetabula deprehenduntur ; atque eodem modo, viscosus & albugineus mucus (qualis etiam vaccinis carunculis inest) emulgetur.

In quo conceptu, singularis fœtus continetur, hic ad omnes utriusque cornu carunculas vasa sua umbilicalia transmittit, ut inde nutrimentum petat ; cornu autem, in quo fœtus ipse (in aqua crystallina intra amnion natans) reperitur, altero majus est. In quo autem bini fœtus insunt, eorum alteruter privatas suas carunculas

ob-

obtin
co
alim
In fo
magn
mellat
pulis (q
donant
tu
omalo
milis
colore
ne inte
in inte
in inde
scybala
egerere
rebu
& in q
Qu
oro, a
stum
in am
obervat

DE C

IX

Q
co/de
cuager

Conceptus Cervarum, &c. 48.

obtinere; missilque in proprium duntaxat cornu vasis umbilicalibus, ex eodem sibi alimentum quærit.

In fœtu masculino, testiculi (pro ætate) magni, foris in scroto propendent. Femellarum autem ubera, ibidem loci, papillis [quales mulierum mammae habent] donantur.

In duplici fœtus ventriculo, [nempe omaso, & abomaso] aqua crystallina, similis illi in qua natabat, apparuit; quippe colore, odore, sapore, & consistentia, plane inter se congruebant. Inerat quoque, in intestinis superioribus, quasi chylus; in inferioribus, excrementum viride, & feybala; qualia, cum gramine pascitur, egerere solet. Lecur satis amplum, reperiebatur: fellis quoque vesicula oblôgiôr, & in quibusdam, vacua.

Quem autem ordinem hactenus, in ovo, ac damis, cervisque, à nobis perspectum diximus; eundem quoque semper in omnibus viviparorum embryonibus observavimus.

DE CALIDO INNATO.

EXERCITATIO LXXI.

Quoniam sæpe *Calidi innati* mentio incidit, licet hic [epidiorpidis loco] de eodem, & *humido primigenio*, paucis agere; idque eo libentius, quod mul-

tos videam nominibus istis plurimum de-
 liciari; cum rem ipsam tamen [meo qui-
 dem iudicio] minus intelligant. Non est
 opus profecto spiritum aliquem à sangui-
 ne distinctum quærere, aut calorem aliū-
 de introducere, Deosve in scenam advo-
 care, philosophiamque fictis opinionibus
 onerare: domi scilicet nascitur, quod vulgò
 ab astris petimus. Solus nempe *sanguis* est
 calidum innatum, seu primò natus calor
 animalis: uti ex observationibus nostris
 circa generationem animalium (præser-
 tim pulli in ovo) luculenter constat: ut
 entia multiplicare, sit supervacaneum.
 Nihil sane in corpore animalium, sangui-
 ne prius aut præstantius reperitur; neque
 spiritus, quos à sanguine distinguunt, ul-
 piam ab illo separati inveniuntur: quin
 etiam sanguis ipsemet, sine spiritu aut ca-
 part. lore, non sanguis, sed *crux* appellandus
 an. e. est. *Sanguis* (inquit *Aristoteles*) quodam-
 3. modo calidus est; videlicet eo, quale est ei
 sanguini esse; perinde quasi aquam ferven-
 tem nomine uno significemus: at verò subie-
 cto, & quod tandem cum sit, sanguis est,
 non calidus est: & quodammodo per se ca-
 lidus, quodammodo non per se calidus est,
 caliditas enim in eius ratione inest, quem-
 admodum albedo in albi hominis ratione:
 at eo, qua sanguis per effectiōem sive pas-
 sionem est, non per se calidus est.

Nimirum id nobis Medicis spiritus est,
 quod *Hippocrati*, impetum faciens; quic-
 quid

quid scilicet proprio conamine aliquid
molitur, & cum agilitate ac vehementia
motum excitat, aut actionem aliquam
aggreditur: eoque nomine, vini, vitrioli
&c. spiritus dicuntur. Ac propterea apud
Medicos, tot sunt spiritus, quot partes
corporis præcipue, aut operationes; nem-
pe animales, vitales, naturales, visivi, au-
ditorii, concoctivi, generativi, implanta-
ti, influentes &c. Sanguis autem (pars cor-
poris primogenita, & principalis) virtutibus
hæc omnibus dotatus: agendique
potestate, præ cæteris, præditus est, ideo-
que *αἷμα* spiritus nomē meretur.

Scaliger, Fernellius, alique, sanguinis
eximias dotes minus perpendentes, spiri-
tus alios (tanquam præstantius & divinius
calidum innatum) aereos, aut æthereos,
vel ex substantia ætherea & elementari
compositos finxerunt, proximumque ani-
mæ instrumentum ad omnia maximè ido-
neum crediderunt: ea potissimum ratio-
ne nixi, quod sanguis (utpote ex elemen-
tis compositus) supra vires elementorum,
mistorumque ex his corporum, agere ne-
queat. Finxerunt itaque spiritum, calo-
remque innatum alium, cœlestis originis
& naturæ; corpus nempe simplicissimum,
subtilissimum, tenuissimum, mobilissimū,
velocissimum, lucidissimum, æthereum;
quintæque essentiae participem. Nonnulli
tamen demonstrarunt, eiusmodi aliquem
spiritum dari; aut eundem supra vires ele-

mentorū agere : vel maiora opera præstare , quàm sanguis solus possit . Nos sciamus , qui perscrutandis rebus sensu duce , utimur , talem aliquem nullibi invenire potuimus . Nec cauitates aliquæ illorum generationi aut conservationi destinatae sunt , vel ab illis assignantur . Fernelius

phyl. quidem ait : *Quisquis calidi innati substantiam & statum nondum plene est assequutus , corporis nostri structuram contemplatus , arterias adeat , in cordis sinum , & in cerebri ventriculos introspeciat ; quos dū inanes , ac nullius propè humoris participes videbit , neque tamen frustra ac temere tantos à natura conditos ; hac quidem mente contrectans , mox , opinor , cogitatione comprehendet , præteritum auram eos tum impleuisse , dum in vivis fuit animal , qua tamen eo animam agente , levissima cum esset , sine sensu evanuerit . Huius fovendæ gratia , inspiratione aerem introducimus ; qui nō modo corpori refrigerationem , [hac enim satis posset aliunde comparari] sed pabulum quoque subministrat . Nos autem , arterias , cordisque sinus [quandiu animal superstes est] sanguine impleri dicimus : ventriculos quoque cerebri tam excellēti muneri inidoneos judicamus , eosdemque excrementis secernendis potius factos credimus : quid , quod plurium animalium cerebra ventriculis careant ? Et ut verum sit , aerem aut vaporem aliquem ibidem reperiri [siquidem vacuum omne Natura est]*

est.

effugiat Jeundem tamen cœlestis originis, tantarumque virtutum heredem esse, minùs sit verisimile. Miramur verò quàm maximè, spiritum è cœlis oriundum, tamque eximius dotibus ornatum, à communi nostro & elementari aere nutriri: præsertim, cùm iis ratum sit, elementa quolibet supra vires suas nihil agere.

Fatentur insuper, spiritus in perpetuo fluore esse, facileque dissipari, & corrumpi posse; nec momento temporis superesse, nisi à jugiter subministrato pabulo redintegrentur; ac propterea, perinde ac primum vivens, continuò nutriri. Quid igitur extraneo illo hospite opus est, calore [inquam] æthereo? cùm eadem omnia à sanguine præstari queant; nec spiritus ab illo vel latum unguem (citra interitum) recedant. Imò verò sine eo nuspiā [tanquam corpora separata] vagantur, aut penetrant. Sive enim ex tenuiore sanguinis parte [aut aliqui censent;] sive ex humido primogenio [ut alii volunt] eos gigni, nutriri, & angeri dixerint; fatentur tamen, ipsos extra sanguinem nuspiam reperiri; sed eidem, utpote pabulo suo (quemadmodum flamma oleo, sive ellychnio solet] perpetuò adhærescere. Eorum itaque tenuitas, subtilitas, mobilitas, &c. nihilo plus commodi afferunt, quàm sanguis, quem isti continuè conitantur. Est igitur sanguis sufficiens, & idoneus,

qui

qui sit immediatum animæ instrumentū; quoniam & ubique præsens est, & huc il- luc occylsimè permeat. Nec sanè corpora alia, aut qualitates spirituales incorporeæ, caloresve diuiniorez (tanquam lux & lu-
 Di- men) concedi possunt; uti *Caspar Cremoninus* (Aristotelicæ Philosophiæ eximie
 stato- peritus) contra *Albertum* nervosè con-
 7. tendit.

Si dixerint, spiritus illos in humido primigenio, veluti in alimento ultimo, existere; indeque, ut partes omnes nutri- at, in totum corpus influere; rem profecto statuunt impossibilem: nempe calidum innatum, partem corporis primogenitam (quæ & ipsa alitur) universo corpori nutriendo inservire. Quippe hoc pacto idē essent, quod alitur, & à quo id alitur; idē- que seipsum, secundum idem, aleret, & aleretur: quod fieri equidem nullo modo potest; quoniam alimentum cum alito- nē misceri quidē probabile est; æquari enim: potentius, invicemque agere miscibilia, oportet; dictumque est *Aristotelis*, ubi nu-
 tritio, ibi nulla mixtio est. Siquidem ubi-
 cunque nutritio est, ibi aliud est alimen-
 tum, aliud quod ex eo alitur; & omninò
 necesse est, ut alterum in alterum trāseat.

Quod autem existimant, spiritus, & alimentum ultimum sive primogenium; vel aliud quid in animalibus reperiri, quod (magis quàm sanguis) supra vires elementorum agat; non videntur, quid
 ut

sit supra vires elementorum agere, satis intellexisse: nec verba illa Aristotelis rectè interpretati sunt. ubi ait: Omnis anima si De-
 ve virtus, si ve potentia, corpus aliud par-
 ticipare videtur, idque magis divinum, an. l.
 quàm ea, quæ elementa appellantur. Et 2. c. 3
 mox: Inest enim in semine omnium, quod
 facit ut fecunda sint semina; videlicet,
 quod calor vocatur: idque non ignis, non
 talis facultas aliqua est; sed spiritus, qui
 in semine spumosoque corpore continetur, &
 natura que in eo spiritu est, proportionem re-
 spondens elemento stellarum. Quamobrem
 ignis nullum animal generat; neque consti-
 tui quicquam densis, vel humidis, vel sic-
 cis videtur. At verò Solis calor & anima-
 lium, non modo qui semine continetur, ve-
 riùm etiam si quid excrementi sit, quan-
 tum diversum à natura, tamen id quo-
 que principium habet vitale. Ceterum,
 calorem in animalibus contentum, nec igne
 esse, neque ab igne originem ducere, aper-
 tum ex his est. Idem enim ego quoque
 de calido innato, & sanguine affirmave-
 rim; non esse scilicet ignem, neque ab igne
 originem ducere: sed corpus aliud, idque
 divinum magis participare: ac propterea
 non agere facultate aliqua elementari:
 sed quemadmodum in semine inest ali-
 quid, quod ipsum fecundum reddat, &
 in fabricando animali vires elementorum
 excellat; spiritus nempe, & natura in eo
 spiritu respondens elemento stellarum.

itā pariter in sanguine, inest spiritus, sive vis aliqua, agens supra vires elementorū, (in singulis animalis partibus nutriendis & conservandis valdè conspicua) & natura, imò anima in eo spiritu & sanguine, respondens elemento stellarum. Calorem denique in sanguine animalium (durante vita) nec ignem esse, neque ab igne originem trahere, manifestum est; nostræque observationes id luculenter docent.

Vt autem hæc liquidò magis appareāt, liceat nobis à proposito aliquantulum digredi, & paucis ostendere, quid sit spiritus, & quid, *supra vires elementorum agere*; quid etiam significant ea verba, *participare corpus aliud, idque divinius, quàm qua elementa appellantur*; & quid sit, *natura in eo spiritu respondens elemento stellarum*.

Quid sit spiritus, & principium vitale; partim antea à nobis dictum est, partim etiam uberius jam dicitur. Sunt tria corpora (eaque simplicia) quæ videntur sibi spiritus nomen, vel saltem officium præcipuè vèdicare, nempe ignis, aer, & aqua: & quodlibet eorum vitam, sive corpus aliud participare videtur, ob motum & fluorem perpetuum; flamma (inquam,) flatus, & flumen. Flamma, est fluxus ignis; flatus, aeris; flumen, aquæ. *Flamma*, tanquam animal, se ipsam movet, nutrit, auget, vitæque nostræ symbolum est. Ideoque in ceremoniis divinis passim usurpa-

tur,

tur; in templis quoque Apollinis & Vestæ, à virginibus religiosè (ceu res sacra) custodiebatur: eundemque ab ultima antiquitate, apud Persas, aliasq; gentes plurimas, divino honore cultum accepimus. Quasi Deus in igne maximè conspicuus sit, & ex igne nobis (ut olim Moysi) loqueretur. Aer etiam suo merito spiritus dicitur, siquidem hic à spirando nomen sumpsit; & Aristoteles disertis verbis fate-
 tur, *vitam quandam, atque ortum & in-
 teritum vel flatum esse*. Denique & flu-
 minis aqua, *viva* appellatur.

De
 gen.
 an. l.
 4. c.
 ult.

Videntur itaque tria ista (quatenus vi-
 tam quandam obtinent) supra vires ele-
 mentorum agere, & corpus aliud divinius
 participare: ideoque in Divorum nume-
 rum ab Ethnicis relata sunt. Quippe un-
 de opus aliquod eximium, nudaque ele-
 mentorum facultates superans exoritur;
 id ipsum ab agente aliquo diviniore pro-
 ficisci arbitrabantur. Tanquam idem sit,
 supra vires elementorum agere, & cor-
 pus aliud divinius eam ob causam parti-
 cipare, quod ab elementis originem non
 trahat.

Sanguis quoque similiter supra vires
 elementorum agit, cum jam pars primo-
 genita & calor innatus existens (uti fit in
 semine & spiritu) reliquas totius corpo-
 ris partes ordine fabricat; idque summa
 cum providentia & intellectu, in finem
 certum agens, quasi ratiocinio quodam

ut-

uteretur. Haud equidem ea præstat, quatenus elementaris est, & ab igne originem ducit; sed quatenus virtutis plasticæ, animæque vegetativæ munere, calidum primogenitum, vitæque instrumentum immediatum atq; idoneum efficitur. *ἀψυχή, τὸ ζῶντι δὲ τῷ ἀνθρώπῳ*, inquit *Suidas*: quod de reliquis quoque animalibus verum est. Idque etiam *Virgilius* videtur voluisse, ubi ait:

Æn. Vna eademque via sanguisque animus:
10 que sequuntur.

Sanguis itaque est *spiritus*, ob eximias eius virtutes, & vires; est etiam *cælestis*, siquidem in illo spiritu hospitatur natura [nempe anima] respondens elemento stellarum; id est, aliquid cælo analogum, cæli instrumentum, cælique vicarium.

Ad hunc etiam modum, corpora omnia naturalia duplici ratione consideranda veniunt; nempe, vel prout illa privationem æsumantur, & intra propriæ naturæ ambitum comprehenduntur; vel prout instrumenta sunt agentis cuiusdam nobilioris, & superioris potestatis. Nam ad vires eorum proprias quod attinet, non est fortasse dubium, quin omnia generationi & corruptioni subjecta, ex elementis originem ducant, & ad eorundem normam operentur. Quatenus verò præstantioris agentis instrumenta sunt, & ab illo regulantur, non jam ex natura propria operantur, sed ex regimine alterius, ideoque

cor-

corpus aliud & divinius participare videntur, viresque elementorum excellere.

Similiter & sanguinis calor est *animalis*, quatenus scilicet in operationibus suis ab anima gubernatur: est etiam *caelestis*, ut pote cœlo subserviens; & *divinus*, quod Dei Optimi Maximi instrumentum sit: quemadmodum supra à nobis dictum est; ubi etiam matrem & forminam, Solis, cœli, vel Satoris summi instrumenta esse, perfectorum animalium generationi inservientia, demonstravimus.

Mundus inferior, secundum *Aristotelem*, superioribus rationibus adeo continuus est, ut omnes eius motus & mutationes inde originem sumere, & gubernari videantur. Profecto in mundo isto (cui *κόσμος* Græcis, ab ordinis pulchritudine, nomen est) res inferiores & corruptibiles, superioribus aliis & incorruptibilibus subserviunt: omnes autem summo, omnipotenti, atque æterno Creatori & subsunt, & morem gerunt.

Qui igitur rem nullam ex elementis compositam, supra horum vires operari posse autumant; nisi simul corpus aliud, & quidem divinum magis participet: ideoque spiritus istos, partim ex elementis, partim ex substantia aliqua ætherea & cœlesti constare arbitrantur: nec illi rationes suas malè subduxisse mihi videntur. Quippe vix ullum corpus elementare invenias, quod, in agendo, vires proprias

non superer. Nè longè quæram, quod ubique obvium est: aer & aqua, dum navigia ad extremos Indos, & circumcirca orbem terrarum (sæpeque simul in partes contrarias) deferunt; cum molunt, pin-sunt, cribrant, puteos exhauriunt, ligna secant, ignem suscitant, quædam vehunt, alia obruunt, resque alias infinitas & admirandas præstant; an non supra vires elementorum agere videntur? Ignis similiter, quot, & quanta efficit? nimirum in culina, in officina metallica, & chymica, sublimando, fundendo, concoquendo, corrumpendo, coagulando, aliisque modis infinitis. Quid, cum ferrum ejus opera producitur?

— quod terram domat, & quantis oppida bello.

- Cum magnes (cui *Thales* propterea animam attribuit) ferrum ad se attrahit, domitrixque illa rerum omnium materia
- l. 36. (ut ait *Plinius*) ad inane nescio quid currit;
- l. 39. & acus ferrea eidem affricta, mundi cardines perpetuò respicit: cum horologia nostra singulas diei noctisque horas constanter indicant: an corpus aliud (præter elementa) idque divinius participare videntur? Quod si ex artis dominio & gubernatione, tam præclara quotidie supra rerum ipsarum vires efficiantur; quid ex *Natura* præcepto ac regimine fieri putabimus, ejus ars solum imitatrix est? Et si hominibus serviendo, tam ad-

miran-

miranda perficiant; quid, quæso, ab ijs
expectabimus, ubi instrumenta fuerint in
manu Dei?

Nimirum distinctione ista opus est:
Nullum agens *primarium* primum-ve
efficiens, supra vires suas operatur; omne
verò agens *instrumentale*, in agendo
propriis vires superat; agit enim virtute,
non solum sua, sed etiam superiori effi-
cientis.

Qui itaque tam præclaras dotes san-
guini denegant, & *spiritus* nescio quos è
cælo deductum eunt, quibus virtutes il-
las divinas attribuant: nesciunt profe-
cùd, vel saltem non cogitant, *generationis*
opus (atque etiam *nutritionis*, quæ revera
generationis quædam species est) cujus
gratia ijsdem tam eximia privilegia lar-
giuntur, ipsorum spirituum vires excel-
lere; nec *spirituum* modò, sed & *animæ*
vegetativæ; imò etiam *sensitivæ*, addo
quoque, & *rationalis*. *Vires* dixi; imò
verò & *aptum* etiam animæ rationalis
longè superat: natura enim generationis,
ejusque ordo, admirabilis planè est & di-
vinus, supra quam quispiam cogitatione
capere, aut mente complecti possit.

Ut igitur clarius constet, virtutes illas
præclaras, quas spiritibus & calido innato.
Viri docti attribuunt, uni sanguini
convenire: præter ea, quæ in ovo (an-
tequam quippiam fœtus appareat) & in
fœtu perfecto adultoque mirificè con-
spiciuntur.

spicua sunt; pauca hæc diligenti animo
 perpendenda veniunt. Sanguis nempe
 extra venas absolutè & per se considera-
 tus, quatenus est elementaris, atque ex
 diversis partibus [tenuibus scilicet ferosis,
 crassis, & conerctis] componitur, *error*
 dicitur, paucasque admodum & obscu-
 ras virtutes possidet. In venis autem exis-
 tens, quatenus est pars corporis, eadem-
 que animata & genitilis, atque imme-
 diatum animæ instrumentum, sedesque
 ejus primaria; quatenus etiam corpus
 aliud divinius participare videtur, & ca-
 lore animali divino perfunditur, eximias
 sanè vires obinet, estque analogus ele-
 mento stellarum. Quatenus spiritus, est
 focus, Vesta, lar familiaris, calidum,
 innatum. Sol microcosmi, ignis *Platonis*;
 non quòd (ignis communis instar) luceat,
 urat, & destruat; sed quòd vago ac per-
 petuo motu se ipsum conservet, nutriet,
 & augeat. Spiritus etiam nomen mere-
 tur, quatenus humido radicali, ultimo
 scilicet proximoque alimento, primariò
 & præ aliis partibus abundat; cæterisque
 omnibus eundem victum (quo ipsemet
 nutritur) & parat, & exhibet: dum nem-
 pe perpetim universum corpus peragrat,
 partesque omnes (quas ipsemet fabricat,
 sibi que adjungit) nutrit, fovet, ac in vi-
 vis sustentat: non aliter certè, quàm su-
 periora astra [Sol præsertim, & Luna]
 servatis perpetuò circuitibus, inferiora
 ista vivificant.

Quo-

Quoniam itaque sanguis supra vires
elementorum agit, dictisque istis virtu-
tibus pollet, atque summi Opificis in-
strumentum est; nemo facultates ejus
admirabiles & divinas satis unquam de-
prædicaverit. Habet profectò in se ani-
mam primò ac principaliter, non vegeta-
tivam modo, sed sensitivam etiam & mo-
tivam: permeat quoquoersum, & ubi-
que præsens est; eodemque ablato, ani-
ma quoque ipsa statim tollitur: adeò ut
sanguis ab anima nihil discrepare videat-
ur; vel saltem substantia, cujus actus
sit anima, estimari debeat. Talis, inquam,
anima est; quæ nec omnino corpus sit, nec
planè sine corpore; partim foris adveniat,
partim domi nascatur; aliquo modo sit
pars corporis, aliquo autem modo princi-
pium & causa omnium, quæ in corpore
animalis continentur: nimirum nutritio-
nis sensus, & motus; ac proinde vitæ pari-
ter & mortis: quicquid enim nutritur,
id ipsum vivit; & vice versa. Similiter
quod abunde nutritur, idem augetur;
quod autem parcè nimis, id decrescit:
quod etiam perfectè nutritur, sanitatem
servat; quod secus, in morbos labitur.
Juventutis ergò & senectutis, somni in-
super & vigiliarum, atque etiam respira-
tionis, ut anima, ità sanguis quoque
causa, & autor æstimandus est: præ-
sertim cum instrumentum primum in-
naturalibus, moventem causam inter-
nam

nam in se contineat. Eodem ergo res redit, si quis dicat. Animam & sanguinem, aut sanguinem cum anima, vel animam cum sanguine, omnia in animali perficere.

Solemas, rerum negligentes, speciosa nomina venerari. Sanguis, qui nobis præ manibus atque oculis est, nil grande sonat: ad spirituum verò, & calidi innati, magna nomina obstupescimus. Detracta autem larva, evanescit, ut error, sic etiam admiratio. Lapis ille mirificus, *Mixaldo* plurimis virtutum elogiis à *Pipino* celebratus, non illum modò, sed & *Thunnum* etiam (eximium sua ætate historigraphum) summa admiratione compleverat. Libet griphum ipsum attexere. Nuper, inquit, ex *India orientali* Regi nostro allatum hic vidimus lapidem, lumine & fulgore mirabiliter coruscantem; quiq; totus, veluti ardens & incensus, incredibili lucis splendore præfulget, micatque. Is jactis quoquo versus radijs, ambientem circumquaque aerem luce nullis ferè oculis tolerabili latissimè complet. Est etiam terra impatientissimus: si cooperire coneris, sua sponte & vi facto impetu, confestim in sublime evollat. Contineri verò includive loco ullo angusto nulla potest hominum arte, sed ampla liberaque loca duntaxat amare videtur. Summa in eo puritas, summus nitor; nulla sorde, aut labe co inquinatur. Figura species nulla ei certa,

sed

sed incerta & momento commutabilis. Cumque sit ad spectus longè pulcherrimus, tamen se non finit; & si diutius admittaris, vel obstinatiùs agas, incommodum affert: sicuti multi, suo non levi malo, me presente, experti sunt. Quòd si quid ex eo fortasse enixiùs conando adimitur, aut detrahitur, fit [dictu mirum] nihilo minor. Addit insuper is hospes, hujus virtutem ac vim esse ad quamplurima cum utilem, tum precipuè [Regibus imprimis] necessariam: sed quam revelaturus non sit; nisi pretio ingenti priùs accepto. Potuissetque idem hospes porro addere, lapidem hunc nec mollem, nec durum esse; eundemque varijs formis ac coloribus præditum, trementem valdè ac palpitantem conspici; atque animalis instar (cum tamen sit inanimis) plurimùm pabuli quotidie vorare, in nutritionem & augmentum sui. Quinetiam accepisse se ab hominibus fide dignis, lapidem hunc olim è cælo in terram decidisse; & jam sæpe tonitruum, fulgurumque causam esse; & interdum è radijs solaribus per aquam refractis gigni.

Tam stupendum lapidem quis non admiretur, credatque eundem supra vires elementorum agere, & corpus aliud participare, spiritumque æthereum possidere? præsertim, cum eundem elemento Solis proportionem respondentem videat. At verò *Fernelio Oedipo*, parva flammula

totum ænigma solvit.

De Ad eundem pariter modum, si sub fa-
 abd. bulæ involuero sanguinem alicui depin-
 rer. gerem, lapidisque Philosophici titulo in-
 caus. signirem, atque omnes eius singulare
 2. c. dotes, operationes, ac facultates ænigma-
 27 ticè proponerem; illum procul dubio plu-
 ris æstimaret; supra vires elementorum
 agere faciliè crederet, corpusque illi ali-
 ac diviniùs non illibenter attribueret.

DE HUMIDO PRIMIGENIO

EXERCITATIO LXII.

Sanguinem jam calidi innati titulo or-
 navimus; æquumque pariter cense-
 mus, ut *colliquamentum crystallinum*
 nobis dictum (ex quo fœtus, eiusque
 partes primæ immediatè oriuntur) *humi-
 di radicalis* & *primigenii* nomine insi-
 gniatur. Neque enim res alia aliqua in
 animalium generatione occurrit, cui po-
 tiore jure id nominis conveniat.

Humidum diximus *radicale*, quòd ex
 eo prima fœtus particula, sanguis nem-
 pe, reliquæque omnes partes postgenitæ,
 tanquam è radice, oriuntur; atque ex ea-
 dem materia procreantur, nutriantur,
 crescant, & conserventur.

Primigenium quoque appellavimus,
 quòd in cuiuslibet animalis fabrica pri-
 mum generetur, reliquisq; sit veluti fun-
 da-

damentum: uti in ovo videre est, in quo, post brevem incubationem, primarium existit insit foecundantis & generativæ facultatis opus.

Idem quoque est simplicissimum, purissimum, & sincerissimum corpus, terminabile; in quo omnes pulli partes potentia quidem sunt, actu verò nulla: videturque Natura idem illi concessisse, quod materię primæ, rerum omnium communi, vulgò tribuitur; ut potentia nempe sit omnium formarum capax, actu autem formam nullam habeat. Sic humor oculi crystallinus, ut colorum omnium susceptivus sit, ipsemet nullo colore prædictus est: & similiter media, sive organa singulorum sensuum, rerum sensibilibus qualitatibus destituuntur; olfactus scilicet & audiens organa, atque aer iisdem inserviens, odore & sono carent; linguæ item orisq; saliva, sine sapore est. Atque huic potissimum argumento inniuntur, qui intellectum possibilem statuunt incorporeum; quia nempe susceptivus est omnium formarum sine materia; & ut manus, organum organorum dicitur, ita illam formam formarum asserunt, nullam habentem materiam, prorsusque incorporeum; ideoque possibilem cum, non autem possibilem aiunt. Videtur etiam humidum hoc, si non idem, saltem analogum esse ultimo alimento, ex quo Aristoteles animalium genituram, semen di-

De Nam fieri docuit. Vltimum dico alimen-
 gen. tum, quod Arabibus *ros* dicitur, quo om-
 an. nes corporis partes madescunt, & irroran-
 1. c. 18 tur. Quemadmodum enim ros ille ab u-
 & 1. 4 teriore condensatione atque adhesion-
 c. 1. in alibile gluten & cambium evadit, un-
 de partes corporis constituuntur; ita vic-
 versa, in prima generatione & nutritione
 ex glutine colliquato & tenuiore redditus
 fit ros: nimirum ex albumine ovi, fit co-
 liquamentum dictum, sive humidum re-
 dicale, & ros primigenius. Imò verò re-
 utrobique eadem est, si modò observatio-
 nibus nostris fides debetur; & verum est
 quod Philosophi omnes concedunt, &
 Medici etiam non dissentunt; nempe
 animal ab eodem nutriri, ex quo fit; &
 ex quo generatur, ab eodem augeri. Dis-
 fert itaque ros nutritius, à colliquamen-
 to, sive humido primigenio, prioris tan-
 tùm & posterioris ratione; quòd hoc
 parentibus coquatur & fiat, ille verò à
 ipso feru; amboq; succi animalibus pro-
 ximum & immediatum alimentum sunt
 non quidem primum, secundum dictum
 illud, *contraria ex contrariis*; sed ultimum
 (ut dixi, & *Aristoteles* quoque monuit)
 secundum illud, *similia ex similibus au-*
geri necesse est. Estque uterque humor in
 ea proxima potentia, qua (sublaris impe-
 dimentis) sua sponte, vel naturæ lege in
 omnes corporis partes abiturus sit.

Quibus ita se habentibus, videntur
 om-

omnes controversiæ super materia animalium, eorumque alimento, haud diffi-
cultè componi posse. Cum enim aliqui,
semen sive materiam in coitu emissam ex
omnibus corporis partibus disceptam
crederent, indeque proles cum parentibus
suis similitudinem deducerent, Aristote-
les hæc habet: *Contrà, quàm Veteres pu-
tarunt, dicendum est: cum enim illi, quod
ex toto secedit, semen esse fateantur; vos,
quod ad totum suapte natura fasit, semen
esse fatebimur: cumque illi colliquamen-
tum dicant; nos excrementum potius esse
statuimus; [dixerat autem paulò antea,
Excrementum appello reliquias alimenti;
colliquamentum, quod ex incremento se-
cernitur resolutione præter naturam:] quod
enim ultimum accedit, & excrementum
ultimi est, id simile esse probabilius est.
Perinde ut pictoribus sæpenumero aliquid
purpurissi remanet, simile eius, quod con-
sumpserint: tabescens autem quodque &
colliguescens corrumpitur, & digenerat.
Argumentum, non colliquamentum, sed
excrementum potius esse, illud est; quod
animalia magni incrementi minus sæcun-
da, parva sæcundissima sint. Plus enim
colliquamenti esse in magnis necesse est, sed
minus excrementi: nam in corpus magnum
alimenti copia absuntitur; itaque parum
fit excrementi. Item, locus secundum na-
turam nullus colliquamento datus est, se-
fluit quocunque facilius ferri potest: at na-*

De naturalibus excrementis omnibus locus praegen. scriptus est: verbi gratia, alimenti sicci ex-an. l. i. crementis, alvus; humidi, vesica; utilis, c. 18. ventriculus; seminalis, uterus, genitalia, mamma: in ea enim loca se colligunt, atque confluunt. Aliisque porro rationibus probatum est, materiam feminalem, ex qua foetus fit, esse eandem, cum illa, quae partibus nutriendis parata est. Veluti si quis à pictore aliquo purpurisum peteret; ille certè, quod jam illicitum est, non abraderet; sed quod ab opere superest, ei praeberet; eiusdem scilicet naturae cum eo, quod absumpserat. Ità similiter, excrementum ultimi alimenti, sive rosis glutinisque quod superfluum est, ad genitalia deponitur: estque ea sententia, ovorum in gallina generationi maximè consentanea.

Medici quoque [qui partes omnes ab initio ex spermate fieri statuunt, eoque nomine spermaticas appellant] semen ex alimento ultimo (quod, etiam *Aristotele*, sanguinem esse existimant] virtute genitalium fieri, & materiam foetus constituturè aiunt. Manifestum sanè est, ovum è matre, huiusque ultimo alimento (rore scilicet nutritio] produci. Ovi igitur album, aut colliquamentum istud primogenitum, vel potius antegenitum, semen gallinae verius reputandum est [quamvis in coitu projectum non sit; sed ante coitum, paratum; vel post eum, collectum fuerit; ut in plurimis animabilis contingere, postea

for san

for san fufius explicabitur) quod genitura maris, secundum *Aristotelem*, coagulet.

Cum itaque videam, ex uno hoc humido, [tanquam materia aut radice prima] partes omnes fieri, & augetur; idemque necessario ita fieri, ratio antedita suadeat; continere me sane vix possum, quin *Empedoclis*, & *Hippocratis* etiam sectatores (qui corpora omnia similia, ex quatuor elementis contrariis) ceu mista (congregatione generari, & segregatione corrumpi volunt) vellicem, ac perstringam; nec minus *Democritum*, cumque sequutos *Epicureos*, qui ex diversarum figurarum atomis simul congregatis omnia componunt. Quippe olim eorum omnium, hodieque etiam vulgaris error est, corpora omnia similia ex diversis sive heterogeneis generari. Hoc pacto enim, *Lyncis* oculis nihil esset simile, unum, idem, & continuum; sed potius apparens solum unio, minimorumque corporum congregatione vel colligatione quadam, facta congeries & acervus: neque generatio, ab aggregatione, debitaque partium positura quicquam differret.

Ego vero, neque in animalium productione, nec omnino in ulla corporum similiarum generatione, (sive ea partium animalium, sive plantarum, lapidum, mineralium &c. fuerit) vel congregationem

ciusmodi, vel miscibilia diversa in generationis opere unienda præexistere, observare unquam potui. Neque enim [quātum saltem nobis videre licuit, aut ratione aliqua assequi potuimus] partes similes [utpote membrana, caro, fibra, cartilago, os &c.] prius suo quælibet ordine fiunt, aut unā existunt; ut ex iis (tanquam animalium elementis) simul iunctis, organa sive membra, totumque animal postea componatur: sed, ut antea à nobis dictum est, primum corporis rudimentum, est simile duntaxat & molle gluten spermatico concremento nō absimile; ex quo [procedente generationis lege] mutato, simulque secto, vel in plura diviso, ceu effato divino, ut diximus, (fiat hic os; illic musculus, aut nervus; hic viscera, illic excrementorum receptacula &c.) ex inorganico, fit organicum; ex similari, dissimilare; ex uno, eiusdemque naturæ, plura, eaque diversa & contraria: Non quidem transpositione aliqua, aut motu locali (quasi virtute caloris fieret homogeneorum congregatio, & disgregatio heterogeneorum) sed potius disgregatione homogeneorum, quàm heterogeneorum compositione.

Idemq; in omni generatione fieri crediderim; adeo, ut corpora similia mista, elementa sua tempore priora non habeant, sed illa potius elementis suis prius existant (nempe, *Empedoclis* atque *Ari-*

stotelis

scilicet igne, aere, aqua, & terra; vel Chymicorum sale, sulphure, & Mercurio; aut Democriti atomis) utpote natura quoque ipsis perfectiora. Sunt, inquam, mista & composita, etiam tempore priora elementis quibuslibet sic dictis, in quæ illa corrumpantur & desinunt; dissolvuntur scilicet in ista, ratione potius, quàm re ipsa & actu. Elementa itaque quæ dicuntur, non sunt priora iis rebus, quæ generantur aut oriuntur; sed posteriora potius; & reliqua quia magis, quàm principia. Neque Aristoteles ipsemet, aut alius quispiam unquam demonstravit, elementa in rerum natura separatim existere, aut principia esse corporum similarium.

Philosophus quidem, ubi elementa dari confirmatum est, consilii incertus videtur, utrum elementa actu, an potentia, cælo solum existere, statuendum sit: & in istis naturalibus, potentia potius, quàm actu, esse auctorizat; ideoque ex divisione, segregatione, & solutione rerum, elementa dari asserit. Est tamen argumentum minus validum, corpora scilicet naturalia ex iis generati vel componi primò, in quæ corrumpuntur, vel solvuntur ultimò: quippe ea ratione, quædam ex vitro, cineribus, & fuliginibus (in quæ tandem ab igne redacta cernimus) componerentur; & cum destillatio artificialis clare monstrat, vapores sive aquas plurimas specieque differentes omnes, ex torridenti

diversis corporibus elici; deberet certè elementorum numerus crescere in infinitum. Neque etiam quisquam Philosophorum ait, corpora, quæ ab arte soluta, sincera specieque indivisibilia dicuntur, elementa esse magis simplicia, quàm aërem, aquam, & terram, quæ sensu percipimus, nobisque ob oculos versantur.

Nec denique ex igne, tanquam miscibili, quicquam naturaliter generari cernimus: estque fortassis impossibile; cùm ignis (ceu vivens quoddam) in continuo fluore sit, & pabulum quærat, ut eodem nutriatur, & conservetur: secundùm il-

De lud *Aristotelis*, Ignem nutriri solum, idgen. que maximè ipsius formæ esse: Quicquid

excor. verò nutritur, fieri nequit ut id ipsum.

l. 2. c. cum nutrimento suo misceatur. Vnde se-

50 quitur, impossibile esse, ignem esse miscibilem. Mistio enim ex *Aristotelis* sententia, est miscibilium alteratorum unio; ubi aliud in aliud non transmutatur, sed ambo invicem activa & passiva in tertium: generatio verò (præsertim per *metamorphosin*) est unius rei similis alterandæ, in plures alias distributio. Nec mista similia ex elementis generari, sed ex iis quodammodo *consistui* dicuntur; in quæ etiam potentia solubilia sunt.

Hæc autem ad *Physiologia* partem illâ, quæ de elementis & temperamentis agit, propriè spectant: ubi etiam de iisdem cognoscitur disceptandum est.

DE PARTV.



Generationi *partus* est consecutus, quo *fœtus* in lucem prodians externo aere fruitur. De eo igitur paucis hic agere, operæ pretium iudicavimus. Itaque (cum *Fabricio*) eius causas, modum, & tempora; item quæ eum antecedunt, & subsequuntur, considerabimus.

Quæ paulò ante partum contingunt, & in mulieribus præsertim, instantem parturitionem præfagiunt; sunt partim *fœtantis* præparatio, ac dispositio, ut conceptum dimittat: partim situs, sive positio *fœtus* ad egressum idonea.

Positionem quod attinet, *Fabricius* ait, *eam figuræ conglobatæ & inflexæ esse, ne De fœtus extremitatibus atq; eminentiis suis, form. utero aut membranis continentibus nocere. ret; tum etiam ut minore loco contineretur. c. 9. p. 140* Ego verò non arbitror *fœtum* [ob prædictas causas] eandem semper membrorū positionem servare. Quippe in aqua natās, tura seseque movens, modo huc, modo illuc *fœtus* extenditur, varique inflectitur, & volu in uteratur; adeò ut proprio umbilici funiculo tero. implexus, mihi interdum irretiat. Certe animalia omnia, dum quiescunt & dormiunt,

miunt, membra sua ut plurimum adducunt & complicant, figuntque ovalem aut conglobatam querunt. Ità pariter embryones, qui ætatem suam maximè somno transigunt, membra sua positione ea qua plasmantur (tāquam naturalissima, ac maximè indolenti, quietique aptissima) componunt. Ideoque infans in utero ut plurimum reperitur, adductis ad abdomen genibus, flexis retrorsum cruribus, pedibus decussatis, manibusque sursum ad caput sublatis, quarum alteram circa tempora vel auricolas, alteram ad genam detinet; ubi maculæ albae, tanquā confricationis vestigia, in cute cernuntur: spina in orbem flexitur; caput ad genua, incurvato collo, propendet. Tali membrorum situ, qualem in somno per quietem quaerimus, capite supernè, facieque ut plurimum ad matris spinam versa, embryo locatur. Paulò autem ante partum, capite deorsum inflexo, versùs matricis orificium (tāquam exitum quaesiturus) iuratur, imumque petit. Sic Aristoteles: *Omnia animalia naturaliter in caput exeunt; obliqua autem, vel in pedes, contra naturam.* Hoc tamen non est perpetuum in omnibus animalibus; sed prout situs eorum in utero diversus fuerit, ità quoque & exitus variat; ut in canibus, suis, aliisque multiparis. Foetus etiam humanum in utero diversum situm nasci, gravidæ norunt, quarum uterum

modò

modò supernè, modò infernè, nunc in hoc, nunc in illo latere pulsât.

Similiter Matrix ad partum matura, descendit inferiùs, emollitur, acque ori-
ficium suum aperit. Colliguntur etiam
aqua vulgò dictæ: i. e. pars quædam cho-
riti, in qua prædicta materia aquosa con-
tinetur, foetum antecedit, atque è macri-
ce in vaginam prolabitur: partes quoque
vicinæ laxantur, & distentioni aptæ fiunt:
quinetiam sacri & pectinis ossium cum
coxendice copula (quæ fit per synchon-
drosin) aded emollitur & solvitur, ut di-
cta ossa facilè exeunti foetui cedant; &
hiantia, regionem totam hypogastricam
ampliorem reddant. Hæc dum fiunt, par-
turationem jam instare constat. Nempe
ut foetus (quasi fructus maturus) in lucem
prodeat, natura providè iter aperit, ac
dilatat: quemadmodum foetui mox na-
scituro lac prævium in mammis preparat,
ut foris postmodum victuro sit unde su-
stentetur. Sunt quidem hæc partus ante-
cedanea. Ideòque inter signa imminētis
partus, lac potissimùm habetur: tale, in-
quam, quod & copia, & consistentia, a leni-
do foetui sit idoneum: quale (ex Aristote-
lis sententia) non nisi parturitionis tem-
pore cernitur, ac propterea ante septimūc.
5.ensem non conspicitur.

Pag.

Fabricius duo potissimùm de partu in-
quirenda statuit, quando scilicet, & quo-
modo partus fiat. Primum, tempus seren-

di

di uteri: secundum, è vulva ad antra ex-
eundi modum, explicat.

Tempora ferendi uteri, ab Aristotele
varia censentur: certa, inquit, cuique ani-
De malium sunt, magna quidem ex parte pro
gen. vita spatio; vivaciorum enim generationes
an. l. diuturniores esse necesse est. Præcipua autē
4.c. 4 huius rei caussa ab eo assignatur magnitu-
& ult. do animalis: haud enim, inquit, tempore
brevis constitutionis perfici magnas vel ani-
malium, vel quorumvis aliorum ferè fa-
cile est. Quamobrem equa, & qua iis co-
gnata sunt animalia, quanquam minus
temporis vivunt, tamen diutius uterum
ferunt. Ideoque elephantorum uterus bien-
nio (ut aiunt) gestatur, propter exuberan-
tiam magnitudinis. Cuiusque autem ani-
malis certa est magnitudo, quem termi-
num non supragreditur: ac proinde mate-
riæ quoque (ex qua fiunt) copia ipsis de-
finita est. Ait porro: Ratione autem opti-
ma tempora cœlium & graviditatum &
generationum, & vitarum dimensionem
circuitibus sibi exposcunt recipere. Circui-
tum appello diem, noctem, mensem, an-
num, & tempora, qua iis describuntur,
atque etiam luna traiectiones: hæc enim
principia generationis sunt omnibus com-
munia. Nam ut rerum minus principalium
circuitus sequatur magis principalium re-
rum circuitum, rationale est. Eorum igitur
motibus generationes atq; obitus ani-
malium definiti, natura comparatum est.

Et

Et prout animalium partus ex circuitibus Solis aut lunæ dependent, ita varia etiam habent tempora coeundi, & ferendi uterum; eaq; prolixiora, aut breviora.

Homini soli (inquit ibidem Philosophus) tempus ferendi uteri enorme est. Ceteris enim unum est tempus, homini verò, plura sunt: quippe & septimo mense, & decimo nascitur; atque etiam inter septimum & decimum positis: qui enim mense octavo nascuntur, etsi minùs, tamen vivere possunt. Plurimis quidem stata sunt pariendi tempora, & præsertim Vere, adveniente Sole; multis, in æstate; nonnullis, in autumno, ut piscibus cartilagineis. Indeque fit, ut accedente pariendi tempore, ad solita loca reverrantur; ut stabula vel nidos suos tutò exstruant, ubi factus pariant, foveant, alantque. Hinc dicti Ornithiæ, venti sub initium Veris spirantes; scil. ab adventu avium, quæ 3 tempore, illorum ventorum ope ad certa loca transvolare solent. Pisces similiter qui turmatim ad multa centena millia, proles educandæ gratia, certis locis convenire solent, stata anni tempora designant. Quinetiam Vere, quamprimum crucæ cernuntur, (quarum semina, instar atomorum invisibilium, à ventis ut plurimum deferuntur; non autem, ut vulgò creditur, sponte, vel è putredine ortum ducunt; arbores statim gemmulas suas protrudunt, crucis illis cellulas in alimē-

tum;

tum; quas vicissim aviculæ plurimæ infestantur, alendisq; pullis suis in nidos deferunt. Aded ut, quotiescunque cernere contingit inuistrata erucarum genera, simul aviculas rarò visâs, peregreque adventantes conspiciamus; (tanquam hæ illas è remotioribus terris persequerentur) suntque utrisque eadem ferè pariendi tempora Medici statim, conspectis iis, novos morbos præ foribus adesse hariolantur. Apes Majo mense pariunt, cum toris mellisui copia est: Vespæ, æstate; cum fructus maturefcunt: quemadmodum, viviparorum scœtura contingit, cum in mammis eorum lac idoneum reperitur. Alia verò animalia, quæ inquilina sunt, & cœlum non mutant, sua quæque pariendi loca, ut & pabuli proventum, statis temporibus repetunt. Indè fit, ut agricolæ, à diversarum avium, & spermologorum, præcipuè conventu, arandi, seminandi, & metendi temporâ dijudicent. Sunt tamen nonnulla animalia, quorum pariendi tempora varia & incerta contingunt: ut plerisq; usu venit, quæ domestica appellantur, & cum hominibus degunt. Ea enim variis temporibus, & venerem exercent, & pariunt; nempe ob pabuli copiam, & inordinatam, præter naturæ morem, lasciviam. Talibus verò (ut & hominibus) partus difficiliore sœpe, & periculosiores obveniunt.

Alia porrò animalia, lunæ circuitus.

ma-

magis observantia, quolibet ferè ann. tempore coeunt, & pariunt: ut cunicali, mulieres, & mulieres. Dicitur enim inquit Plu. Symmachus) ad expediendum partum, luna pos. l. conducere, cum orbe fulget dimidio: quod 3. qu. laxandis humoribus dolores mitiget. Hinc 10 arbitror etiam Diana vocabula Locheia, quod est, partui praefecta, & Eilytheia, si- ve Lucina, fuisse facta: cum eadem sit Diana, quae luna.

Ceteris animantibus, (inquit Plinius) l. 7. c. statum & pariendi, & partus gerendi tempus est: homo toto anno, & incerto gignitur spatio: Nam licet his quoque praefinitum pariendi tempus natura ut plurimum destinaverit: interdum tamen magna suboritur differentia; adeo ut quaedam septimo mense, nonnullae decimo quarto partus vivos ac vitales edidisse memorentur. Et licet Aristoteles, ex iis, qui in Graecia regionibus octavo mense nascuntur, multos Hist. interire dicat; fatetur tamen in Aegypto, an. l. atque aliis aliquot locis, [ubi mulieres cō 7. c. 4. modè perferunt] salvari vitales. Et quam Ibid. quam ait: (Qui ante mensem septimum prodeunt, nulli ulla ratione possunt vivere. At septimus maturè oriendi principium est. Verùm plerique sunt imbecilles; ideo involvunt eos lanis] fatetur tamen, tales vivere posse.

Franciscus Valesius quinquemestrem puellam refert suo tempore duodecimū ætatis annum ingressam fuisse. Adrianus

In Spigelius tabellarii cuiusdam meminit, qui urbis Medioburgensis testimonio publico omnibus monstrabat, se sexti mensis initio editum, corpore exiguum, & vixit certo ribus ita debilem: atque osibus infirmum, tempus mater coacta fuerit gessio circum part. ductum fovete, donec robur acquisiverit, quo posset fasciis circumligari. Avicenna L. 9. quoque refert, sexto mense natum bene vidisse. Similiter, post undecimum mensis. sem natos vitales fuisse, multorum quoque & veterum & recentiorum testimonio. nris comprobatur. Massurius (ait Plinius) autor est, L. Papyrium Pratorem, secundo loco haredede lego agente, bonorum possessionem praec. contra eum dedisse, cum mater partum se predecim mensibus diceret tulisse, quoniam nullum certum tempus pariendi statutum videretur. Fuit profecto non ita pridem apud nos mulier, quae sortum in utero se decim amplius mensibus gessit, eumque ultra decem menses (pluribus eius rei conficiis] huc illuc varie sese commoventem sensit, tandemque vivum peperit. Sunt autem, fateor, ista ex raro contingentibus. Ideoque Spigelius Vlpianum Iuriconsultum immerito reprehendit, quod, post decimum mensem, editum nemine ad legitimam hareditatem admiserit. Quippe leges & praeccepta artium, actionibus vitae recte ordinatis ut plurimum adaptantur. Praeterea non negandum, reperiri multas subdolas & fraudis plenas mu.

mulieres, quæ lucro inhiantes, aut poenarum, vel infamiae metu, sese gravidas fingunt, & dejerant. Notum quoque, alias facile decipi, quæ rerum ignaræ, etiam, vacuo utero se prægnantes autumant. Huc faciunt illa Aristotelis: *Conceptio eorum, qui post undecimum mensem editi sunt, videtur latuisse.* Illorum enim conceptus initium ignorant mulieres. *Flatibus 7.c.4, enim uteris sæpenumero occupati, postea coeundo gravida facta, illud arbitrantur fuisse initium conceptionis, quod ex indicis usitatis agnovissent.*

Alias etiam novimus, post trimestre, aut quadrimestre spatium, mortuo jam conceptu, & in utero putrescente, paulatimque (ceu putridis lochiis) effluente, tabo, superfœtasse. Eadem tamen, post decimum-quartum demum mensem se peperisse affirmarunt. *Evenit aliquando, Ibid, ait Arist. ut abortu facto, decem ac duodecim superfœtatione concepti exciderint. Quod si statim conceperint, extulere in lucem eum quo superfœtarant; sicque eos edunt, quasi qui gemellorum eduntur lege. Id quod de Iphicle & Hercule fabulatur. Atque hoc jam constitit: Adultera enim quadam, alterum marito similem, adultero alterum peperit. Olim etiam quadam gemellos utero cum gestaret, tertium insuper concepit. Appetente igitur tempore iusto, illos quidem suo perfectos tempore edidit, hunc autem quinquemestrem; atque is illico perit.*

Famula quædam ab hero suo compressa, ut culpam tegeret, Septembri mense Londinum advolat; ubi clanculum peperit; & firmata valetudine, domum reversa est. Decembri autem sequente; novo partu [nam superfætaverat] occultatum antea crimen divulgavit.

Alii contigit [addit Philosophus] ut cum unum septimestrem peperisset, postea duos mensium jussorum sine absoluto pareret: quorum ille mortuus est, hi vixere. Quædam etiam abortientes simul concepere, alterumque eiecere, alterum peperere.

Fieri nempe facile potest, ut priore aut posteriore superfætantium conceptu post tertium quartumve mensem ejecto, sequentes menses vel plures justo, vel pauciores numerentur: præsertim à credulis & ignavis mulierculis.

Perire intus conceptum, & in putrilaginem versum sensim indies (tanquam fluores albos) emanare; nonnunquam observavimus, tum in mulieribus, tum etiam in aliis animalibus. Erat non ità pridem Londini mulier; quæ, post ejusmodi abortum, concepit denovo; debitoque tempore infantem peperit. Postea, verò, interpositis aliquot mensibus, dum consueta obit munia, sine dolore, & agitudine aliqua insigni, prioris abortus ossicula nigra frustatim eiecit. Eorum quædam ad me delata, esse spinæ, femoris, & aliorum ossium fragmina, indicium fecerunt.

Novi.

Novi Iuvenulam, filiam eiusdem Medici mihi familiarissimi, quæ gravis facta, symptomata omnia prægnantes commirati solita experiebatur: ea sana, & vegeta, post decimam quartam septimanam, fœtus in utero motum sensit; tempusque partui debitum emensa est; indiciaque iam imminenti partus adesse rata, cubile, incunabula, cæteraque ad partum necessaria in procinctu habuit. Sed frustra omnia, & Lucina votis abnuic: motus enim soliti cessarunt; ac paulatim, ut increverat, decumuit venter, absque ulla ægritudine: sterilis autem mansit in posterum.

Novi etiam Matronam nobilem, quæ plûs decies enixa fuerat, quamque menstruorum suppressio citra prægnationem nunquam sefellerat. Postea autem alteri denupta, præter alia signa solita, ex motu quoque (quem ipsa, tororque eius iuxta cubans, sæpe noctu sentiebant) sese gravidam judicabat; nèque ab ea opinione ullis à me allatis argumentis dimoveri poterat: donec tandem spes omnis in flatum, & pinguedinem facefseret.

Adeò interdum certissima quoque gravidationis signa, non modò ignaras mulieres, sed obstetrices expertas, & peritos etiam Medicos atq; attentos sefellerunt. Quapropter, cum præter dolos mulieres, varia sint prægnationis falsa indicia, de partu inordinato ante septimum mensem, aut post undecimum, haud temere sta-

statuendum est.

Vsitus sanè uteri gerendi computus, eum terminum servat, quem Christum Salvatorem nostrum hominum perfectissimum in utero Matris sue emensum credimus; nempe à die annuntiationis Angelicæ, mense Martio, ad nativitatis illum beatum diem, quem Decembri mense festum celebramus. Adque hanc normam matronæ prudentiores calculos suos subducentes (dum singulis mensibus, solitum menstrui fluxus diem in fastos referunt) spe rarò excidunt; verùm, transactis decē lunæ curriculis, eodem die, quo (absque pregnatione foret) (menstrua iis profluere) partum experiuntur, ventrisque fructum colligunt.

Ad causas verò excludendi fœtus quod attinet, Fabricius præter eam Galeni (asserentis, fœtum tantisper in utero gestari, donec auctus & perfectus iam factus per os nutriri possit: qua certè ratione, imbecilliores fœtus diuturniorem in utero moram traherent; quod tamen non evenit:) aliam, & quidem potiore, putat, maioris, per respirationem, refrigerii necessitatem; cum fœtus ubi primum ortus est respiret, nequaquam autem cibum ore assumat. Id quod non solum (ait) in homine & quadrupedibus, sed etiam maximè in penatis observatur; qua etsi parva sunt, & rostrum adhuc tenerum habentia, pulli ramentum ovi corticem eam parte percutiunt, qua

respi-

respiratione opus habent : hoc agentes à respiratione , quàm à cibi indigentia coacti ; eùm statim atque è cortice sunt exclusi respirent , sine cibo autem bidnum diutiusque consistant .

Verùm num refrigerii gratia respiratio instituta sit , an in alium finem ; alibi plenius , ex observationibus nostris , disputabimus .

Libet interea problema hoc viris doctis proponere : Quomodo nempe embryo post septimum mensem in utero matris perseveret ; eùm tamen eo tempore exclusus statim respiret ; imò verò sine respiratione nè horulam quidem superesse possit : in utero autem manens (ut dixi) ultra nonum mensem , absque respirationis adminiculo , vivus & sanus degat . Dicam planius : Qui sit , ut fœtus in lucem editus , ac membranis integris opertus , & etiamnum in aqua sua manens , per aliquot horas , citra suffocationis periculũ , superstes sit : idem tamen secundis exutus , si semel aerem intra pulmones attraxerit , postea nè momentum quidem temporis absque eo durare possit , sed confestim moriatur ? Non fit hoc cerrè ob defectum refrigerationis ; nam in partu difficili , sæpe per aliquot horas in angustiis illis sine ulla respiratione hærens , vivus tamen persentiscitur : quamprimũ autem egressus fuerit , & viralem hanc auram hauserit , eadem mox præclusa dictum factum

extinguitur. Similiter, cum in sectione caesarea foetus horis complurculis post matris obitum eximitur, vitalis tamen reperitur, & intra secundas sepultus, aeris nihil indigus, superest: simulac autem eo semel gavisus fuerit, (etiam in easdem secundas repositus) illico, ob hujus carentiam, suffocatur. Hæc qui diligenter perpenderit, naturamque aeris penitus introspexerit, facile [opinor] fatebitur, eundem nec refrigerationis gratia, nec in pabulum animalibus concedi. Siquidem constat, foetum, postquam eum semel hauerit, citius suffocari; quam cum ab illo protus arcebat: quasi fervor in eo, ab aere accenderetur potius, quam restingueretur.

Hæc autem obiter duntaxat de respiratione diximus; proprio loco de eadem forsitan copiosius disceptaturi. Qua sanè disquisitione vix aliam scrupulosiorem invenias; siquidem ea in utramlibet partem paribus ferè rationum momentis libratur.

Ad partum redeo, quem [præter prædiximus] etiam respirandi necessitatem; alimentique inopiam] Fabricius fieri putat, quod tunc foetus grandior factus pondere gravet; tum mole sua magna non amplius intus detineri possit; præterea, inquit, excrementa tam copiose aucta sunt, ut in membranis contineri amplius non valeant. Probavimus autem superius, humores in utero contentos, non esse excrementitios. Nec ratio à

pon-

pondere aut magnitudine fœtus deducta, magis verisimilis est: fœtus enim humoribus innatans vix ullum placenta uterove gravamen adfert; fœtus etiam aliqui novimestres pusilli sunt, & aliis octimestribus minores; non possunt tamen ulterius in utero morari. Et profectò ad pondus quod attinet, gemelli qualescunque octavo mense, cuilibet singulari fœtui novimestri præponderant, nec tamen propterea ante nonum mensem in lucem prodeunt. Nec meliore iure alimenti penuriam adesse, causari potest: cum ad id temporis gemellis, & aliquando pluribus fœtibus, victus abunde suppetat; & lac, quod puerperis ad mammas delatum, alendo fœtui sufficit, ad uterum traductum, fœtum inibi aequè commodè nutrirer.

Ego potius nascendi causam esse dixerim, quòd succus intra amnion, alendo fœtui maximè accommodus, tunc temporis vel deficiat, vel à relictis recrementis depravetur. Vti etiam suprà monui. Vteri autem, præter naturæ usitatum tempus, gerendi diversitatem [quæ potissimum humano generi contingit] vitæ consuetudini, imbecillitati corporis, animique variis affectibus attribuerim. Ideoque etiam animalia cicura, quæ cum hominibus degunt, ob otium, pabulique copiam, incerta magis tum coeundi, tum pariendi tempora obtinent; quàm fera, & ex naturæ lege vitam agentia. Mulieres quoque

firmæ valetudinis, partus plerunque leviores, promptioresque experiuntur: contra autem iis evenit, quibus sanitas attrita est. Idem nempe iis usu venit, quod plantis, quarum semina & fructus in regionibus frigidis tardius & rarius, quam in aliis terræ bonitate Solisque beneficio gaudentibus, proveniunt.

Ita mala aurantia, apud nos, plerumque biennium integrum arboribus adherent, antequam ad maturitatem pertingant: & ficus etiam vix in nostro cælo perficiuntur, quæ in Italia quorannis bis terve maturescunt. Similiter quoque in uteri fructibus contingit: nimirum ob pabuli ubertatem, vel inopiam; corporis robur, vel imbecillitatem; vitæque (secundum sex res Medicis non naturales dictas) rectum regimen, vel inordinatum; foetus etiam serius aut citius ad maturitatem siue partum perducuntur.

Part. Partus modum Fabricius sic describit:
quo- Uterus à foetus mole dissentis, ut sine periculo disendi amplius non queat; atque ob
mo- id ad expulsionem excitatus, sicque fibris
do transversis agentibus in se contractus, angustiore locum facit. Itaque cum prius
fiat. neque excrementa propter copiam, neque foetus propter molem contineri amplius possent, nunc adhuc impensius angustatus & compressus, multò minus continere est possibile; propter quam causam, primò membrana, tanquam imbecilliores impensusq;
 di.

distenta abrumpuntur; & humor, qui magis est fluxilis, iure prius ad vias lubricandas exit. Inde verò fœtus sequitur, non solum sua gravitate auctus (quod amplius in humore non innatet) deorsum descendens, atque ad uteri os impetum faciens, sed etiã ab utero similiter compressus, propulsatus, atque expressus: cui muneri muscoli abdominis, unã cum diaphragmate, mirum in modum comprimendo famulantur.

Quibus verbis, excrementorum alvi ejectionem potius, aut abortum, quàm verum & naturalem partum descripsit. Ut enim mulieribus plerumque membranæ ante fœtus exitum disruptæ aquam profundant; id tamen non est perpetuum: neque cætera animalia ad eum modum pariunt, sed conceptum integrum [fœtũ nempe cum secundis] excludunt: ut in canibus, ovibus, equabus, aliisque videre est; & præsertim in vipera, quæ ovum, unicolor & molli cortice (qualis mulieris conceptus est) intra se concipit, ibidemque tandiu servat, donec fœtus indè efformatus fuerit, quem membrana involutum parit, quæ (teste *Aristotele*) tertio die rumpitur. Evenit tamen interdũ, an. l. 3 ut catuli, erosus (dum adhuc in utero sunt) c. 34. membranis, in lucem prodeant.

Pariter obstetricibus expertis nõ ignotum, mulieres aliquando conceptum integrum, cum ambientibus membranis illæsis, excludere. Atque huiusmodi par-

cus videtur maximè naturalis; in quo foetus (tanquam fructus maturus qui ab arbore totus solvitur, seminibus ante destinatum à natura tempus minimè effluentibus) unà cum secundis elabitur. Vbi autem secus fit, & placenta post natum foetum utero adhærescit; ea sæpe difficulter solvitur, & prava symptomata inducit, quæ foetor ingens, & interdum gangræna, comitatur; unde mater in præsens periculum deducitur.

Quoniam igitur partus à *Fabricio* descriptus, non omnibus animalibus competit; sed mulieribus solùm contingit, neque istis omnibus, sed iis duntaxat quibus præmaturus, & quasi coactus obvenit: is certè non tam naturalis, quàm præternaturalis, sive præcipitatus, ac quodammodo abortivus censendus est.

In naturali igitur & genuino partu duo Ad requiruntur, quæ sibi invicem operas mutuas præstent; nempe parturiens mater, & legiti parendus foetus. Qui ambo nisi ad hoc munus negotium parati fuerint, vix felix succedat partus; cuius hora idonea communem requi utriusque maturitatem requirit. Nam si, iūtur vel foetus inquietus, & excundi cupidus, exstimulando, vimque utero inferendo matrem prævenit; aut hæc, ob retinendi imbecillitatem, [tanquam nausea uter]us laboraret] aut expellendi necessitatem aliquam, anteverterit: partus eiusmodi morbosus potius & symptomaticus, quàm

naturalis & criticus æstimandus est. Vel
 etiam, cum partes aliquæ conceptus fo-
 rās eliduntur, dum aliæ adhuc intus hæ-
 rent: nempe, si fœtus ad exitum inclinet,
 necdum abrupta ab utero placenta; aut è
 contrā, soluta placenta, fœtus nondum
 ritè compositus, nec uterus ad egressum
 eius laxatus fuerit. Ideoque increpandæ
 sunt obstetrices, præsertim iuniores, te-
 merariæ, & πολυπράγμονες; quæ, cum
 parturientes præ dolore eiulare, opemq;
 efflagitare audiunt; nè ἡμικεντρικῆς im-
 peritæ, parumve satagentes videantur;
 manus oleis oblinendo, locaque mulie-
 bria distendendo, mirè tumultuantur;
 correctisq; potionibus medicatis facul-
 tatem expultricem irritant; atque moræ
 debitæ impatientes, dum accelerare, ac
 facilitare partum cupiunt, eundem retar-
 dant potius & peryertunt, efficiuntque
 non naturalem, ac difficilem, relictis re-
 trō secundinis, aut parte aliqua placentæ
 utero etiamnum adhærente; miserasque
 mulierculas, aeris injuriis exponunt; &
 ad sedile frustra cogentes, fatigant; inque
 præsens vitæ discrimen deducunt. Melius
 profectò cum pauperculis res agitur, iis-
 que, quæ furtim gravidæ factæ, clanculū
 pariunt, nullius obstetricis advocata ope-
 ra: quantò enim diutius partum retinent
 & morantur, tantò facilius & felicius rem
 expediunt.

Partus itaque non naturalis duo potis-

Z 3 finum

simum sunt genera: cum nempe foetus vel ante destinatum à natura tempus, (estque hic partus quodammodo abortivus) vel post illud, enascitur: sicque partus difficilis, & laboriosus, quod nec modo, neque ordine debito res peragatur, aut pravis aliquibus symptomatis impediatur: quæ duabus de causis præcipue eveniunt; quod nempe vel mater in expellendo deficiat, vel foetus ipse segnior, egressum suum haud satis promoveat: sic enim ab utriusque connixu partus facilis, & legitimus.

Pariendi opus *Fabricius* utero attribuit; cui muneri, inquit, *samulantur abdominis muscoli, una cum diaphragmate*. Mihi verò rem penitus intuenti, videtur cum totius corporis motu atque agitatione, [quemadmodum in sternutatione evenit] praturientium nixus fieri. Nōvi *Iuvenulam*, quæ ob summum pariendi laborem in animi deliquium incidit; statimque, adeo consternata, stupida & comatosa facta est, ut nullis remediis excitari potuerit. Ad eam vocatus (cum clysteres prius injecti essent, aliaque remedia idonea citra fructum ullum adhibita, nec quicquid per os deglutire posset) pennam sternutatorio fortiori illitam in nares indidi; unde commota, (licet stupore usque adeo obruta esset, ut sternuere, aut excitari nequireret) totius corporis convulsione quadam tentari coepit, quæ ab humeris exorsa, paulatim per totum corpus ad inferio-

ra pertingebat. Quotiescunque autem stimulo hoc usus sum, promovebatur partus; tandemque, inscia matre, & in affectu comatoso adhuc permanente, natus est infans sanus & vegetus.

Licetque in aliis etiam animalibus (utpote, cane, ove; & jumentis) observare; hunc connixus modum, non esse uteri aut ventris solius actionem, sed totius quoque corporis conatum.

Quantopere autem foetus accelerando & facilitando partui conferat, in oviparorum præcipue ortu palam fit; constat enim, foetam ipsum, non autem matrem, corticem effringere. Vnde etiam verisimile est, in viviparorum quoque partu, præcipuam nascendi causam foetui deberi. *Molimini* inquam, eius; non autem *ponderi*, ut *Fabricius* voluit. Quid enim in quadrupedibus stantibus, aut sedentibus, aut muliere jacente, pondus efficiat ad foetus productionem? Nec prodeuntis natus solum à mole sua, aut aquarum copia provenit, ut ille censet; (ea quidem mortuis. & in utero putridis foetibus exeundæ causa est, qui putredine & acrimonia uterum ad exclusionem stimulant) sed ipse foetus prono capite uteri claustra aggreditur, eademque propriis viribus recludit, & in lucem eluctatur. Ac propterea partus eiusmodi expeditior & auspicior habetur; nascentem autem in pedes procedere, contra naturam est, inquit *Plinius*;

Z. 4. eoque

eoque argumento appellavere *Agrippas*, quasi agere partos. Pigro enim & laborioso partu tales nascuntur. Nihilominus in abortu, & ubi fœtus mortuus fuerit, aut aliter difficilis partus contigerit, adeo ut manuum opera opus sit, aptior exeundi modus est in pedes; ita enim, tanquam adacto cuneo, uteri angustia facilius aperitur. Quare cum parienti spes maxima in fœtu est, (utpote vitali & vegeto) nitendum, ut capite primum prodeat; sin utero id negotium præcipue incumbit, exitus in pedes procurandus est.

Fœtus operam in partu potissimum, conspicuam esse, non modo in pennatis videre est, quæ suis viribus, citra matris auxilium (ut diximus) corticem rumpunt; sed & in aliis animalibus compluribus: muscæ enim omnes, & papiliones, membranulas [in quibus aureliæ delitescabant] perforant; bombyx etiam folliculum sericeum, quem muniminis gratia intus occultatus neverat, stato tempore humectando emollit, rodit, & sine ullo adminiculo extraneo foras egreditur. Ad eundem modum vespæ, crabrones, & reliqua insecta, omnesque pisces, sponte sua nascuntur. Apparet hoc maximè in raia, pastinaca, galeo, omnibusque piscibus cartilagineis, qui ova intus concipiunt, eaque perfecta & bicolora, & (albumine scil. & vitello prædita) atque cortice cartilagineo valido quadrangulati conclusa; è qui-

ē quibus intra abdomen & uterum deter-
tis pisciculi efformati, rupto vi cortice,
egrediuntur forās: quemadmodum & vi-
perini fœtus ovi continentis tunicam ali-
quando in utero parentis, aliquando in
ipso exitu hærentes, aliquando etiam al-
tero tertiove post nativitatem die erodūt.
Vnde orta est fabula, viperinos catulos
exeso matris utero nasci, patrisq; necem
ulcisci. cū tamen idem solū agant,
quod reliqui omnes fœtus *viscentes lumi-
nis autas*, dum in partu, aut subito post
eum, amplexantes membranas, *secundās*
dictas, perriumpunt.

Quantum autem adjumenti ad partum
fœtus adferat, plurimæ observationes lu-
culenter demonstrant. Mulier quædam
apud nos (compertum narro) sub vespërâ
mortua, in conclavi sola relicta est: manē
autem sequenti, inter femora eius reper-
tus est infans, qui proprio nisu exitum si-
bi procuraverat. *Gregorius Nymmanus*
exempla aliquot hujus commatis ex pro-
batis autoribus collegit.

Novi etiam mulierem, quæ à difficili
& laborioso partu integrum vaginæ am-
bitum interiorem laceratum atque exco-
riatum habuit; aded̄ ut, finito puerperio,
licet̄ gravida denuo fieret, tamen non so-
lū orificii pudendi latera juxta nym-
phas coalescerent, sed totius quoque va-
ginæ cavitas, usque ad internum matricis
osculum prorsus connasceretur: unde nec

virili membro, nec specillo quidem ingressus patuit, neque menstruorum fluxui egressus. Instante itaq; pariendi tempore, torquebatur misella perquam miseris modis, omnemque spem depouendi sarcinam abiecerat: quare traditus marito clauibus, ordinatisque rebus suis, amicis presentibus valedixit. Cum ecce inopinatò, robusti admodum fœtus summo conamine, totus ille tractus dirumpitur, fitque insperatus partus; & validus infans, sibi matrique suæ salutis autor existit; viamque apertam aliis post nascendis reliquit. Idoneis enim adhibitis remediis, mater pristinam valetudinem recuperavit.

Addo aliud exemplum magis memorabile. Serenissima *Anglia* Regina equam candidissimam, formæque eximiæ dono acceperat: eiusque genitalia [ne ab equis admittariis inita corporis gratiam, atque equitandi usum amitteret] equisones [ut fieri solet] anulis ferreis infibulaverant. Eadem tamen, [nescio quo pacto, nec custodes mihi modum indicare poterant] facta est gravida; tandemque, cum nihil tale suspicarentur, noctu peperit, pullusque vivens manè ad matris latera conspicitur. Id cum mihi nunciaretur, adii illico locum, vidique ambo vulvæ labia anulis confuta, torumque pudendum versùs sinistrum latus detrusum, abruptum, & à dextra coxendice laceratum adeò; ut, fo-
luta

Inta, per incredibilem foetus vim, partis robustissimae unitate, facile ei per ingentem illum hiatus exiit patefeceret. Taurus scilicet est maturi vegetique foetus vigor & efficacia.

E contrario verò, si foetus morbosus aut languidus fuerit, vel ante debitum tempus in lucem prodierit; non tam parvus fit, quàm abortio; foetusque ejicitur potius, quàm paritur: ideoque, etiam aliquot dies natus, nec mammam commodè sugit, neque excrementa vitæ deponit.

Fert tamen etiam uterus huic operi auxiliare manus: ut sequenti exemplo constabit. Mulier quædam paupercula, & linteaminum letura victum quaritans, procidencia uteri diu laboraverat; cuiusque vagina inter femora ad pugni amplitudinem propendebat; tandemque, cum nulla remedia adhiberentur, tantopere invaluit malum, ut jam scrotum referret, cute rugosa & squalida; minusque jam molestiæ inde persensit, quàm in recenti prolapsu consueverat. Consilium tamen à me petenti, suasi, ut in lecto per aliquot dies se detineret, fomentis & inunctionibus arida loca emolliret, eoque pacto intra corpus reductum uterum pessariis fasciisque ibidem retineret, donec siccantium & corroborantium remediorum usu in loco debito firmaretur. Successit aliquantisper ad votum curatio: verum dum ipsa, præ egestate, quaestus facienda causa,

ad solita opera revertitur, intermissisque remediis diu erecto corpore obambulat, recidivam passa est; eamque æquo animo toleravit, modò intus, modò foris existente utero; ut plurimum autem noctu in locum solitum reduxit, ibidemque aliquândiu permansit. Elapsis verò diebus complusculis, ad me reversa conqueritur, remedium, & præsertim fomentorum, usu (ut arbitrabatur) tumefactum uterum intus ampliùs retineri non posse. Præscriptis tamen unctionibus usa, eundem vi intro adegit, sed non duraturo juvamine; quamprimum enim in pedes surgeret, & consueta munia obiret, uterus confestim præ mole ac pondere molestiam ipsi attulit, facileque denuo prolapsus est. Et jam, taurini scroti instar, ad medium femur pependit; adedò, ut, non solum vaginam, sed & matricem ipsam inversam esse, aut herniam quandam uterinam suspicarer. Tandem capitis humani magnitudinem excessit tumor renitens, & genuum tenus propendens dolorem intulit, incessumque [nisi prono corpore] impedire cœpit; atque in ima sui parte dehiscens, madorem (tanquam locus ulcerosus foret) & saniem profudit. Ego re inspecta (tactu enim non explorabam) cancrum aut carcinoma uteri jam affore metuebam, ideoque ligaturam & abscissionem meditabar; & interea consului, ut blandis fotibus dolorem leniret, Nocte verò sequenti ex eodem

tumore

tumore infans spithamę longitudine perfectę formatus, sed mortuus, protruditur, & postridie ad me defertur; quem, sublati interaneis, per aliquot menses in aqua frigida natantem citra corruptionem servavi, pluribusque amicis meis (ceu rem mirandam) ostendi. Cutis in hoc fœtu non dum efformata erat; sed pellicula, duntaxat apparuit, (qualis in pino cocto cernitur) quam nullo negotio integram detraxi; unde omnes totius corporis musculi (macilentus enim erat) distinctę admodum apparuerunt. Quę in huius fœtus dissectione potirõ observaverim, alibi dicitur: hic duntaxat, quomodo matrix sola abortum concitaverit, proprioque nixu fœtum propulerit, adnotandum duximus.

Fabricius, in partu & post partum duo De admiratione digna [ut ait] proponit: pri. for. mum, de uteri dilatatione in partu; alter. fœtu, rum, de reductione eiusdem post partum pag. ad pristinam angustiam. Miratur nempe, 142. uterum tantopere ad egressum fœtui prebendum distendi; eundemque denuo, post partum, brevi tempore ad pristinam suam parvitatem reverti.

Quomodo uteri cervix crassa, dura, & occlusa adeo ut nẽ specillum quidem admittat, tantam distensionem partus tempore patiatur, *mirari quidem nos posse*, cõ Galeno; *intelligere autem non posse*, profiteretur. Causam tamen hanc reddit, quod

De utero non pregnantis sit crassum corpus & ul. p. durum, & similiter eius orificium; pra- l. 15. gnans autem evadat tenue & molle; & quò c. 7. magis ad exitum propinquat, eò uteri cor- pus, & consequenter eius orificium tenuius 243 & mollius efficiatur. Idque fieri putat ob distensionem, quam uterus patitur; qui diè distenditur, compactum ipsius uteri corpus, & (ut ità dicat) complicatum expanditur, & explicatur; & ità, cùm crassum & du- rum prius esset, tenue & molle redditur & per consequens ad exitum foetus prabendū aptum. Addit postea: Quasiuit aliquando quispiam: quomodo, si ità se res habet, ve- rum esse potest, quòd in utero gerentibus ute- ri orificium ità oclusum sit, ut nē specillū quidem ingredi possit? Respondi, evenire propterea, quòd uterus dum distenditur, & quasi lineum compactum & plicatum ex- plicatur, in superiore eius parte primum incipit sursum atrolli & explicari; inde ve- rò sensim & sensim inferiores uteri partes distenduntur, quousque tandem ad orificiū distensiva illa facultas perveniat; quòd consentaneum est accidere, dum uterus ad partum propinquat. Quare merito uteri orificium primis mensibus penitus oclusū, (quando scilicet adhuc crassum & prae durum est) ultimis autem jam dilatarī apparet. Atque haec de Galeni causa incognita di- cta sunt. Possemus quoque alias addere, qua- dilatationem orificii reddunt faciliorem: ut putā jactus excrementa, sc. sudor & uri-
na,

na, qua esse in propriis continentur conceptaculis & membranis, nihilominus tamen vis humectandi potest etiam huiusmodi orificio impertiri, præcipuè cum inferius sit, & propositis humiditatibus propinquum, semperque præsens. Adde, quod ad uteri orificium semper mucosa & pituitosa quedam comperiantur.

Sed fallitur, mea quidem sententia,, eximius Vir: uteri enim cervix non est dura ex complicatione, sed à propria substantia, nervosaque constitutione: & accidentales causæ [quas recenset] minus huic negotio momenti affeunt. Fit certè isthuc à divina naturæ providentiâ,, (similiter ac reliquum totius corporis artificium admirabile) quæ opera sua instituit in finem, actionem, & usum. Est itaque uteri talis constitutio, ut in prima conceptione orificium nervosum constitutum habeat, retentionis gratia, quod postea in partu [tanquam fructus in arbore] ex duro ad maturitatem mollescat, in expulsionis commodum: idque non explanatione aliqua, sed ab immutata temperie. Nam & ossium quoque commissuræ, synchondrosis nempe coxendicis cum osse sacro & pubis, & coccygis syneurosis solvuntur, & emollescunt. Admirabile sanè est, exiguum pullulantis nuclei apicem (amygdalarum putà, aut aliorum fructuum) ossa, quæ vix malleo rumpuntur, effringere; tenellasque radices hede-

re fibras in tenues saxorum rimulas irre-
pentes, prægrandes tandem muros discein-
dere. Non est autem quod magnopere
miremur, sceminarum genitalia in partu
relaxata subito post durescere, & cōstrin-
gi, quod partibus illis naturale est; si co-
gitamus, penem virilem in coitu valdè
tensum & durum, peracto negotio statim
languescere & emolliri. Mirandum ma-
gis, [quod omnem plicaturam superat]
uteri substantiam, pro foetus incremento,
non modò indies ampliari sive distendi,
[tanquam ad *Fabricii* mentem evolvere-
tur] sed crassescere, & carnosio-rem, ac ro-
bustio-rem fieri. Illud quidem cum *Fabri-
cio* stupendum magis, tantam uteri mo-
lem, tam paucis diebus, per celebrem lo-
chiorum purgationem, ad pristinam ma-
gnitudinem redire: cùm id tumoribus
aliis, aut abscessibus non contingat; qui
ex materia præternaturali, & coëctrici, ex-
pultricique facultatibus rebelli constan-
tes, longiores in sanando moras trahunt.
Non est tamen hoc admiratione dignius,
quàm reliqua naturæ opera: *Iovis* enim
plena sunt omnia, & naturæ numen ubi-
que præsens cernitur.

Ultimo loco, *Fabricius* maximè mira-
tur, vasa illa embryonis [nempe foramen
ovale è vena cava in arteriam venosam,
& transitum è vena arteriosa in aortam;
de quibus, in tractatu de circuitu sangui-
nis, fusè diximus] statim à partu marce-
scere,

scere, & obliterari. Cogiturque ad rationem eam *Aristotelis* à nobis præcitatam De confugere; nimirum, partes omnes actionis alicuius gratia conditas esse; eaque, an. 1. ablata, ipsas quoque evanescere. Nempe i. c. s. oculus videt, auris audit, cerebrum sentit, ventriculus concoquit; non quia illarum partium talis temperies, & fabrica contigit; sed organa ista, ut destinatas à natura operationes obeant, eiusmodi temperie & fabrica donantur.

Quo argumento constat, uterum inter partes generationi dicatas præcipuam esse; testiculi quippe, genituræ aut seminis gratia constructi sunt; semen autem in coitum conceditur; & coitus ipse, vel seminis emissio, ut utero fecunditas accedat, & generatio contingat, à natura instituitur.

Diximus antehac, ovum esse tanquam fructum animalium, & ceu uterum foris expositum. Nunc vicissim uterum, tanquam ovum intus permanens, contemplantur. Quemadmodum enim arbores, statis temporibus, foliis, floribus, & fructibus ornantur; & ovipara animalia interdum ova generant, & pariunt; aliquando autem effœta sunt, & nè locus quidem, aut pars ea continens reperitur: ità & viviparis animalibus suum ver, & autumnitas data est. Fœcunditatis & generationis tempore, partes genitales, præsertim in fœminis, plurimum immutatur;

tur; adeò ut in pennatis ovarium, aliàs inconspicuum, turgidulum apareat; & piscium venter sub partum, ob ovorum multitudinem, seminisque copiam, facile reliquum corpus mole superet. In plurimis animalibus viviparis, genitalia, (nempe uterus, & vasa spermatica,) non semper eodem tenore, temperie, & fabrica conspiciuntur; sed prout prægnantia, aut effæta fuerint, ità variè permutantur; adeò, ut eadem esse vix dignoscere queas. Quippe in natura ut nihil deest, ità nihil superfluit. Ideoque partes genitales, cum earum nullus est usus, marcescunt, retrahuntur, ac veluti obliterantur.

Tempore coitus, leporibus & talpis maribus testiculi conspicui, fæminisque uteri cornua adsunt. Dictu profectò mirum, quanta seminis copia tunc temporis in talpis & muribus majoribus conspiciatur, in quibus aliàs nihil omnino seminis, (testibus extenuatis, intusque retractis] visitur. Vterus autem in iis effæctis vix reperitur; ut marem à fæmina internoscere planè arduum sit.

Vterus, in muliere potissimùm, prout fœta aut vacua fuerit, tam temperie, quàm iis quæ tam consequuntur, (ut potest, sicu, magnitudine, figura, colore, crassitie, duritie, & densitate] mirè variat. Puellæ impuberes ut mammas non habent, quàm pueri, majores; ità uterus illis est perexiguus. albus cutaneus, venis desti-

tutus.

turus, digitique majoris apicem, aut fibam majusculam magnitudine non excedens. Similiter vetulæ, ut collapsa ubera, ita uterum retractum, flaccidum, victum, pallidum, venis & sanguine carentem habent. Quam etiam causam arbitror, cur senescentibus mulieribus menstrua non fluant; sed vel in hæmorrhoidas abeant, vel præmaturè supprimantur, non sine sanitatis dispendio. Cùm enim uterus frigidus, & quasi mortuus reddatur, venasque omnes atque arterias abolitas habeat; superfluous sanguis effervescens, vel restagnat, vel in hæmorrhoidas vicinas divertitur. E contrà verò virginibus pallidis & febre lenta laborantibus (quibus uterus exilis est, & menses restitant) à coitu maris (inquit Aristoteles) detrahatur mensis De excrementum, trahit enim humorem uterum replectus, & meatus aperiuntur. Vnde de summum illis ægritudinis levamen: quippe ab utero officii sui immemore, multa universo corpori obveniunt mala. Est enim uterus pars principalis, quæ totum corpus faciliè in consensum trahit. Nemini sanè (paulùm saltem exercitato) ignotum est, quàm prava symptomata uteri ascensus, descensus, perversio, & convulsio concitent: quàm stupendas animi aberrationes, deliria, melancholias, & furores, tanquam incantamento fascinati, affectus utori præternaturales incutiant; quot etiam morbos ægrè curabiles, menstruorum

struorum depravatum profluvium, aut veneris usus diu nimis intermissus valdeque desideratus inducant. Nec minùs notum, quanta virgini alteratio contingat, increscente primùm, & tepefacto utero: pubescit nempe; coloratior evadit; mammae protuberant; pulchrior vultus renidet; splendent oculi; vox canora, incessus, gestus, sermo, omnia decora fiunt; morbi-que graviores hoc ipso tempore, vel nunquam, curantur.

Novi sceminam nobilem à furore & melancholia uterina ultra decennium delirantem; cui, postquam omnia frustra tentata essent, contigit uteri prolapsus: quem ego affectum, contra aliorum sententiã, salutarem illi fore prædixi; suasique, uterum nè reponeret, donec à frigore externo intemperies ejus deferbuisset: successit res ex sententia, brevique planè convaleuit; atque uterus demum loco suo restitutus, ibidem permansit; vitamq; etiamnum salubriter degit.

Vidi etiam aliam, hystericis symptomatibus nulli remediorum generi cedentibus diu laborantem; quæ tandem post multos annos ab uteri decubitu sanitatè recuperavit. Vtrique, sedatis symptomatibus, uterum felici cum successu repositui. Vterus namque ab acri aliqua materia ad expulsionem vehementer estimulatus, non solum delabitur, sed [instar recti intestini à tenesmo molestante irritati]

tati] seipsum foràs præcipitat.

Varia itaque est uteri constitutio; ea-
que non modò præternaturalis, sed etiam
secundùm naturam, tempore nempe fœ-
cunditatis, aut sterilitatis. In puellis (ut
dixi) & effœtis, fœbæ magnitudine ex-
sanguis est. In virgine nubili, pyri ma-
gnitudinem, & formam refert. In mu-
lieribus fœcundis, & ad concipiendum
idoneis, parvæ cucurbitulæ, aut ovi an-
ferini amplitudine conspicitur; simulque
cum mammis turgescit, laxatur, & car-
nosior factus incalescit; superatque [ut
Virgilius de agris loquitur:]

—Tener omnibus humor.

& genitalia semina poscunt.

Quare instantibus jam, aut modò præte-
ritis mensibus, dum adhuc calor loci &
humiditas (duæ generationis causæ ne-
cessariæ) supersunt, mulieres ad conci-
piendum aptissimæ sunt. Et similiter reli-
quis animalibus (cùm ad venerem accen-
duntur) genitalia madent, turgent, atque
intumescunt.

Talem quidem uteri constitutionem
ante partum reperi. In gravidis autem, ut
diximus, uterus ad fœtus incrementum
dilatatur, & in molem ingentem excre-
scit. Reperi eum, statim à partu, magni-
tudine capiti æqualem, & plus quàm di-
giti majoris latitudine crassum, vasisque
plurimis sanguine plenis refertum. Pro-
fectò admirabile est, & humanam inge-

nium (ut *Fabricius* ait) planè superat; tantam uteri molem tam brevi tempore (nempe quindecim aut viginti dierum spatio) tantopere derumescere.

Uterus enim statim ab excluso fœtu & secundis, sese sensim colligit, cervicem arctat, atque interiora versùs in locum pristinum se retrahit; & partim per diaphoresin insensibiliter minuitur, partim in lochia solvitur: partesque omnes vicinæ, ossa, venter, totaque regio hypogastrica simul constringuntur, & firmanentur. Per lochia emanat primò sanguis purus; postea saniosus, recentis carnis loturæ similis; deinde ichorosus: mulierculæ nostræ *lactis proventum* nominant, cum lochia non ampliùs sanguine tincta conspiciuntur; forsàn, quòd eodem tempore lac è mammis copiosius & salubriùs scaturiat; & lochia tunc minui, & exsiccari incipiant: utpote succo alibili, ab utero jam ad ubera translato.

Cæteris tamen animalibus haud tanto molimine opus est; quibus dictæ partes uno aut altero die perfectè restituntur, & consolidantur. Imò verò eorum nonnulla (ut in lepore, & cuniculo videre est) horulæ unius spatio, post partum, marem admittunt, & à coitu denuo implentur. Quemadmodum gallinam diximus protinus ab edito ovo à gallo comprimi. Mulieres solæ, ut menstruis, ita etiam lochiis abundant; & puerperia difficilia, ac periculosa

cūlosa experiuntur: quōd, vel uterus ob imbecillitatem intempestivè se colligat, vel lochia contra naturam depravata, sūt, vel non promanent. Sæpe enim contingit [præsertim delicatulis] ut lochia intus corrupta, & foetentia, febrem aliaque sæva symptomata accersant. Quippe uterus à placenta separatione (præcipuè violenta) excoriatus, tanquam ulcus ingens internum, lochiorum libertiore emanatione detergitur, & mundificatur. Ideoque per excreta, de puerperæ sanitate, aut discrimine statuimus. Si quid placenta utero annexum relinquitur, lochia malè olentia, virescentia, & cadaverosa promanant: & nonnunquam, prostratis prorsus uteri viribus, sphacelismus repentinus certam necem adfert.

Si vel sanguinis grumi, vel aliud quid præternaturale, post partum in cavitate uteri remanserit; hic nec sursum retrahitur, nec orificium suum claudit; sed cervix eius mollis, & aperta persentiscitur. Ut expertus sum in muliere, quæ febre maligna, cum summa virium jactura, laborans abortivit; & post exclusionem foetus incorrupti atque integri, prostratis tamen viribus, cum pulsu vermiculante, & sudoribus frigidis moribunda procubuit. Vteri eius orificium laxum, molle, & patentissimum apprehendi, unà cum malè olentibus lochiis: unde, subesse aliquid in utero, quod putresceret, suspicatus sum;

sum; digitisque immisiss, molam ovi anserini magnitudine, carne densissima, nervosa, & penè cartilaginea, foraminibusque aliquot (atram viscidam, & foetentem putrilaginem in se habentibus) præditam, extraxi, statimque inde à prædictis symptomatibus liberata est, & brevi convalescit.

Cùm uteri cervix post partum sese modicè contrahit, & propterea sanguinis grumi cum difficultate aliqua prodeunt, doloresque illos faciunt, quos obstetrices nostræ *enixus posteros* (*the after, throw*) vocant; res omnis in vado esse creditur, & revera esse solet; cùm indicium sit roboris & firmitatis uteri, sese facillè in situm debitum colligentis; quo fit ut lochia promptius expellantur, & sanitas citius recuperetur.

Observavi autem, in nonnullis, orificium uteri statim à partu constrictum, adeò, ut decensus intra uterum sanguis, subitoque inde grumescens & putrefactus, sæva induxerit symptomata; cumque
 Pag. nulla arte exitus ei parari posset præsentaneam mortem intulerit.
 342

Puerperæ cuidam nobilissimæ, febricitanti, (quòd lochia nulla profluere) pudenti labra tumida erant, & fervida; matricis eius orificium durum, & clausum, instrumento ferreo immisso per vim aliquantulum aperui, ut iniectionem per si-phunculum admitteret; indeque grumescens,

scens, ater, foetidusque sanguis ad libras aliquot effluxit, cum presenti ægræ levamine.

Oblata est mihi Doctoris Theologiae uxor satis boni habitus, sed infœcunda; quæ summo prolis desiderio flagrans, multa à multis præscripta incassum tentaverat: menses quidem statis temporibus profuebant; sed aliquando (præsertim ab equitatione) saniosum quid & purulentum ab utero emanabat, quod subito pòst subsisteret. Aliqui fluorem album esse arbitrabantur: alii ulcus sinuosum suspicati sunt; ea potissimum ratione ducti, quòd non perpetuò, ac pederentim; sed per intervalla, & assatim profluxio fieret: quamobrem speculi matricis ope totam uteri vaginam perlustrabant, variaque remedia adhibebant; sed frustra omnia. Ego tandem advocatus, aperui internum matricis orificium, indeque protinus cochlearia duo circiter puris saniosi, & fibris sanguineis tincti effluerunt. Quo conspecto, ulcus in uteri cavo latitare dixi; injectisque medicamentis congruentibus, pristinae eam valetudini restitui. Hanc autem eius curam dum molior, videoque usitata remedia parùm proficere, validiora aggredior; quoniam antiquum ulcus esse (& fortassis cum supercrescente carne) suspicabar. Injectionibus itaque prioribus addo aliquantulum vitrioli Romani; à cujus acrimonia perculsus uterus,

subito se contraxit, induruitque adeo, ut ad tactum lapide rigidior sentiretur: simulque plurima symptomata hysterica oborta sunt; quæ ab uteri strangulatu, testisque inde vaporibus sursum latis. Medici vulgò fieri existimant. Duravit aliquandiu hoc malum; donec à mitioribus & anodynis remediis placatus uterus, officium suum laxaret, liquoremque acrem (quem injeceram) unà cum saniosa putrilagine expelleret. Factumque adeo est, ut ægra brevi convalesceret.

Historiâ hanc ex observationibus meis medicinalibus huc transferre libuit, ut clarè constet, quàm sit uterus sensus acer, rimi; & quàm facîle sese, præsentè hoste, claudat; præsertim in gravi ac difficili puerperio. Mulieribus, præ cæteris animalibus, hæc contingunt; & præsertim delicatis, vitamque umbratilem & mollè degere assueris: ut & iis, quæ teneræ valetudinis sunt, & facîle in morbos labuntur. Nam agrestibus, iisque quæ duros labores pati consueverunt, haud tam levibus momentis gravia damna incumbunt. Harum aliquas, aliquando intra mensem denno prægnantes videas; cùm illæ sæpe ultra bimestre spatium ægrè solitis vitæ muniis fungantur.

L. de Hippocrates purgationes à partu præfetu, scribit tot dierum numero quot dati sunt formationi fœtus. Itaque plures fœminæ, quàm mari. *Sed tamen falsum id est, teste*

Scal.

Scaligero: Nulla enim mulierum nostra com-
 rum plus mense pugatur post puerperium: in A-
 multa quinto & decimo die absolvuntur; rist.
 quadam etiam septimo: vidimus etiam hist.
 qua tertio, etiam editis scemellis. Multa an. l.
 de hac re Galenus quoque περι νυμφ. 7.c.3
 109. Mulieres (ut fama est) in novo or-
 be, quo die pariunt, eodem latitant; po-
 stridie autem, ad usitata munia revertun-
 tur.

Addam duntaxat, coronidis loco, exē-
 plum memorabile, mihi narratum ab il-
 lustrissimo Domino *Georgio Carew*, Co-
 mite de Tornes & Munsteri in *Hybernia*
 diu Proconsule, qui etiam eorundem tē-
 porum annales conscripsit. Mulier scili-
 cet gravida maritum in castris stipendia
 facientem comitabatur; cumque exerci-
 tus quotidie in alia loca migraret, fortē à
 minoris fluminis occurſu impeditus, per
 horam substitit; simulque gravida hæc,
 ingruente jam partu, ad arbusta & vepre-
 ta proxima secessit, solaque, citra ullius
 obstetricis operam, aliumve apparatus,
 duos infantes peperit; quos ad flumen
 deferens, aqua viva proluit, seque ipsa la-
 vit: quo facto gemellos rudi velamine
 inclusos humeris gestavit, eodemque
 die, nudis pedibus (ut erat) exercitum
 comitata, duodecim mille passuum iter
 fecit, idque sine ullo valetudinis dispen-
 dio. Sequenti verò die, illustrissimo Pro-
 regi *Comiti Montjoy*, (qui eò tempore

contra Hispanos in obsidione Kinsaliensi
exercitum ducebat] ipsique Proconsuli.
rei novitate motis, sacro Iustico inter-
esse, nominaque infantibus dare placuit.



D E

UTERI MEMBRANIS

E T

HVMORIBVS.



Ieronymus Fabricius qua-
tuor genera corporum recē. Lib.
set, qua extra fœtum consi de-
stunt: nempe, vasa umbi- for.
licalia, membranas, hu- fœtus
mores, & carneam substan- c. 1.

tiam. De quibus, quid (variis observa-
tionibus instructus) Ieronium ab illo sen-
tiam, paucis dicam, postquam prius sen-
tentiam eius super his, breviter propo-
suero.

Membrana, inquit, tres sunt; quarum
dua fœtum universum ambiunt, tertia
verò non item. Quæ fœtum ambiunt, una
interior est, quæ proximè fœtum investit,
& μνίον dicta; i. e. amniculum. Altera hute
supposita, χόριον Græcis dicitur, Latinis
innominata, (sed malè ab interpretibus se-
cunda; seu secundaria nuncupatur) quæ si-
militer totam ambi fœtum. Tertia dicitur
ἐνδομήτριον; i. e. intestinalis, quod
intestino fœcto similis sit; quæ ob id fœtum
non obvolvitur, sed thoracis & abdominis
parti subicitur, & ad utrumque uteri cor-

Aa 3. no

nu po rigitur. Membranam hanc in ovillo, & bovino duntaxat foetu reperiri agnoscit; eandemque cum uracho jungi, & per hunc e vesica urinam excipere affirmat. Ideoque inquit, in cornigeris, quibus data est allantoïdes tunica, urachus ita latus est, & rectus, ut intestinulum referat; sensimque usque ad vesica fundum gracilescit; quod facile eius ortum potius ad intestinalem, quam ad vesicam esse persuadet. In homine vero, aliisque utrinque dentatis, allantoide destitutus, memorata urachi amplitudo ita deperditur; ut cum unicus a fundo vesica exoriat, paulo post in minutissimas fibras findatur; qua una cum vasis umbilicum pratergressa, urinam in chorion cavitatis (modo pendi visum affluente) transfundunt. Eoque nomine Arantium duplicis erroris postulat: & quod urachum in homine reperiri negaverit; & quod foetum per pudendum urinam reddere, asseruerit.

Ego vero, me in istis cum Arantio erroribus [si tales dicendi sunt] versari, libens profiteor. Quippe certus sum, a vesicae compressione in foetu grandiore [sum humano, tum aliorum quoque animalium] instituta, urinam per pudendum effluere. Urachum autem nunquam compressus sum; nec urinam, a vesicae compressione, in secundas trajectam observavi. Vidi quidem in ovibus, & cervis (inter arterias umbilicales) quasi vesicae procellum.

cessum quandam, urinam in se complectentem; non autem talem, qualis urachus ab eo describitur.

Haud præfractè tamen negaverim, dari *allantoidem*; membranæ enim interiores, usque aded tenues sunt, ac transparentes [quales inter bina albumina reperiri diximus] ut conspectum facitè eludant. Quinetiam in ovo gallinæeo, inter colliquamentum, & albumen (i. e. inter amnion, & Chorion) aliquid excrementi albidum, imò verò feces alvi interdum reperiuntur; ut supra à nobis dictum est, & *Coiterus* quoque observavit. Præterea, ipsius colliquamenti tunica [in qua pulchus narat] licet pellucida; tenuis, & subtilis sit aded; ut (sæpente ipsomet *Fabricio*) tenuior excogitari non possit; tamen (cum eodem testè; membranæ omnes, quamvis tenuissimæ, duplices nihilominus sint) possit natura aliquando coacta, inter illius duplicaturas, urinam, vel aliud quippiam deponere. Atque eiusmodi quidem *allantoidem*, *Fabricio* non illibenter concesserim: sarcimen verò aliud, ad uterunque cornu diductum, in bisulcorum secundinis non reperio; neque aliud quicquam, præter conceptum ipsam. Invenio solum [ut jam dixi] vesicæ processum, quendam, qui; inter arterias umbilicales positus, humorem excrementitium in se continet; idemque in aliis productior, in aliis brevior cernitur. Quamobrem [mea

quidem sententia tunica, quam *Fabricius allantoidem* appellat, est *chorion*: eam tamen veteres *allantoidem* nominarunt, ob figuram duplicis farciminis, quam obtinet. Membrana enim exterior, quæ, (instar manticæ medio sui constrictæ) ad utriusque cornu extrema protenditur; uterum verò interpositum [sive amboꝝ cornuum connexionem] pertransiens, cōstringitur; est *chorion*: quod, ovibus, hœdis, cervis, damis, cæterisque bisulcis, in medio illo transitu manu prehensum, facile integrum extrahitur: idemque illarum conceptum, sive ovum esse, diximus. Quippe, ovi instar, duplicem liquorem, fœtum, omniaque ad eum spectantia in se continet; habetque eadẽm conditiones, quas ovo *Aristoteles* attribuit; nempe, ex cuius parte principio animal consistat, reliquum verò alimentum ei, quod gignitur, sit: ut jam sæpe dictum est.

Tunicam itaque, quam *Fabricius allantoidem* nominavit, ego vel *chorion* esse, vel ex reduplicatione tunicarum aliquid præter naturam accidisse arbitror. Ideoque in paucis duntaxat animalibus, neque id perpetuò, eam reperiri certum est. Ab initio enim non reperitur; posteaque in aliis magis, in aliis minùs conspicua est; in nonnullis verò, vesicæ solum processus cernitur. Quin ipsemet *Fabricius*, eam haud ambiendo fœtui, sed urini solum continendæ, necessarium existi-

mat.

mat. Et certe crediderim, eum recensuisse illam potius, ut Veterum doctrinam tueretur; quam quod revera talem reperiri; aut usui alicui inservire crederet. Enimvero [cum Antiquis pariter, & tota Medicorum schola] facetur, Chorion urinam in se continere; ubi ait, duos humores circa foetum esse; alterum, *sudorem* in *amnio*; alterum, *urinam* in *chorio*. Ma- C. II. nifestum itaque est, Veteres unam eandemque tunicam, sub duplici nomine intellexisse: nempe in *bisulcis* (in quibus solis reperitur) *allantoidem*, ob figuram, vocabant; in aliis vero, ab officio, quo urinae excipiendae destinata credebatur, *Chorion* appellabant. Ac propterea, neque in homine, nec aliis quibusvis animalibus, tunicam eam reperiri fatentur. Quid enim alia tunica urinae continendae opus sit, cum id numeris jam (ex eorum sententia) à chorio praestetur? Non potest sane verisimilis ratio afferri, cur in ovibus, capris, reliquisque bisulcis, ea tunica insit; in cane autem, felle, mure, aliisque, non item. Enimvero, si urinae reservandae causa instituta foret, necesse esset, vel, in ovillo & bovino foetu, majorem urinae copiam abundare, quam in utrinque dentatis; vel, tres diversos humores dari: vel saltem bina esse urinae conceptacula. Quippe mihi certum est, chorion (à primo statim ortu) aqua plenum cerni. Non libet verò hic loci, contentionsis funem.

§62 De uteri membranis.

ducere: malim, quid ex observationibus meis reperiri, enarrare.

Aliud quidem est, conceptus, sive embryonis jam perfecti fabricam exhibere, uti à Fabricio factum est; aliud verò, ipsius generationem, primumque schematismum exponere: quemadmodum aliud est, poma, aut semina plantarum matuta describere; aliud, eorundem è germinibus productionem elucidare. Nos itaque, quomodo conceptus paulatim perficiatur, à carceribus ad æteram breviter recensebimus: ut inde clariùs constet, quid de membranis, reliquisque ad sortum actinentibus statuendum sit.

In cunctorum viventium generatione (sicut diximus) hoc solenne est, ut ortum ducant à primordio aliquo, quod tum materiam, tum efficiendi potestatem in se habeat; sitque adeò id, ex quo, & à quo, quicquid nascitur, ortum suum ducat. Tale primordium in animalibus (sive ab aliis generantibus proveniant, sive sponte, aut ex putredine nascentur) est humor in tunica aliqua, aut putamine conclusus; corpus nempe simile, vitam habens actû, vel potentia: idque, si intra animal generatur, ibidemque manet, donec animal univocum produxerit, *conceptus* vulgò appellatur; sin verò partu foras exponatur, sive principium aliud casu sumptum sit, *ovum*, vel *vermis* dicitur. Ego autem utrumque pariter *primordium* nominans

nandum cenſeo, unde animal oritur; quæ admodum plantæ: è ſemine ſuos ducunt natales: ſuntque omnia iſta primordia, generis uniufmodi, nempe vitalia.

Huiufmodi *primordium* in omnium viviparorum utero reperio, antequam quippiam fœtus diſcernitur. Adeſt ſcilicet humor clarius, lentus, albus (qualis ovi albugo) in membrana incluſus, quem eorum ovum nomino; idemque in cervicis, damis, ovibus, reliquiſque buulcis, totum uterum, & utrumque cornu replet.

Tempore procedente; ex hoc primordio, ſive ovo, pars quedam aquola limpidiſſima, & puriſſima (qualem in ovo galinaceo *colliquamentum* nominavimus) ſecernitur; & claritate ſive perſpicuitate, reliquum ovi humorem (in quo continetur) longè ſuperat. Forma illi rotunda, eſt; & in propria membrana tenuiſſima, ac t ranſparente includitur, quam *Amnion* vocant. Humorem alterum, craſſiorem, & turbidiorem; exterior tunica *Chorion*, concava uteri ſuperficiæ contigua, totamque ovum ambiens, complectitur; formamque variam, pro diverſa uteri figura, adipiſcitur: quibuſdam enim ovalis eſt; in aliis, oblonga reperitur; in bifidois autem, nanticam refert.

Paulò poſt, in colliquamento hoc cryſtallino, punctum rubrum ſaliens emicat; indeque ſubtiliſſimi venularum ramuli (ceu radii) ſparguntur. Mox, primum

corporis concrementum (*galba* instar) apparet; in orbem carinatum reflexum: atque ordine reliqua, quæ in historia diximus, subsequuntur. Nempe, procreationem fœtus in viviparis, eodem modo ex ovo sive conceptu, fieri observavimus; quo nuper pulli fabricam in ovo gallinæ cœo descripsimus.

Differunt autem [ut monui] isti viviparorum conceptus, figura, numero, & connexu cum utero. Principio enim, conceptus [præsertim in bisulcis] utero non adnascitur; sed illi solum contiguus, totam eius cavitatem replet, ac distendit; facileque integer extrahitur. In bisulcis; (quæ in uteri cornibus concipiunt) & solidipedibus, unicum duntaxat huiusmodi ovum reperitur, idque in utrumque cornu protensum: & licet aliquando singulatim, aliquando binos fœtus procreent; adeoque interdum unicum, interdum bina colliguamenta adsint; [alterum scilicet, in dextro, in sinistro cornu alterum;] in eodem tamen communi ovo continentur.

In aliis vero animalibus, quot fœtus, tot illico separatim ova concipiuntur; totidemque in iis colliguamenta reperias: veluti in cane, felle, mure, & huiusmodi aliis utrinque dentatis.

Figura ovi, in bisulcis, est instar manitæ; talis nempe, qualem *Fabricius* alantoidi attribuit. In equa, forma uteri

interna sacculum oblongum refert: in muliere verò orbicularis est.

Quibuscunque conceptus utero annectitur (quod in multis quidem non fit, priusquam fœtus perfectè formatus fuerit) ille etiam, pro varia connexionis ratione, distinguitur. Aliis enim uno solum loco affigitur, mediante carnosa substantia, quam in muliere *placentam* dicimus, quòd figuram placentæ rotundam exprimat: aliis autem, variis in locis; colligantibus eum pluribus substantiis carnosis, sive carunculis; nimirum quinque, in damis & cervis; in vacca, pluribus, sed minoribus; in ovillo autem genere, quam plurimis, & magnitudinis variæ. In canibus, & felibus, carnosæ substantiæ, in orbem (quasi cingulum) quælibet ova circumvolvunt. Similis substantia, in lepore & talpa, earum uteri lateribus adnascitur: quemadmodum etiam placenta in muliere, quæ conceptus eius plus quàm dimidium amplectitur (ut cupulæ glandes solent, cum primùm expullulant;) adeoque pars eius gibba utero firmiter adhæret, sicut autem membranæ *Chorio* adnascitur.

His præmissis, quid de humoribus, membranis, carnosa substantia, & valorum umbilicalium distributione (à Fabricio memoratis) censeam, jam dicam.

Rectè quidem Fabricius, per *πυρεπα C. γδ* & *υρεπα*, secundas sive secundivam intell-

ligat.

ligit: scilicet, non membranas solū, sed totum id, quod in partu postremo egreditur, (vel saltem haud multo post eum) & ex humoribus, membranis, carnosa substantia; vasisque umbilicalibus constituitur.

De humoribus autem quæ affert, & ab antiquis recepta (tanquam rem certissimam & quæ probatione nulla egeat) supponit; nempe; aquam in Amnio, in qua embryo natat; illius esse sudorem; alteram verò exteriorem, in chorio, ejusdem urinam esse; Planè incongrua, & falsa sunt. Vterque enim humor prius in conceptu reperitur, quam quippiam foetus appareat: & is, quem urinam nominant, prior altero [quem sudorem esse credunt] conspicitur. Imò verò in conceptu quibusdam irritis & infœcundis, (in quibus nullum foetus vestigium] detectos humores, præsertim exteriorem, invenias.

Conceptus ejusmodi, cum ova subventanea, mulieres interdum ejiciunt: & Ari-gen. stoteles, fluxus vocari, ait: nostrates falsam. I. conceptions, & slips, nominant. Simile 3. c. 9. ovum Hippocrates è tubicina abortivè excussit. Quæ enim animal intra se pariant, Ibid. iis [teste Philosopho] quodammodo post primum conceptum, oviforme quiddam efficitur: nam humor in membrana tenui continetur, perinde quasi ovi testam deiseris. Humorem autem enim in chorio

chorio contentum [quem Fabricius, alique Medici, utinam censent] Aristoteles, spermatris, sive geniturae liquorem esse, arbitrari visus est; ait enim: *Exceptum ab utero semen, ubi immoratum fuerit, membrana obducitur*. Si enim prius exeat, quam dearticuletur, videtur quasi ovum. 7. membrana obtectum, cui putamen deira Ibid. Etiam sit. Membrana autem illa venis referta est. nempe Chorion, quae à venarum Choro, sive copia, nomen obtinuit. Saepè, secundo, aut tertio mense, huiusmodi ova elisa vidimus: saepius intus corrumpanitur, sensimque (tanquam sitiores albi) effluunt, & obscuram conceptionis spem elidunt.

Præterea, humores illi (quos diximus) utina, vel sudor censeri nequeunt; quod statim ab initio tanta copia abundant, ut Embryo in ijs natans, à partium circumjacentium collisione (dum mater currit, vel saltat, aliterve corpus suum validius agitat) tanquam circumposito munimento, præservetur.

His addè, multa animalia nunquam sudate: (cum tamen, autore Aristotele, omnia tum natalitia, tum pedestria, tum volatilia, addo etiam serpentina, & insecta, sive animalis, sive oviforma, sive sponte proveniant, simili modo gignantur) penna- ta omnia, serpentes, & pisces, neque sudant, neque urinam emittere creduntur. Canis, & felis nunquam sudant; nec aliud

aliquid animal, dum copiosè mingit.
Neque fieri sanè potest, ut ullum animal
mingat, ante renum & vesicæ exstir-
pationem.

Porro, quod cæteris est argumentum
validius, humores isti non possunt esse
excrementitij, in quos per chorion, tor-
ramuli venarum umbilicalium diffemi-
nancur; qui alimentum indè (quasi è præ-
sepi amplo) exsugentes, idem postea in
fœtum transferunt.

Deinde, si humor ille, (qui in Chorion)
urina est; quid opus est allantoide? Si su-
dor est, qui in amnio continetur; cur
natura, quæ commodissimè omnia in-
stituit, fœtum in excremento proprio
natare voluit; & cur, statim à partu, ma-
ter (pluribus enim animalibus is mos est)
excrementum suæ prolis, una cum mem-
branis continentibus, tam avidè devo-
rat? Aliqui observarunt, animalia illa,
nisi ista comedant, lac suum aggrè dimit-
tere.

His tamèn non obstantibus; credide-
rit fortè aliquis, humores illos (quos fœ-
tui in alimentum designavimus) esse ex-
crementitios; idque ea potissimum ratio-
ne motus, quòd unà cum fœtus incremē-
to augeantur; & in partu quorundam ani-
malium (quo tempore alimentum omne
propemodum absorptum esse verisimile
est) magna copia conspiciantur; ac præ-
terea alias utilitates præstent, quæ nutri-
menti

menti officio minimè conveniunt. Ego nihilominus fidenter assero, dictos humores ab initio fœtui pro alimento esse; (quemadmodum colliquamentum & albumina pullo in eum sinem inserviunt:) procedente autem tempore, tenuioribus & purioribus partibus exhaustis, reliquas excrementi utilis naturam induere; & in quibusdam animalibus reservari, ut fœtus securitati consulant, & partum facili- tent. Nam ut vinum, vanescente spiri- tu, fit vappa; & excrementa plurima ab alimenti reliquiis proveniunt: ità simili- ter, postquam id omne quod alendo fœ- tui accommodum est, ex humore illo, qui in Chorion est, eductum fuerit; quod reliquum est, in excrementi naturam ab- abit, & in usus jam dictos reservatur. Quicquid autem intra amnion contine- batur, plerumque appropinquante partu absumitur; adeo, ut verisimile sit, fœtum præ cibi inopia exitum querere.

Denique, si aliquando humor alius in allantoide continetur (ut certè interdum reperitur) cum ego præternaturalem esse existimo. Nonnunquam enim mulieribus in partu aquam ingenti copia profluxisse vidimus; aliquando etiam geminam: obstetrices nostræ, *by waters* nominant. Ideoque mulieres aliquæ, ingentem ven- tris tumorem præ se ferunt, licet parvu- lum postea & extenuatum fœtum pariat; aquas verò copiosissimas profundunt. Ali-

qui existimant, majorem aquarum copiam imbecilliores foetus, & foemellas commitari; robustiores autem, & mares, miorem. Vidi saepe aquas medio gestationis tempore proruiere, citra abortum: saluo interea, & vigente ad partum usque robustiore foetu. Quemadmodum itaque naturaliter binæ tantum aquæ sunt, (quarum altera in *Chorio*, altera in *amnio* continetur;) ita interdum, præter naturæ consuetudinem, fieri potest, ut plures in propriis membranis, aut chorii duplicaturis accumulèntur.

De Ad membranas, sive tunicas uteri quod mem. attinet; cum earum officium, atque usus braa. præcipuus sit, ut continendis aquis interserviant; atque istæ solum binæ appareant; certissimum videtur, neque ipsas membranas (necessario, atque usitatè) numero plures reperiri.

Qui autem tres tunicas numerant, inde eos deceptos arbitror, quod à Veteribus (ut dictum est) eadem membrana, modo *chorion*, à venarum copia; modò, à figura, *allantoïdes* nominetur.

Omnis certè conceptus, duabus illis membranis contegitur: quemadmodum & cerebrum omne; duplici meningē gaudet; omnis arbor atque frutex duplici cortice vestitur; omnia denique semina; & fructus binis involucribus muniuntur: quorum exterius interiore durius & robustum magis deprehenditur.

Dictatum tunicarum interior (colli-
quamentum, siue humorem puriorem in
se continens) tenuissima est, & *Amnios*
dicitur, i. e. amiculum, quod fœtum
amiciat, & obvolvatur. Exterior autem,
(quæ multò major, ac robustior) *Chorion*
nominatur, quod (inquit Fabricius, mul-
ta vena & arteria sint in ipso, tanquam
in choro quodam, congressa ac disposita.
Vnde, ad horum vasorum in chorio similitu-
dinem, *χοροειδης* appellatur oculorum
tunica, & venarum arteriarumque in ce-
rebro ventriculis plexus.

Membrana hæc *Chorion*, totum uterū
replet; lentum etiam, & turbidiorem hu-
morem intra se complectitur; partique
ejus exteriori, placenta aut carunculae
adhærentes, conceptum utero annectunt.

Eadem (in muliere) parte sui inferiore
cum *Amnio* ferè jungitur; nec facilè ab
isto separabilis est. In bifulcis est amplissi-
ma; humorisq; in se centuplo plus, quàm
Amnios, continet: hic enim ab initio
nucem moschatam, aut fabam majorem,
magnitudine vix æquat; & plerunque in
altero duntaxat cornu reperitur; eo nem-
pe, in quo fœtus hospitat.

Membrana *chorion* (in muliere præfer-
tim) foris inæqualis, & viscosa est; intus
autem, lævis & lubrica cernitur, venis
plurimis intertexta. Pars ejus superior
(in muliere) est crassior, molliorque;
inferior autem, tenuior, & magis mem-
branacea.

In muliere etiam, *placenta* parti hujus membranæ superiori adnascitur. In ovibus verò, *caruncula* plurimæ variis ejus partibus annectuntur. In damis, & cervis, conceptus quinis solùm locis utero conjungitur: idem autem, in equa, infinitis propemodum locis internæ uteri superficie adhæret. Ideoque *Fabricius*, in omnibus ferè viviparis, carnem mollem, laxam, raram, crassam, & subnigram, vasorum umbilicalium sinibus affusam, ait; eandemque spongiæ, vel hepatis aut lienis laxiori parenchymati similem asserit; quam propterea *Galenus*, carnem, phor. adenosam appellavit; & jam vulgò *hepar uterinum* dicimus; in quod vasorum umbilicalium cuncta disseminantur, nutrimentum foetui ab utero allatura.

At verò, nec in omnibus animalibus, neque omni tempore, ejusmodi carnosa substantia inest; sed in iis tantùm, in quibus conceptus utero firmiter adhæret; & tum demum, postquam is alimenti gratia eidem annexus fuerit. Principio enim, conceptus (tanquam ovum in utero locatum) partibus omnibus uteri circumjacentibus contiguus reperitur, nullibi verò eidem adnascitur; sed ex humoribus intus contentis (quemadmodum in ovo à gallina incubato fieri diximus) foetum producit, & nutrit. Adhæsiō autem istæ, sive connascentia, tum primum fieri, & carnosa hæc moles (quæ conceptus cum

utero.

utero copula est) generari incipit; cum
 fœtus jam perfectè formatus, & alterius,
 vel uberius saltem alimenti indigens,
 vasorum umbilicalium extremitates ad
 uterum mittit; ut ex eo (veluti plantæ ra-
 dicibus suis è terra solent) succum alibi-
 lem hauriat. Quippe initio (ut diximus)
 cum punctum saliens, & sanguis tantum-
 modo apparent: propagines venæ umbi-
 licalis, in colligamento solum, amni-
 que tunica conspiciuntur. Constituta ve-
 rò semel corporis fabrica, propagines illæ
 ulteriùs porriguntur, & numerosæ péc-
 chorion disseminantur; ut ab albugineo
 humore ibidem existente nutrimentum
 fœtui apportent.

Quibus manifestè constat, fœtum vi-
 parorum sub initia eodem modo ali,
 quo pullum in ovo nutriri diximus: eam-
 que ob causam in utero degere, ut tan-
 dem (cùm alimentum ampliùs de suo nõ
 suppetit) ei, mediante carnosa substantia,
 adnascatur; & à matre, nutrimentum
 uberius suggerente, alatur & crescat.

Quapropter rectè à Fabricio observatũ
 est, conceptum in quibusdam animalibus
 vix utero annecti. Ideoque suæ, & equæ,
 carnosam hujusmodi copulam non ha-
 bent; sed, in iis, ovum sive conceptus,
 ut primò ex succis in utero searantibus
 sit, (quemadmodum ovum, in gallina,
 albumine augeri diximus, citra ullam
 ejus cum utero connexionem) ita pariter

incrementum accipit: foetusque etiam, alimento à conceptu (in quo continetur) subministrato, in eundem modum alitur, quo pullus ex ovi liquoribus. Insigni planè argumento, foetus eorum non magis, quàm pullum in ovo, materno sanguine nutriti: neque humorem, quem *Chorion* intra se complectitur, urinam, aliudve excrementum esse; sed foetui pro alimento inservire. Licet (ut antea monuimus) absumpto succo nutritioni idoneo, reliquiae ejus in excrementum, urinam simile, degenerent. Idque ex eo quoque manifestum est, quod de coryledonibus in cervarum, aliorumque bisculorum carunculis supra diximus: nempe carneam molem in iis animalibus spongiosam esse, & (favi instar) infinitis penè acetabulis constare, eademque mucoso albumine repleti; (quod etiam *Galenus* olim observatum meminit;) atque inde vasorum umbilicalium fines nutrimentum haurire, quod in foetus transferant: quemadmodum in jam natis animalibus, venarum mesentericarum ramuli, per intestinorum tunicas diffusi, ex illis chylum asorbent.

Ego itaque placenta & caruncularum tale munus existimo, quale hepatis atque mammis vulgò tribuitur. Hepar nempe, chylum ex intestinis haustum corpori alendo ulterius præparat: & placenta similiter, succum alibilem à matre provenientem nutriendo foetui porro concoquit.

Mam.

Mammæ etiam, (adenosæ substantiæ participes) lacte turgent; & quæ aliàs (in quibusdam animalibus) nuspiam apparent, prægnationis tempore plenæ tumidæque visuntur: placenta pariter, (caro laxa; & fungosa) succo albugineo scatet, & gravidationis solùm tempore reperitur. Iecur, inquam, est organum nutritivum corporis, in quo est; mamma, infantis; placenta, embryonis. Et quemadmodum mater ex victu plus lactis conficit, quàm sibi in carnis aut sanguinis usum opus sit, idemque in uberibus coquitur insuper, & reconditur; ità quoque gravidæ (quibus in utero placenta est) alimentum in carnosa ista substantia defæcatum, foetui parant, & suppeditant. Indeque contingit, ut embryonibus victus purus, aut illaudabilis suggeratur; prout matres cibo probo, aut improbo usæ fuerint, eundemque dictis uteri organis plenè, aut secus præparaverint. Aliqui enim embryones organum perfectius paratum habent, quale est carnosa ista uteri substantia, quæ in aliis desideratur. In quibusdam etiam, placenta reperitur crassior, amplior, & sanguine abundantior: in aliis verò spongiosior, & albidior, instar thymi, aut pancreatis. Non minorem enim harum rerum varietatem in animalibus invenias, quàm uberum, aut viscerum: jecora enim, ut de iis nunc solum licam, in aliis rubicunda, & sanguinea;

in aliis verò (ut piscium maximæ parti,
& hominibus cachecticis) pallida oblige-
runt. Equæ crudo gramine vescuntur,
nec ruminant; sues impuro quovis cibo
saginantur; insdemque placenta (perfe-
ctioris alimenti organum) deest.

Verè itaque Fabricius: *Carnea hæc sub-*
C. 3. *stantia, in multis animalium generibus,*
figura, magnitudine, situ, numero, ad-
modum varia est. Homines unicam ha-
bent; ut & mures, cuniculi, fucula Indi-
ca; canes, feles, & pleraque animalia,
quibus pedes digitati, & utrinque dentes.
Plures habent omnia biscula, & altera
parie dentata; sive domestica, ut ovis,
vacca, capra; sive sylvestria, ut cerva,
caprea, dama, & id genus alia. Rursus,
quæ unicam habent carneam molem, in iis
vel placentam imitatur, (indeque ei im-
positum nomen) ut hominibus, cuniculis,
lepore, talpa, muribus, & porcellis Indi-
eis: vel cingulum, seu zonam, aut fasciam
refert, corporis truncum obvolvunt; ut
canibus, felibus, viverris, & hujusmodi.
In quibusdam, calicis, vel capulæ glan-
dis instar, majorem conceptus partem,
comprehendit (ut in lepore, & cunicu-
lo;) parsque ejus convexa, utero adha-
ret; concava, fœtum respicit. Item quæ
unicam habent placenta similem, etsi figu-
ra in omnibus similis, situ tamen dissimi-
lis est. Nam homini uteri fundo adheret,
& longissimè, hoc est, per longa vasa, à
fœtus

foetu distat : muribus verò , porculis Indiciis , & cuniculis , partim lumborum regioni , partim thoracis lateri annectitur . At qua plures habent carneas moles , hac altera parte dentata sunt omnia , ut oves , vacca , capra . cervæ , capreoli , & similes . In quibus tamen hæc spectatur varietas . Nam ovibus plures carunculæ sunt varietateque amplitudinis ; quarum maximæ , nucem moschatam magnitudine æquant ; minimæ , cicer vel orobum : rotundiores quoque & rubentiores sunt , utrumque versùs convexæ , tanquam verrucæ molles , aut papillæ . Vaccis verò majores , planioresque sunt , & albidiores ; spongiosaque corporis , aut fungis similes : videnturque è laborio ortum ducere . Cervis & damis , quinæ tantùm contigerunt : eademque ex uteri lateribus prognatæ , versùs conceptum protuberant , & acetabula sua exhibent . Omnibus autem hoc commune est , ut dictæ carunculæ , utero firmiter affixæ , ægrè inde separentur ; nisi appropinquante jam partu ; quo tempore facillimè (cœu maturi suctus) soluto nexu decidunt . Iisdem ab utero dilaceratis , sanguinis maximam partem non ex conceptu , sed ab ipso utero profluere observavimus .

Fabricius , agens de unione carnosæ de huius substantiæ cum utero , pluribus quidem rationibus (sed invalidis) contendit , foetus vasa umbilicalia , cum uterinis , plurimis pag-

osculis coniungi; idque potissimum ab eo factum est, ut antiquum dogma ab omnibus ferè receptum tueretur: fatetur enim se nihil certi super hac re affirmare posse, quòd *carnea moles rem ipsam perspicere ac iudicare veter.* Veruntamen nec ratio, neq; sensus suadent; dari magis anastomoses in utero, quàm in hepate, inter ramos Portæ, & cavæ; aut in mammis, inter vasa, quæ sanguinem, & ea quæ lac deferunt. Est quidem alicubi vasorum iuxta positio contigua, & interdum unius in alterius tunicam ingressus; nuspiam autem perfectius coalitus sive unio, qualem *Fabricius* imaginatur. Aliter enim si foret, deberent & venæ pariter cum arteriis coniungi: vasa enim, sanguinem à matre in uterum & carunculas deferentia, sunt arteriæ; quæ autem ab utero in fœtum remeant, venæ sunt, uti omnibus patet; sanguinem enim deducunt è placenta in venam cavam.

Verior itaque mihi videtur *Arantii* sententia; oscula nempe venarum umbilicalium, cum vasorum uteri orificiis minimè coniungi. Minor enim numerus est vasorum deferentium ad fœtum, quàm venarum reagentium ad fœtum; pluriusque harum propagines in *Chorio* terminantur. *Fabricius* tamen Veterum sententiam, vel eorum reverentia ductus, vel eiga *Arantium* invidia, mordicus defendere nimisquam satagit.

De Cotyledonibus, five acetabulis, *Fab. C. 4.*
Fabricius nihil certi statuit; sed varias so-
 lum Antiquorum sententias recensuit, acera
 Nos autem suprâ, in historia fœtus cer-
 bulis, vini, indicavimus, quibusnam animalibus
 acetabula insint; simulque diximus,
 eadem esse cellulas plurimas exiguæ ca-
 pacitatis, per carunculas, aut carnosam
 substantiam dispersas, atque albumine si-
 ve matéria mucilaginea refertas; ut favus
 melle repleri solet.

In cervis, formam cavitatis coxendicis
 femur excipientis aptè referunt; ideoque,
 ob figuram, à Græcis *Cotyledones* nomi-
 nantur; Latini verò *acetabula* appellant,
 quòd similia sint vâculis, quæ olim in
 mensa aceto plena ad intinctus apponi so-
 lebant. Cavitates istæ, spongiæ majoris
 loculamenta magnitudine non excedunt;
 inque singulas earum, totidem vasorum
 umbilicalium ramuli tenuissimi profun-
 dè penetrant: quippe in iisdem, alimen-
 tum fœtui reconditur; non quidem san-
 guineum [ut *Fabricius* voluit,] sed mu-
 cosum, ovique albumen crassius planè re-
 ferens. Vnde etiam manifestum est [ut
 dudum diximus] bisulcorum fœtus (ut
 & alios omnes) sanguine materno non
 ali.

Quod *Aristoteles* ait, *Acetabula, fœtus hinc
 accrescente, subinde minui, ac postremo an-
 aboleri*; id experientiæ non respondet: 7.c.2
 quò enim fœtus major fuerit, eo etiam

carunculae grandiores, earumque acetabula austiora, & plura, materiaque albuginea pleniora apparent.

Easdem carunculas si compresseris, sanguis quidem nullus prodit; sed veluti è pressa spongia, aut favo, aqua vel mel effluit; ita similiter, coarctatis acetabulis, albugineus liquor emanat; eodemque expresso, illa statim contracta, albidiora, & flaccida conspiciuntur; ac demum mammarum papillas, aut verrucas peniles majores referunt.

Aristoteles quidem verè asserit, acetabula in omnibus animalibus non inesse; in muliere enim non invenias; neque in aliis ullis (quod sciam) quibus una duntaxat carnea moles, sive placenta obrigit. Officium tamen, atque usum eorum quod attinet; opinor, carunculas omnes (uberum modo) non sanguinem, sed succum albumini similem concoquere, eundemque foetui subministrare.

Pulchra est, apud *Fabricium*, vasorum umbilicalium descriptio, ut & picturae elegantissimae. *Vena*, inquit, ab utero versus foetum progredientes mutuo se invicem ununtur, ac maiores semper fiunt; neque cessat mutua earum coitio, donec ex omnibus duo magni trunci resultarint; quibus foetus umbilicum penetrantibus, unus tandem grandis efficitur; qui in iecur infantis inseritur, atque in cavam & Porta venam perforatur. Simili modo venis arteria ad-

de
umb.
cap. 2

juncta, & plurima, & minutissima ex utero
 ad foetum progressa, simulque subinde
 unita, ac maiores semper facta, in duos
 magnos degenerant trunco: qui postquam
 umbilicum pratergressi sunt, à venis sepa-
 rantur, & ad vesicæ latera membrana cu-
 jusdam interventu inhaerentes, in ramos
 magna arteria ad crura descendentes hinc
 inde pertendunt, & applicantur. Notan-
 dum verò, hanc Fabricii descriptionem,
 infantis solùm umbilico convenire, non
 autem cuiuslibet animalis foetui commu-
 nem esse. Nec infanti etiam, nisi jam for-
 mato, congruit: arteriæ enim [sub initia]
 sunt inconspicuæ; utpote exiles adeò, ut
 is inveniendis, Lynceis oculis opus sit:
 nec postea quidem, nisi ex pulsu, innotescunt:
 cætera enim à venis non distinguuntur.
 Quoniam igitur [ut alibi docui] pulli
 illi arteriarum ramuli non pulsant, [quàm
 saltem oculis constat] eadem à venis
 internosci nequeunt. Sunt, inquam,
 arteriæ tunc temporis subtiles adeò, ut,
 anquam filamenta tenuissima, venularum
 unicus attexantur, vel potius in tunicas
 enarum obscurè repant; quo fit, ut sen-
 tum omnem prorsus effugiant. Venæ au-
 tem omnes [exortu retrogrado] unitis tan-
 tem furculis, in unum truncum [veluti
 ramuli in arborem] coalescunt; quemad-
 modum & melsaraicæ venæ omnes in Por-
 tam terminantur.

Iuxta embryonem quidem in duos

B b 3 trunc-

truncos dividuntur; eundem verò ingres-
sa, unam venam umbilicalem constituūt;
quæ in Cavam, prope dextram cordis au-
riculam, desinit; iecurque permeans, in
Portam perforatur; nullasque præterea
propagines de se spargit, donec è g bba
iecoris parte prodeat, orificio satis amplo.
Adeò ut, aperta vena cava ab auricula
cordis deorsum versus, sanguineq; omni
depleta, orificia tria quasi simul juncta,
conspicari liceat: quorum unum, venæ
cavæ descendētis est introitus; alterum,
rami jecorarii, per totam hepatis gibbā
disseminati, exitus; tertium autem, venæ
istius umbilicalis origo. Vnde disci-
ebnat, venarum originem in iecori neu-
tquam querendam esse: quippe orificiū
venæ cavæ descendētis multò amplius
est, quam rami jecorarii; cui tertium il-
lud, venæ umbilicalis, est æquale. Rami
verò, trunci sui principium non dicuntur;
sed ubi truncus eorum maximus reper-
tur, ibidem quoque venarum principium
censendum est: istuc autem ad cordis vē-
triculi dextri ingressum contingit: ideo-
que hic venarum omnium principium,
sanguinisq; promtuarium judicandus est.

Redeo ad vasa umbilicalia, quæ in
omnibus animalibus haud eodem modo
dividuntur: in quibusdam enim bini ve-
narum ramuli, pluresve, in fœtus corpo-
re reperiuntur; quorum alii iecur tran-
seunt, alii in Portam, vel mesentericas

venas inferuntur. In humano autem fœtu, trium quatuorve digitorum ab umbilico intercapedine, venarum atque articularum trunci simul involuti complicantur, [perinde ac si cereos aliquot, funis instar, contorqueas] eisdemque membrana crassa ac mucosa obducit, & conglutinat. Funiculus ipse *chorion* adiens, in sima placente parte, *chorion*que interiore superficie, in plurimas propagines dirimitur; ac deinde in alias propemodum infinitas ramificatur; quibus alimentum, cœterum per radices haustum, alendo fœtui distribuitur. Eiusdem funiculi venæ, variis locis nodos aliquot, sive varices, quasi vesiculas sanguine plenas, obtinent: qua arte à Natura cautum est, nè sanguis in fœtum confertim refluat. Ex horum varicum copia, superstitiosæ obstetrices de futuræ sobolis numero divinare solent; & si nulli eiusmodi nodi adfuerint, steriles in posterum fore pronuntiant; ex eorundem quoque ab invicem distantia, de puerperiorum intervallo; & ex colorum varietate, de sexus discrimine aniliter hauriuntur.

Consimilis quoque est vasorum umbilicalium constitutio in aliis fœtibus terè omnibus, quibus unica placenta obgit; veluti in canibus, muribus, aliisque: funiculus tamen iis brevior est, minusque complicatus. In bobus autem, ovibus, ærvis, damis, suibus, reliquisque, quibus

alimentum non ab una solùm carnea mole, sive placenta, sed à pluribus suppeditatur; vasorum umbilicalium distributio diversa cernitur. Ramuli nempe, sive fines vasorum, non modò per carneam substantiam, sed etiam [& quidem potissimum] extra ipsam, per membranam *chorion* fibris minutissimis disseminantur: qualis etiam vasorum umbilicalium distributio (sine funiculo scilicet) in fœtu humano cernitur, antequam conceptus utero adnascitur. Vnde constat, embryonem non omne nutrimentum ex placenta haurire; sed partem eius, & quidem præcipuam, ab humore intra *chorion* contento accipere.

Vasorum umbilicalium utilitates quod attinet, ego quidem *Fabricio* non assentior: arbitratur enim sanguinem omnem fœtui ab utero per venas suppeditari; spiritusque vitales eidem à matre per arterias accedere. Negat etiam partem aliquam fœtus in utero publicum munus exsequi; sed unamquamque sibi met ipsi duntaxat privatim prospicere, ait, ut nutriatur, augeatur, & conservetur. Similiter, quia nervum in umbilico nullum invenit, sensum omnem motumque embryoni denegat. Quasi verò prægnantis uterus, aut placenta, cor esset, sive principium, unde ista fœtui subministrantur, singulisquæ partibus influens calor proveniat. Quæ omnia erroris manifesta sunt.

Quippe fœtus humanus nondum quadrimestris [alii verò citius] haud obscure sese movet, volutatur, calcitrat: præsertim si frigus, caloremve nimium, aut aliud aliquod externum patiatur incommodū. Quinetiam punctum saliens (necdum exstructo corde) evidenti pulsu micat, sanguinemque, & spiritus distribuit: idemq; (ut diximus) præ frigore languidum & moribundum, admoto alicunde calore, refocillatur denuo ac reviviscit. In partu cæsareo quoque clarè liquet, vitam embryonis non immediate à matre procedere, neque spiritus ab illa proficisci: vidimus enim sæpius fœtus ab utero exfectos, defunctis jam ante horas aliquot matribus superstitibus. Cuniculum etiam, & leporem ex cæsis matrum uteris extractos, supervixisse novimus. Præterea, num infans, in partu hærens, vitalis sit, necne; ex arteriarum umbilicalium pulsatione clarè dignoscitur. Certum autem est, arterias, illas, non matris, sed cordis proprii virtute agitari; quippe rhythmum, sive ordinem à matris pulsu diversum obtinent: idque faciliè experiri licet, si manum alteram carpo matris, alteram umbilici funiculo admoveris. Imò verò in eiusmodi cæsonibus, membrana *chorio* etiamnum obvolutis, sæpe reperi (matre jam extincta, & planè rigida) arterias umbilicales micantes, fœtumque vegetū. Quare haud verum est, spiritus à matre

per arterias ad fœtum pertingere : nec magis verum, vasa fœtus umbilicalia cum uteri vasis per anastomofin conjungi. Fœtus enim vita propria fruitor, habetque arterias pulsantes, & sanguine ac spiritibus plenas, diu antequam conceptus [in quo efformatur, & natus] utero alligatur: non aliter omnino, quam pullo in ovo contingit.

Vsum arteriarum in fœtu (atque etiam in adultis) longè alium esse demonstravimus, in libello quem *de sanguinis circuitu* scripsimus; qui hinc etiam confirmari possit.

Secunda reverà conceptus partes sunt, & à fœtu dependent; ab eoque etiam vitam & vegetandi facultatem mutuantur. Quemadmodum enim in mesenterio, per ramos arteriarum coeliacarum & mesentericarum, sanguis ad intestina impellitur; idemque indè per venas regressus, chylum unà secum ad jecur, & cor defert: ità similiter arteriæ umbilicales sanguinem in *secundas* ingerunt, quem venæ, unà cum succo nutritio, ad fœtum reducunt. Ac propterea arteriæ istæ non prodeunt immediatè è corde, ceu vasa principalia; sed (utpote inferioris ordinis, atque usus, ut etiam magnitudinis) è ramis cruralibus exoriuntur.

Prodiit nuper liber *Adriani Spigelii, de formato fœtu*; in quo egit de usu arteriarum umbilicalium; validisque argu-

mentis

mentis docuit, fœtum non accipere spiri-
tus vitales à matre per arterias: rationi-
busque in contrarium adductis plenè re-
spondit. Poruisset autem iisdem quoque
argumentis evincere, neque sanguinem è
maternis venis per venarum umbilicaliū
propagines in fœtum transferri: quod
præcipuè ab ovi gallinacei, partusque
caesarei exemplis palam est.

Profectò, si calor & vita sanguini à ma-
tre profluerent; emortua illa, si fans quo-
que illico exstingeretur, (res enim esset
confatalis;) imò verò ante eam; appro-
pinquante enim interitu, partes subordi-
natæ prius languēt, & refrigescunt, quàm
principales: ideoque cor ultimò omnium
deficit. Sanguis, inquam, ipsius fœtus,
calorem primò amitteret, & muneri suo
fieret inidoneus, utpote ab utero deriva-
tus; cùm & ipse uterus, prius corde, ca-
lore omni vitali destituatur.



DE
CONCEPTIONE.



Vita quidem in *partu* miranda *Fabricius* recensuit; nobis autem plura de *conceptione* occurrunt quæ miremur. Res sane est tenebrarum plena: & tamen audebimus aliquid problematicè proponere; ut, non solum sententias alienas eliminatum isse, sed & nostram quæque aliquo modo in medium attulisse videamur. Quæ tamen à me super hac redicentur, non ità accipi velim, quasi eadem è Tripode prolata existimem, aut aliorum omnium suffragia extorquere cupiam: sed libertatem illam, quam aliis libenter concedimus, nobis etiam jure merito poscimus; ut, quæ in obscuris rebus verisimilia videntur, eatenus pro veris offerre liceat, donec manifestè de eorum falsitate constiterit.

Vtvero quidem præcipuè debetur hoc negotium, citra cuius apparatus & functionem, conceptum ullum frustra expectaveris. Quoniam autem genituram maris in uteri cavitatem haud pertingere, nedum diu ibidem immorari, certum est; eademque contagione duntaxat quadam non quia jam tangens & operans, sed quia

quia antea tetigit] fecunditatem appor-
tat: videtur sanè fœmina, post tactum (in
coitu) spermaticum, eodem modo affici,
nulloque sensibili corporeo agente proli-
fica fieri, quo ferrum, à magnete tactum,
hujus statim vi dôtatur, aliaq; ferramen-
ta ad se allicit. Accepta nimirum semel
virtute illa, quam diximus, plasticam,
exercet generandi potentiam, similemq;
sui procreat; non secùs ac planta, quam
utriusque sexus viribus imbutam cerni-
mus.

Mirari tamen subit, ubinam facultas
ista [peracto jam coitu, ante ovi vel con-
ceptus productionem] hæreat? & cuinam
activa illa maris virtus commissa sit? Sci-
licet, num utero soli, an toti etiam fœmi-
næ? vel potius utero primariò, fœminæ
autem secundariò? an denique, quemad-
modum oculis videmus, & cerebro cogi-
tamus; ità fœmina utero suo concipiat?

Quamquam enim fœmina interdum
(post coitum, concipiens) fœtum nullum
producit; symptomata tamen ea conti-
gisse novimus, quæ peractæ conceptionis
[licèt irritæ] claram fidem facerent. Ca-
niculæ delicatulæ coitum [citra fœcundi-
tatem] admittentes, observantur nihilo-
minus debito partus tempore ignavæ ef-
fe, & parturientium more latitare, atque
ab alia cane catulos surripere, eosque
(ceu proprios) lambere, & fovere, imò ve-
rò pro iisdem acriter dimicare. Nonnul-

læ etiam lac, sive colostrum in mammis habent; aliisque gravidarum & paccuræ-
rium affectibus obnoxia sunt; perinde
ac gallinæ suo tempore gloriunt, licet
ova (quibus incubent) nulla habeant.
Aves quædam (utpote columbæ) si statò
tempore coierint, quamvis ova nulla, aut
subventanea pariant, tenentur tamen so-
lita nidificandi sedulitate.

Vsq̃ue ad eò nempe fecundat virtus à
mare in coitu proveniens, ut integram
fœminam, tam animi moribus, quàm
corporis vigore immuter. Et licet hoc ute-
ro, ad id parato, principaliter contingar;
Indeque toti corpori virtus viresque ad-
veniant; (quemadmodum à turgentibus
marium testiculis, reliquo etiam corpori
adbitur additur:) eadem tamen manet du-
bitatio; quomodo scilicet ipsi utero po-
testas illa communicata inhæreat? utrùm
nempe toti utero, an alicui eius parti dun-
taxat? Quippe nihil in eo, post coitum,
invenias: genitura enim maris, brevi vel
elabitur, vel evanescit; sanguisque ab ute-
ro, circuitu facto, per vasa regreditur.

Porrò, quænam est illa præparatio &
maturitas uteri, quæ semen genitale ex-
poscit; aut unde manat? Nisi enim ute-
rus ad coitum paratus fuerit, frustra sunt
alia molimina: imò verò nè coitum qui-
dem aliter, plurima animalia admittunt.
Contingit quidem, fateor, citius illa ma-
tuitas, ob blandas marium illecebras, &

consuetudinem; ipsa tamen (non minus, quam fructuum in plantis) naturæ sponse procuratur. Qualis autem ista mutatio sit, sicut eam reperi, jam expediam.

Uterus primum crassior apparet, & carnosior; posteaque (quoad interiorem superficiem, loco nempe conceptionis futuro) tenerior factus, levitate patiter ac mollitie internos cerebri ventriculos æquat: quemadmodum nuper de cervis, aliisque bisulcis diximus. In canibus autem, felibus, cæterisque digitatis animalibus multiparis, uteri cornua, teretes muliebris uteri tubulos, aut intestinorum avium appendices, vel ureteres in homine planè referunt: habentque, quibusdam in locis nodulos, qui interius intumescunt, & mollissimi evadunt; iisdemq; post coitum (ut in cervis & damis observavimus) quasi fatiscentibus, transudant in eorum capacitatem humores albuginei primævi, unde conceptus, ceu ovum efformatur. Hoc pacto uterus à maris coitu (sicut fructus à calore æstivo solent) ad summam maturitatis apicem deducitur, & imprægnatur.

Quoniam autem nulla manifesta conceptionis indicia cernuntur, priusquam uterus fatiscere incipit, & albugineus liquor, vel tenuia staminâ, (araneorum scilicet similia) futuriq; ovi, sive conceptus primordium apparent; cumque adeo substantia uteri ad concipiendum parati, sit

cerebri constitutioni per similes: quidni
merito suspicari liceat, utriusque etiam
functionem esse similem; &, quod phan-
tasma sive appetitus est in cerebro, istuc
idem, vel saltem eius analogum, à con-
itu in utero excitari; unde generatio, sive
procreatio ovi contingat? Functiones
enim utriusque, *conceptiones* dicuntur;
suntque ambæ immateriales; licet prin-
cipia sint omnium totius corporis actio-
nem: hæc nempe, naturalium; illa, ani-
malium: hæc, omnium quæ ad animalis
generationem attinent; illa verò omniū,
quæ ad conservationem eius paraguntur,
caussa prima, & principium primum. Et
quemadmodum appetitus à cerebri con-
ceptione ortum ducit, atque hæc ab ap-
petibili externo: ità etiam à mare (utpote
animali perfectiore) tanquam appetibili
maximè naturali, conceptus *naturalis* in
utero scemina oritur; sicut in cerebro fit
conceptus *animalis*.

Ab hoc appetitu sive conceptu evenit,
ut scemina prolem genitori similem pro-
ducant. Nam quemadmodum nos, à con-
ceptione formæ, sive ideæ, in cerebro si-
mitem ei in operibus nostris efficimus:
Ità pariter idea, aut species genitoris in
utero existens, formatricis facultatis ope,
similem foetum generat; dum speciem
nempe, quam habet immaterialem, operi
suo imponit. Non aliter sanè, quàm ars,
quæ in cerebro est *idos*, sive species ope-

ris futuri, similem in agendo profert, & in materia gignit. Sic enim pictor, mediante conceptu, faciem exprimit; imitandoque internum cerebri conceptum, in actum producit: Ità quoque aedificator, ex conceptu præhabito, domum extruit. Idemque pariter in ceteris operibus, & artificiosis generationibus contingit. Aded ut, quod disciplina in cerebro efficit, nempe artem; analogum eius coitus maris in utero præket, nimirum artem plasticam; unde foetus complures similes, aut dissimiles ab eodem coitu procreantur. Si enim generationes, primique conceptus artificiales (qui naturalium duntaxat imitamenta sunt) hoc pacto à cerebro fiunt; quanto magis ipsius animalis generationis & conceptionis exemplaria, similiter ab utero procedere verisimile est?

Et quoniam Natura (cuius opera omnia admirabilia & divina sunt) organum eiusmodi (cerebrum nempe) instituit, à cuius virtute & facultate sensitiva, insunt rationalis animæ conceptus; appetitus sc. & artes, tantorum tamque variorum operum principia & causæ, quorum homo [à facultate cerebri *motiva*] per imitationem, autor est: quidni putemus, eandem Naturam, quæ utrum non minùs admirabilem extruxit, similique constitutione ad conceptionis munus obeundum fabricavit; hunc functioni consimili, vel

hanc analogam destinasse; atque utrobique organo simili; ad opus simile uti voluisse? Cum enim peritus artifex, instrumento uno, ad unum; eodemque, ad idem; & simili, ad simile affabre utendo, opera sua perficiat; adeo ut, ex organorum substantia & forma, de eorundem usu atque actionibus judicare facile sit, non minus certe, quam *Aristoteles*, ex corporum animalium, eorumque partium conformatione, naturas illorum cognoscere nos docuit; & physiognomia, ex faciei lineamentis & partibus [ut puta oculis, naso, fronte] de hominum ingeniis ac moribus harricatur: quid obstat, quod minus ex eadem partium fabrica, idem quoque earundem officium esse, conjecturam facere liceat?

Verum iniquè ita comparatum est, ut, eum solita & familiaria nobis perpendenda veniant, magnitudinem eorum atque admirationem consuetudo imminuat; ubi verò res minoris momenti, sed insuetæ magis offeruntur; mirabilia ea statim præ novitate & desuetudine videantur. Quicumque secum animo pensitaverit, quomodo cerebrum artificis, aut artifex virtute cerebri, res absentes, quas jam non intueretur, sed quas olim viderit, ad amissam ramen depingat: & quo pacto aviculæ in caveis enutritæ, cantilenas, quas astate didicerant; sequenti vere in mentem revocent, & exactè canant, hinc

interea temporis earum praxin nunquam exercuerint; & quod majus est, quomodo avicula nidum suum [cuius exemplar nunquam viderit] artificiosè componat; idq; non ex memoria, vel habitu aliquo, sed sola phantasia; quòmodoque aranea, sine vel exemplari, vel cerebro, solius phantasiæ opera suas telas texat; qui hæc, inquam, diligenter perpenderit; haud, opinor, absurdum valdè, aut monstrosum judicabit, foeminam ex conceptu ideæ generalis sine materia imprægnatam, generationis opificem evadere.

Ridebunt, scio, hæc nasuti quidam; qui, nisi quod ipsi sentiunt, nihil rectum putant. Hic tamen philosophorum mos est; cum rem ipsam, ut se habeat, clarè percipere nequeunt; fingunt saltem modum ejus aliquem naturæ operibus consonum, & veritati proximum. Profectò omnes (quas jam magni facimus) opiniones, initio mera figmenta & imaginatio- nes erant; donec per experimenta sensibilia, & cognitæ causis necessariis confir- mata, pleniorē fidem facerent. *Aristoteles* ait, philosophos fabularum quodammodo amatores esse, eo quod fabula ex mirandis constet. Enimvero homines primū rerum admiratione ducti, philo- phiam coluerunt. Ego, cum in utero nil amplius à coitu relictum videam, cui prin- cipium generationis acceptum referam; quàm in cerebro, post sensationem, &

experientiam, quod artis principium sit; sed similem utrobique constitutionem reperiā; hanc commentus sum fabulā. Viri docti & ingeniosi de ea cogitent; fastosi, per me, rejiciant; &, petulanti qui sunt splene, liberè irrideant.

Quoniam, inquam, nihil sensibile in utero post coitum reperitur; & tamen, necesse est, ut aliquid adsit, quod scēminam fortunā reddat; atque illud (ut probabile est) corporeum esse nequeat: superest, ut ad merum *conceptum*, specierumque sine materia receptionem confugiamus; ut idem scilicet hic contingat, quod in cerebro fieri nemo dubitat: nisi quis, cui è meliore luto

— *finxit praeordia Titae*,
causam efficientem aliam, praeter praedictas, inveniērit.

Quidam nostrae quoque aetatis philosophi, antiquam de atomis opinionem, recoluerunt: ideoque arbitrantur, contagium hoc (ut & omne aliud) ex subtilissimis seminis masculi effluviis, odorum more facilè emanantibus, inque uterum coitus tempore illis, provenire. Alii, spiritus incorporeos, tanquam demiurgos, aut angelos, vel daemones in scenam vocant. Alii, contagiū intelligunt, fermenti, aut fracedinis instar. Alii alia fingunt, & imaginantur. Concedatur itaque inter ceteras, etiam huic nostrae conjecturae locus; donec de re ipsa certi aliquid constiterit.

Plu-

Plurima quidem sunt à me observata, quæ dictas aliorum opiniones facile convellant: (adèd in proclivi est, quid res non sit, potius, quàm quid sit, dicere) non sunt autem hujus loci, sed alibi potius proponenda. Impræsentiarum hoc solum dicam: si, quod communi nomine *contagium* à nobis appellatur, utpote à contagio in coitu *spermatico* ortum, & in foemina (citra genituræ præsentiam) superflues, futuræ procreationis efficiens & opifex; si, inquam, contagium hoc (sive atomi, sive odor, sive fracedo, sive aliud quid fuerit) à corporis natura alienum sit; necesse est, sit incorporeum aliquid. Et si porrò inquirentibus, illud neque spiritum, neque dæmonem, neque animam, neque partem aliquam animæ, neque quid habens animam, esse planè constet, (ut variis argumentis & experimentis à me demonstrari posse arbitror;) quid superest, cum aliud imaginari nequeam, nec aliud quispiam hætenus, nè per somnium quidem, efflaxerit; quàm ut hæere mihi libidinem aquam liberè profiterar? *Qui autem dubitat, & admiratur*, inquit *Aristoteles*, *fatur se ignorare. Quare si, propter fugam ignorantie, ingenui viri philosophantur, patet, quod causa cognoscendi, & nullius usus gratia, ipsum scire prosequantur.*

Non itaque id vitio nobis vertendum est; si rerum cognoscendarum avidi, eoque nomine *loci nullius ante irita solo ad*

cantes. aliquid attulimus, quod primo intuitu, fictum aut fabulosum videatur. Nam ut omnia levi credulitate amplectenda non sunt; ita neque ea protinus repudianda, quæ acriter diuque perpensa fuerint; licet statim cornicum oculos non configant. Ipsemet Aristoteles librum scripsit, de mirabilibus auditis. Atque alibi ait: Non solum illis agenda sunt gratia, quorum opinionibus quis acquiescet; sed iis etiam, qui superficie tenus dixerunt. Conserunt enim aliquid etiam isti: habuerunt namque nostrum exercuerunt. Si enim Timotheus non fuisset, multum melodia nequaquam habuissimus. Si tamen Phrynis non fuisset, nè Timotheus quidem existisset. Simili modo & de illis est, qui de veritate asseruerunt. A quibusdam enim aliquas accepimus opiniones; qui dam verò, ut hi fierent, causa fuerunt.

Exemplo igitur tanti viri, eiusque auctoritate motus, nè totus ad destruenda solum aliorum dogmata compositus videar; malui sententiam fictam potius, quam nullam proponere: placuitque hic Timotheo Phrynin agere; locordiam nepe huius ævi, atque ignaviam excutere, studiosorum ingenia excitare, sinereque potius ut me loripedem rectus incedens irrideat, quam ut diligens rerum indagator inertie accuset.

Nullum profecto theorema magnificentius quaeris, nec didiceris utilius, quam,

quàm, quomodo omnia ex univoco fiât,
 quo pacto scil. idem semper idem proge-
 neret? idque non solum in rebus arte fa-
 ctis (itâ enim domus ædificat domum, fa-
 cies faciem depingit, & imago imaginem
 format) sed in iis etiam quæ ad animam
 spectant: nempe mens, procreat mentem;
 opinio, opinionem. *Democriti atomi*, &
Eudoxi summum bonum in voluptate si-
 tum, imprægnarunt *Epicurum*: *Empedo-
 cli* quatuor elementa, *Aristotelem*: veter-
 um Thebanorum dogmata, *Pythagoram*
 ac *Platonem*: & geometria *Euclidem*. Ad
 eandem hanc normam, filius nascitur pa-
 rentibus suis similis; virtutes etiam genus
 nobilitantes, & vitia hæreditaria, post
 longam aliquando annorum seriem, in
 nepotes transferuntur. Morbi quoque
 aliquid, sibi similes in aliis producant;
 in quo censu, sunt lepra, podagra, syphi-
 lis &c. Quid morbos memoro? atavorum
 etiam nævos, verrucas, & cicatrices, lon-
 ga subsequente serie aliquando ostendit
 progenies. *Quarto partus Dacorum* (in-
 quit *Plinius*) originis nota in brachio red-
 ditur. Mens, opinio, mores, qui nunc se-
 culum tenent; quidni multis abhinc an-
 nis (exoletis interea omnibus, quæ hodie
 in usu sunt) denuo recurrant? Nempe
 Creatoris æterni mens divina, rebus im-
 pressa, in conceptibus humanis procreat
 imaginem sui.

Superatis jam aliquot in hac re diffi-
 cul-

Arist.
hist.
 an. I.
 7. c. 6
 & de
 gen.
 an. I.
 1. c. 17
 L. 7.
 c. 11.

cultatibus, crescit mihi animus paulò nec
vosiùs de eadem agere : ut , quod à nobis
hactenus velitatim disputatum fuit, veri-
similitudinem saltem majorem obtinere
videatur. Simul etiam, ut, ad ardua hæc
penitiùs, inquirenda, studiosorum inge-
nia excitentur.

Sit itaque (ut rem clariùs ob oculos po-
namus) *A*, ovum fœcundam (materia
nempe futuri pulli) mobile & terminabi-
le in pullum, sive potentia pullus. Sit
etiam *B*, id quod ovum fœcundum red-
dit, & à subvestaneo discriminat; scil.
efficiens pulli, sive movens ovum & ter-
minans in pullum. Et *C*, pullus, vel fina-
lis causa, cuius gratia & ovum, & fœcun-
dans sunt: actus nimirum, sive ratio pulli.

Phyf. Habeamus igitur pro concessio (quod
1. 7. ab *Aristotele* demonstratur) omne mo-
9. 3. vens primum simul esse cum eo, quod ab
ipso movetur. Ea verò ab eodem] pro-
priissimè dicuntur *simul esse*, quorum ge-
neratio eodem tempore contingit: nem-
pe, ut movens & mobile unà actu sint,
positoque uno eorum, ponatur necessario
alterum; nimirum, præsentè effecto, ad-
sit simul eius causa.

Quandocunque igitur *A*, (scil. ovum
fœcundum) actu est; *B*, quoque (nempe
movens internum & efficiens, sive fœcun-
dans] simul actu existit. At verò quando-
cunque *B* actu est, inest pariter *C*, [saltem
aliquo modo] species nimirum pulli, sive

forma sine materia. *B*, enim est efficiens pulli internum; i. e. movens *A*, (ovum scil.) in *C*, nempe rationem pulli. Ut igitur omne movens simul sit cum suo mobili; omnisque causa, cum suo causato; necesse est, ut *C*, unà cum *B*, existat: quippe finalis causa, tam in natura, quam arte, reliquarum omnium prima est; movetur enim, & non movetur: Efficiens autem movetur, quia à causa finali impellitur. Inest enim quodammodo in omni efficiente, ratio finis; à quo illud, cum providentia operans, movetur.

Aristotelis autoritas nobis planè suffragatur: Principatum, inquit, inter causas part. generationis naturalis, illa obtinere vide- an. 1. tur, quam sub hoc verbo, cuius gratia, si- I. c. I gnificamus. Hac enim ratio est; ratio autem principium est pariter in rebus tam arte, quam natura constituendis. Vbi enim vel per intellectum, vel per sensum Medicus sanitatem, opifex ades definierit; rationes & causas rei, quam facit, reddere solet. & cur ita faciat, subjungit: quamquam illa, cuius gratia, causa, & ratio boni & pulchri; natura operibus potius, quam artis coniuncta est.

Finis autem, ait, est id cuius gratia; ut Phys. deambulandi, sanitas. Cur enim deamb- 1. 2. ulat? dicimus, ut bene valeat: & cum 3. sic dixerimus, putamus nos causam reddidisse, & quacunque igitur alio movente interiecta, finis gratia sunt: ut sanitatis

Cc

gratia

gratia sit extenuatio, vel purgatio, vel pharmaca, vel instrumenta: hac enim omnia finis gratia sunt. Et paulò post: Oportet autem semper summam cuiusque rei causam querere, quemadmodum & in altis rebus. Vt homo aedificat, quia est aedificator: aedificator autem est, secundum artem aedificandi: hac igitur causa prior est. atque ita se res habet in omnibus. Et proinde causam eam, qua prima movet, & cui

De gen. ratio inest & forma, meliorem magisque an. 1. divinam esse asserit, quàm materiam.

2. c. 1. In omni igitur animalium generatione naturali, tum materia ex qua, tum efficiens à quo, [nempe mobile, *A*, & movens *B*] animalis geniti aut gignendi gratia pariter sunt: quippe ambobus simul inest, quod movet & non movetur, nempe *C*: Ambo enim illa (sc. *A* & *B*.) simul mobilia sunt, & moventur; nimirum fecundans, *B*, (quod & movet, & movetur) & quod fecundum fit, *A*, nempe materia sive ovum, quod solum movetur, vel mutatur. Quamobrem si nullum mobile actu moveatur, nisi movens unà adsit; certè neque materia movebitur, nec efficiens quippiam efficiet, nisi simul primū movens aliquo modo adfuerit; forma scilicet, aut species sine materia princi-

De parum obtinens. Efficiens enim & generās, gen. (secundum Arist.) qua talia sunt, ad id an. 1. pertinent, quod efficitur, & generatur. S. 2. c. 4. itaque syllogismus ex primis necessarius:

Quan-

Quandocunque *B* est in actu, simul etiam *C* est in actu [nempe aliquo modo movens)

Quandocunque *A* est in actu, *B* est in actu;

Ergo, Quandocunque *A* est in actu, simul etiam *C* est in actu.

Generatio sanè naturalis, & artificialis, eodem modo se habent. Vtraque enim alicuius gratia fit, & similiter ex providentia quadam in finem propositum operatur: utraque etiam à concepta forma aliqua sine materia movetur primò, & per conceptionem producitur. Cerebrum nempe est conceptionis huius organum, [ars enim est ratio operis,] *abjuncta omni Materia* [in anima, cujus organum est cerebrum,] illius verò, uterus, vel ovum.

Conceptio itaque uteri vel ovi, similis erit (aliquo saltem modo) ipsius cerebri conceptioni; finisque pariter eodem modo utrique inerit. Nempe, inest species sive forma pulli in utero vel ovo, sine ulla materia: quemadmodum in artifice inest ratio sui operis; ut putà in edificatoris cerebro, ratio domus.

Quoniam verò *70* inesse forsàn equivocum est, & res simul esse multifariam dicuntur; ideo dicimus & asserimus, speciem futuri pulli & formam immaterialem, esse aliquo modo causam prægnationis sive fecunditatis uteri: quia, post coitum,

coitum, nihil corporeum in eodem reperitur.

Quomodo autem causa hæc immaterialis, tanquam principium, utero pariter ac cerebro insit, & qua ratione conveniant inter se, vel ab invicem discrepent; conceptus cerebri, & uteri; sive ars, & natura; & quo pacto id quod fecundat (nempe efficiens procreandi animalis, internum) similiter insit in mare, atque ejus genitura; in femina, & ejus utero, in ovo etiam, seu opere utriusque misto, & quænam sit in iis differentia: posthac, cum universum de omnium animalium generatione agetur, (etiam eorum, quæ per *metamorphosin* oriuntur, insectorum scilicet, & sponte orientium, in quorum ovibus sive primordiis, ut & alio omni semine, species sive forma immaterialis, tanquam principium movens eorum quæ procreanda sunt, planè inest;] & cum de anima, ejusque affectibus; quomodoque, ars, memoria, atque experientia, cerebri solùm conceptus sit; dicetur; copiosè similit, atque luculenter explicare conabimur.

E L E N C H V S

EXERCITATIONVM.

A B Ovo Gallinaceo cur ducatur exor-	
dium. Exerc. 1.	Pag. 1
De Generationis loco. 2.	3
De uteri Gallinae parte superiore, sive	
ovario. 3.	5
De Infundibulo. 4.	15
De Gallinae uteri parte exteriori. 5.	17
De Gallinae vulva. 6.	31
De Gallinae aliarumq; avium ventre. 7.	38
De reliquarum uteri partium, in Gallina,	
situ, & fabrica. 8.	43
De Generatione Ovi. 9.	48
De Ovi incremento & exitu. 10.	49
De Ovi Cortice. 11.	52
De reliquis Ovi partibus. 12.	63
De Ovorum differentiis. 13.	69
De generatione fatus ex Ovo gallinaceo.	
Exerc. 14.	83
Prima Ovi inspectio: sive, quid primus	
incubationis dies in ova produxerit.	
Exerc. 15.	87
Secunda Ovi inspectio. 16.	92
Tertia Ovi inspectio. 17.	96
Quarta Ovi inspectio. 18.	109

E L E N C H V S

Quinta Ovi inspectio. 19.	121
Inspectio Sexta. 20.	127
Inspectio post diem decimum. 21.	129
Inspectio post diem decimumquartum.	
Exerc. 22.	133
De Pulli exclusione, sive partu ex Ovo.	
Exerc. 23.	139
De Ovis gemellificis. 24.	144
Porismata quadam ex predicta Ovi historia desumpta. 25.	147
Quid sit Ovum. 26.	148
Ovum non esse opus uteri, sed animæ.	
Exerc. 27.	161
Ovum non fieri absque Gallina. 28.	168
Quomodo Ovum perfectum, et fecundum fiat à mare & fœmina, secundum Aristotelem. 29.	172
Disquisitionis huius, de fecunditate utilitas. 30.	178
Ovum non eo modo à Gallo & Gallina provenire quo voluit Aristoteles.	
Exerc. 31.	180
Neque eo modo, quo Medici arbitrantur.	
Exerc. 32.	182
Marem, & fœminam pariter efficientes esse Generationis. 33.	184
De Ovi materia contra Medicos & Aristotel. 34.	186
Quatenus Gallina sit efficiens in generatione	

EXERCITATIONVM.

tione ovi, ex sententia Aristotelis? &	
cur maris auxilio opus sit? 35.	191
Ovum Gallinaceum perfectum est bico-	
lor. 36.	194
Quomodo Ovum albumine augeatur.	
Exerc. 37.	198
Quid Gallus & Gallina generando ovo	
conferant. 38.	201
De Gallo quedam notatu digna. 39.	204
De Gallina. 40.	209
Quomodo Gallina dicatur efficiens primus.	
deque eius partu. 41.	217
Quomodo fiat generatio Pulli ex Ovo.	
Exerc. 42.	223
Quot modis Pullus ex Ovo fieri dicatur.	
Exerc. 43.	226
Fallitur Fabricius, circa materiam gene-	
rationis Pulli in Ovo. 44.	230
Quanam sit Pulli materia, & quomodo	
fiat in Ovo. 45.	238
De causa efficiente generationis Pulli, &	
fetus. 46.	248
Efficiens causa Pulli, quomodo operetur,	
secundum Aristotelis. 47.	254
Sententia Fabrii, de causa Pulli effi-	
ciente, refellitur. 48.	263
Causa Pulli efficiens; inquisitu ardua.	
Exerc. 49.	269
Qua sit animalium causa efficiens; eius-	
que	


E L E N C H V S.

que conditiones.	50.	276
De Generationis ordine: & primum, de particula genitali prima.	51.	294
De Sanguine, prout est pars principalis.		
Exerc.	52.	305
Quenam colligenda veniant, ex ductu venarum umbilicalium in Ovo.	53.	324
De oraine partium in generatione ex ovo, secundum Fabricium.	54.	332
De ordine partium in generatione ex sententia Aristotelis.	55.	346
De ordine partium in generatione, ut ex observationibus constat.	56.	358
Paradoxa quaedam, & problemata, circa hanc rem pensitanda.	57.	376
De nutritione Pulli in Ovo.	58.	388
De totius Ovi utilitatibus.	59.	399
De vitelli & albuminum utilitatibus.		
Exerc.	60.	403
De caterarum Ovi partium utilitatibus.		
Exerc.	61.	417
Ovum esse primordium commune omnibus animalibus.	62.	421
De Generatione Viviparorum.	63.	428
Historia Generationis Cervarum, & Damarum, ceu reliquorum viviparorum, exemplar, ponitur: factique ratio redditur.	64.	435
De cervarum, & Damaru utero.	65.	437
De		

EXERCITATIONVM.

De Cervarū. & Damarum coitu. 66.	447
De Constitutione, sive immutatione uteri Cervarum, & Damarum, mense Sep- tembris. 67.	451
Quid ys eveniat Mense Octobris. 68.	453
Quid in utero Damarum contingat, men- tingat, Mense Novembri. 69.	459
Conceptus cervarum, & Damarum ut se habeat, mense Decembri. 70.	475
De calido innato. 71.	489
De humido primigenio. 72.	506
De Partu.	515
De vteri membranis, & humoribus.	557
De Conceptione.	589

F I N I S.



f f + + | |||||

